

62855/13

9.16d

The Library of the
Wellcome Institute for
the History of Medicine

MEDICAL SOCIETY
OF LONDON

Accession Number

Press Mark

MAZINUS, J.B.

Digitized by the Internet Archive
in 2019 with funding from
Wellcome Library

<https://archive.org/details/b30540100>

MECHANICA
MORBORUM.

!

MORRISON
ALEXANDER

MECHANICES MORBORUM

DESUMPTÆ

A MOTU SANGUINIS,

AUCTORE

JOANNE BAPTISTA
MAZINO

Philosopho & Medico Brixiano,

PARS PRIMA.

Editio secunda post Brixianam primam
diligenter correctæ.



OFFENBACI AD MOENUM,

Veneunt apud JOH. LUDOVICUM KOENIG, Bibliopol.
M DCC XXXI.

THE
LIBRARY
OF THE
MUSEUM OF
NATURAL HISTORY
OF THE
CITY OF
NEW YORK

1872

NO. 1000

1872

1872


1872

1872





NOI REFORMATORI DELLO STUDIO DI PADOA.

 Vendo veduto per la Fede di revisione, ed appro-
batione del P. F. Tommaso Maria Gennari Inqui-
sitore, nel Libro Intitolato: *MECHANICA
MORBORUM DESUMPTA A MOTU
SANGUINIS; AUCTORE JOANNE BA-
PTISTA MAZINO, PHILOSOPHO AC
MEDICO BRIXIANO*, non v'esser cosa alcuna
contro la Santa Fede Cattolica, e parimente per Attesta-
to del Segretario; niente contro Principi, e buoni co-
stumi, concedemo Licenza a Gio: Maria Rizzardi Stam-
patore in Brescia, che possi esser stampato, osservando
gl' ordini in materia di Stampe, e presentando le solite
copie alle Pubbliche Librerie di Venezia, e di Padoa.

Dat. 30. Marzo 1723.

- () *Carlo Ruzini Kav. Proc. Rif.*
- () *Alvise Pisani Kav. Proc. Rif.*
- () *P. Pasqualigo Rif.*

Agostino Gadaldini Segret.

Universum motus est, & aliud prater motum nihil; motus verò species duæ, & multitudine quidem utraque infinita: potentia autem altera in agendo, altera in patiendò versatur, ex harum congressu, compulsuque mutuo affectus eveniunt numero infiniti. Plato in Thæteto vel de Scientia.

Quæ moventur, aut natura moveri omnia, aut vi, aut voluntate. Cicero de natura Deorum lib. 2.



BENEVOLIS MEDICINÆ TYRONIBUS.

Cùm sapientissimo hoc Seculo Mira legere-
rim à Celeberrimis Viris elaborata, quæ
Naturæ opera Geometricè & Mechanicè
agerent, cùmque Medicam Praxin agens sæpissi-
mè observaverim plurima Morborum Phæno-
mena à Sanguinis Motu eruta, scienter explicari
non posse, nisi Mechanicæ leges operam & ma-
num traderent; propterea studiis melioribus, ut
puto, Conjecturis Mechanicas plurimum Morbo-
rum causas à Sanguinis Motu venari: Præcipuum
itaque hujus operis officium est, multorum Mor-
borum causas quærere tantummodò à Motu
sanguinis, imposterum daturus operam, ut reli-
quæ etiam morborum species à Mechanico Soli-
dorum Motu quoad porero eruantur; Ibi tamen
monen-

monendum est, me non ubique morborum causas Mechanicis legibus acturum, cum non ubique aptè possint convenire; hæc siquidem non coactè vocandæ sunt, sed solum, quas naturalis ratio loci commodè postulaverit; Quamobrem laborem hunc, quàmvis laconico sermone exaratum tres in partes, claritatis gratiâ dividendum putavi, in quarum primâ, præcipuos Massæ Sanguineæ Motus indicandos aggredior; in secundâ Pulmonum morbos; in tertiâ Ægritudines extra Regionem Pectoris à vitiato Motu sanguinis oriundas raptim ostendo: Hac Methodo sperandum credidi, me si non vera assequi posse, saltem in tam arduis Naturæ phænomenis probabiliora assequuturum: Interim Tyrones Benevoli hæc quàmvis plana, & Tyronibus accommodata, patienti animo excipite; quærenda enim Veritas est.



MARIÆ VIRGINI DEIPARÆ

JOANNES BAPTISTA MAZINUS
D. D. D.



*In multumque mihi in votis
fuit MARIA VIRGO DEI-
PARA Opusculum aliquod,*

*licet exigua, seu nulla verius arte politum tibi
donare, ut si illud minus pretio, tui certè no-*

]] minis

EPISTOLA

minis splendore è tenebris vindicarem. At licet ad hoc praesidium comparandum, & ad hanc grati animi significationem praestandam voluntas studiosa compelleret, dignitas tua, & amplitudo, & majestas terris, & Caelo verenda retrahebat, quasque dabat necessitas vires, timor adimebat; servandum tamen necessitati putavi, tuique nominis aliqua saltem ex parte augendam gloriam, quo nihil utilius, nihil jucundius, nihilque superis omnibus charius agi potest: His de causis Opus hoc meum de Mechanica Morborum desumpta à Motu sanguinis, tibi dedico, consecroque, vel potius adfero, quod tuum est; cum revera, quodcunque sit, tibi acceptum referam; tu enim Divina tua ope mihi scribenti semper adfuisti, tu lucem ingenio, tu intelligendi vim menti addidisti, omnibus illis difficultatibus ademptis, quæ ab hoc studio me abducere potuissent. Tuo fretus patrocinio (non enim video, cur etiam tecum loquens, non ea commemorare beneficia possim, quæ à te accepi, cum praefer-

DEDICATORIA.

praesertim memores, gratosque homines esse velis, sintque fortasse hac quae scripsi lecturi nonnulli, quorum animos ad Praceptorum meorum memoriam impensè studeo revocare) tuo inquam fretus patrocinio me ad Patavinam Academiam totius Italiae nobilissimam contuli, ut à præstantissimis Magistris ad Medicinam faciendam instituerer; Atque adeò tua mihi favit clementia, ut Celeberrimos illius Lycei repererim Magistros Dominicum Gulielminum, & Antonium Vallisnerium, modo Cæsaris Archiatrum, quorum quidem præstantia Mathematicis, Philosophicis & Medicis, quæ ediderunt operibus longè latèque perspecta est; In Patriam deinde reversus ad Clarissimum Virum Cyprianum Benaleam Sanctissimæ Cassinensis Congregationis Monachum accessi, ab eodemque maximarum rerum scientia ornato Geometriae principia assiduo labore didici, sed tanto viro diu mihi frui non licuit, illum enim sibi

EPISTOLA

Patavinum Gymnasium tanquam jure suo poposcit, Legum Interpretem futurum: tanto hoc Praeceptore, & tam subito destitutus, mœrens quarebam, quomodò incepta Geometriae studia utiliter proseguì possem, cum tu tandem AUGUSTISSIMA COELORUM REGINA intra illud, quod tuum est, tuoque à nomine nuncupatur Gratiarum Collegium, Discipulo Magistrum, & Geometriae Alumno dedisti Praeceptorem Geometram Julianum scilicet Bornatum doctissimum, integerriumque ex praeclarissima Societate Jesu Presbyterum: Is ex Nobili Bornatorum familia natus omni prorsus literarum scientia fuit ornatus; nam & excellens Philosophiae & Theologiae Magister, & bonus Poëta, in obscuris verò & reconditis; & multiplicibus, subtilibusque Mathematicis disciplinis ita perfectus extitit, ut ferè nunquam ei scientiae studuisse videretur, quin quod voluerit consequutus sit; Modestiam praeterea, animi dimissio-

DEDICATORIA.

missionem, vitæ probitatem in illo fuerunt semper, tum à suis, tum à cunctis nostræ Civitatis ordinibus, tum à me præsertim, qui familiariter cum illo agebam, perspecta, & cognita. Is per aliquot annos me Geometriæ præceptis imbuit, & diutius etiam imbuisset, nisi repentino, bonisque omnibus acerbissimo fato functus sui desiderium ægerrimè ferendum reliquisset; quod si ingenium mihi fuisset tanto Præceptore dignum, & in id studium incumbendi otium quotidiana Medica vitæ rationes dedissent, & tuis melius usus fuisset VIRGO muneribus & magis Præceptorum gloriam amplificavisset: Pudet me quidem VIRGO SANCTISSIMA, tot à te auctum beneficiis, negligenter adeo mihi consuluisse, ut ingrati animi notam nulla ex parte valeam evitare: Cum igitur nullus alius restet tibi gratiæ referendæ modus, quam ea tibi reddere, quæ tua sunt; opusculum hoc excipe, quod pluribus nominibus tibi deberi intelligo,

go.

EPISTOLA DEDICATORIA.

go, meque omninò felicem esse putabo, si & munus, & donantem non contempnas; hoc unum te etiam, atque etiam rogo, ut imposterum studia, animum, meque totum dirigas, ut tibi semper, & Cælo vivam; in hoc enim uno vera invenitur felicitas; cumque me jam ex magna hujus maris jactatione beatam terram attingentem aspicias, illud oro, obtestorque MARIA VIRGO DEIPARA, ut & tempestatum vim superare, & prædonum impetus frangere per te possim.



MECHANICA MORBORUM

DESUMPTA
A MOTU SANGUINIS.

DISSERTATIO PRIMA.



Ulgare, ac tritum adagium est apud Philosophos, quòd *ignorato motu ignorari naturam necesse est*: propterea cum Mechanicam Morborum Theoriam, quantum possibile est, eruere à natura decreverim, consultum fuit primò, hanc à sanguinis motu venari: Etenim cùm massa sanguinis quorumcunque humorum origo sit, ac basis, ex qua actiones omnes emergunt, sive sanæ, sive ægræ; procul dubio ex æqua, aut mala ratione motus massæ sanguinis, quoscunque pariter humores, aut æquo, aut iniquo motu moveri necesse est: junctis itaque motuum viribus, qua ratione natura aut pati, aut feliciter sustineri debeat, juvat inquirere; quare ibi visa est mihi congruere Platonis sententia in Timæo, *Oportet mentis, & scientiæ amatorem principales sapientis naturæ causas quærere, eas quæ necessariò ab aliis quidem moventur, alia verò movent*. De universali itaque motu massæ sanguinis per arterias, ac venas acturus, quantum rationalis conjectura docuerat, necessarium putavi sedulò studium agere, ut primò intestinus particularum, seu elementorum sanguinis motus inquiratur; hoc enim cognito quid boni, quidve mali ferendum sit,

A

quoties,

quoties, aut naturalis motus, aut præternaturalis extiterit, licebit facile invenire; intento juvabit sanguinei fluidi analysis; cum autem injuriâ tentaverint Philosophi texturam sanguinis vocare ad trutinam, adhuc per vasa circulantis, oportuit Celeberrimum Lewenhockium, sanguinem mox à vena extractum curioso Microscopio rimari: Sanguis itaque duas in partes separari visus est, quarum una *fluida* est, *concreta* altera; pars concreta duplici videtur parte componi, quarum una albescens est, aut subflava, quæ ex fibris invicem complicatis retis in modum stringitur, & reticulare sanguinis crassamentum constituit; hoc ipsum observarunt Celeberrimi Viri Boiléus, Bohnius, & Malpighius: ex fibris autem reticulariter positis efformantur areæ, seu interstitia, per quæ serum sanguinis, & globuli rubri decurrunt: altera pars concreti sanguinis rubicunda est, quæ tota ex minimis globulis determinato ordine commixtis componitur; hujusmodi autem rubentes globuli ex aliis globulis coagmentantur invicem super stratis, qui docente Lewenhockio à propria figura plano-ovales appellantur; isti natura sua albicantes sunt, & diaphani; cæterum si plures invicem superponantur, quorum numerus globulorum superpositus senarius sit, tunc purpureum colorem figurant; si verò plures supra senarium numerum accumulentur globuli plano-ovales, tunc ruboris saturitas, & color subobscurus exoritur; ex his planum est invenire, cur in aliquibus cancris, & nonnullis piscibus sanguis albefcat; etenim cum in hisce numerus globulorum plano-ovalium superstratus à senario numero multum deficiat, opus est colorem non purpureum, sed albicantem figurari.

2. Altera pars sanguinis, quæ *fluida* est, serum appellatur, quod, & ipsum duas in partes dividitur: una quidem concrescibilis est, & serum concrescibile à Medicis appellatur, eò quia igni expositum post integram ferè evaporationem relinquit gelatinosam substantiam, quæ continuato calore in osseas, & consimiles lamellas densatur. Hujusmodi autem feri concrescibilis portio juxta nonnullos non distinguenda videtur à fibra reticulari crassamenti sanguinei superexpo-

perexpositi; alia verò pars fluida est tenuissimæ aquæ simillima, quotiescumque naturali jure se habeat, aliquando verò turbida est, aliquando flavescent, cùm à naturali statu recesserit, aliquando autem lactescens, quoties chylo nondum subjugato misceatur: Serum hoc sanguinis observante Malpighio, si supra vitrum exsiccentur, donat in, ejus superficie, & vitriolica, & aluminosa, & tartarea, & nitrosa, & falso - muriatica, aliorumque generum salia, præterea ex Boilèi experimentis judicandum putat Doctissimus Gulielminus partem serosam, seu fluidam esse ad partem consistentem sanguinis in ratione triplâ, seu ut 3. ad 1.: Ulterius ab instituto deficerem, si negligenter omitterem, globulos rubros elaterio donatos esse, observante enim Lewenhockio sanguinis globuli transeuntes per quaslibet locorum angustias pressionem patiuntur, ut figuram prorsus mutant, ovales enim fiunt, & cuicumque pressionem se se eleganter accommodant, tamdiu postea pristinae figuræ restituantur, quoties superatis angustis ampliori in spatio devolvantur: Cum itaque Animal aëre, & chylo indigeat, ut vivat, & in aëre, & chylo cujuscumque generis corpora salina, sulfurea, terrea, aquea &c. recondantur, jure optimo credendum est, massam sanguinis ex aëre, & chylo compositam, ab aëre, & cibo cujuscumque generis corpora mutuari; hæc autem suas habent moles, & figuras, & unicuique concessa est peculiaris ratio motûs, & sitûs, juxta naturalem molis, figuræ, & gravitatis specificæ exigentiam. (a)

3. Hæc omnia Philosophis, & Medicis communia sunt, & prout à Boilèi experimentis confirmata tutò omnes exceperunt; Verùm cùm particulæ sanguinis tribus præcipuè motibus naturaliter affici mihi semper visæ sint, quibus Animalis Oeconomia continuò, & mirum in modum volvitur, & sustinetur; quorum primus *motus pressionis est*, Tres præcipui motus in massa sanguinis, seu *impulsus*; secundus *separationis*, tertius vero *assimilationis*: propterea præcipua horum motuum, tum naturalia, cum præter-

A 2

(a) Vide Levvenhockium, & Gulielminum de naturâ & constitutione sanguinis.

præternaturalia phænomena inquirere prius necesse est; Itaque quod ad *pressionis, seu impulsus motum* pertinet, quem in canalibus sanguiferis altè sustinet massa sanguinis, tria conspirant; *motus nempe cordis; arteriarum systoles seu constrictionis; & vis elastica elasticarum particularum* massæ ejusdem. Itaque apertum est omnibus, Cor à fibris varii generis undequaque circumseptum quacumque systole urgere sanguinem in arterias, qua alternatim recurrente impulsus sanguis antecedentem premit homologo impetu, dummodo omnia naturaliter se habeant; quare successiva actione sanguinis impellentis, & reactione ejusdem impulsi componitur quædam ratio motus, quæ universa elementa sanguinis quaquaversus premens arterias conicè euntes extrorsum aperit: Licet verò momentum cordis assequi posse non solum arduum sit, verum etiam penè impossibile, ut inferius (num. 15.) patebit; nihilominus certum est fore validissimum: etenim Cor non solum sanguinis quantitatem certa cum velocitate debet expellere, verum etiam superare debet resistantiam, quam sanguis præcedens per omnes arterias fluens sequuturo opponit; ulterius adest resistantia attritâs massularum sanguinis cum internis parietibus, curvaturis, & angulosis inclinationibus vasorum, & resistantia tenacitatis massæ sanguinis, ex quibus omnibus necessario componitur ea ratio reactionis contra vim cordis, quæ nisi à validissima actione, aut validissimo momento cordis vincenda est: Impellitur itaque sanguis à validissimo motu cordis, & impulsus sanguis tot resistantias inveniens elasticas arterias necessario extrorsum urget; quoties verò arteriarum dilatatio eò devenerit, ut dilatari naturaliter arteriæ ultro non possint, cogentur lege elasticorum corporum ea ratione contrahi, quâ antea fuerant dilatatæ; post dilatationem itaque contrahuntur arteriæ, à qua contractione novam sustinet pressionem massa sanguinis, urgenturque versus axem canalis arteriosi contenta elementa massæ ejusdem: ibi tamen animadvertendum est, quòd sicuti majores arteriæ cordi viciniores, tum ratione majoris impetus, quem à proximo corde excipiunt, cum ratione majoris quan-

titatis

titatis sanguinis, quam cæteris paribus majores arteriarum sectiones amplectuntur, quacumque Syistole majori momento dilatantur: ita vicissim majori quoque momento proportionaliter contrahuntur, quare in hisce majoribus præcipuè arteriarum sectionibus probabile putaverim, massam sanguinis non solum ex glutinosis, ac viscidis, verum etiam ex tenuibus, mobilibusque particulis permixtam à contractionis momento sanguinis massulas versus centrum canalium deferri quidem debuisse, hac tamen servata lege, ut tenuiores particulæ facilius, ac citius, glutinosæ verò, ac viscidæ difficilior, ac tardius versus axem deferantur: Verum in minoribus canalium sectionibus, & præcipuè in minimis arteriis à corde remotioribus, in quibus actiones. & reactiones facilius accedere possunt ad rationem æqualitatis, & elastica vibratio, seu constrictio adeo infirma est, ac tenuis, ut ferè nulla videatur; aliter res agi videtur; etenim cum in his impetus à corde exceptus multum imminutus sit, & pauca adsit quantitas sanguinis, glutinosæ propterea, ac viscidæ particulæ ob elasticæ contractionis inertiam à vasorum parietibus difficulter recedunt; quin imò his facilimè adhærent: fluentibus interea feliciori motu subtilioribus particulis per lineam axis: Quamobrem facile est credere in majoribus præcipuè arteriis cordi proximioribus elementa sanguinis à majori vibratione earundem magis magisque pressionem, ac impulsus pati debuisse: Ulterius impulsus, sive impetus promoventur à momento particularum elasticarum, contentarum in massa sanguinis; etenim cum in hac præter globulos plano-ovales adsint corpora aërea, & alterius fortasse generis, quæ elasticis viribus prædita sint, cumque elastica corpora ad eam figuram se se restituant, à qua prius vi pressionis recesserant; certè solidis durisque particulis permixta tantum dilatari quamproximè debent, quantum à massularum durarum momento pressionem exceperint; deinde cum du-

ra, & solida corpora quocumque loco tangere, ac premere possint elastici corporis superficiem, quaquaversus quoque elastica corpora compressa urgebunt, impellentque solida, quapropter duræ, & elasticæ particulae invicem commixtæ prement, & prementur, urgebunt, & urgebuntur; sicque tota massa sanguinis à motu cordis, à contractione arteriarum, & ab elastica vibratione particularum sanguinis quaquaversus pressa mutuis impulsibus continuò erit in arteriis agitanda, ut quoque circulationis motu volvatur.

4. Hujusmodi motus pressionis valde necessarius est in arteriis, ut debita fiat corporum contentorum in massa sanguinis resolutio; enim vero cum sanguis sit fluidum viscidum ex cohærentibus solidis, fluidisque particulis in datâ (num. secundo) ratione compositum, certè filamenta sanguinis, cum per minimas canalium sectiones usui naturæ trajici faciliè debeant, reducenda procul dubio prius erunt sub dimensionibus quodammodo infinitè parvis: huic autem operi apprimè conducit iste pressionis motus; etenim massulæ corporum, aut similium, aut dissimilium undequaque impulsæ à se invicem paulatim sejungi conantur; rumpuntur enim continuo motu pressionis nexus earundem inter se, & quæ primò compositæ fuerant minus compositas paulatim fieri necesse est; verùm cum massulæ quælibet magis magisque minuantur, quàm earundem superficies, & massulæ cæteris paribus sint ut pondera, colligi potest, hujusmodi solida sub minori mole reddita, & sub minori pondere à sero sanguinis circumambiente ob majores massularum relictas superficies faciliùs sustineri; deinde motus pressionis concrescibilibus seri filamentis utilissimus est; motu enim pressionis atteruntur, & scinduntur filamenta sanguinis, minusque resistantia fiunt, ut à cæteris particulis hinc inde agitatæ faciliùs trajiciantur, unde serum fluidius redditum opportune missioni suspensorum corporum aptè conducit: licet autem fluidiori in sero suspensa invicem misceantur, nihilomi-

nihilominus hujusmodi mixtio non prohibet, quin data loci oportunitate à se invicem separari facilius possint; etenim solida, & viscida corpora taliter resoluta sub minori mole, ac pondere, quaquaversus prompta ad motum facile fiunt, quamobrem taliter disposita corpora non solum separationi exequendæ facilius accommodantur; verum etiam una cum sero per angustissima, tum vasculorum, cum glandularum foraminula permeare liberiùs, commodiùsque possunt; Porro talis resolutionis opere elementa sanguinis unà cum sero ad quandam æquilibrîi rationem acquirendam disposita fiunt: Verùm cum tota naturalis æquilibrîi proportio in proportionali numero, pondere, mole, ac motu corporum cum debita pariter feri quantitate, in qua liberè innatare debent, experimentis ac rationibus niti videatur; ideò præstat ibi primò animadvertere, quòd si sulfureæ, salinæ, aut alterius generis seu consistens portio sanguinis fuerit ad partem serosam, seu fluidam in ratione 1. ad 3. ut Illmus Boiléus, aliique celebres Philosophi toties in naturali massa sanguinis experti sunt, tunc facile emerget unum naturalis æquilibrîi attributum, nempe debitus corporum numerus; tali enim numero partium determinatarum sustinetur non solum debita contiguitas corporum mobilium in massa sanguinis, verùm etiam specificum, & naturale pondus eorundem, quo corpora quælibet debita feri quantitate velut in statera æquilibrantur; moventur siquidem undequaque massulæ omnes, sed tali lege, ac proportionem contactûs, mixtionis, ac ponderis cum aqueis particulis, ut aquea portio ad solidas, seu consistentes particulas sit semper in ratione tripla, aut quasi tripla; ita ut remaneat quantitatis aqueæ ad quantitates solidas, aut consistentes hæc determinata ratio majoris inæqualitatis, quæ est inter 3. ad 1. : Non solum autem necessaria est hujusmodi ratio inter fluida, & solida, seu consistentia corpora, verùm etiam necessaria proportio esse debet inter solida corpora unius generis, & solida corpora alterius,

alterius, videlicet inter salina, & sulfurea, & alterius cujuscumque generis inter se, quæ ratio licet determinari nullatenus possit, nihilominus certum est tantorum corporum proportionem inter se admitti debuisse, ut natura motus suos æquabiliter regat; sic enim inter aggregatum horum corporum fiet quodammodo proportionis æquilibrium, quo in statu naturali serum cum aliis corporibus, & hæc cum sero, & inter semetipsa solida, & consistentia corpora determinatam corporum, & momentorum numero, pondere, & mensura proportionem sustineant: Cæterum si corpora sulfurea, salina, & alterius generis tali numero excedant, ut supra serum expositam proportionem superent, tunc hujusmodi corpora serum undequaque tali amplexu nimis stringent, ut tandem quodammodo obruant; sic massa sanguinis excedenti partium numero densior facta, & cum densitates sint ponderibus proportionales, gravior quoque reddita à debito momentorum æquilibrium recedet; tali propterea vitio correptus sanguis tardiori pede fluet, & consequenter facile deponet corpora, obstructions in glandulis, & finitimis vasorum osculis inflammationes paratura; Ulterius Cor altè laborat sanguinem graviolem expulsum, & musculi inertis motu peristaltico progredientes tractu temporis innumera mala parturient; Ita etiam si hujusmodi corpora non solum numero, verum etiam dissimili mole, ac figura peccaverint, nec per excretorias glandulas; quantum par est à massa sanguinis separentur, tuuc cum ista ad cætera corpora numero, mole, & figura naturaliter se habentia majorem rationem habeant, necessario ex tot dissimilibus corporum momentis auferetur debita æquilibrii ratio, quæ justam sanguinis temperiem, & debitum motum constituit, unde febriles motus procul dubio emergent, chronici, ut plurimum, & intermittentes: Ita gravius fortasse vitium aliquandò fuerit, si solida corpora salina præcipuè numero minora fuerint, quam par est; tunc enim massa sanguinis levior, mobiliorque facta, magisque

gisque prompta ad motum, & supra modum exaltato ulterius sulfure ruet in motus citissimos, nullâque lege mota continuas febres erit allatura.

5. Quamobrem necessaria supramodum est *Proportio motus corporum*; etenim corpora contenta in sero sanguineo tali ratione, ac lege moveri debent, ut cæteris paribus motus corporum in uno spatio vasorum sit proportionalis motui corporum in alio spatio eorundem, & sic successivè; quare quilibet motus corporum in uno spatio vasorum similem rationem habere debet ad quemlibet motum corporum in alio spatio, ut omnes motus corporum simul sumpti in uno spatio vasorum sint homologi omnibus motibus corporum simul sumptis in alio spatio eorundem, sicque cum particulæ aqueæ corporibus quibuscunque circumpositæ sint, hæ proportionali impetu impulsæ proportionalibus quoque momentis movebuntur, ut tota massa sanguinis cæteris paribus homologo semper pede decurrat æquo naturæ beneficio: Ulterius ut habeatur proportionalis ratio motuum, necesse est corpora specificè leviora, eo quantitate, ac numero gravioribus minora esse, quo leviora cæteris paribus velociora sunt, magisque ad motum disposita; sic enim data tali ratione reciproca quantitatis corporum cum eorundem velocitatibus singulorum corporum momenta, ac vires debita ratione æquabuntur, quibus momentis massa sanguinis æquilibrata æquabiliter motus suos exercebit cum actionibus inter se æquabiliter proportionalibus: Verum si aliqua corpora quantitate, & motu majorem rationem habeant ad alia, manifestum est, quam facillè momentorum rationes inter se dissentire debeant, quamobrem massa sanguinis multiplicibus momentorum legibus inæqualiter agitata febriliter moveri conabitur: Serum quoque non leve vitium affert, quotiescumque aut deficiat, aut excedat; sero enim deficiente cætera corpora forti nimis contactu, ac amplexu inter se stringuntur, ut motus suos exercere liberè quaquaversus inepta sint, adepto ex majori corporum contactu, majori pariter momento densitatis,

fitatis & gravitatis; si verò excedat, contenta corpora majoribus in spatiis natant, nec eam legem opportuni contactus inter se servare apta sunt, quæ naturali fluido sanguineo necessaria est; laxatâ propterea texturâ sanguinis in excedenti feri copiâ salina corpora sub minimis dimensionibus reddita nimium exsolvuntur, & sulfurea in statu inertiae reddita ineptè pigrescunt innumeris naturæ periculis; languescunt enim fluida omnia, & solida quælibet enervantur: super omnia lædunt naturalem proportionem motus sanguinis sulfureæ massulæ, quoties harum excessu momentum sulfuris momento feri majus fuerit; tunc enim sulfureæ massulæ sero copulatæ compositum efficient majori superficie circumscriptum, quam serum ipsis corporibus æquiponderans, & consequenter ex hydrostaticis tale compositum levius fiet, quam par est, quare serum & sulfur motibus faciliè præternaturalibus adeò movebuntur, ut communicatâ cæteris quoque corporibus agitatione, tota quanta est massa sanguinis violento motu volvatur: fovet ultrò impetum vis elastica globulorum plano-ovalium, quæ licet determinari verè non possit, tamen magnam esse certum est; etenim si in hac re liceat philosophari, cum calor præternaturalis in sanguine fiat ut plurimum à causis quibuscumque externis particulas præcipuè sulfureas sanguinis agitantibus, (a) cumque calor consistat in concitatioe particularum motu, sitque calor, ut impressiones particularum corporis calidi in quopiam objecto corpore calorem excipiente; impressiones verò sint in ratione composita ex duplicata celeritatum, & simpla densitatum particularum calidarum, proculdubio etiam calidæ sanguinis particulæ concitatiore motu agitatæ ab externa causa probabiliter accedent ad talem rationem compositam ex duplicata velocitatum, & simpla densitatum earundem, quomobrem calidæ præcipuè sulfurum massulæ tali ratione urgebunt objectas, & sibi proximas globulorum plano-ovalium particulas: cum autem istæ elaterio ulterius præditæ

(a) Per prop. 85. de motu intestino fluid.
Hermannii Phorone.

præditæ sint , vi cujus compressæ conatus suos exercent , ut ad majus spatium , & ipsæ extendantur ; idcirco clarum est , quantum extendi , & ad quanto majora volumina dilatari debeant plano - ovales particulæ , quoties à sanguinis particulis altè agitatæ , & præcipuè à calidis sulfurum massulis in exposita ratione urgeantur.

6. Ex hisce vitiis ardentes & acutæ febres supra modum sine frigore , ut plurimum sobolescunt , tamdiù duraturæ , quamdiù sulfureæ particulæ per loca excretoria separatæ fuerint , aut transpirationis opere aliò fuerint evolatæ , usque dum remaneat ea tantummodo sulfuris quantitas , quæ cæteris paribus juxta naturale æquilibrium primò fuerat proportionalis : ex his animadvertere facile est , quòd si principia , quæ primò vitiosè exaltantur , non sint sulfurea , sed salina , aut alterius generis , quorum naturalis dispositio ad motum minor sit , quàm velocitas particularum sulfuris ; tunc cum salina corpora cæteris paribus sulfureis graviora sint , figuris , quibus circumscribuntur nitrosis præcipuè , aut nitro analogis membranas cujuscumque generis taliter irritando frigoris & rigoris affectiones primò afferent , sic arteriarum & venarum membranæ irritatæ spasmodicis contractionibus crispantur , ut minoris sectionis fiant ; stringitur propterea massa sanguinis , ut pulsus eo tempore veluti suffocari videantur , usque dum paulatim exaltato sulfure , & salia ad statum fluoris , aut volatilitatis evecta unà cum cæteris particulis immodicè moveantur : Ulterius si lymphæ , aut aqua sanguinis quantitate peccaverit , ut ratio feri ad alia solida & consistentia corpora major sit quam 3. ad 1. ; tunc depresso sulfure & enervatis salibus sanguinis æquilibrium tollitur sine magno impetu tumultus , inde lenis calor , tenuis frequentia pulsum sine siti , ut plurimum sequi consuescunt , inde lymphaticæ febres exoriuntur ; Ex his colligendum putaverim , quocunque loco , ac situ vasorum , aut glandularum basin , aut sedem paroxysmi febrilis locari posse ; enimverò si quolibet loco vasorum , aut glandularum per aliquos canales,

ut per chylicos, aut lymphaticos, aut ab aëre per pulmones transmittantur corpora in vasa sanguifera, quæ sanguini associata mutant sensibilibus proportionem corporum inter se, aut debitam rationem motus eorundem, tunc necessario vitiosè moveri massam sanguinis necesse est, ut tota massa ad majus volumen extensa innumeris asymetricis motibus febriliter agitetur. Ex his quæ dicta sunt apertè constare potest, hæc omnia facile convenire posse cum iis, quæ de motu agitationis in sanguinea massa Celeberimi Viri, Gulielmus nempe de natura, & constitutione sanguinis, & Michelottus de separatione fluidorum in corpore Animali sapientissimè docuerunt.

7. Ibi redeundo aliquantisper ad motum pressionis dissimulare non possum, quæ diu suspicatus sum quærens motum sanguinis in arteriis; stetit enim anceps animus, num massa sanguinis à corde impulsâ in arterias lineam quandam spiralem describeret, quærendo ulterius, cujus generis futura esset hæc Curva spiralis? ad hanc meditationem nonnulla movebant animum, & primo motus cordis sese torquentis; cum enim Cor præcipuo fibrarum spiraliū momento sanguinem urgeat, & motus impulsu sanguinis dirigi facile debeat juxta directiones impressas fluido ab organo impellente, certè ex corde spiraliter revoluto sanguinem quoque spiraliter movendum esse per arteriarum longitudinem suspicatus fueram; Deinde cum arteriæ ipsæ à tribus fibrarum ordinibus vestiantur, quarum primus circularis est, rectus alter, qui circulares secant ad angulos rectos; tertius verò spiralis est, qui referente Diemerbrokio (cap. de arteriis) tum internam, cum externam tunicam obliquis fibris aptè munit, quâ in re Dominicus quoque Gulielmus (a) geometrico & mechanico artificio ductus spirales fibras amplexus est magnis operibus opportunas: Itaque sanguis spirali motu à corde suscepto, videtur, eundem aut similem motum per arteriarum longitudinem sustinere: enimverò relicto corde occurrunt fibræ spirales arteriarum, quæ spiralem

motum

(a) De natura & constitutione sanguinis.

motum à corde susceptum ulterius conservare aptæ sunt; deinde cum sanguis relicto corde variis motibus urgeatur eodem tempore in arteriis, quorum alter fit ab impetu cordis, quo per longitudinem arteriæ continuò impellitur, alter verò fit à motu elastico arteriarum, quo sanguis præcipuè in majoribus arteriis à circumferentia versus axem transversim impellitur, & cum hisce motibus accedat eodem tempore peculiaris alter motus, quem fibræ spirales earundem contento sanguini altè donant; idcirco ex hisce motibus eodem tempore sanguini impressis emergere videtur motus mixtus ex hisce compositus, qui cum nec totaliter rectus sit, nec omnimodè circularis, sed utriusque simul particeps; certè massa sanguinis à spirilibus præcipuè fibris ultrò mota, taliter moveri debet, ut motum mixtum, spiralem nempe, describere debeat, aut quasi spiralem, juxta quem per arterias imposterum videtur ire debuisse; Borellus quoque per vertiginosos motus (a) torqueri particulas, ut rectè misceantur indicare visus est; Verùm cum in hac re deficient experimenta, ac necessaria data, quæ meam suspicionem tutò firmarent, reliqui meditationem, contentus hæc tantummodò innuisse, ut futuri Geometræ, ac Mechanici feliciori ingenio, hujusmodi spirales curvas fortunata meditatione conentur sedulò invenire.

8. Præcipua pressiois & impulsus, quæ massæ sanguinis accidunt, beneficia, aut damna huc usque exposita sunt; cum modo, quo sanguis ab arteriis in varias viscerum glandulas necessario tranet peculiares liquores separaturus: cumque motus corporum continentium contenta corpora tali ratione urgere debeant, homologa, quodammodo motibus corporum continentium, suspicatus sum, sanguineum laticem in glandulis peculiarem à specifica glandularum structura motum probabiliter mutuari, ut separanda corpora aptè secernantur; Licet verò hanc rem Celeberimus Michelottus Doctissimo opere de fluidorum

Motus separationis

B 3

dorum

(a) Alphonsus Borellus prop. 99. & Scholio Tb. 2.
de motu Animalium.

dorum separatione plena manu tractaverit ; nihilominus studij gratia non verebor exponere conjecturas , quæ de motu separationis fluidorum per glandulas probabiles quoque mihi visæ sunt, præter ea , quæ summa virtute ac studio à tot Celeberrimis Viris Leibnitio , Johanne Bernollio , & Bernhardo Connoro felicissimè exposita sunt ; Antequam autem ulteriùs prosequar, fateor me pluries studuisse, ut naturalem glandularum structuram à Celeberrimorum Anatomicorum observationibus clarè perciperem ; verùm cum horum observationes anticipi pede ubique hæreant, alii enim vasculares , alii vesiculares , arteriarum quidem evanescentium ramulis venulis, nervis, & excretoriis canalibus, munitas conjecturâ potiùs , quàm experimento docuere ; quamobrem inter conjecturas Malpighii sententiam eligendam putavi , quæ glandulam à folliculo membranoso compositam , varioque modo contextam voluit ; huic autem sententiæ videtur quoque assentiri Doctissimus Morgagnus in Epistolâ ad supra laudatum Michelottum conscripta ; inquit enim : *Movent enim me ut par est gravissimi Anatomici Malpighii innumerae observationes , movet ista luculenta Clarissimi Litrii confirmatio , qui glandulas sine vesiculis non invenere ; has igitur in glandulis reperire necesse est.* An autem membranosi isti folliculi elaborati sint à dilatatione arteriæ evanescentis , aut à membranea quadam vesicula inter arterias evanescentes posita & vascula excretoria ? ibi anceps non inquirò , cùm instituto meo utræque res faveant ; enim verò (liceat in conjecturis conjectari ,) si glandulæ istæ separatrices elaboratæ sint ab extensionibus arteriarum ultimarum evanescentium , certè sagax Natura ubique provida talibus fibris munire debuerat , quæ evanescentes arterias tanto officio opportunas efficeret , à quarum viribus non pressiois tantummodo motus fieret , arteriis ubique communis , verùm etiam specifica motuum hisce evanescentibus arteriis donaretur , quæ specificæ separationi liquidorum aptè inserviret ; & sanè , si natura tot viscera officio diversa , diversa

sâ quoque figurâ, ac structurâ elaboravit, cur evanescentes quoque arterias non poterit variis fibrarum ordinibus ultrò vestire, quæ specificis motibus peculiarium liquorum separationi famularentur? Si verò glandulas membranis vesiculis elaboratas velis, hæ certè à natura specificis fibrarum ordinibus armandæ probabiliter fuerant, quæ peculiaribus quoque motibus peculiarium corporum separationi operam opportunè darent; Hisce præsuppositis refert Michelottus, tam Celebres Viros Leibnitium nempe, Bernollium, & Connorum in eam ivisse sententiam, ut crederent fluidorum separationes in quibuscunque viscerum glandulis non ea ratione fieri, ut pororum similitudo sit homologa figuris humorum, seu corporum separandorum, ut usque adhuc à plerisque judicatum est, sed summo consilio arbitrantur, universas corporis nostri glandulas à primo foetus exordio peculiari liquore saturatas fuisse, quæ postmodum toto vitæ cursu coguntur secernere consimiles succos illis homogeneos, quibus prima jam formatione fuerint saturatæ: Hanc separationis methodum nobilissimo, aptissimoque experimento confirmant; enim verò facta perfectissima mistione aquæ & olei, si velis aquam ab oleo secernere, sufficit chartam emporeticam aqua prius madefacere, cujus una portio postmodum immittatur vasi; tunc enim aqua oleo mixta poros chartæ aquâ madefactæ paulatim ascendet, & per reliquam chartæ portionem extra vas pendulam erit exterius elapsura: Verùm si oleum ab aqua separare placuerit, chartam emporeticam oleo prius immerge, & per poros chartæ oleo humidos felicissimè oleum separabis.

9. Præter hæc, quamvis aureo digna sint voto, peculiarem liquorum separationem in peculiaribus viscerum glandulis aliâ quoque methodo fieri posse suspicatus sum: Itaque certum est quæcunque Animalium Viscera, ut Lien, Hepar, Renes &c. suas habere glandulas peculiari, & specifica textura ac figura donatas; alia siquidem est figura & textura glandularum Hepatis, alia Lienis, alia glan-

glandularum Renalium figura & modus ; & sic de cæteris : Ulterius hæc diversa glandularum modificatio determinatur à diverso ordine ac textura fibrarum muscularium, nervorum, & membranarum ; musculares enim fibræ, nerveæ, & membranosæ, quæ renales glandulas texunt, diversam habent directionem & vario excurrunt ordine, ac fibræ nerveæ, musculares, & membranosæ, quæ Hepaticas, & Lienares glandulas construunt : Hæc omnia observante Malpighio aptissimè confirmantur (pag. mihi 225.) Animadvertit enim in Hepate, quòd glandulosi acini, quibus lobulus componitur, cùm peculiarem circumscriptionem habeant, necessario propria & ipsa figura, quæ ut plurimum Hexagona est, vel plurium laterum : Idem de Liene (pag. 300.) ostendit, quòd minimæ hæ glandulæ figuram habent ovalem. De Renibus verò (pag. 279.) clarè asserit. In Homine, aliisque consimilibus, levis undequaque ab omnibus licèt describatur Ren, attamen aliquando in adultis, & sæpè in fœtibus manifesto ejusdem compositio elucescit cùm exiguis portionibus altis rimulis sejunctis conglobetur, & in adulto etiam perpetuò interiùs hujus divisionis permanent indicia, diligenti etiam indagine asperam, & ulteriùs semidivisam observavi hujus superficiem, quod tamen ut clariùs pateat, Animalium nuperrimè natorum renes sunt excutiendi ; in his enim lobuli quidem multiplicium laterum emergunt rimulis circumsepti, quæ aucta, & provecta Animalis ætate, licèt ferè obliterari videantur, eorum tamen vestigia adhuc supersunt, varioque distinguuntur colore, nam rubedinem, vel etiam immissi liquoris per arterias, vel venas colorem referunt, & etiam contenti lobuli, sive renum exiguæ portiones, quæ carnis colorem remissiore retinent, ab his circumambiuntur : hæ renum subdivisiones non in sola superficie excitantur, sed intimè etiam penetrantes carnis aliqualem distinctionem efficiunt ; in bobus enim, exaratis superiùs Brutis, & in ipsomet Homine collectiones illæ insignes conspicuis foveis in aliquibus Brutis circumscriptæ tandem interiùs peculiarem figuram, & exactam distinctionem habent, videnturque referre plurium laterum Pyramidem, quæ præ cæteris patet in testudinum Renibus, & interiùs in ipso met homine, &c. Deinde hæc diversa fibrarum directio, diversus

diversus ordo, & varius figuræ & texturæ modus necessario afferre debet glandulis diversimodè elaboratis peculiarem quoque glandularum motum singulis glandulis proportionalem; peculiari itaque, & specifico motu moveri debet vi fibrarum specificè glandulam componentium Renalis glandula, peculiari quoque vibratione Lienaris, & Hepatica,

10. Hisce præhabitis eligamus ibi glandulas Hepatis, simili enim ratiocinio de cæteris quoque Viscerum Glandulis proportionaliter licebit philosophari, Cùm hujusmodi glandulæ sint biliosarum particularum separationi destinatæ, in has biliosas particulas ferax sanguis ab evanescentibus Hepaticis arteriis effunditur; ibi tamen cogitur sequi motum specificum glandularum continentium; In hisce enim hexagonis glandularum lacunis biliosæ massulæ [numero certè & momento majores cæteris ibi commixtis] inter se homogeneæ, ejusdemque superficiei, & indolis urgentur à specifico, & naturali motu glandularum Hepaticarum, ut opportunæ separationi accommodentur; verùm cùm methodus separationis ab ordine, ac lege motuum massæ sanguineæ glandulam ingredientis habeatur; ideò nonnulla prænotanda sunt, quæ motuum leges aperient futuræ separationi exequendæ opportuna; Primò itaque sciendum est, quantitatem motus sanguinis exeuntis à corde una systole (natura bene se habente,) semper futuram esse proportionalem quantitati motus ejusdem per foraminulum arteriolæ egredientis, & ingredientis glandulam eadem systole, ut tali ratione semper fiat glandulæ diastoles, cordis systoli proportionalis: Ut autem hæc obtineri possint, notandum est, quantitates motus liquorum per quævis foramina erumpentium, quæ viribus impellentibus proportionales sunt, esse in ratione composita ex rationibus duplicata velocitatum, simpla densitatum, & simpla foraminum, e quibus erumpunt; (a) Itaque cùm sanguis sit fluidum in statu naturali ejusdem

C

densitatis,

(a) Per prop. 31. Hermanni & per demonstrata à Michelotto de separatione fluidorum,

densitatis, ejusdemque gravitatis specificæ, cujus quantitas proportionaliter à momento cordis semper impellitur, ideò simili lege futura erit quantitas motus sanguinis, quæ per unum foramen effluit quacunque systole in ratione composita ex ratione quadrati velocitatis ducti in sanguinis densitatem, seu quantitarem, & ducti in foramen, per quod dato tempore erumpit massa sanguinis; quare si quantitas motus massæ sanguinis erumpentis dato tempore è foramine trunci arteriæ vocetur q ; foramen verò è quo erumpit vocetur o , quantitas verò, densitas, seu massa sanguinis vocetur m , velocitas verò vocetur u , erit $q = o + m + uu$: Modo certum est truncum arteriæ plurimos in ramulos esse divisum; si igitur truncus arteriæ supponatur divisus in 20. ramulos, quorum unus in glandulam erumpens sit vigesima pars trunci arteriæ majoris; procul dubio motu cordis naturaliter se habente, futura quoque erit quantitas motus sanguinis exeuntis dato tempore è foraminulo rami arteriolæ in ratione composita ex duplicata velocitatis, simpla massæ, & simpla foraminis, è quo æquali tempore erumpit, quare erit

$$\frac{q}{20} = \frac{o + m + uu}{20}$$

& cum cæteris paribus quadrata velocitatum sint similia inter se, futura erit quantitas motus massæ sanguinis exeuntis è foramine trunci arteriæ una systole proportionalis quantitati motus massæ sanguinis exeuntis è foraminulo rami arteriolæ eadem sistole; quare facto analogismo, fiet hæc ratio $q : \frac{q}{20} :: o + m + uu. \frac{o + m + uu}{20}$.

Propterea colligendum, quòd cum sanguis systole cordis expulsus, ingrediens glandulam hanc proportionaliter dilatare debeat, Systolem cordis, & glandularum diastolem esse inter se proportionales, quare glandulæ quælibet tanquam parvula corda haberi facile poterunt. Porro cum massa sanguinis ingrediens glandulam hanc in data ratione aperiat; ideo glandula à vi, & momento sanguinis in concava glandulæ superficie determinatam percussionem excipiet; cum autem percussiones fluidorum sint ut

quantita-

quantitates motus eorundem, (a) & quantitas motus sanguinis è foraminulo arteriolæ egredientis, & glandulam ingredientis facta sit $= \frac{q}{20}$ seu $= \frac{o + m + uu}{20}$ erit quoque vis percussionis facta à sanguine Ingrediente glandulam, eandemque dilatante, ut $\frac{q}{20} = \frac{o + m + uu}{20}$. Verùm cum dilatationi glandularum statim succedat reciproca constrictio, eo quia glandulæ quælibet utpote arteriis & venis, nervis, membranosis, & muscularibus fibris contextæ oscillatorio motu & quadam elastica actione, aut quasi elastica tantum constringi debeant, quantum antea fuerant dilatatae, erit vis, seu momentum constrictionis glandulæ proportionale vi, aut momento dilatationis; quare glandula in constrictione, seu systole urgebit quoque elementa sanguinis ingressi glandulam secundum rationem compositam ex duplicata velocitatis, simpla massæ, & simpla foraminis, pariter divisus per 20. Secundò opus est fluidum in glandulas delatum non celeri nimis motu agitari, sed leni, placidoque motu moveri: etenim ut in fluidis similia à dissimilibus separari possint, requiritur ea ratio temporis tanto operi opportuna: verùm fluente nimio motu sanguine, confusisque omnibus auferitur ea ratio determinati temporis, quæ proculdubio necessaria est, ut debita methodo secernantur, sic in quibuscunque artis operibus, & in Chymicis separationibus debita corporum secretio non à celeri nimis motu fluidorum, sed à lento, placidoque motu, statutoque tempore plerumque perficitur, quare suppositis superioribus cum quadrata decrescant in ratione duplicata suarum radicum, constat quadratum velocitatis massæ sanguinis è foraminulo rami arteriosi egredientis & ingredientis glandulam nempe $\frac{uu}{20}$ futurum esse necessario minimum respectivè ad quadratum velocitatis massæ sanguinis è majori arteria egredientis, nempe respec-

C 2 ctivè

(a) Per coroll. secund. prop. 42.
Hermanni Phoron.

ctivè ad u u ; quare cum motus sanguinis in glandulis futurus sit minimus , & consequenter lentus , lenis , ac placidus , facilè erit similia corpora disponenda esse , ut determinato tempore à dissimilibus separentur. Tertiò præstat tanto operi separationis , massam sanguinis ingressam glandulam quacunque systole esse quoque respectivè minimam , nempe minimo glandulæ continentis spatio proportionalem : enim verò si quantitate præcipuè excedat , glandula nimis extenditur & talis , ac tanta fieri potest contra glandulam resistantia , ut glandulæ systoles non ea ratione fieri , ac perfici possit juxta rationem virium , & numeri vibrationum , qualem exigit tantorum corporum separatio ; Quamobrem suppositis quoque superioribus , cum massa sanguinis , quæ per ramum arteriolæ effluit in glandulam quacunque systole , sit in ratione simpla cum minimo quadrato velocitatis ; necesse est hanc quoque massam quantitate minimam futuram esse , videlicet minimo glandulæ continentis spatio proportionalem.

II. Hisce præsuppositis , cum naturalis systoles seu vibratio elastica glandulæ semper eadem ratione fieri debeat quacunque cordis systole juxta eundem gradum quadrati velocitatis , proculdubio tali quoque ratione urgebit , aut immediato , aut mediato contactu contenta elementa massæ sanguinis ; cum autem hujusmodi elementa alia similia , alia verò dissimilia ; similia elementa (biliosa nempe corpuscula) utpote homologas habentia superficies excipient singula percussiones , si non semper , saltem utplurimum supra plana homologa ; cum autem corpora similia , ejusdemque generis eadem semper lege motûs percussa , superque easdem , aut similes planorum superficies semper impulsa moveri necessario debeant motibus , seu directionibus quoque , aut æqualibus , aut similibus , & juxta exceptas percussiones proportionalibus ; proculdubio hæc juxta easdem , aut similes directiones itura erunt susceptis impressionibus proportionales : Quamobrem hæc similia corpora numero
pauca ,

pauca , lentè , ac placidè mota , eademque lege homologa motuum , ac vibrationum semper mota , impulsa , ac quassata supra homologas planorum superficies superatis paulatim aliorum corporum dissimilium vinculis , resistentiis , & occurribus , cogentur moveri omnia , aut ferè omnia juxta eandem directionem , ita ut versus unam glandulæ partem ac situm convenire paulatim coacta sint : cætera verò heterogenea corpora cum mole , figura , ac pondere dissimilia sint tali , ac specifica vibratione , & fortasse tali , ac tanto vibrationum numero glandularum Hepaticarum urgente improporcionatas , ac dissimiles dissimilium corporum superficies inæqualiter quoque percussa , inæqualiter movebuntur per directiones pariter inæquales , ac dissimiles , quare hujusmodi corpora dissimilia necessariò urgebuntur per diversas ac dissimiles vias , ac directiones per loca pariter diversa glandulæ continentis ; unde dissimiles massulæ tali mechanicâ methodo motuum dissimilium motæ à similibus biliosis massulis satis sejunctæ ac separatæ , nullatenus impediunt , quin similia & homogenea biliosa corpora ab cæteris separata , qua data porta extra glandulas paulatim eliminantur : non dissimili ratione in Chymicis determinatus caloris gradus , sive specifica ignis actio , aut determinatum ignis momentum à fluido heterogeneo unam substantiam separat ab aliis tali gradui ac momento ignis proportionalem , cum postea cæteræ substantiæ ab alia vi , aut alio ignis , & caloris gradu supersint proportionaliter separandæ : Verùm ibi fateor , quod licèt specifici motus fibrarum glandularium multum juvent , ut specifici liquores separentur ; nihilominus si cum Celeberrimo Leibnitio ultrò placeat fibras has supponere probabiliter à primordio generationis specificis liquoribus saturatas , certè felicior sequutura erit specifici liquoris , similium nempe à dissimilibus separatio : Tali itaque mechanica glandularum structura , & tali specifico motuum artificio unà cum specifica liquoris saturatione , cæteræ quæcunque glandulæ suos sibi consimiles succos à dissimilibus

aptè separare possunt, ut per excretorios postea ductus alibi dejiciantur juxta Naturæ rectè operantis determinationem : Itaque ex his mirum esset inspicere ordinem ac methodum, quâ hexagonæ glandularum hepaticarum areæ proportionali suarum fibrarum motu succos separandos homologè urgent : Cum enim latus seu fibra unius glandulæ hexagonæ sit proportionalis lateri seu fibræ alterius glandulæ hexagonæ, & motus unius lateris sit motui alterius lateris proportionalis, erit latus unius glandulæ ad latus alterius glandulæ, ut motus unius ad motum alterius; quare ex geometricis erunt omnia latera unius glandulæ in statu naturali ad omnia latera alterius glandulæ hexagonæ, ut totus motus unius glandulæ ad totum motum alterius, & permutando erunt omnia latera unius glandulæ ad totum motum hujus, ut omnia latera alterius glandulæ ad totum motum istius; quare omnes motus glandularum simul sumpti erunt omnibus lateribus simul sumptis eorundem proportionales : cum autem ex hisce motibus homologis glandularum fiant impulsus homologi eorum contentorum, propterea etiam impulsus simul sumpti utriusque glandulæ contra contenta corpora erunt inter se pariter proportionales, & consequenter homogenea corpora supra plana homologa excipiendo semper, aut ferè semper impulsus similes, aut æquales, proportionali quoque methodo, ac ordine à cæteris dissimilibus excipientibus supra plana dissimilia impulsus, seu percussiones quoque dissimiles separari coacta erunt, ut tandem aliquando per sua excretoria vascula extra glandulas ejiciantur; Cystici itaque canales in data ratione separatos succos excipient, & partim in Cystimfelleam, partim per Chledochum ductum proportionaliter deponentur; quod autem de duabus Hepaticis glandulis dictum est, proportionaliter de omnibus dicendum erit, quare si glandulæ ab hac lege homologa motuum similium recedant, facilè erit arguere hujusmodi glandulas succis diversæ indolis nimium saturatas esse; quoties enim spatium unius glandulæ reple-

tum

tum fuerit fluidis diversæ indolis, aut quantitate peccantibus, necessario etiam horum momenta ac vires cogentur esse diversæ; cum enim fluida contenta diversa momentorum ratione resistent motibus glandularum continentium, certè cogentur quoque continentes glandulæ, non simili (ut in naturali opere separationis fieri debet,) sed dissimili motu moveri; quamobrem fluida numero & genere heterogenea vitiosâ Methodo ac inæquali lege ac ordine irregulari separabuntur: Ex his non uno Vulnere natura lædetur; enimverò tot succi diversæ indolis, postea in duodenum effusi separationi corporum utilium ab inutilibus, præcipitationi & exaltationi, nec non depurationi chyli, quibus peculiariter biliosæ particulæ destinantur, malè inservient; verum ex tam impura bile sordescet chylus, & plurium febrium basis massam sanguinis gravi tumultu evertet; imò hujusmodi bilis cum pancreatico succo copulata vitiosè mota horripilationes & febriles rigores larga manu educet.

12. Neque quis credat, glandularum angustiam impedimento esse, quò minus similia corpora homologis vibrationibus semper impulsæ per unam, eamque directionem eant, unamque partem glandulæ occupent; dissimilia verò per alias directiones tendant, aliasque partes teneant, eò quia quælibet glandula à natura tali methodo elaboranda fuerat, ut glandulare spatium esset proportionale quantitati fluidi excipiendi, vi cujus aptæ essent fluidorum massulæ liberè ac quaquaversus motus suos exercere feliciter: Deinde quælibet fluida credi facilè debent corpora infinitè parva, aut saltem apta nata acquirendi dimensiones infinitè parvas; & cum glandulæ membranis elaboratæ sint, quæ facilè ad majores superficies extendi possunt, propterea quilibet particularum motus in glandulis naturaliter se habentibus commodè exequi poterit, ut homogenea ab heterogeneis corporibus satis aptè separari possint: Fateor quidem, massulas separatas non omnes ejusdem esse generis, sed aliquibus quoque dissimilibus particulis aliqua-

aliquaqualiter associari ac commisceri; aliquando enim similes aliquibus dissimilibus adeò fortiter alligatae sunt, ut non tam citò ac faciliè à similibus sejungi omninò possint; verùm cum dissimilia hujusmodi corpora numero ac momento similibus minora sint, ideò nullum evenire poterit impedimentum, vi cuius corpora debitis motibus non separentur, & separata foràs non ejiciantur, quotiescunque tamen res cæteræ naturaliter se habuerint; tunc enim ruet totum opus Glandularum recte separantium, si aut glandularum structura vitium fecerit, aut naturalis earum motus ineptè mutetur, aut dissimilia corpora similibus unita numero, ac momento majora fuerint, quàm par est: nam ex his læduntur naturales homogeneorum corporum directiones, & vitiosis motibus agitata corpora altè lædent, turbabuntque opportunam corporum separationem: Sic Immortalis ille Malpigijs in morbofo Hepate (pag. mihi 217.) vigente Cachexiâ glandulas in ampliorem superficiem extensas non hexagonas, sed quæ vesiculas æmularentur refert observâsse; ex hujusmodi enim vitio colligendum facile est, heterogenea corpora numero majora homogeneis extitisse, unde metastasi obstructum viscus facile est credere, ex nimis impura bile prima Hydropis semina posuisse: Non mirabor itaque amplius tot mala observaturus, quæ ab obstructis visceribus pullulant, etenim obstructiva corpora naturalem glandularum figuram, & earum motum necessariò invertunt; quotiescunque enim vitio sanguinis extraneæ particulæ taliter uniantur, ut crescant in ratione composita basium & altitudinum, ita ut moles particularum majores fiant luminibus canalium discernentium, opus tunc est contentas particulas hexagona glandularum spatia in Hepate dilatare, majores idcirco fient anguli & latera inæqualiter quoque elongata juxta inæquales, ac dissimiles contentorum corporum superficies cogent fibras omnes à naturali ordine ac structura recedere; succedit propterea motus & elastica vibratio à naturali dissimilis, unde inepta fiet corporum directio & separatio;

separatio; quin imò aliquando fiet nulla; Glandulæ siquidem tantis præternaturalibus corporibus aliquando adeò implentur, ut sæpissimè sint coactæ motum tonicum pati; Immobiles idcirco contenta corpora nullatenus urgent, tumores ac scirrhus gravi viscerum pondere parituræ; ex his biliosæ particulæ non aptè per cysticos canales separatae, imò à venis ibi finitimis plusquam deceat reassumptæ enormes aliquando icteritias faciliè afferent; hæc & alia hujus farinae mala inauspicatò contingent à vitiato motu separationis.

13. A pressionis motu resoluta corpora in arteriis, & debitis motibus depurata, postmodum in glandulis juxta naturæ exigentiam mechanicè utilia ab utilibus separata, eam puritatem ac perfectionem ineunt, ut motu quodam Assimilationis partibus nutriendis facillimè adaptentur: Nutritio itaque, cum sit præcipuum naturæ opus, quo animal sustinetur & vivit; cumque à peculiari quodam motu habeatur, quo corpora per massam sanguinis decurrentia, eum sibi acquirant locum singulis partibus accommodum; propterea necesse est de hoc quoque motu, (quem Assimilationis dicimus) verba facere, ut præcipua opera ad motum sanguinis pertinentia evolvantur, quæ & ad sanitatem & ad morbum producendum, aut dignoscendum pertinere videantur: Itaque de his acturus notum est, quòd *Nutritio Animalium nil aliud esse videtur, quàm motus particularum, ad eum locum delatarum, quo reparantur, seu restituuntur particulæ secundum longitudinem, latitudinem & profunditatem æquales, aut similes illis, quæ motu transpirationis continuò deperduntur*: Morimur siquidem quotidie omnes, & rursus continuò aëre & cibo reviviscimus; certum enim est, quòd aut læsione partium, aut violento motu, aut transpiratione continua corruunt, & effluunt è corpore Animalium particulæ, quæ solida & fluida componebant; provida ideo natura consuluit Animalia quælibet aëre, & cibis continuò indigere, ut jacturas suas assidua reparatione redimerent; cum autem in aëre & cibis varij generis corpora diversæ figuræ, molis, ponde-

Motus
Assimila-
tionis.

ris claudantur, & Massa sanguinis ex aëre & cibis continuo reparetur, opus est massam quoque sanguinis cujuscunque generis corpora continere; putaverim itaque, nutritionis materiam totam à massa sanguinis esse accipiendam; Licet enim Nonnulli succum nerveum, Nonnulli serum, aut alios fortasse humores ament pro Nutritionis materia; nihilominus cum serum & succus nerveus, cæterique humores à massa sanguinis separentur, probabilius crediderim totam nutritionis materiam massæ sanguineæ universaliter esse tribuendam; Universaliter itaque nutrit Massa sanguinis, specificè autem nutrit succus nerveus, cæterique humores specificam nutritionem ferunt, quotiescunque in sero, aut succo nerveo, cæterisque humoribus extiterint particulæ nutriendis partibus aptæ, opportunèque homologæ: Quamobrem ex his probabile est, non à solo specifico humore totum nutritionis opus moliri, sed à singulis quibuscunque humoribus, quoties singuli habuerint homogeneas particulas specificis & homogeneis partibus accommodandas: hac ratione optimè innotescit, cur tot partes natura indole & substantia diversæ, singulæ tamen juxta suum genus atque temperiem opportuno tempore, aptisque succis nutrantur & crescant; Verùm ex imperfecto motu pressionis, resolutionis & depurationis corporum inepta fit quoque Nutritio Animalium; etenim malè resoluta, commixta & malè separata, & depurata corpora agrè expolita fiunt, rudes idcirco, & crudæ particulæ salium, cum impuro nimisque aspero, aut crudo sulfure mistionis æquitatem vitiantes malè nutriendis partibus sese accommodant, & malè asperis superficiebus aptatæ aut nutritionem minuunt, aut perdunt; Itaque cum tot, ac tanta corpora diversæ gravitatis, molis, ac figuræ in massa sanguinis quaquaversus debeant excurrere, ut facilè, ac promptè nutritionem exercent, manifesta est ratio, cur natura concesserit ex Boiléi observationibus massæ sanguinis tantam feri copiam, quæ triplo contenta corpora simul sumpta superaret; cum enim in sero quæcunque

que corpora debeant liberè innatare, facilèque quaquaversus moveri, ac fluere, opus fuerat massam sanguinis tanto sero dotandam esse.

14. Ibi itaque nutritionis rem acturo placeat mihi animadvertere, nutritionis opus non festinanter à natura exequi, sed lento pede, ac determinato tempore particulas nutriendis partibus adaptari; opus est itaque in tam celebri opere fluida placido, leni, lentoque pede moveri; verùm si fluidum celeri nimis, aut violento motu volvatur, tunc innatantes particulæ non eum ordinem, ac rationem situs, nec quærere possunt, nec obtinere, sed confusâ, ac promiscuâ methodo agitatæ varios situs excurrent, quamobrem cum particulæ nimis impulsæ non possint opportuno tempore nutriendis partibus commodè ac facilè adaptari, fas est à, fluido nimis agitato nutritionem impediri; sic experimur, in febribus ex fluidis celeri nimis motu revolutis omnes imminutâ nutritione macrescere: Ut ergo Nutritionis opus naturali methodo exequi possit; duo præcipuè necessaria sunt; lentus nempe, lenis, placidusque motus, & apta corporum seu succorum puritas & congruentia; cùm autem motus lenis ac placidus in minimis tantummodò canalibus cujuscunque generis haberi faciliùs possit, in quibus minimo motu tantummodò moventur fluida, proculdubio colligi poteu, præcipuum Nutritionis opus in minimis canalibus esse exequendum: Pro minimis autem canalibus non solùm intelligenda puto vasa minima sanguinem, cæterosque humores deferentia, verùm etiam carnum & membranarum fistulas, sinus, ossium foramina & quascunque alias partium vias, per quas fluidi qualiscunque portio possit opportunè penetrare; plerisque enim Philosophis & Anatomicis notum est, Animalis Machinam ex minimis, minutiisque Canalibus esse elaboratam; quamobrem cùm sui generis fluida naturaliter se habentia debeant per tot canaliculos quaquaversus effluere, credi potest, universam Animalis machinam suis proportionaliter fluidis statuto tempore nutritione fore

reparandam ; hujusmodi enim canales aut minimi finus cùm minimâ quoque vibratione elasticâ peristalticè moveantur , fluida quoque contenta leniter ac placidè urgent ; sicque in tam lento ac placido motu notabiliter non turbatur ordo ac situs corporum in sero innatantium, undè facilè sufficiens corporum homologorum adaptatio , nutritio nempè compleatur : Quod verò ad secundum pertinet, cum quodlibet Animal peculiari & specifico humore donetur , quo juxta suam temperiem nutriatur & vivat, necesse erit , hujusmodi succi indolem tali puritate & homogeneis ac sibi proportionalibus fluidis esse donandam , ut ab heterogeneis & dissimilibus opportunè privetur ; sic tota viscera humores depurantia Natura providit, ut depurata fluida juxta peculiaris temperaturæ exigentiam singulis Animalium operibus nutritioni præcisè inservirent ; ut enim unio optima fiat , debet adesse similitudo & proportio & aliqualis æqualitas corporum figuratorum cum similitudine & aliquali æqualitate partis , cui talia specifica corpora aptanda sunt ; cùm enim in similia & æqualia , aut quasi æqualia corporum unione centrum gravitatis coincidat plerumque cum centro magnitudinis ; quotiescunque hæc determinata corporum cum parte , aut loco nutriendo proportio fuerit , unio & adhæsiō facilè fient , & consequenter opportuna & firma Nutritio ; verùm si plana corporum dissimilia , dissimilibus planis aut loculis adhæreant , tunc cum centrum gravitatis corporum dissimilium longè absit, nec cohærere possit cum centro magnitudinis eorundem ; tunc non debita adaptatio seu Nutritio fiet , aut facta parùm aut ægrè erit duratura : Celeberimus Verheyen nutritionem examinaturus similitudini materiæ unicuique parti adaptandæ assentitur ; inquit enim (a) *Generalis materia nutritionis & accretionis est massa sanguinis secundum varias sui partes , non verò tantùm aliquis humor simplex & homogeneus ; siquidem plurimæ corporis partes , ut sunt os , nervus , membrana ,*

caro

(a) Cap. de nutritione
pag. 219. 220.

caro &c. inter se considerata plurimum differunt quoad substantiam, sed unaquaque pars nutritur & accrescit per materiam sibi aliquatenus conformem. Inferius verò addit : non difficulter concipitur, in ipsâ massâ sanguineâ contineri multas admodum discrepantes particulas, quarum aliæ huic, aliæ isti, aliæ aliis sunt conformes, & proportionatæ. Ulterius huic operi perfectæ unionis necessaria est quoque æquabilis aëris externi pressio, quâ particulæ omnes æquabiliter compressæ suo in loco, suâque naturali superficie circumscriptæ detineantur; deinde necessaria est naturalis sulfuris existentia: ramositate enim suâ plana planis, & plana locis nutriendis veluti à calce ferruminantur; Sic patet in Chymicis, ex tam determinatâ miscelâ aquæ, salium, talisque sulfuris cum terreis particulis efformari compositum, calcis aut bituminis in modum, unioni partium aptissimum; quamobrem ex sulfuris balsamici defectu in Hæticis nutritio penitus corrumpitur, eò quia in hac massâ sanguinis salia supra modum luxuriant muriatica & acria, quibus aspera & angularis inest superficies, quæ circa proprium axem rotando angulorum & planorum inæqualitate ac asperitate partes erodunt ac rumpunt, quibus applicantur; impeditâ ulterius debitâ corporum adaptatione & earundem opportunâ coordinatione: Inde plurima mala ex imperfectâ aut vitiatâ nutritione contingunt: Ibi denique placet animadvertere, quòd si hujusmodi particulæ motu assimilationis partibus adaptentur eâ ratione quantitatis ac ponderis, ut nutriendis solummodò partibus aptè sufficiant, tunc solum nutritur Animal; cæterum si præter exigentiam Nutritionis ultrò succrescant & dato tempore Animalia ad majorem molem secundum trinam dimensionem longitudinis, latitudinis & profunditatis naturaliter extensa sint, oleosis præcipuè ac felicioribus succis opportunè pinguescent. Et hæc satis de præcipuis Naturæ motibus, quibus massa sanguinis motu pressionis seu impulsûs agitur, separat pura ab impuris, & nutrit Animalia quælibet, à quibus præcipua Animalis Oeconomix phænomena sive bona, sive mala erui facile possunt & potuerunt.

Finis Primæ Dissertationis.

DE MOTU SANGUINIS
PER PULMONES CUM MECHANICIS
MORBORUM CAUSIS.

DISSERTATIO SECUNDA.

15.



Ydraculicas Machinas observaturus atè semper miratus sum, quonam opere aut sursum elevata fluida, aut quaquaversus effusa certis legibus ambulent; quibus æquâ methodo distributa, & directioni canalium & Artificum magisterio obediant; aqua etenim cùm naturali aëris superincumbenris pressione ad pedes 32. circiter elevari consuescat; Machinæ tamen Hydraulicæ beneficio naturales ultrò superat altitudines, ibique datâ lege, datoque tempore ac loco vagatur: Plura itaque admiranda Hydraulicæ artes docuere, majora tamen Natura amplexa est de mirandis Naturæ operibus ultrò sollicita, quotiescunque vi Cordis primâ moventur fluida, Animalibus motum & velut animam donatura: Cor itaque primum animæ corporeæ visibile opus illud est, quod Hydraulicæ Machinæ ad instar urget sanguinem ordinato impetu, ut per universas Animalis latebras quaquaversus sursum, deorsumque decurrat: Ostendit Anatome, Cor, Ventriculosque ipsos conicâ figurâ donari; quem figuræ ordinem ex triplici fibrarum genere Natura fabrefecit, quarum aliæ rectæ sunt, circulares aliæ, spirales tertiæ; cùm autem rectæ eo officio destinatæ sint, ut Cor, Ventriculosque ipsos aliquantulum contrahant: circulares verò fortiter stringant: spirales autem validè torqueant; credendum putaverim momentum

tum virtutis motivæ cordis, simpliciter & secundum se consideratum, nullo habitu respectu ad nisum contenti sanguinis, facile accedere posse ad rationem compositam ex triplici motu eodem tempore exercito & numero earundem; verum cum hoc justè assequi arduum sit, propterea Celeberrimus Johannes Alphonfus Borellus, quamvis magnus Geometra prop. 66. secundi Tom. de Motu Animalium, momentum cordis investigaturus analogico ratiocinio usus est, & cum duobus musculis, temporali nempe & masseterio mandibulas stringentibus comparavit; Quamobrem Prop. 67. vim motivam fibrarum cordis per se comparatam majus pondus suspendere posse, quàm 3000 librarum, probabili satis conjecturâ docuerat; ex quibus singularia illa momenta investigari poterunt, quæ utrique Ventriculo sigillatim pertinere videbuntur: Ab hoc tamen Calculo multum dissentit Celeberrimus Jacobus Keillius; verum Doctissimus Michelottus, ut infirmatæ Borelli sententiæ, quantum possibile est, tutor esset, calculum ipsum a Keillio exaratum, à vero alienum esse aptè ostendit; inquit itaque (115. de separ. fluid. in corpore Animali.) *Venio ad calculum, quo idem præstantissimus Scriptor (Jacobum Keillium intelligit) Joh. Alphonsum Borellum, jam olim vim absolutam cordis definire conatum, confutaturus sancit, eandem istam vim æqualem esse octo unciarum pondo: Ne ista quidem Keilliana supputatio, etiam si firmo niteretur fundamento, vim absolutam cordis determinaret, hoc est, vis per ejusmodi calculum inventa non foret illa, quâ totum cor contrahitur, sed tantum ejus pars, quæ respondet orificio Aortæ, utpote quam vim æqualem statuit laudatus Vir ponderi cylindri sanguinei, cujus basis æquatur orificio Aortæ, & altitudo dupla illius, ex quâ cadere deberet grave, ut acquirat velocitatem sanguinis ex corde in Aortam expulsi, si nullam resistantiam superandam haberet; Quamobrem si vim totam cordis computare vellemus, oporteret octo unciarum pondo toties sumere, quoties interior cordis superficies, seu potius Ventriculi sinistri superat orificium Aortæ; superet si vis decies, ita ut decem Aortæ orificia occuparent spatium æquale superficiei interiori sinistri cordis*
Ventriculi,

Ventriculi, dico secundum præclarissimi Keillii principium supra memoratum, non octo, sed octoginta unciarum pondo æquare vim cordis totalem seu absolutam: Quamobrem ex his mihi visum est nil certi de momento seu vi totali cordis determinari posse, quippe præter ea à laudato Michelotto exposita (pag. 114.) diversa hominum ætas, temperies sanguinis, qualitas sexûs, & ratio texturæ diversa fibrarum cordis, & plurima alia absolutam vim cordis facile mutare possunt; idcirco contentus doctissimorum virorum amica & docta dissidia admirari, sequar conjecturas, quibus non totale momentum seu totalem vim Cordis, sed utriusque Ventriculi singularia momenta, aut vires instituto meo necessarias, si non geometricâ, physicâ saltem conjecturâ rimari mihi satisest: Cùm itaque juxta tres fibrarum rectarum, circularium & spiraliû series, tam dexter Ventriculus, quàm sinister sigillatim triplici simul motu moveantur, ut contentum sanguinem foras expellant; cùmquè ultrò ex Clarissimo Verheyen [pag. 120. Anat.] Anatomicâ autopsiâ constet, sinistrum cordis sinum fibris triplo multis supra dextrum & fortioribus armari; ita ut sinister triplo crassior sit dextro; qui triplo majoribus fibris opportunè munitur; cùmque fibræ musculares, nerveæ & tendinosæ mechanica sint instrumenta motûs, quibus cõrdis sinus continuo motu torquentur; cùmque ulteriùs dextri Ventriculi officium sit, per solos pulmones sanguinem ejaculari, sinistri verò supra & infra per totum corpus; facile ex his conjectandum est, ex triplo majori, fortiorique numero fibrarum sinistrum cordis sinum investiente, unâ cum motibus ipsis proportionalibus, vim motivam seu momentum sinistri, momento dextri multò majus esse.

16. Licet autem Ventriculus dexter momento seu vi motivâ debilior sit, quàm sinister; nihilominus ratio & autopsia suadere videntur, æqualem quantitatem sanguinis contineri in dextro, & à dextro expelli per arteriam pulmonarem in pulmones, ac contineatur in sinistro, ut ab hoc expellatur per arteriam magnam in totum corpus: enim-
verò

verò cum Ventriculus sinister sanguinem recipiat à dextro, certè sinister majorem quantitatem excipere non potest, quàm dexter primò exceperat; neque minorem excipere potest sinister, quam dexter amplexus sit: quippe si totus sanguis à dextro non ejacularetur per arteriam pulmonarem in sinistrum, residuum in pulmonaribus vasciculis remaneret non inani stagnationis ac suffocationis periculo: Quamobrem opus est naturâ bene se habente, sinistrum Ventriculum æqualem aut quasi æqualem excipere à dextro sanguinis quantitatem, qualem dexter exceperat à venâ Cavâ, ut plura incommoda effugiantur; inde spatium conicum aut quasi conicum dextri ventriculi sanguine repletum aut replendum, spatio conico aut quasi conico sinistri æquale aut quasi æquale jure merito credendum est: cum enim certò constet, basin dextri ventriculi majorem esse basi sinistri, & altitudinem seu longitudinem hujus majorem esse altitudine seu longitudine alterius; procùl dubio bases ventriculorum facilè erunt in ratione reciproca cum eorundem altitudinibus, & consequenter datâ tali ratione reciproca quantitatum, ex geometricis, etiam spatia ventriculorum conica aut quasi conica futura erunt æqualia, aut quasi æqualem sanguinis quantitatem susceptura: Hujusmodi autem spatia ventriculorum æqualia, aut quasi æqualia, quàmvis Celeberrimus Borrellus (a) à tribus unciiis sanguinis repleri suspicatus sit; nihilominus ab unicâ tantummodò sanguinis uncia repleri multò probabilius Recentiores judicant Anatomici: Ibi autem suppositâ sanguinis uncia, cum aliquando necesse sit inquirere proportionem gravitatis specificæ non sanguinis tantummodo, verùm etiam feri sanguinei & aquæ communis, istorumque voluminum proportionem, ut inter se juxta rerum exigentiam comparentur, ex quorum comparatione momenta ac vires horum fluidorum faciliùs innotescant, quantum possibile est, ut mechanicæ morborum causæ habeantur, propterea hujusmodi fluidorum gravitates placuit

E

cuit

(a) Coroll. prop. 68. secundi Tomi
de motu Animalium.

cuit experiri: Contigit itaque mihi ex sano, sed plethorico Viro annorum 46. circiter gravi vertigine correpto necessitas emittendi sanguinem largâ manu, ut à timendo Apoplexiæ periculo liberaretur: Licet autem specifica sanguinis humani gravitas difficillimè erui possit, nihilominus Boylei methodum sequutus (pag. mihi 278. Partis secundæ Historiæ humani sanguinis) repetitis experimentis quæsito ponderi accedens pluries reperi:

Sanguinem humanum Phialâ inclusum ponderare grana 2853.; cùm autem pondus Phialæ fuerit granorum 967., quare ablato tali pondere simplex pondus sanguinis granorum 1886.

Serum autem sanguinis sub eodem volumine, utpote eâdem Phialâ ad amissim contentum, ponderabat grana 2770., ablato autem pondere Phialæ simplex pondus feri erat granorum 1803.

Aqua denique nostra communis eâdem Phialâ inclusa sub eodem volumine ponderabat grana 2716., à quibus detractò Phialæ pondere ponderabat grana 1749.

Cùm autem, ex corollario 3. prop. 2. Lib. 1. Phoronom. Celeberrimi Viri semper laudandi Jacobi Hermannii gravitates specificæ corporum consistant in proportionem ponderum absolutorum corporum eorundem sub voluminibus æqualibus; cùmque hujusmodi singulorum fluidorum massæ idem Phialæ spatium occupantes sub eodem volumine habeantur, erit *gravitas specifica sanguinis ad gravitatem specificam feri sanguinei, ut pondus granorum 1886. ad pondus 1803.*

Et *gravitas specifica sanguinis ad gravitatem specificam aquæ nostræ Brixianæ erit granorum 1886. ad 1749.*

Pariterque *gravitas specifica feri sanguinei ad gravitatem specificam ejusdem aquæ Brixianæ erit granorum 1803. ad 1749.*

Ex hisce colligendum quoque est, cùm gravitates specificæ corporum sint densitatibus eorundem proportionales, massam sanguinis densiorem esse massâ feri sub æquali volumine in ratione pariter 1886. ad 1803.; simulque massam sanguis sub æquali volumine cum aquâ nostrâ

com-

communi densiorem esse eâdem aquâ communi in ratione 1886. ad 1749.; pariterque massam feri sanguinei sub eodem volumine cum massâ aquæ communis densiorem esse eâdem aquâ in ratione 1803. ad 1749.. Fa-teor quidem, ut Illmus Boyleus quoque animadvertit, horum liquorum pondera ac densitates juxta ætatis, sexûs, temperaturæ & loci differentias aliququaliter inter se differre; nihilominus hâc datâ Hypothesi, qua aliqua proportio gravitatum in expositis liquoribus determinatur, facile juxta datas rationes accedere possumus ad alterius sanguinis, alterius feri aut alterius aquæ communis gravitates específicas & densitates reperiendas, ut inde momenta ac vires aliorum fluidorum proportionaliter assequi possimus.

17. Hisce præhabitis à Ventriculo dextro expulsa sanguinis uncia pulmonarem Arteriam ingreditur, quæ Pericardium egressa per utrosque pulmones disseminatur; ibi autem mirari est, quantum æstimandus sit Pulmo, cujus solius gratiâ ex duobus Cordis Sinubus unum, pro cæteris verò totius Corporis partibus alterum tantummodò Natura formavit; Mirandum certè, cùm ex hujus peculiari Visceris Opere celebre illud conjugium celebretur, quo solida cum fluidis, & cum solidis fluidisque, si non aërea, saltem luminosa & ætherea in sanguine copulantur: Ut autem motus sanguinis per pulmones examinetur, suspicari placeat (ut num. 3. dictum est) sicut à sinistro, ita pariter à dextro Ventriculo fibrarum ope sanguinem motu pressione impelli, eundemque pressione motum sequi per universas pulmonares arterias, qui in venas pulmonares eadem lege traducatur: Exiens itaque sanguis à dextro cordis sinu pulmonarem arteriam ingreditur, & per hanc brevi quidem spatio Horizontali quasi pede procedit; Ut autem ratio transitûs sanguinis per arteriam innotescat, juvat rimari talis arteriæ Diametrum, quæ ex pluribus observationibus juxta lineam G.H reperta est; Methodo autem lineæ circini proportionum divisa est linea G.H in 14 partes æquales, ut ex his area quoque pulmonaris arteriæ innotescere facile possit; Sit itaque Diameter G.H (a) Circuli quæsitæ (a) fig. 1.

partium 14 = a; eritque quadratum Diametri = aa
 partium 196; area ergo circuli quæsita supponatur = x:
 Cùm ratio quadrati ad circulum sit proximè ex Archime-
 de *de dimensione circuli* ut 14 ad 11; fiatque 14 = b; 11
 verò = c; erit analogismus ut b.c::aa. x; eritque per
 16-6. Euclidis æquatio b x = aac; & dividendo per b;
 fiet æquatio $x = \frac{a a c}{b}$; cùm autem quadratum aa sit
 = 196; & c sit = 11; erit productum aac = 2156;
 quod divisum per b = 14, erit $\frac{a a c}{b} =$ pariter 154.
 proximè, seu juxta methodum decimalium = 153. 860
 pro valore quæsito quantitatis x, quæ plane ostendit
 quantitatem areæ arteriæ pulmonaris e dextro sinu mox e-
 gressæ cujus diameter erat linea GH; Itaque uncia sanguinis à
 Ventriculo expulsa, & per spatium repertæ sectionis rare-
 facta urgebit æqualiter singula latera arteriæ; hæc autem
 ex omni parte æquabiliter dilatata restituet Sanguini in con-
 strictione eandem quantitatem impetûs; unde massa san-
 guinis per hujusmodi truncum pulmonaris arteriæ æquali
 aut quasi æquali semper pede decurrenda erit: Cùm au-
 tem truncus arteriæ in duos peculiare ac præcipuos ra-
 mos dividatur, quorum unus in dextrum, alter verò
 in sinistrum pulmonem excurrat, vis impetûs impressa
 sanguini utrique pulmoni erit æquali ratione, aut quasi
 æquali tribuenda. Ibi autem aliquantisper stemus in An-
 choris observando motum sanguinis per truncum arteriæ
 pulmonaris; Enim verò sæpè accidit propè basin arteriæ,
 per longitudinem trunci excrescentia polyposæ carnis,
 aut eminentia tuberculi, quo casu sectio arteriæ immi-
 nuta transeunti sanguini resistantiam feret; Verùm quia
 ibi resistantia Polypi objecta sanguini non supponitur magna
 [mors enim brevi sequeretur,] sed ea tantummodò, quanta
 requiritur, ut polyposa materies resistantiam ferret sanguini
 fluenti, ac si materies ipsa polyposa in fluido ipso sanguineo
 ferretur; Ideo cùm resistantiæ corporum contra fluidum sint
 ut impressiones, seu ut percussiones fluidorum in objectum
 corpus

corpus, percussiones verò unius ejusdemque fluidi sint in duplicatâ ratione celeritatum ejusdem (a); suspicari jure potest resistantiam, quam affert talis polyposa materies sanguini fluenti unius, ejusdemque texturæ & indolis, accedere quoque posse ad talem rationem duplicatam velocitatis ejusdem sanguinis: Quòd si massa sanguinis adeò impura, & heterogenea fuerit; ut portio sanguinis, quæ unâ systole expellitur, diversa sit ab illâ quoad densitatem & velocitatem expulsâ alterâ systole Ventriculi cordis; tunc cum percussiones fluidorum diversæ texturæ & indolis contra objecta & resistantia corpora, sint in ratione compositâ ex rationibus duplicatâ velocitatum & simplâ densitatum eorundem; etiam percussiones massæ sanguinæ, densitate & motu variæ, facile accedent ad talem rationem compositam ex duplicatâ velocitatum & simplâ densitatum; & consequenter etiam resistantiæ objectæ sanguini à tali polyposâ materiâ variæ fient, accedendo diversimodè ad varias rationes compositas ex duplicatâ velocitatum & simplâ densitatum; Itaque cum hujusmodi polyposa materies talibus rationibus probabiliter opponatur sanguini, communicata talibus rationibus resistantia, impedimentum feret proximis aut succedentibus quoque sanguinis particulis, & consequenter tota moles sanguinis ibi lentescere coacta erit; quamvis autem lentescens sanguis ultrò progrediatur, nihilominus ex adeptâ tali lentescentiâ mole suâ intumescit, urgetque necessariò magis latera canalis ex eâ parte, quæ vacat impedimento; minùs verò urgentur latera illa, utpote solidiora, quibus impedimenta altè adhærent, à quibus major fit momento sanguinis resistantia: Cum itaque latera arteriarum magis dilatentur ex unâ parte, quàm ex alterâ, erunt quoque motus restitutionis eorundem pariter inæquales; quare sanguis non versus lineam axis, sed inclinatâ & transversâ directione motûs irruet, ubi major inæqualitas dilatati canalis minorem fecerat fluenti sanguini resistantiam; Hæc arteriæ

E 3

portio

(a) Ex corollar. prop. 42, Phoron. Herman.

portio magis extensa, cum à continuis sanguinis vibrationibus arietetur, tandem aliquando objectam membranam lædere poterit timendo Aneurismate; Ulteriùs sæpè docet Praxis, aliunde etiam hujusmodi morbum oriri potuisse; cum enim in unicâ sanguinis uncia à dextro ventriculo expulsâ, ratio momenti sanguinis præternaturaliter moti talis aliquando sit, ac tanta, ut naturæ legem superet, tunc si canales inertem texturam aut fibrarum tenue robur sortiti sint, coacti erunt cedere valido nisu sanguinis impellentis, & tandem aliquando cedente interiori tunicâ laxari ac rumpi; tale vitium in febribus evenire aliquando potest; etenim volumen sanguinis à dextro cordis sinu expulsum in statu naturali, & volumen ejusdem expulsum in statu præternaturali haberi possunt, ut solida similia, quæ inter se proportionem habent triplicatam laterum homologorum; Cum autem porositates seu interstitia voluminibus interspersa sint lateribus solidorum homologis proportionalia: latera verò solidorum sint in ratione subtriplicatâ eorundem, certè etiam pororum amplitudines, seu particularum sibi invicem proximarum distantia, erunt inter se in ratione subtriplicatâ voluminum sanguinis; Quamobrem cum in statu naturali impressio voluminis unius uncia sanguinis contra objectas canalium membranas sit facilè viribus membranarum resistentium proportionalis, proculdubio vi præternaturalis exaltationis dilatatis ultrò particularum distantis inter se, volumen talis uncia sanguinis augendo sese in ratione triplicatâ amplitudinum pororum seu distantiarum, quas habent particulae sanguinis proximæ inter se, impressionem efficiet contra canalium membranas ultra vires ac momenta membranarum resistentium; quare tandem aliquando tot violentis ac continuis percussionibus flagellatæ membranæ rumpi coactæ erunt; Ulteriùs hujusmodi læsiones non parùm augmentur, si prior unda sanguinis succedenti resistat plusquam deceat; quo casu cum succedentis sanguinis impressio non consumatur tota contra priorem sanguinis undam,

dam, juxta directionem longitudinis canalium, opus est majori ratione impetum ferri ad latera, quò major est resistentia sanguinis antecedentis; quare dilatatis ultrò arteriæ lateribus fiet Aneurismatis incrementum; præter hæc adeò aliquando vigent impedimenta, ut portio sanguinis gravi regressu irruens in valvulam, succedentem à dextro sinu motum sanguinis molestè impediat gravi vitæ periculo; quin imò uncia sanguinis tranversis præternaturalibus directionibus itura, quoties pervenerit, ubi truncus duos in ramos partitur, facile inæqualem sanguinis quantitatem per unum pulmonem afferet, inæqualemque per alterum, summo respirationis incommodo, ob inæqualia pulmonum pondera & manifestam pulsum inæqualitatem.

18. Præterlapso itaque majori trunco fluit Sanguis per utrumque pulmonem juxta duorum ramorum directiones; cum autem unus pulmo alteri æqualis, aut quasi æqualis naturaliter esse debeat, facile quantitas sanguinis expulsa in dextrum pulmonem probabiliter futura erit cæteris paribus æqualis, aut quasi æqualis quantitati sanguinis expulsa in sinistrum, & consequenter semiuncia sanguinis per unum, & semiuncia per alterum ferenda erit; Pariter si vis impetus dextri Ventriculi eadem sit, quæ semiunciam sanguinis per unum, & semiunciam per alterum pulmonem æquali semper momento impellat, erit spatium decursum à semiunciâ sanguinis per ramum arteriæ pulmonaris in uno pulmone æquale cæteris paribus spatio decurso à semiunciâ sanguinis per ramum arteriæ pulmonaris in altero pulmone; quapropter ex Immortalis Galilæi demonstratis *de motu æquabili*, duæ semiuncie sanguinis eodem impetu cordis impulsa decurrent cæteris paribus spatia quoque æqualia inter se; & consequenter, cum quantitates motus aut impetus fluidorum habeant (a) rationem compositam ex duplicatâ velocitatum, simplâ densitatum & simplâ foraminum, è quibus erumpunt,

(a) Per prop. 31. Hermannii
Phoron,

punt, certè cùm duæ semiunciæ sanguinis sint æquales, & velocitates ipsis impressæ ab eodem momento dextri cordis sinûs sint pariter inter se in ratione æqualitatis, foramina verò vasorum unius pulmonis supponantur naturaliter æqualia, aut quasi æqualia foraminibus vasorum alterius pulmonis; etiam quantitates motûs seu impetûs unius semiunciæ sanguinis æquales futuræ erunt quantitati motûs alterius semiunciæ sanguinis; quare etiam ascensus & descensus sanguinis transeuntis per foramina in uno æqualis probabiliter erit, cæteris paribus, ascensui & descensui sanguinis transeuntis per foramina æqualia in altero pulmone; & consequenter peripheriâ unius pulmonis decurretur per arterias pulmonares, ac periferiâ alterius pulmonis per arterias sibi homologas; quapropter ab arteriis, in paritate circumstantiarum, æqualis aut quasi æqualis quantitas sanguinis in venarum pulmonarium orificia effundetur, & ab his in sinistrum Ventriculum, æquali aut quasi æquali ratione deferenda erit: Verùm si fluidi vitio (ut in pleuritide & peripneumonia agrè curatis, cæterisque generibus morborum pectoris sæpè experimur) major quantitas sanguinis per unum pulmonem, minor verò per alterum excurrat; tunc cæteris paribus quantitas motûs in uno, major erit quantitate motûs in altero; sicque cùm rationes compositæ ex duplicata velocitatum, simpla densitatum & simpla foraminum, è quibus erumpunt, multum inter se differant, gravior pulmo & fluidis ponderosior motum diaphragmatis ob costas ex ea parte minus elevatas quodammodo impediens, inspiratio fiet imminuta, & alto lateris pondere laboriosa respiratio; Ulteriùs sæpè ostendit Anatome unum aliquando pulmonem costas plus justo alligari, alterum verò non ita; quamobrem cum alligatus pulmo non possit eâ libertate moveri, ac dilatari, quâ alter solutus ac liber; manifestum est, in alligato pulmone impetum impressum sanguini refrangi debuisse, & quantitatem sanguinis non æquabili velocitate deferri; sic majus necessario in organo pondus cum inæquali ac
difficili

difficili respiratione & graviori decubitu, hominem lædet; pariter quotiescunque Pleuritis aut Peripneumonia contingunt, pars pulmonis inflammata moram facit sanguini transeunti; sic tantum adest impedimentum sanguini advenienti, quantum antecedens in segnitie est in parte inflammata; sic cum non perseveret ea ratio æquilibrii inter motum sanguinis antecedentis, & motum subsequents, oportet sanguinem ratione motûs, quantitatis, momenti & temporis à statu naturali & à ratione æquabilitatis recedere, unde inæqualitates pulsum, intermittentiæ & palpitationes sæpissimè evenient.

19. In hoc motu Sanguinis per ramos arteriæ pulmonaris, patet observante Diemerbrockio (pag. mihi 412.) hujusmodi ramos, *për totam vesicularum substantiam instar artificiosissimi retis unâ cum venâ pulmonari decurrere mutuis inter se anastomosis.* Hoc ipsum primò observaverat Immortalis Malpighius; epistolâ enim secundâ de pulmonibus asserit: *tanta est horum vasculorum divaricatio, dum hinc inde à venâ & arteriâ prodeunt, ut non amplius vasis ordo servetur, sed rete conflatum ex duorum vasorum productionibus appareat.* Quanam autem ratione hoc à Naturâ factum sit, licebit nobis conjectari impofterum: Interim observandum est, pulmonarem substantiam jugulum versus angustio-rem esse, versus verò costas spurias extensio-rem & amplio-rem; verùm cum tam angusta portio, quàm extensa suis proportionaliter vasibus donetur, colligi potest, vasorum quoque ramificationes cæteris paribus pauciores esse versus partem superiorem, numero verò majores versus inferiorem; & sanè cum Thoracis portio versus costas spurias majori circumscribatur superficie, portio verò Thoracis versus jugulum à minori superficie dime- tiatur; fas est quoque, contentum pulmonem versus costas spurias majoris esse superficiei, minoris verò jugu- lum versus; cum autem pulmonum vesiculæ undequa- que, tam sursum, quàm deorsum effusæ sint, suspican- dum est, majorem amplitudinem pulmonaris substantiæ versus partes inferiores oriri, & à quantitate majore vesicu- larum, & à majori ramificatione ac peripheria vasorum;

huic animadversioni favet Archibaldus Pitcarnius, (a) assumit enim pectus tanquam Sphæroidem, cujus minor Diameter sit digitorum 15., major verò digitorum 20.; cum autem Sphærois à minori Diametro ascendendo versus majorem axem semper proportionaliter decrescat, colligendum putavi, capacitatem pectoris, [juxta supposita a Celeberrimo Auctore] versus jugulum, in quo desinit major axis, esse angustiores, versus verò costas spurias, in quibus desinit minor axis, esse ampliores; quapropter jure haberi potest, amplitudinem pulmonum versus costas spurias majorem esse illâ, quæ versus jugulum elevatur; major itaque vasorum & vesicularum numerus ac peripheria inferiorem pulmonum partem, minor verò superiorem ambit; hinc elevatio Thoracis sensibilibior in inferiori, in superiori verò jugulum versus debilior ac tenuior reperitur; Hinc gravi actione angitur animal, quoties in Hepatitide pondus Hepatis inflammati diaphragma & finitimas costarum appendices trahit inferius; costæ siquidem & diaphragma tenuissimo motu elevatæ, minùsque quàm par est, spatium vetant, quo pulmonares vesiculæ inferiores ad majores superficies extendantur, ut necessariâ libertate moveantur, opportunum aërem suscepturæ; quapropter dimidiata respiratio & altus angor pectus opprimunt.

20. Fluit itaque Sanguis sursum & deorsum ex utràque pulmonum parte, & à majoribus ramis traducitur in minores, minimasque ramificationes, usque dum minimi arteriarum rami factâ cum minimis venarum luminibus deosculatione sanguis ab arteriis facillimè in venas effluat; Huic autem motui ab arteriis in venas, non tantum auxilio est momentum cordis sanguinem impellentis, verùm etiam clarum est, quòd dilatato thorace sequatur statim oblatio resistentiæ, quam depressæ costæ & laxatum diaphragma contra superficiem extimam pulmonum exercent; ideòque cum ad fauces præstò sit aër,

vel

(a) Dissertatione de causis, quibus fluit sanguis per pulmones.

vel suo pondere, vel elaterio potens ingredi, quotiescunque auferuntur resistentiæ, sequitur, aërem totâ vi irrucere in pulmones, eosque quantum potest aperire: Præterea constat ex Anatomæ, intra areas reticulares vasorum, & circum vasa ipsa sanguifera adesse bronchiorum vesiculas, quæ sphæricam quasi superficiem æmulantur aëre inspirato: cum enim Pulmo debuerat esse Viscus aëri excipiendo destinatum, certè opus fuerat, Naturam vesiculis quasi sphæricis uti debuisse, ut aërem majori quantitate exciperet; cum enim Sphæra sit quibuscunque figuris Isoperimetris capacior, etiam vesiculæ quasi sphæricæ proportionaliter multum aëris supra cæteras figuras sibi isoperimétras erunt suscepturæ; sic in Pthisi & Hydrope pulmonum laxatis nimium ac flaccidis pulmonaribus vesiculis difficultas respirationis & gravis anhelitus fiunt, eò quia flaccescentes nimium vesiculæ, à quasi sphæricâ figurâ, ad quasi sphæroidem transeunt; cum autem hæc sphærois talis sphærae isoperimetra minus capax sit, ut inferiùs constabit, ideò nimium laxatæ vesiculæ quasi sphæricæ pulmonum, & quasi sphæroideam figuram adeptæ minus aëris excipient, quam par est, unde tot incommoda evenient vitio respirationis: Ulteriùs Pulmo debuerat esse Viscus leve & facilè mobile, quare quasi sphæricis vesiculis dotari debuerat; etenim cum sphærica corpora in punctis se tangerent, etiam vesiculæ quasi sphæricæ punctualem quodammodo contactum servaturæ erunt inter se; quare interstitia & areas quamplurimas necessariò relinquent, à quibus facilè levitas major corporis exoriri potest, quæ certè non haberetur, si corpora illa vesicularia sub aliâ figurâ in planis se tangerent, à quibus cum multò pauciores areæ & interstitia relinquantur, certè in tàm majori planorum adhæsione, & consequenter in tàm minori interstitiorum numero gravitas & pondus visceris supra modum augeretur; & sanè grave esset experiri molestiam respirationis, quoties nerveum illud ligamentum à Malpyghio detectum (a) vesicularum parietibus

F 2

tibus

(a) Epistola prima de Pulmon. ad Borellum.

tibus alligatum convulsivo motu crisparetur; sic enim vesiculæ relictâ superficie quasi sphæricâ non ampliùs in punctis, sed quodammodo mutatâ figurâ in planis coguntur se tangere, factum inde, ut minus aëris excipiant & minora fiant interstitia vesicularum, unde visceris pondus gravius feret fastidium respirationis.

21. Cum itaque Pulmo & naturali, & sæpè præternaturali motu moveatur, quo pulmonares vesiculæ figuram quasi sphæricam faciliè invertunt, sphæroidem quasi superficiem quodammodo acquirentes, non ineptum erit utriusque capacitates, quantum fieri potest, dimetiri, ut quantitas aëris in quasi sphæricâ, & quantitas ejusdem in quasi sphæroidali vesiculâ proximè innotescant, ut pulmonarium morborum natura quantum possibile est aperiatur; placeat itaque supponere Vesiculam quasi sphæricam $ABCD$ (a) cujus diameter AB sit partium minimarum 6; certum est ex geometricis usu decimalium, hujusmodi sphæram $ABCD$ esse proximè partium minimarum cubicarum 113.0976 . Modò supponatur, eandem quasi sphæricam vesiculam, aut convulsione, aut morbosâ laxitate, taliter deprimi, aut contrahi, aut laxari, ut diameter AB partium minimarum 6, reducatur in diametrum FG . (b) partium minimarum 4; certum est eâ ratione, quâ partes oppositæ diametri AB in hujusmodi sphærâ $ABCD$ invicem accedunt sub minori diametro partium minimarum 4, reliquas partes oppositas C & D æquali ratione à se invicem recedere, quare Diameter EH (b) fiet partium minimarum 8; sic quasi sphærica vesicula $ABCD$ in quasi sphæroidem $FE GH$ conversa erit ex geometricis proproximè partium minimarum cubicarum 67.0208 ; Cum autem contenta corpora sint cæteris paribus in ratione corporum continentium, palàm est in vesicula quasi sphæricâ contentas partes minimas cubicas aëris, esse proximè ad partes minimas cubicas aëris contentas in vesiculâ quasi sphæroidali sphæræ quasi isoperimetra, in ratione numerorum decimalium 113.0976 ad 67.0208 ; quare

quare talis sphærois continens, minus continebit particularum aëris, quàm hujusmodi sphæra defectu partium minimarum cubicarum 46. 0768 proximè; Quamobrem cùm defectus & vitium unius vesiculæ quasi sphæricæ transeuntis in quasi sphæroidem, omnibus vesiculis pulmonum convenire aliquando possit, quis non videt? quantum aëris detrahendum sit, quoties universa pulmonum regio, aut convulsione contracta, aut pressione depressa, aut flacciditate laxata, ut in Hecticis, & Hæmoptoicis, tam gravi defectu laboraverit; Quamobrem cùm opportunis Naturæ operibus ea quantitas aëris necessaria fuerit, quæ à quasi sphæricis vesiculis contineri debuerat, manifestum est, à solâ quantitate aëris in quasi sphæroidéis vesiculis collectâ Naturam necessariò pati, & gravi asthmate faciliè deficere debuisse; Hisce expositis liceat tantillùm superfedere nonnulla prius exposituro actionibus pulmonarium vesicularum necessaria; Etenim quoniam pulmo viscus est, quo aër inspirando excipitur, & expirando expellitur, & cùm ab aëris momento, tam sanitas, quàm morbus foveri faciliè possint, opportunum est ibi nonnulla de viribus elastici aëris in pulmones conjectari, ut juxta nostrum institutum morborum pulmonarium semina inquirantur. De elasticitate seu viribus Aëris & resistentiâ, summi Viri toto orbe Celeberrimi, Isaacus Newtonus, & Gulielmus Leibnitius mira docuerunt; postea verò Jacobus Hermannus immortalis semper laude decorandus, alique doctissimi Viri, inter quos summi nominis Vir Johannes Polenus, cui multum debeo, majora de viribus aëris experti sunt; Inde Michelottus toties laudatus tantorum virorum sententias sequutus refert (*pag. 148. de separatione fluid. in corpore Animali*;) aërem esse fluidum grave atque elasticum, quod comprimi potest in spatia, quæ ponderibus comprimentibus proportionem respondent, ideòque talis naturæ, ut ejus densitates viribus comprimentibus, seu elasticitatibus quàmproximè proportionales existant; Addit autem quàmproximè, eò quia summi & incomparabiles Viri Jacobus Bernollius, de gravitate Aëris; & Johannes pariter Bernollius

lius, de motu musculorum pag. mihi 23. analyticè ostendunt, densitates Aëris esse quidem elasticitatibus proportionales in aëre tamen parùm denso; cæterùm in aëre multùm denso elasticitates in majori ratione crescere, quàm densitates. Inspirato itaque aëre per tracheæ fistulas elevantur costæ, diaphragma deprimitur, & pectoris cavum necessariò ampliatur; sic quæcunque vesiculæ pulmonares amplexu aëris quasi sphæricè turgescunt; portio itaque aëris, quæ inferiorem pulmonum partem occupat, cùm necessariò pressionem aëris superiores partes occupantis successivo vesicularum dilatatarum continentium contactu quodammodo pati conetur, inferior aëris quantitas superiori proculdubio aliquantulùm densior fiet; quamobrem cùm densitates sint elasticitatibus aëris quàmproximè homologæ, cùmque vesicularum inferiorum numerus multò major sit numero superiorum, (ut num. 19. innuimus) certè vis aëris inferiores vesiculas occupantis multò major erit vi illius, qui in superioribus vesiculis jugulum versus continetur; quare facilè crederem, initium Expirationis juvari non parùm à vi aëris inferioris magis densi ac compressi, & consequenter magis elastici superiores vesiculas urgentis; etenim hujusmodi ratio aëris inferioris, cùm ulteriùs, pulmonibus naturaliter se habentibus, pressionem pati non possit à superiori superincumbente ac supranitente, nec ultrò densior fieri debeat, opus est, inferiorem magis compressum urgere debuisse superiorem aërem, eâ videlicet ratione, quâ priùs superior inferiorem compresserat; cùm autem superior aër, prout minus densus, & ratione pauciorum vesicularum quantitate minor sit, minorem propterea feret resistentiam actioni & viribus majoribus elasticis aëris inferioris; idcirco inferior aër validè urgendo, magisque dilatando contingentes vesiculas, & ab his communicato proximis tangentibus & superioribus vesiculis successivo contactu, superior aër ab inferiori valido nisu per bronchiorum foramina versus asperam arteriam aperta forâs expelli debebit, ut tandem aliquando inferior quoque aëris portio completa expiratione

spiratione successivè eliminetur ; sic tali methodo aëris operantis , inspiratio & exspiratio reciproco & naturali motu exercentur ; Verùm si viribus aëris inferioris superiorem validè urgentis opponatur materia quædam lymphatica , aut alterius generis è glandulis tracheæ decidens , quæ bronchiorum foramina obstruat , tunc cùm exitus aëris superioris expellendi ab elasticâ vibratione inferioris ægrè fieri possit , resistantiam feret impulsui inferioris ; quapropter oppositis viribus corporum contraoperantium grave asthma fiet , aliquando Hæmoptysis , aliquando verò retardato motu sanguinis pulmonum inflammatio.

22. In hac re quærens actionem & momentum expirationis , altè miratus sum legens ex supputationibus Bernollianis à Clarissimo Michelotto relatis , dilucidèque explicatis , actionem & momentum fortissimæ expirationis , quâ aër non solum ratione suæ elasticitatis , verùm etiam opere muscutorum Thoracis & Diaphragmatis per Laryngem expellitur , tam magni momenti esse , ut colligat Celeberrimus Auctor ; *Velocitatem aëris fortissimo spiritu per laryngem expulsi absolvere posse eodem illo tempore unius minuti secundi pedes 390 ; id est 400 pedes ; id quod ita intelligi velit , nimirum aërem ex ore impulsam , nisi statim dissiparetur , sed uniformi cum velocitate , quam primo instanti habet , pergere posse singulis minutis secundis , vel singulis arteriæ pulsibus excurrere 400 pedes Parisienses ;* quam sententiam ulteriùs confirmat Epistola , quam magnus Vir Johannes Bernollius Clarissimo Auctori conscripserat ; verùm mirari desii , ut animadverti Bernollium & Michelottum de fortissimâ , non autem de placidâ , lenique expiratione sermonem habuisse ; Ad superiora itaque redeundo , certum est , actionem inspirationis & expirationis magnum opus esse , ut Natura fluidorum leges opportunè regat ; Inspirato enim aëre pulmonares vesiculæ superficiem quasi sphæricam obtinent ; exspirato verò aliququaliter connivent , & laxatis quodammodo fibrarum ordinibus à quasi sphæricâ , ad quasi sphæroidalem superficiem leniter declinando deveniunt ;

veniunt; hoc autem motu reciproco vesicularum, venæ & arteriæ vesiculis circumscriptæ, in inspiratione comprimuntur, in expiratione laxantur; sanguis itaque contentus inspirando magis stringitur & atteritur, attritus verò succedente expiratione particulis, quibus componitur, opportunè miscetur; hæc autem attritio sive resolutio necessaria est, Chylus enim mox Sanguini associatus, nunquàm debitâ agitatione, attritione, mîstioneque opportuna perfici poterit, nisi vesicularum pulmonarium oscillatorio motu circumposita vasa elasticè urgeantur; Licet verò Celeberrimus Alphonsus Borellus (a) impossibile, aut saltem difficillimum censeat, partes sanguinis heterogeneas quantumvis attritas ac resolutas in pulmonibus inter se commisceri, angustissimorum canaliculorum culpâ; nihilominus Immortalis Malpighius totis viribus in opere posthumo pag. mihi 14. Borelli sententiam studet evertere, attritionem corporum & debitam mîstionem in pulmonaribus vasculis positurus; Quotiescunque autem agitatio, attritio & opportuna mixtio corporum in canalibus pulmonum satis aptè exequatur opere præcipuè elasticitatis aëris, vesiculas & consequenter circumsepta vascula reciproco motu dilatantis; proculdubio ex Malpighio suspicari ulterius possem, Motum quoque Sanguinis per pulmonaria vasa ad spiralem aut quasi spiralem inclinandum esse, (ut num. quoque 7. indicatum est;) Inquit enim Immortalis Auctor eodem opere posthumo loco citato: *His accedet, sanguinem in pulmonibus duplici motu agitari, à Corde videlicet, & ab elatère aëris, aut adderem Ego, ab elatère vesicularum, si non placeat, aërem in pulmonaria vascula sanguifera trajicere cum Malpighio; primo motu natura tentat motum rectum, in secundo fiunt ex laterali compressione motus contrarii à circumferentia ad centrum, unde motus rectus perturbatur; quare ex his necessario sequitur mixtio, & attritio particularum sanguinis: Cùm autem ex duobus hisce Motibus eodem tempore exerci-*

tis,

(a) Pag. 108. secundi Tom.
de motu Animalium.

tis, quorum unus rectus est, transversalis alter, necessario componatur Motus quidam ex utroque motu compositus, qui necessario ex Mechanicis inclinatus est & obliquus, videlicet quasi spiralis; conjectari licebit, motum sanguinis per pulmonaria vasa accedere posse ad motum quasi spiralem, vi cujus quoque felicius resolvuntur & atteruntur corpora, & attrita debite miscentur; quidquid sit tamen de hoc,

23. Conjectari liceat actionem inspirationis & expirationis non fieri tantummodo à motu musculorum intercostalium, actione diaphragmatis & opere elastico vesicularum pulmonarium; verum etiam adjuvari à motu peristaltico vasorum reticulariter positorum circa pulmonares bronchiorum vesiculas; Enimvero autopsiâ constat, fibras omnes, & multò magis vasa quælibet ex fibris nerveis, muscularibus & membranosis elaborata peristaltico motu dotari; hujusmodi autem peristaltici motus artificio fibræ omnes post statum naturalis elongationis, intra sese contrahuntur & resipiscunt; quæ actio arteriis quoque & venis naturaliter accidit: & sane Clarissimus Lyfter (a) omnia prius edocuit, inquit enim, *pulmonum vasa propter æqualem connexionem cum bronchiis extendi & ampliari, & similiter abbreviari & constringi.* Deinde vasorum pulmonarium abbreviatio aliunde fieri potest; vasa enim pulmonaria modò ingrediente aëre erecta sunt & extensa, postmodum egrediente aëre inflexa & inclinata laxantur & decumbunt; Vasa itaque arteriosa pulmonaria cum venosis retis in modum efformata placeat primo observare juxta naturalem longitudinem, postmodum verò intra sese contracta & abbreviata, ut exigit naturalis actio motus peristaltici: Itaque supponatur Arteria O D C, (b) (b) fig. 4. quæ venæ C M O retis in modum unita sit in punctis connexionis O & C; sintque ambo vascula juxta rationem naturalis altitudinis O D & C M; naturalis verò latitudinis D C & M O describantque simul unita quadrangulum Rectangulum

(a) Dissertatione de Humoribus
pag. 20.

lum $ODCM$. Postmodum opere motus peristaltici reciproca actione vascula hæc contrahantur, & abbrevientur; ita ut Rectangulum $ODCM$ contrahatur in Rectangulum $EDCF$ minoris altitudinis; ut evidenter in motu Lumbricorum hujusmodi actiones facile observamus; certum est, vesiculas pulmonares contentas in spatio Rectanguli $ODCM$ majoris altitudinis eo tempore, quo spatium hoc contrahitur, in spatium Rectanguli $EDCF$ minoris altitudinis non parum constringi, & contractis quoque latitudinalibus vasculis multum contrahi ac minui spatia rectangula, quare aer necessario per aperta bronchiorum foramina versus asperam arteriam educendus erit.

24. Supponatur modo alter casus abbreviationis & contractionis, nempe Arteriam OCD , & venam DMO

(a) fig. 5. (a) retis in modum inter se unitas in punctis connexionis O & D , mutatisque angulis deflecti & inclinari, ita ut eadem vascula describant Rectangulum Rhomboidæum $F C D B$ priori $ODCM$ Isoperimetrum, producatunque recta FB in E ; manifestum est ex Geometricis Rectangula $F C D B$ & $EDCA$ cum sint sub eadem basi DC , & inter easdem parallelas DC , & EBF esse inter se æqualia; [b] sed Rectangulum $EDCA$ minus est Rectangulo $ODCM$, eò quia sub æqualibus OM & DC latitudinibus Rectangulum $ODCM$ majoris est altitudinis, Rectangulum verò $EDCA$ minoris est altitudinis: ergo etiam Rectangulum Rhomboidæum $F C D B$ licet Rectangulo $ODCM$ Isoperimetrum, minus erit Rectangulo $ODCM$; quare etiam in hoc casu vasa reticulariter posita, quotiescunque à positione recta spatii Rectanguli $ODCM$ devenerint ad positionem inclinatam, aut inflexam sub spatio Rectangulo $F C D B$, inscriptas, contentasque Vesiculas pulmonares necessario compriment, æremque contentum foras expellent; quamobrem ex his utroque modo facile licebit arguere vasa arteriosa & venosa pulmonum, figuram retis componentia, quotiescunque extiterint in statu naturalis elongationis dilatationi vesicula-

(b) per
35 1. Eu-
clidis.

vesicularum contentarum, Inspirationi videlicet apertè conferre; in statu verò contractionis aut inclinationis vasorum contractioni vesicularum seu Expirationi facilè auxilio futura esse; Quoties itaque in vasis pulmonaribus organico vasorum vitio elastica actio, aut imminuta sit, aut ablata; tunc deficiente opportuno impetu contra objectas bronchiorum vesiculas expirationem quoque infirmari necessarium est; quapropter cùm ob imminutam expirationem tota aëris quantitas nondum fuerit è bronchiis egressa, succedente postmodùm inspiratione, minor aëris quantitas pulmonares vesiculas ingredi potest; unde defectu corporum opportunè elasticorum minor motus agitationis, attritionis & mixtionis in particulis sanguinis, & iners motus in organis pulmonaribus naturalem & necessariam respirationem enervant: Colligendum itaque, Bronchia motu inspirationis urgere vasa sanguifera, & reciprocè vasa compressa suâ vi elasticâ æqualem & proportionalem impetum in bronchiorum vesiculas restituere; ex his ulterius conjectari licebit, in extremitatibus & peripheriâ pulmonum sedem legitimæ Pleuritidis ponendam esse, eò quia, cùm in peripheriâ pulmonum minora, aut minima sint vascula, quorum momentum proportionaliter tenue est ac leve; si vitio inspirati aëris, aut feri defluxi è lymphaticis vasis pulmonares vesiculæ ad majorem superficiem dilantur; tunc cùm sectiones minimarum arteriarum & venarum eâ ratione stringantur, quâ vesicularum sectiones magis extensæ fuerint; certè vesicularum dilatatio aliquando tam magna fieri poterit: ut minimæ illæ arteriæ ac venæ omnimodè claudantur; idcirco impedito Sanguinis Circulo in extremitate ac peripheriâ pulmonum, ibi fiet radix futuræ inflammationis, *legitimæ videlicet Pleuritidis* origo & basis; Verùm cùm vasa majora pulmonum sectionibus majoribus donata quoque sint, majorique momento ditescant, à vesiculis circumpositis quantumvis supra legem dilatatis, aut à præternaturali momento aëris, aut à copia feri defluxi non adeò stringentur, unde horum vasorum sectiones non gravitur impediunt,

quin Sanguis convenienti libertate possit effluere ; Cæterum si gravi fato in majoribus quoque canalibus Massa sanguinis aut vitio feri, aut organi incipiat lentiori pede incedere , tunc graviori respiratione & angustia gravior quoque morbus emerget , quem *Peripneumoniam* poterimus nuncupare. Itaque pluries suspicatus sum veram Pleuritidem à Peripneumonia ratione loci tantummodò differre , eò quia in legitimâ Pleuritide in minoribus præcipuè , minimisque pulmonarium canalium sectionibus sanguinis motus impediatur : in Peripneumonia verò in majoribus quoque canalibus lentescat ; ita tamen ut utriusque morbi sedes sit ipse Pulmo ; Ex his clarum est , quàm facilè transitus fieri possit à verâ Pleuritide ad Peripneumoniam , eò quia quoties sanguis lentescere , aut impediri incipiat in extremis vasculorum finibus sive peripheriâ pulmonum , opus est , sanguinem ibi lentescentem adveniēti novo sanguini impedimentum esse allaturum , sicque communicato canalibus quoque majoribus ipso sanguinis impedimento parari quoque poterit facilis via ad Peripneumoniam elaborandam ; quare licebit suspicari , *Spuriam Pleuritidem* verè non in Pulmone, sed extra pulmonem , in Musculis videlicet respirationi inservientibus, aut intra musculos & pleuram ponendam esse , ut frequentes Cadaverum sectiones palàm ostendere visæ sunt.

25. An autem particulæ aëris per Bronchia excurrentes sanguinem ingrediantur , nondum adhuc à dimicantibus Anatomicis & Philosophis determinatum est ; certum tamen est , aëreas particulas sanguini adesse , ut evidenter imposito sanguine in Machinâ Boyleanâ clarè innotescit , ibique elaterium suum exercet ; hæ fortasse cùm fuerint Chylo commixtæ , facilè in sanguinem traductæ fuerunt ; Malpighius tamen licèt ingressui aëris in pulmones assentiri videatur ; nihilominus non aërem absolutè , sed probabilius putat , *quid latitans in aëre & aquâ etiam summè mobile & activum separari , quod fortasse luminis naturam sapit ; ex urinâ enim , quæ est portio sanguinis luminosum corpus coruscans , flammamque concipiens extrahitur , ut patet in*

ter in Phosphoro Nobilissimi Boylei. Oper. Posth. pag. 16. Sed hæc mira non sunt; ante enim Malpighium non ab aëre & aquâ tantum luminis particulas educi creditum est; verum Celeberrimus Pater Grimaldus Societatis Jesu semper laudandus prop. 47. n. 1. de Luce & Lumine; in putrido ligno, noctilucâ & vermibus mirandam vim ad producendum lumen esse docuit; inquit enim gratis & immerito suspicaretur aliquis, quod modicus ignis, aut lignum putridum & noctiluca, aliudve simile Animalculum, non habeat facultatem gignendi in se lumen, illudve ad multorum miliarium distantiam ejaculandi tanto impetu, ut citissime ac per lineas semper rectas procedat, tum directe, tum reflexe, cum denique refracte. Clarissimus quoque Vallisnerius tot meritis ubique Celeberrimus, tum in Italiâ, cum in Indiis aliquas Cindelas mihi indicare dignatus est, (a) quæ multum luminis ejaculantur; quare tanti Præceptoris testimonio fretus facile credidi, quæ tam Celeberrimi Viri antea docuerunt; sed relictis his, licet intento nostro opportunis, redeo ad Malpighium, qui in Noctilucae observationibus Anglicanæ Societati traditis, notat concavitatem binis ultimis incisuris Noctilucae excitatam, succo quopam repleti, qui fons est luminis: Malpighius in Oper. Posth. pag. 85. Quamobrem ex his non mirabor, ab aëre etiam & aquâ sanguinis animati Animalis, pulmonum opere, separari quoque luminosa corpuscula & per pulmones in Massam sanguinis ejaculari, ibique hanc intestinis motibus agitari; etenim cum luminosæ particulae mobilissimæ ac tenuissimæ sint, vesicularum pulmonarium foraminula subire facile possunt, & in tangentialia venarum & arteriarum vascula eadem lege penetrationis introire; verum ingressæ citissimo motu objecta fluidorum corpora valide urgent, totumque sanguinem intestinâ ac multiplici agitatione succutiunt; ex his fortasse luminosis corporibus sanguinem ingressis, parum, aut minimum refractis altè rubescit in pulmonibus sanguis, quam Ruboris indolem

G 3

dolem

(a) Epistola die secunda Decembris
 Anno 1722.

dolem Nitro - aëreo fortassè mimùs rectè Clarissimus Mayovius adscripserat ; Scio quidem in Chymicis salia volatilia , si cum sulfureis spiritibus opportunâ mixtione digerantur , tincturam quoque rubicundam induere , quæ præcipuè in sanguine pulmonari ex similium corporum debitâ mixtione potest contingere ; nihilominùs cùm hujusmodi Phænomena , quæ ad colores spectant , luminosis corporibus præcipuè debeantur ; propterea in hac re pro particulis luminis ab aëre separatis per pulmones , & in sanguinem ingressis Malpighii sententiæ facile assentirer ; Hinc suspicandum est , in cœnoso aëre & impuro sanguine minus lucis , minùsque particularum luminis adesse , quarum vi particulæ sanguinis & lymphæ minùs agitatae coguntur imminutâ agitatione , attritione & mixtione lentescere ; Hinc inflammationes , Hydrops pectoris , aut læsio respirationis paulatim accedunt ; Quidquid sit , tamen de ingressu aëris in pulmones , certum est , à vitiato , aut pestilenti aëre brevi tempore sanguinem vitium trahere , innumeram timendorum morborum familiam allaturum ; quin imò non tenuis malorum numerus ab aëre quoque nimis elastico , aut nimis compresso fortitur ; Enimverò si fortè contingat pulmonares vesiculas mulctatas esse materiâ quadam è glandulis tracheæ deciduâ , in bronchiis lentescente ; ut in Asthmate humido : aut spasmodicè contractas esse in minores areas ; ut in Asthmate sicco : tunc debita quantitas aëris à dilatatione naturali Thoracis impulsâ in pulmones , cùm non tota placidè contineri , aut liberè vagari possit intra pulmonares vesiculas , fas est , eam quantitatem aëris intro-pulsam densiorem fieri , nimisque compressam detineri in vesiculis ; velut in statu violento ; ibi autem cùm densitates sint elasticitatibus quamproximè in ratione homologâ , cumque vis elastica compressi aëris otiosa diu permanere non possit , validiori nisu , quam par est , urgebit & vim faciet contra vasa circumjacentia , vi cujus canalium sectiones imminutæ fient ; unde libertate sanguinis circulantis aut impeditâ , aut imminutâ , factoque

etoque motu sanguinis asymetro, laboriosa & gravis succedet respiratio, & pericula inflammationis & suffocationis aliquando minabuntur.

26. Verum non istæ tantummodò sunt Asthmatum & Morborum pulmonarium causæ, faciliores fortassè & sæviores occurrunt; siquidem si seri particulae à lymphaticis, aut è tracheæ glandulis in pulmonares vesiculas decumbant, ibique adeò colligantur, ut spatia illa glandularum impleantur, ab aëris particulis occupanda: proculdubio enorme pondus in pulmonibus emerget. Ut autem hæc magis manifesta fiant, necessarium putavimus pondera aëris & seri quamproximè indagare; cum autem pondus seri faciliùs haberi possit, si cum pondere aquæ communis comparari curaverimus, propterea ut intento nostro probabilior & proximior succedat eventus, nonnullas analogias præmittendas necessarium credimus inter serum & aquam communem diversi generis & Regionis, ut determinatum seri pondus colligere faciliùs possimus: Itaque notandum est, celeberrimum Jacobum Hermannum *lib. 2. prop. 171. Phoron.* ex supputationibus magni Jacobi Bernollii facile demonstrare, gravitatem aëris ad gravitatem aquæ fuisse in ratione 1. ad 800. Celeberrimus autem Taylor Anglus *pag. mihi 104. Methodo incrementorum directâ & inversâ* exposuit Experimentum à Clarissimo Haukesbejo factum, ostendens aëris densitatem mediocrem ad densitatem aquæ esse proximè, ut 1 ad 820: cum autem densitates corporum sint ponderibus eorundem proportionales; idcirco pondus quoque mediocre aëris ad pondus aquæ communis Anglicæ erit ut 1 ad 820 proximè: Ita Archibaldus Pitcarnius Scotus, *pag. 189. de fluxu menstruo*; expertus est, gravitatem aëris ad gravitatem aquæ Scoticæ esse circiter ut 1 ad 1000: Pariter Nobilissima Academia Florentina *Experimento 255.* observavit, pondus aëris ad pondus aquæ communis fuisse in ratione 1 ad 1179 proximè: Ulteriùs Acutissimus Pater Franciscus Lana *in suo Prodromo pagina mihi 53.* Experimentis accuratissimè institutis exper-

tus est, pondus aëris nostri Brixiani datum vas replentis esse ad pondus particularum aquæ Brixianæ idem vas replentis quamproximè ut 1 ad 640 . Hisce itaque præmissis placeat supponere, quod à Philosophis ac Medicis pro verò habitum est, Serum nempe sanguinis præcisè & secundum se & naturali in statu consideratum, nil aliud esse, quàm ipsamet aqua communis, ut prima quoque dissertatione num. 2. indicatum est; Omnes siquidem aquâ communi vescimur & nutri-mur; quare serum sanguinis secundum se erit aquæ communi quamproximè proportionale; quapropter colligi potest, aquam unius loci sub eodem volumine esse quamproximè ad aquam alterius loci sub eodem volumine: ut homologè est serum sanguinis alicujus hominis in primò loco sub eodem volumine ad serum alterius hominis in secundo loco quamproximè & sub eodem volumine; & permutando erit aqua unius loci ad serum sanguinis unius hominis in hoc loco & sub eodem volumine, ut aqua communis alterius loci ad serum sanguinis alterius hominis in hoc altero loco quamproximè; quare juxta nostrum propositum erit pondus aquæ communis Brixianæ sub eodem volumine ad pondus feri nostri sanguinis naturaliter se habentis, ut quamproximè est pondus aquæ communis Anglicæ ad pondus feri Anglici sanguinis humani; sed pondus aquæ nostræ communis est ad serum sanguinis nostri (*per numerum* 16.) in ratione granorum 1749 ad 1803 proximè; ergo etiam homologè pondus aquæ Anglicæ granorum 820. erit ad pondus feri Anglici sub eodem volumine, ut 820 ad 845 $\frac{555}{1479}$ proximè; quare fiet analogismus ut 1749 . 1803 :: 820 . 845 $\frac{555}{1479}$ Veritas autem hujus Analogismi innotescit quoque usu Logarithmorum; factâ siquidem summâ logarithmorum respondentium secundo & tertio numero proportionali & ab hac subtracto logarithmo primi numeri absoluti emerget logarithmus 2. 9270197 quamproximè indicans, quartum numerum proportionalem quæsitum esse

845 $\frac{555}{1749}$; Sed pondus aëris per experimentum relatum à Celeberrimo Taylor ad pondus aquæ Anglicæ est ut 1 ad 820; ergo etiam Pondus aëris ad pondus feri sub eodem volumine cum aquâ Anglicanâ erit proximè ut 1 ad 845 $\frac{555}{1749}$

Pariter cùm pondus aquæ nostræ ad pondus feri nostri sub eodem volumine sit granorum 1749 ad grana 1803 proximè erit pondus aquæ Scoticæ granorum 1000 ad pondus feri sanguinei Scotici sub eodem volumine, ut grana 1000 ad grana 1030 $\frac{1530}{1749}$ proximè; sed pondus aëris ad pondus aquæ Scoticæ est per Archibaldum Pitcarnium ut 1 ad 1000; quare erit quoque pondus aëris ad pondus feri sanguinei Scotici, ut 1 ad 1030 $\frac{1530}{1749}$ proximè.

Ita rursus cùm pondus aquæ nostræ ad pondus feri nostri sub eodem volumine sit granorum 1749 ad grana 1803; pondus quoque aquæ Florentinæ granorum 1179 erit ad pondus feri sanguinis Florentini sub eodem volumine, ut grana 1179 ad grana 1215; $\frac{702}{1749}$ sed pondus aëris Florentini (per Experimentum 255 Academiæ Florentinæ) ad pondus aquæ Florentinæ est proximè ut 1 ad 1179. ergo etiam pondus aëris ad pondus feri sanguinei Florentini erit proximè ut 1 ad 1215 $\frac{702}{1749}$

Denique cùm pondus aquæ nostræ ad pondus feri sub eodem volumine sit proximè granorum 1749 ad grana 1803; pondus quoque granorum aquæ nostræ communis Brixianæ 640, erit ad pondus feri Brixiani sub eodem volumine, ut 640 ad pondus granorum 659 $\frac{1329}{1749}$ proxime; sed pondus aëris ad pondus aquæ nostræ communis est ex Patre Lana in ratione 1 ad 640 proximè; ergo etiam pondus aëris ad pondus feri nostri sanguinis sub
H eodem

eodem volumine cum aquâ nostra communi erit proximè ut 1 ad 659 $\frac{1329}{1749}$; quare fiet ultimus Analogismus sic, ut 1749 . 1803 :: 640 . 659 $\frac{1329}{1749}$; hæc autem quarta proportionalis innotescet quoque usu Logarithmorum; etenim juxta horum Regulas operando emerget logarithmus 2 . 8 1 9 2 8 5 0 proximè indicans quartum numerum proportionalem quæsitum esse 659 $\frac{1329}{1749}$

Hisce itaque repertis accedimus rationabiliter Conjecturis; enimverò si una vesicula pulmonaris contineat naturaliter particulas aëris, cujus pondus se habeat ut unum; si postea hæc eadem vesicula aqueis particulis repleatur, necessariò pondus aquearum particularum erit proximè in ratione 640 ad 1; cùm autem serum sanguinis gravior sit aquâ communi sub eodem volumine in ratione probabiliter proxima granorum 1803 ad 1749, per regulas proportionum quoque manifestum jam est, gravitatem feri sanguinei in eandem vesiculam defluxi è glandulis trachéæ, & in eadem vesiculâ contenti fore proximè in ratione 659 $\frac{1329}{1749}$: Quamobrem palàm est, quàm facilè pulmo vitari possit, & in immensum altè gravari, quotiescunque non una tantùm, sed plures vesiculæ pulmonares loco aëris, cui expediendo destinantur, feri particulis repleantur; Hinc constat, quàm grave onus ferre debeant pulmones, quoties serosis Humoribus saginantur; quamobrem fas est oriri necessariò altam respirationem, magnumque anhelitum fieri, & Animal molestissimâ anxietate, ac stertore cruciari cum periculo suffocationis; aut saltem facillimæ dispositionis ad pulmonum Hydropem elaborandum; quæ omnia passim contingere possent, nisi Natura continuatâ expiratione & assiduo excreatûs opere à fluenti humorum sarcinâ paulatim liberaretur.

Finis Secundæ Dissertationis.



DE MOTU SANGUINIS PER UNIVERSUM CORPUS CUM MECHANICIS MORBORUM CAUSIS.

DISSERTATIO TERTIA.

27.



Ulmonum Morbis brevi stylo exaratis instituti nostri ordo exigit, reliquorum morborum familiam quæ-
rere, horumque Causas eâdem Me-
chanicâ, brevique Methodo, quan-
tum rationales conjecturæ ferunt, in-
venire; sanguis itaque tùm ascen-
dens, cùm descendens impulsui cor-
dis motum debet; & quoties Naturâ languente Cor non
otium fecerit, conatur impulsus sanguis ima & summa
naturæ loca rimari: verùm quia sæpissimè fluidum hoc
expulsâ innocentia vitium trahit, propterea & naturalis
hujus fluidi motus gravi naturæ incommodo sequitur san-
guinis culpam, & ambo funesto morborum numero Ani-
mal diruunt; quæ omnia ut quæram, superiùs Conjectu-
ra nos docuit n. 15.: Momentum sinistri ventriculi mul-
tò majus esse momento dextri; cùm enim à Ventriculo
sinistro sanguis per universam Animalis Machinam suprâ
& infrâ eodem tempore projici debeat, certè Ventricu-
lus sinister tantis momentorum gradibus donandus fue-
rat, utpote majoribus & robustioribus fibris munitus tan-
to oneri opportunis: Itaque à ventriculo sinistro ejacu-
latus sanguis Arteriam magnam ingreditur, quæ obser-
vantibus Anatomicis ad quatuor circiter digitos indivisa

totum sanguinem quantitate & impetu amplectitur : In hujusmodi Arteriæ magnæ principio animadvertit Clarissimus Bellinus amplitudinem arteriæ, quæ cordi affigitur, minorem esse amplitudine maximâ sinistri Ventriculi ; sanguis idcirco à ventriculo expulsus cùm non totus intra capacitatem arteriæ cordi affixam per quatuor circiter digitos contineri possit, incipit urgere arteriæ latera , quæ extrorsum quaquaversus dilatata inchoant motum pulsationis arteriarum; in hoc Arteriæ magnæ principio hujusmodi sectionem circularem inquirendi necessitas postulat, quantitatem sanguinis dato tempore transeuntis, quantum possibile est, investigare ; Itaque licet sectiones arteriarum variæ ac diversæ sint juxta varias Hominum moles, ætates ac figuras ; nihilominus ex medioeri Hominum altitudine pluries observatâ collegi, Arteriam magnam prope basin, & per quatuor ultra digitos, ut plurimum huic

(a) fig. 6, Diametro A B accedere (a) ; Methodo autem lineæ Circini proportionum divisa est linea Diametri A B in 25 partes æquales ; quare ex datâ Diametro facile ex Geometricis reperire datum erit sectionem circularem arteriæ ejusdem ; sit enim Diameter A B circuli quæsitæ partium $25 = b$, eritque quadratum Diametri $= b b$ partium 625 ; area itaque quæsitæ supponatur $= y$; Hisce suppositis cùm ratio quadrati ad circulum inscriptum sit proximè ex *Archimede* ; ut 14 ad 11 ; fiatque $14 = c$; 11 verò $= e$; erit ergo Analogismus ut $c. e :: b b. y$; quare ex Geometricis erit æquatio $c y = b b e$ & dividendo æquationem per c ; erit $y = \frac{b b e}{c}$; cùm autem quadratum $b b$ sit $= 625$ & e sit $= 11$; erit productum $b b e = 6875$, quod divisum per $c = 14$, erit $\frac{b b e}{c} = 491 \frac{1}{14}$, seu juxta Methodum Decimalium $= 490.625$ pro valore quæsito quantitatis y ; quare sectio circularis A B E F, seu area quæsitæ Arteriæ magnæ prope basin, cujus Diameter est A B divisa in 25 partes, erit partium decimalium 490, 625 $= y$;

(b) fig 8. Sic factò quadrato Diametri M N (b) Arteriæ magnæ descendens

cedentis in sexdecim partes divisæ superioribus æquales, erit hoc partium 256; unde reperietur area circularis M O N P Arteriæ magnæ descendentes fore partium 200, 960 proximè: Eâdem Methodo factò quadrato Diametri Q R (c) Arteriæ magnæ ascendentes in 12 partes divisæ erit hoc partium 144, quare fiet area circularis Q S R V Arteriæ magnæ ascendentes partium 113, 040 proximè

(c) Fig. 9.

28. Ex his sectionibus ascendentes & descendentes Arteriæ magnæ apertè constat, quanta futura sit sanguinis quantitas per singulas sectiones transiens quâcunque systole; cum enim à vi impetûs sinistri cordis Sinûs impellatur ut plurimum sanguinis uncia, nempe grana sanguinis 480 (*juxta Vecheri mensuras*); ut cordatiores judicant Anatomici; cumque ratio sectionis circularis ascendentes arteriæ ad sectionem circulem descendentes, sit ut 113. 040 ad 200. 960 juxta decimales, seu ut 12 ad 21 $\frac{1}{3}$ proximè; proculdubio juxta hanc Rationem divisâ quantitas sanguinis granorum 480, ibunt naturali lege & remotis impedimentis, grana sanguinis $174 \frac{18}{33}$ per sectionem ascendentes, & grana sanguinis $305 \frac{15}{33}$ ibunt per sectionem descendentes Arteriæ Magnæ: Repertâ autem Sectione Arteriæ magnæ juxta rationem datæ Diametri, animadvertendum est, hujusmodi sectionis peripheriam non statim conicè stringi, sed per quatuor digitos productam usque ad divisionem arteriæ nullam parere sanguini transienti resistantiam; hoc autem summo Consilio à Naturâ factum videtur, ne per primum illud Arteriæ magnæ spatium facta sanguini resistantia, retropulsus sanguis impedimento esset successuro & motui libero sinistrae Auriculæ: Cæterum hoc vitium facile accideret, si aut callo, aut tuberculo, aut polypo vestiretur Arteriæ principium, inæquales & inordinatas pulsationes pariturum, gravi vitio ordinatæ Circulationis.

29. Modò sequuturi motum sanguinis per Aortam
H 3 descen-

descendentem conjectamur , grana sanguinis $305 \frac{15}{33}$ nempe drachmas quinque proximè , singula pulsatione inferiùs vibrari ; sanguis autem , utpote grave corpus inferiùs descendendo variis motibus agitatur in arteriâ : quamobrem acturus de morbis supra & infra Cor , ibi universaliter præmittendum est , Experimentis notum esse , eodem & æquali tempore Pulsus vibrari in dextro carpo manu inferiùs demissâ , ac in sinistro manu elevatâ ; eodemque tempore vibrationem pulsûs in utroque demisso carpo sentiri , ac in arteriis temporum , & in arteriâ Coeliaca ; quare ex Chirurgicis Observationibus manifestum est , eo & æquali tempore , quo cordis systoles vibrat quantitatem sanguinis , ambas Cerebri Meninges pulsationes suas edere cordis pulsationibus isochronas ; quare ex his Celeberrimus Bellinus *in suo tractatu de pulsibus pag. mihi 50.* animadvertit , impetum per omnes arterias sanguini imprimi eo puncto temporis , quo cor constringitur : Præterea certum est , ut num. quoque xi. innuimus , Ramos majores arteriarum dividi in minores , & minores in minimos , & consequenter sanguinem à majoribus Ramis fluere in minores , & à minoribus in minimas Ramificationes ; cùm autem in vasculis toties divisus decrescant semper vasorum circumferentiæ , proportionaliter quoque augebuntur sanguini Resistentiæ , & sic majora fient decrementa velocitatum sanguinis ; idcirco ad ultimas minimarum arteriarum ramificationes delatus cum continuo & successivo decremento velocitatum , tandem aliquando deveniet ad motum quasi minimum ; sic Flumina quantumvis velocissima in plures , pluresque ramos divisa acquirunt singulis Canaliculis divisionibus proportionalia semper decrementa velocitatum ; inde experimur , sanguinem è capillaribus , minimisque canalibus Carnium incisarum tali lento pede , quantumvis continuo effluere , ut guttatim exstillet ; Id verò præ aliis adversus Celeberrimum Jacobum Jurium Societatis Regiæ Londinensis Secretarium demonstravit accuratissimè Michelottus (a) :

Cæte-

(a) De separatione fluidorum pag. 101. ; 102.

Cæterùm hanc rem legi quoque firmatam a Doctissimo Bernhardino Zendrino in celebri Tractatu *de China chinæ* referente, Proportionem Motûs sanguinis à corde expulsi per magnam Arteriam ad Motum sanguinis in capillari-bus vasculis observatam fuisse à Clarissimo Jacobo Kielio in ratione 1000, 000, 000, 000, 000, 000, 000, 000, 000, 000, 000, 000, 000, 000, 000 ad unitatem; quàmvis hujusmodi proportio præcisè definiri non possit; ut pluries animadvertit laudatus Michelottus *de Separatione fluidorum &c.*

30. Itaque Arteria descendens plures Ramos intercostales primò distribuit, qui per costarum musculos effusi Morbos pariunt vitio respirationis; sic sanguis in arteriosis canalibus, aut ultrò lentescens, aut aliquando stagnans, nec à venis facilè exceptus quantum par est, dolores laterum facilè parat; sic muscoli intercostales à fixato aut lentescente sanguine obruti ægrè elevant costas & deprimunt; sic Diaphragma particeps vitiati motûs costarum parùm & ipse deprimitur & elevatur Respiratione aut ablatâ, aut imminutâ: Infra intercostales musculos Phrenica Arteria per totum diaphragmatis spatium excurrit arteriosum sanguinem diaphragmati donatura; proculdubio si sanguis aut nimio motu, aut densitate peccaverit; tunc diaphragmatis planum obruitur partâ inflammatione; sic si nimia sanguinis copia, aut lentescens sanguis diaphragma inundet, tunc muscularia spatiola implentur, & circumferentia diaphragmatis contracta ad centrum accedere cogitur: Diaphragma autem costis alligatum costas itidem trahit ad centrum diaphragmatis, ibique arctè retinet; sic costis non liberè elevatis, nec expansis pulmonibus, & aëre minori quantitate in ipsos ingrediente fit inspiratio imminuta, & exspiratio nimium languida; præterquàm quòd diaphragmatis planum plus justo ponderosum, magisque iners ad motum, nec ascendenti Chylo viam & manum affert, nec pulmonibus liberatam: aliquandò convulsis, contractisque nervis diaphragma excurrentibus stringuntur arteriarum sectiones impeditâ fluenti sanguini libertate; musculares itidem fi-
bræ

bræ eâdem lege convulsæ manent contractæ, & nullo motu peristaltico serpentes sanguinem in otio tenent, ne ulterius in venas feratur; ex his exposita jam incommoda magis succrescunt, & concursu nervorum Cerebri quoque opera diruuntur.

31. Infra Diaphragma excurrit Arteria Cœliaca, cujus dexter ramus tribuit Ventriculo Gastricam dextram & Omento Epiploicam, Pancreati dat Pancreaticam, Duodeno Duodenam, Cysticam felleæ Vesicæ, & Hepaticam Hepati elargitur arteriam; Sinister verò ramus Gastricam minorem parit, quæ per mediam Ventriculi regionem effusa partitur, & Coronariam stomachicam superiori ventriculi orificio donat, cingitque coronæ ad instar; & Gastricam sinistram, quæ deorsum ad ventriculi superiora & ad Pylorum transfertur; Sinister quoque cœliacæ ramus emittit Gastro-Epiploicam, quæ superiore Omento suffulta & Omento, & sinistro fundi Ventriculi lateri ramos tradit; Ulteriùs quosdam ramos Pancreati; & Lienis multos elargitur; ex tot autem Arteriæ Cœliacæ ramis ad tot Viscera decurrentibus, manifestum est, horum Viscerum labes & vitia facilè invicem convenire; etenim si massa sanguinis sylvestri sale gravida vitium fecerit, ea portio, quæ per Gastricas arterias & per Gastro-Epiploicam fluit, regionem Ventriculi madefactura Stomachi membranas punget acerrimè; sic acriter contractæ vomitum, aliquando singultum, aliquando Stomachi dolores, languores, anxietates & lypirias febres Ventriculo inflammato parturient; quin imò contractis Stomachi fibris contrahuntur quoque arteriæ, & spatia arteriarum fient minora; sanguis propterea succedens cum Resistentias majores reperiat, incipit lentescere, cogitque venturum sanguinem per alios vicinos, magisque apertos Canales majori quantitate inferius effluere; sic cùm arteriæ Epiploica, & Gastro-Epiploica ramos quoque Omento donent, fluet sanguis per inferiores Omenti ramos, plusquàm decet, eâ videlicet ratione, ut tantum motûs & quantitatis tribuatur vasculis Omenti, quantum mo-
tûs

tūs & quantitatis à ventriculi arteriis detrahitur ; sicque vitio opportuna & proportionalis distributionis Massæ sanguineæ, tumefactæ magis omenti arteriæ Abdomen quodammodo elevant, ut in Hypochondriacis sæpissimè experimur ; sensibiles propterea fient arteriarum pulsationes in Abdomine ; eò quia cùm ex angustia contractorum vasorum Stomachi necesse sit sanguinem majori copiâ per alios vicinos canales, qui canalibus Stomachi correspondent, viam quærere ; ab augmento quantitatis sanguinis augetur quoque ejusdem velocitas ; sic cùm à quantitate majori sanguinis dilatentur magis arteriæ, & ab augmento velocitatis celerius distrahantur extrorsum arteriarum latera, opus est ab utraque causâ arterias in Hypochondriacis affectionibus sensibili magis motu pulsare ; quare non semper in Hypochondriacis accusanda est nervorum convulsio, non semper flatuum contentorum impetus. Dexter autem coeliacæ ramus cùm Pancreati, Duodeno, & Vesicæ felleæ vasa ferat, jungit quoque communione vasorum & Pancreatis & Duodeni & Vesicæ fellæ Morbos & Vitia ; quoties enim sanguis impurus fuerit, Pancreatis glandulas depositâ fæce facile obstruit, eâdemque lege arteriarum communicantium impeditis cystis felleæ vesiculis, aut non æquè separant adustum sulfur, aut separatum languescit iners ac vappidum, quod per Choledochum ductum in Duodenum delatum ineptè in officio est Chylo depurando ; si fortè à succis præterfluentibus irritato Duodeno convulsa crispentur duodeni latera, arteriæ duodenum vestientes angustiores fiunt, mutantur arteriarum directiones, & obliquitate factâ transeunti sanguini moram ferunt ; cogitur idcirco succedens sanguis retardato motu aliò declinare, & Pancreaticam & Cysticam arteriam motu & copiâ inundare ; Pancreatica idcirco & Cystica majorem sanguinis quantitatem excipientes, quàm par est, temporibus æqualibus, & majores Pancreati sales, & Vesicæ felleæ adusta & acria sulfura largiùs donant, ambæ suum Visceribus incommodum paraturæ : Hujusmodi incommoda sibi parat superius

perius Ventriculi orificium, quoties arteria coronaria convulsis nervorum fistulis, quæ per os Ventriculi superius repunt, suo in officio otietur, ne sanguinem libero pede ducat.

32. Postmodum magno in officio effusæ serpunt per Mesenterium Meseraica arteria superior, quæ omnia intestina tenuia; & Meseraica inferior, quæ crassa undequaque circumligant; verum quia motum sanguinis per hæc vasa sæpè sæpius à contento flatuum impetu vitari facile est, non erit fortasse ineptum hac data loci opportunitate circa Flatuum vires conjecturas indicare, à quibus & intestina, & vasa intestinalia pati sæpe sæpius contingit: Itaque cum flatuum materia nil aliud esse videatur, quam aggeries particularum aëris, quibus salinæ sulfureæ & aqueæ ciborum solutorum particulae associatae sunt, rationabiliter suspicari licet, ex naturâ aëris flatuum, quoque indolem ac vires simili lege nos assequi posse; idcirco numerabo flatus inter fluida difformiter gravia, quorum viribus tria præcipuè conspirare visa sunt, *densitas nempe particularum, earundem vis elastica, & calor agens*: Itaque cum densitates aëris sint elasticitatibus quamproximè proportionales, flatuum quoque densitates elasticitatibus suis quamproximè proportionales habendæ erunt; quapropter cum flatuum particulae aliquando densiores sint, aliquando rariores; quoties flatuum materies densior fiet, tunc horum vis elastica major erit; minor verò, quoties flatuum materies minorem densitatem exceperit: Notum jam est, flatus in intestinis familiari & consueto cursu sursum, deorsumque decurrere, ut liberè aut supra, aut infra exire possint; Neque intestinalis familia pati solet nisi violentâ reactione horum itus, reditusque impediuntur; sæpissimè autem accidit, aut à contracto nimis ani sphinctere, aut ab induratis in Recto fæcibus, aut à Coli Valvulâ nimis tensâ unâ cum Pyloro altè contracto flatus non ea libertate ferri posse, ut per superiora, aut per inferiora egrediantur, quo casu intestina pati acerrimè opus est; Enimverò si quantitas flatuum
claudatur

claudatur infra coli Valvulam intra intestinum rectum, induratae verò faeces, aut spasmodica contractio sphincteris ani, horum egressus impediunt; tunc cum coli Valvula introitum donet versus rectum, regressum verò impediat, opus est flatu contentos varios densitatis gradus esse acquisituros, juxta quos, cum horum Vis elastica sit quamproximè proportionalis, necesse est flatuum Vires eâ ratione contra objectos intestinorum parietes elasticè arietare debuisse, quam gradus densitatis postula-
verint; cum autem isti gradus densitatis aliquando summi esse possint, summa quoque vis elastica flatuum futura erit damno summo intestinorum: Præter densitatem auget Vim elasticam circumjacentium viscerum Calor, vi cujus flatuum particulæ rarefactæ majus spatium quærere coactæ sunt; enimverò cum Calor (a) sit ut impressiones particularum corporis calidi in quopiam objecto corpore calorem excipiente, hujusmodi autem impressiones sint in ratione compositâ ex duplicata celeritatum particularum calidarum, & simpla densitatum earundem; proculdubio colligi potest, quantum extendi & rarefieri proportionaliter debeant flatulentæ materiæ, quotiescunque præter actionem naturalis elasticitatis, gradibus densitatis homologam, à calore Viscerum, aut alterius generis ultrò urgentur; videlicet in ratione compositâ ex ratione elasticitatis flatuum restrictorum, & densitatis corporis calidi ambientis, & quadrati velocitatis particularum ejusdem; quare si flatuum restrictorum elasticitas acquisitæ densitati homologa supponatur $= e$; corporis verò calidi ambientis densitas $= d$; velocitas verò particularum corporis calidi $= u$; erit caloris actio seu Momentum à calore circumjacentium viscerum, aut alterius generis excitatum contra flatu tali ratione restrictos, ut $e + d + uu$; juxta quam rationem rarefieri flatulenta corpuscula valde conantur, ingens magnumque spatium occupatura. Quæ hucusque dicta sunt de Vi & Momen-

(a) Prop. 85 Herman.
Phoron.

to flatuum contentorum & restrictorum in Recto intestino infra coli Valvulam, simili ratione de flatibus contentis & restrictis in reliquis superioribus tenuibus Intestinis, aut pressione, aut convulsione spasmodicè contractis philosophandum erit; sapissimè etiam in intestinis separantur à glandulis intestinalibus fluida quædam, aut aliunde effluunt hinc inde succi è Choledochoductu, aut Pancreatio, qui cum particulis aëris intimè commixtis tractu temporis in rugis, aut intestinorum cellulis densiores fiunt, viscidi, glutinosi, aut austeri; quapropter latentes aëris particulæ intus inclusæ, & violenter compressæ taliter agunt, ut ab extraneo Viscerum calore tandem aliquando dissolutæ horum succorum viscidorum compage, collectæ intus aëris particulæ elaterium suum altè exerceant; & ad majus & grande spatium rarefacta & ejaculata succorum elementa, quibus miscentur, violentè in intestinorum membranas arietent, & salinis particulis, quibus uniuntur acerrimè, altis Lancinationibus urgeant: sic summi Nominis famâ Leibniti-
us rationem explicuit, ut refert Michelottus pag. 44. *de separat. fluid. cur aqua frigore in gelu conversa tormentum bellicum, in quo continetur divellat & impetuosè diffringat; id enim ita fieri existimavit, aquæ fluiditate per frigus ab latâ particulæ aëris compressi latentes inter aquæ partes uniuntur, grandioresque evadunt, ideoque magis idoneæ fiunt ad agendum in latera Tormenti bellici.* Intestina itaque tanto nisu impulsæ & salibus acutis vulnerata spasmos, tormina, & dolores parturiunt; Hinc sæpè à flatibus singultus, colicæ affectiones, & inverso intestinorum motu enormi cum Vomitu Volvulus aliquando succedunt; ferè semper ab alto flatuum elaterio extensæ fiunt intestinorum membranæ, & Abdomine elevato tota quanta est Abdominis regio Tympani in modum & resonat & intumescit: Deinde sæpè contingere potest, flatulentas particulas majus spatium adepturas Vasorum lacteorum oscula versus cavitatem intestinorum jam aperta violentissimo motu ingredi, & per tenuissima hujusmodi Vascula elastico nisu
 excu-

excurrentes hæc gravi rupturâ divellere; inde effuso sero incurabilis Hydrops à flatu absque ullo aut acris, aut copiosæ lymphæ vitio continget; Ulteriùs ex his impedito Diaphragmatis motu angitur Animal difficili Respiratione. Verùm majora aliquando damna parturiunt flatus, quoties contractis in spasmos, aut nimium extensis intestinorum membranis, Vasa meseraica quæcunque per tenuia & crassa intestina ubique vagantia arctè contrahuntur, fiuntque aut impeditæ, aut imminutæ sectionis; Sanguis enim fluxurus motu suo impeditur, ne librè circumbeat; stagnat idcirco intra contractos intestinorum parietes cum acri intestinorum inflammatione; præter hæc Sanguis stagnans, aut lentescens impedimento est sanguini successuro; sic arteriæ meseraicæ impedito, aut lentescente sanguine turgidæ pulsant enormiter viam sibi paraturæ, & aliquando cum Mesenterij inflammatione interni Abscessus erumpunt; sic in Affectionibus Hypochondriacis altè grassantibus cum gravi intestinorum Borborygmo non levis timor est, quin hujusmodi Mala aliquando succedant; deinde ob hujusmodi solidorum ac fluidorum Vitia peristalticus intestinorum motus, aut lentus fit, aut nullus; nullæ propterea à glandulis intestinorum; nullæ, aut paucæ extra intestina promouentur fæces; & otiantibus intestinis succi Hepatici & Pancreatici Naturæ damno languescunt.

33. Harum arteriarum Meseraicarum opere utiles particulæ ab inutilibus pedetentim separantur à sanguine Mechanicâ glandularum intestinalium structurâ, in quas arteriæ ipsæ desinunt; separationis autem artificio succurrit præcipuè peristalticus intestinorum motus, unde postmodum fæculentæ particulæ in unam massam collectæ Naturæ commodo forâs ejiciuntur: Naturæ artificium observanti liceat conjectari, intestinorum figuram Cylindricam esse, aut ad Cylindricam accedere, & Meseraicas arterias; ita & socias venas esse Cylindro intestinali circumscriptas, & circum intestina ipsa describere Arcus aut circulorum segmenta: Quoties itaque in Mo-

tu peristaltico intestinales annuli versus axem minoris sectionis fiunt, etiam Arcus seu segmenta circumscriptarum arteriarum sibi invicem accedunt, & curvitas segmentorum necessario major fit & elevatur; è contrà in eodem peristaltico Motu, quoties extenduntur intestinales annuli recedendo ab axe, proportionaliter recedunt à se invicem, etiam Arcus, seu segmenta arteriarum & curvitas eorundem minor fit, & homologâ ratione deprimitur: In hoc autem motu arteriarum intestinalium transeuntium à majori curvitate ad minorem, elementa sanguinis in fistulis arteriosis contenta, & per has continuo permeantia, continuo quoque motu succutiuntur, & quassantur validè, rumpuntur propterea eorum nexus inter se, solutisque particulis, aut ad solutionem magis, magisque dispositis faciliùs per glandularum intestinalium foraminula foras erumpere datum est, ut in intestinalem cavitatem liberiùs continuo delabantur; Separatæ faeces à vi & momento peristaltici Motûs promoventur ulterius versus rectum intestinum, ut inde a corpore tanquam caput mortuum paulatim eliminentur; cæterum si ab angulorum salibus irritata intestina convulsa torqueantur, non solum intestinorum sectio minuitur, verum etiam arteriæ & venæ intestina vestientes crispantur. Ab hac autem vasorum crispaturâ affertur sanguini fluenti resistentia, fiuntque elementa sanguinis magis unita ac densa, propterea ad motum necessarium minùs apta; motuque ulterius retardato fibrarum intestinalium inflammatio supervenit, peristaltico Motu inferiora versus aut enervato, aut deperdito; faeces idcirco & contenta cibaria cum inferiùs ferri non possint, aut ægrè ferri debeant, coguntur sursum ascendere, & molesto, frequentique vomitu Volvulum parant; etenim cum intestina Cylindri in modum elaborata sint, quoties una pars inflammari incipit, pars hæc inflammata, aut omninò constringitur, aut saltem minoris fit sectionis; quare cum Cylindri intestinalis superior portio, inflammationis expers, latior adhuc remaneat, inferior verò ob inflammationem strictior & angustior

stior reddita sit ; sectio ista intestinalis Cylindrica ad quasi Conicam sectionem accedet ; descendentes itaque materiae , quæ in spatio cylindrico prius continebantur , cum in spatio quasi conico contineri non possint , retropulsæ coguntur ascendere , ubi spatium majus sectionis superioris latius est , ut infelici motu superiora versus expellantur : Ibi autem agendo de Motu peristaltico intestinorum prætereundum non est , probabile judicari posse , separationes fluidorum è glandulis intestinalibus fore facile in ratione compositâ ex rationibus densitatum liquorum , & orificiorum è quibus effluunt , & numero motuum seu (liceat dicere) oscillationum fibrarum elasticarum , à quibus naturaliter peristalticus Motus continuò exercetur ; Quamobrem , si aut à catharticis medicamentis , aut à succis , quorum angularis inest superficies , intestina decurrentibus , fibræ intestinales continuo stimulo irritentur , ut Motus peristalticus intestinorum ultra debitum naturæ modum celerior fiat ac frequentior ; tunc copiosæ necessariò quantitates liquorum heterogeneorum à glandulis intestinalibus , æqualibus temporibus separabuntur , in ratione nempe compositâ ex rationibus densitatum liquorum , & orificiorum , è quibus effluunt , & numero motuum seu oscillationum fibrarum elasticarum ; Quapropter ex hisce rationibus quoque constare potest , cur serosa ac fluida corpora facilius ac copiosius excernantur , quàm solida & viscida ? unde tam facile serosæ purgationes & Diarrhœæ contingant ? etenim cum serosa ac fluida corpora minùs densa sint , magisque prompta ad motum , hæc minorem ferent resistantiam motui elastico fibrarum , & consequenter hæc cæteris paribus à tam frequenti fibrarum elasticarum motu agitata per glandularum intestinalium oscula erunt facilius separanda ; deinde cum sæpè accidat , Massam sanguinis angulosis salium particulis plus justò repleti , hæc salium massulæ circa proprium axem rotantes , fibrosa non solum sanguinis filamenta scindunt ac lacerant , verùm etiam arteriarum & venarum extremitates inauspicatò erodunt ; factum inde , ut

de, ut filamenta sanguinis lacerata ac divulsa ex intestinalibus osculis supra modum egrediendo, molestas, gravesque Dysenterias aliquando Vitæ occasu parturiant; Effrænes quoque motus succorum, Bilis & succi pancreatici facillimè abraſo naturali intestinorum Muco Motum peristalticum acutissimè stimulant heterogenea fluida sanguini permixta ab evanescentium canalium osculis gravi dolore evocant, ut inferiùs ano stimulatâ copiosis purgationibus ejiciantur.

34. Utrunque ad latus Emulgentes Arteriæ Horizontali directione primò incedunt, deinde substantiam Renum ingressæ, & superiores & inferiores Renum partes tranant muriaticos ichores à sanguine Glandularum renalium ministerio separaturæ; Vasa siquidem in minimos minimosque ramulos divisa, & per substantiam Renum undequaque effusa, tribuunt probabiliter filamenta sanguinis in renales glandulas juxta rationem compositam ex ratione luminum & ratione velocitatum (a); cùm autem orificia ultima seu lumina sint minima, eò quia vasorum circumferentiæ semper decreſcunt in ratione Diametrorum, & Velocitates pariter minimæ sint in tot divisionibus arteriarum; singula vasa deponent minimas quantitates sanguinis quâcunque pulsatione arteriarum in glandulas renales, videlicet filamenta sanguinis guttatim effundent; cùm autem talium glandularum opere sanguineus Latex falsos sales præter cæteros abundè separet, quorum figura Cubum describit, facile cubici hi sales planis undequaque homologis invicem adaptantur, sicque uniti unâ cum cæteris crescunt enormiter, & altè in Pelvim collecti arenulas & calculos facile construunt.

35. Inter præcipuas descendunt inferiùs Arteriæ Crurales externæ & internæ, utræque amplo foramine donatæ; Interna per Femur distributa mutato nomine Poplitea duas in partes æquales divisa, & genu & tibiæ ad pedes

(a) Per prop. 30. Hermannii
Phoron.

pedes usque furculos ubique distribuit: Cùm Pes totius humanæ Machinæ pondus sustineat, necesse fuerat, hunc unà cùm tibiâ & fibulâ validè musculorum cingulo armari: tantum opus & onus musculorum egebat grandi vase, quod sanguinem ferret validis muneribus parem: Ibi certè cùm harum partium musculi super cæteros fortiores sint, & per diversas directiones prompti ad motum excurrentes ibi arterias continuo, fortique impetu magis exagitant; & sanè talis & continua arteriarum succussio necessaria suprâ modum fuerat; etenim cùm sanguis ad has partes delatus magis à corde distet, & velocitas hujus per inclinatos furculos arteriarum eò minor esse possit, quò reciprocè major est distantia à corde: Musculorum validorum actio necessaria fuerat, ut dato majori impetu in inclinatas arterias, enervatam quodammodò sanguinis Velocitatem restitueret; cùm enim Musculi arterias crurales vestientes Motibus suis continuo premant Arterias; circulares arteriarum sectiones aut fient minoris sectionis, aut transibunt velut in Ellipticas; ex his conjectari potest, ibi posse augeri velocitatem sanguinis ratione quasi reciproca sectionum imminutarum; sic tali Methodo fluens sanguis per remotiores quoque corporis partes facilius, citiusque in venas transfertur ad cor denuò reversurus: Experimur itaque quoties otio marcescunt homines negligentia, sive inertia musculorum, infernas partes supra modum sanguine lentefcente intumescere; sic fit œdematosus tumor, & compressæ partes foveam ponunt; fateor quidem non tantum ab imminuta velocitate sanguinis canalium, & musculorum vitio œdema fieri; verum etiam ab impura sanguinis constitutione, cujus vi sulfureæ massulæ in statu inertia cæteras sanguinis particulas inutili momento urgent; Sanguis itaque beneficio Motûs Cruralium musculorum eam velocitatem acquirens, quam tanta à corde distantia abstulerat, urgetur in finitimas venarum fistulas, addito quoque momento gravitatis sanguinis naturaliter descendens.

36. Ut itaque transferatur sanguis ab arteriis in venas plura conspirant ; primò nempe quantitas impetûs impressa sanguini ; hæc enim non tantùm à momento Cordis sanguineo fluido altè imprimitur , verùm etiam à vi descensus per vasa arteriosa , & à motu peristaltico arteriarum descendantium , & muscutorum continua vi agentium in subjectas arterias ; hujusmodi enim quantitas impetus conservata urget sanguinem , quâ datâ portâ ; oscula autem venarum , cum proxima sint finibus arteriarum , & aperta remaneant opere fibrarum circularium , credi potest se habere , ut vasa communicantia , sanguinem continuò susceptura ; interponitur siquidem finibus arteriarum cum venarum luminibus nexus , & numerus fibrarum , carniū & membranarum non impedimento motus in venas , sed auxilio ; enimverò cum fibræ omnes intermediæ suo quoque motu peristaltico donatæ sint , sanguinem ab arteriis jam effusum in motu tenent , & postquam sanguine repleta fuerint exilia illa carniū spatiola intermedia , facile est credere intermedias has carniū areolas , quotiescunque extiterint fluido jam repletæ , supplere vices planorum horizontalium ; quæ horizontalia plana , cum ex demonstratis a Magno Galilæo (*de motu*) nihil auferant impetus à sanguine jam descenso ab arteriis ; imò multum adjuvent motum corporis transeuntis , seu descendantis ab uno vase communicante , seu uno plano in aliud planum , per quod cogitur ascendere ; & cum nulla adsint corpora recipientia præter proxima , & aperta venarum lumina , necesse est filamenta sanguinis venarum oscula introire , & ingressa ascendere ; sic servato æquilibrio sanguinis descendantis cum ascendente sustinetur justus ordo , & æqua lex sanguinis circulantis , & exeuntis à corde per arterias , & in cor æquabili velut motu per venas ad eandem altitudinem ascendentis : Quotiescunque itaque aut vitio fluidi , aut carniū interceptarum impedimento , ut in obesis sæpissimè accidit , arteriosus sanguis aut ægrè aut ineptè venas ingrediatur ; tunc effusa sanguinis portio carnes aut opprimit ; aut inflat ;

flat; inde Erysipelata, aut carniū extremarū ōedematosa intumescētiā succrescunt. Profunt secūdo ascēdenti sanguini per venas Valvulæ, quæ frequentes in inferioribus, rariores in superioribus venas secant; hæ si quidem cū ascensu sanguini viam donent, descensu impēdiant, sustinent onus sanguinis elevati; ne momento suo inferiùs labatur; præterquā quod hujusmodi Valvulæ venis inferviunt, ac si essent vincula, seu specifi aggeres, hinc inde dispositi, ne facilè à momento sanguinis laxæ venarū tunicæ frangerentur; quod si aliquando accidat, vel copiā, vel impetu sanguinis ascēdētis venarū tunicam, aut laxari nimis, aut rumpi, aut Valvulam quamlibet vitium facere, aut flaccescere; tunc laxatis venarū tunicis varicosæ fiunt venæ impēdimento sanguinis ascēdētis, & gravi onere musculorum; Tertio succurrit ascensui sanguinis unio, & contactus arteriarum cum tota longitudine venarū; dum enim arteriæ dilatantur diastolem ferentes, juxta rationem arteriæ dilatatæ, venæ portio, quæ arteriam dilatatam tangit, in ea ratione constringitur; quare sectio venæ compressæ non ampliùs circularis erit, sed describet segmentum circuli; sanguis idcirco, qui per circularem venæ sectionem ducendus fuerat, cū per segmentum circuli iturus sit, necesse est hunc altè urgeri, & impelli majori velocitate sursum, ubi data est latior & facilior via; Etenim cū venæ deorsum semper magis magisque stringantur, sursum verò magis magisque dilatentur, & ultrò impetus sanguinis advenientis versus superiora detrudat sanguinem, fas est fluidum in segmento circuli restrictum, ac compressum sursum esse velociùs ad ascēdendum. Quarto huic ascensui sanguinis manum affert venarū unio inter se, efformans majores alveos, seu in venarū ascensu componens majores truncos venarū; sicut enim trunci arteriarum in plures, pluresque ramulos dividuntur descendendo, ita plures viceversa, pluresque rami venarū cum ramulis arteriarum communicantes progressu suo ascēdendo uniuntur, & componunt majores al

veos, seu truncos venarum, qui eò pauciores sunt ramulis venarum minimarum, quò sunt capaciores in ratione sectionum; sanguis propterea ab hujusmodi minimis venis exceptus, in ramos majores earundem transfertur; verùm cum rami majores sint veluti majores alvei, quorum officium est communi amplexu excipere à minoribus varias, diversasque quantitates sanguinis; proculdubio velocitas sanguinis in ramis majoribus, & momentum ejusdem majus erit, ac fuerat in minimis venis; quamobrem collecto sanguine in trunco maximo venæ cavæ, cum proportionali augmento velocitatis dextro Ventriculo tribuitur, proportionali ordine, ac homologa velocitate, quâ prius expulsus fuerat è sinistro; sic motum sanguinis per venas naturali jure natura regit; cæterum si impurus sanguis ponderosior fiat, aut nervorum injuriâ spasmodicis motibus venæ crispentur, aut tuberculis, aut polypis stringantur venarum sectiones, statim mutatur ordinata lex motuum, non servatur opportuna velocitas, nec debita quantitas æquali tempore cordi tribuitur; hinc ortæ palpitantes, inæqualitates pulsuum, & aliquando Lipothymia animal miserrimè torquent; præterquàm quòd cum venosus sanguis aut vitio sui, aut organi resistantiam afferat sanguini subsequenti majorem, quàm par est, momentum resistantiæ paulatim arterioso sanguini sequuturo communicatur; sanguis propterea arteriosus cum fluere ægrè debeat, nec resistantiam venosi sanguinis superare facile possit, arterias ad majores sectiones nimio sanguine turgidas violenter extendit, & quodammodo retropulso sanguine pulsant violenter Hypochondria; & arteria cœliaca, ut in Hypochondriacis & Hystericis affectionibus accidit, altè quatit circumposita viscera, molestiam Ventriculo, & internas aliquando inflammationes paritura.

37. Quænam autem sit methodus, aut ratio lineæ motus, quam describit ascensus sanguinis per venas, nondum à nonnullis, quod sciam observata est; juxta tamen naturæ leges verisimile putaverim, sanguinem per venas
pressionis

pressionis seu impulsûs motu validè quoque sursum urgeri, & filamenta sanguinis ascendendo describere, ut plurimum lineas ab axe venarum divergentes; Cùm enim sanguis sit grave fluidum, & ratione propriæ gravitatis conetur descendere, vi autem & impetu cordis fortiter sursum impellatur, cùmque major sit vis illa & validior, quæ vi cordis sursum impellit, minor verò & debilior, quæ solo momento gravitatis sanguinis deorsum sanguinem urget, sanguis sursum movendus erit juxta rationem excessûs momenti cordis sursum urgentis, supra momentum sanguinis deorsum prementis; Deinde cùm Doctissimus Verheyen (a) venarum tunicas æquali numero, eademque ferè structura esse, ac sint tunicæ arteriarum, licet primæ secundis tenuiores sint, ostendat; cùmque ex Diemerbrokio arteriarum fibræ nonnullæ transversæ sint & obliquæ, etiam venarum tunicæ à fibris quoque transversis & obliquis vestiendæ erunt, *ut lib. 7. de Venis* contra Lindanum apertè decrevit; quare cum præter hunc fibrarum ordinem, manifestus quoque appareat ordo fibrarum circularium, proculdubio cùm vasa continentia mobilia, contentis corporibus motus suos imprimant, & contenta corpora sequi etiam necessariò debeant leges motuum impressas à canalibus continentibus; idcirco ex hisce motibus eodem tempore sanguini impressis evenient quidam motus pressionis, seu impulsus ex hisce compositus, qui cùm non totaliter rectus sit, sequetur, Naturam movere filamenta sanguinis lege motûs ex hisce composita, per lineas nempe inclinatas aut quodammodò ab axe venarum divergentes; & sanè cum venosi canales à strictis in latas sectiones ascendendo semper magis magisque conicè aperiuntur, sanguis ascendens, dum à stricta sectione in ampliorem devenit, necessariò filamenta sanguinis spatia illa conica, aut quasi conica occupatura deflectere debebunt ab axe, & describere lineas quodammodò inclinatas; cùm enim pauca sint filamenta sanguinis, quæ per lineam axis, aut huic lineæ parallelam pos-

K 3

sint

(a) Cap. 4. de Arteriis,
& Venis.

sint excurrere, in hujusmodi spatio quasi conico, certè ferè omnia sanguinis filamenta per aperta magis spatia sursum decurrendo per inclinatas directiones itura sunt; Hujusmodi autem ratio motûs videtur præ cæteris motibus Naturæ convenire; cùm enim ascensus corporum per rectas Naturæ asperum sit ac grave, per inclinatas verò facilior ac levior: certè Massa sanguinis per venas sursum accedenda, per inclinatas aut quasi inclinatas lineas motûs commodiùs movenda fuerat; Ex hujusmodi autem inclinato motu particularum sanguinis ascendentis, particulæ massam sanguinis componentes necessariam sibi agitationem, ac opportunam mixtionem conservant ac sustinent, ut de motu per arterias suprà expositum est.

38. Eodem autem tempore, quo sinister cordis sinus valido ictu impellit singulis pulsationibus grana sanguinis $305 \frac{15}{33}$ per suppositam sectionem descendantis Arteriæ magnæ, eodem quoque tempore, ut æqua servetur ratio & ordo Circulationis, projicit grana sanguinis $174 \frac{18}{33}$ ut *num.* 28. notatum est, per suppositam sectionem Arteriæ ascendentis; talia propterea ac tanta ascendunt grana sanguinis, sursumque distributa cerebrum consueto flumine irrigant; Ascendens itaque arteria duos in ramos subclavios partitur, qui dum adhuc thoracis regionem serpunt, intercostalem arteriam emittunt, quæ ex utraque parte costarum radicibus applicata tria, quatuorque costarum superiorum interstitia munit, vicinosque musculos irrepit; sic exiens à subclaviis mammaria costarum plagas & mammas occupat: Cùm hujusmodi arteriæ cordi multum sint proximæ impetum sanguinis validiorem ferunt; movetur itaque sanguis per intercostales, & mammarias arterias celeri motu, & cùm cæteris paribus quantitas filamentorum sanguinis effundi debeat in ratione composita ex ratione orificiorum, & ratione velocitatis ejusdem, proculdubio costæ & intercostales muscoli multum sanguinis qualibet pulsatione cordis excipient faciliùs; verum cùm muscoli intercostales

les sint corpora quædam supra cæteros musculos tenuia, cùmque velociori sanguine sint irrigata, opus erit effusum ab arteriis sanguinem per musculorum interstitia facile concrecere, nisi venæ hunc præstò sint excepturæ; prompta itaque inflammatio musculorum intercostalium, & facilis læsio thoracis; Ex hujusmodi vitiis musculares fibræ effuso sanguine saginatæ nimis dilatantur, unde adjacentibus costis aut imminuta, aut ablata libertate motûs, costæ neque facile invicem accedunt, neque reciproco motu recedunt, quantum necesse est, quare thorax non elevatus, quantum exigit pulmonum libertas, pulmones ipsos vocat in angustias impedito spatio opportuna dilatationis; ex hac pulmonum angustia sanguis per pulmonares fistulas ægrè decurrit, & particulæ aëris violenter elaterium sustinentes, & altam respirationem & gravem anhelitum ferunt; Ulteriùs partâ inflammatione in musculis intercostalibus dolor lateris cruciet, & sæpè ex pulmonum angustia sanguis, quotiescunque aptus fuerit ad lentescendum, aut Pleuritidis aut Pleuripneumoniæ supplicio Animal jugulat.

39. E subclaviis ad caput per collum scandunt duæ arteriæ Carotides, quæ utrinque latera asperæ arteriæ, ipsamque trachéam aliquibus ramis excurrunt: Ibi si contentus sanguis muriaticis salibus nimis oneretur, tunc per hujusmodi fibras effusus asperam arteriam velliat, urgetque quodammodo in spasmos, quorum vi semicircularis trachææ sectio, aut imminuta, aut in semiellipticam figuram aliququaliter conversa libertatem aëris, aut impedit, aut frangit. Refractus autem aër parta Raucedine vocem lædit; præterea ex convulsiyo motu fibrarum semicircularium trachææ è glandulis adjacentibus exprimitur falsus humor, aut lymphaticus, aut alterius generis, qui ad subjecta bronchia delatus, hæc angulosus salibus circa proprium axem rotatis altè corrodit, & sæpissimè contumacem Tussim, & aliquandò in pulmonibus ulcus parta Phtisi producit: nec ibi est finis malorum; etenim extrema carotis musculos ossis Hyoidis,

dis, linguam & fauces munit; sic ob aluminosa & vitriolica quædam salia lentefcente sanguine, has partes & replet & comprimit; lentus idcirco fit partium motus, & ad majorem superficiem extensæ partes ipsæ deglutitioni malè obediunt: In vitio sanguinis incommoda magis timenda affert carotis interna, hæc siquidem donat ramos insignes duræ matri, glandulæ pituitariæ, oculis & auri internæ; reliquum verò carotidis duos in ramos dividitur, quorum minor duræ matri, major cerebro elargitur, & factò cum cervicalibus arteriis conjugio Rete mirabile, & Plexum Choroidéum componunt; quotiescunque itaque sanguis nimio motu peccaverit, violentâ & celeri pulsatione Menynges exagitat; istæ autem cerebrum, quod tenero amplexu excipiunt, altè violenterque succutiunt, damno non levi, aut Hemicraniam, aut Cephalæam, aut Cephalalgiam allaturæ: sed de Morbis Cerebri opportuno examine agendum erit, cum de motu solidorum disputationem habebimus.

40. Interim ex duræ Menyngis duplicatura plures componuntur sinus, qui tamen (observante Verheyen pag. 156. de membranis Cerebri) sunt ejusdem substantiæ & usûs cum venis; imò sinus isti sanguinem ab arteriis exceptum tandem aliquando in venas jugulares deponunt; cum enim Menynges oscillatorio Systolis & Diastolis motu gaudeant, sinus isti juxta leges oscillatorii motûs movebuntur, transeuntes à sectione majori, ad sectionem minorem, sanguinem præterfluentem, & lympham continuo impulsuri; suspicandum ideò hujusmodi sinus non ejusdem omninò usus esse cum venis, sed potius communem usum cum arteriis sustinere: verum non displicebit Nonnullis, credentibus tales sinus esse venarum jugularium appendices, & cum venæ portæ oscillantis usu posse comparari; sed flocci puto hæc inquirere; certum est Menyngum laxitatem ex copia lymphæ, aut ariditatem, ut in senibus, iisque, qui ad ultero crine caput nimium onerant, necessarium sanguinis & lymphæ motum per sinus menyngum aut minuere
aut,

aut impedire; unde Apoplexias, aut Paralyfēs supervenire palàm est: Jugulares itaquæ venæ, quarum una externa est, interna altera aliquando una, aliquando duplici valvula armantur, quæ subclaviam versus descendentī sanguini viam parant, impediunt verò regressuro; Istæ susceptum à sinubus sanguinem subclaviis venis continuo elargiuntur, & hæ trunco venæ Cavæ tandem aliquando restitunt, ut in Cor completo circulationis æquilibrium revertatur; Ibi autem mirandum est studium Naturæ; dum enim subclaviæ inferiùs diriguntur, non rectâ seu perpendiculari viâ descendunt, sed quodammodò inflexæ plana inclinata describunt; cùm enim sanguis præcipiti, & accelerato nimis motu ruere non debeat in Cor, sed paulatim, placidoque pede ferri debeat, ne Cor nimiâ copiâ ac impetu obruatur, necessarium fuerat Naturæ subclavias venas taliter dirigere, ut plana inclinata describerent contentum sanguinem lentiori, ac placidiori motu in cor delaturæ. Hic alia superessent enodanda phænomena vasorum sanguinem deferentium; verùm cùm huc usque exarata, præcipua sint, à quibus colligi facilè possunt Mechanicæ leges pro enodandis reliquorum morborum causis; ideò hæc satis mechanicas Naturæ leges à sanguinis motu desumptas in præcipuis morbose corporis affectionibus patefacient; imposterùm reliquam morborum familiam à *mechanicis solidorum motibus* exaratam utiliori fortasse studio, ac labore, si Deus dederit, exponemus.



I N D E X.

A.

Aeris quantitas contenta in quasi sphaericâ, & in quasi sphaeroidali vesiculâ inquiritur. pag. 44.

Aqua ascendit ad pedes 32. circiter 30.

Arteriæ magnæ Diameter. 35.

Area arteriæ magnæ. 60.

Aneurisma quomodo fieri possit. 35; 38.

Arteriæ, & venæ ad instar retis per pulmones excurrunt. 41.

Arteriæ magnæ descendens area. 60.

ascendens area. 61.

Apoplexia à quam causâ. 81.

B.

Bronchiorum vesiculæ quasi sphaericam superficiem describunt. 43.
aliquando sphaeroideam. 44.

Bernoullius Jacobus & Johannes laudati. 45.

C.

Calor in quo consistat. 11.

Cephalæa, Cephalalgia. 80.

Cordis momentum determinari verè non potest. 32.

Curva spiralis an describatur à sanguine per arterias. 12.

D.

Diarrhœæ & Dysenteriae causæ. 71.

E.

Æqualis quantitas sanguinis continetur in dextro Ventriculo, ac in sinistro. 32.

F.

Flatuum vires, à quibus dolores & morbi plurimi fiunt. 66, 67.

G.

Globuli plano - ovaes elastici sunt, & figuram mutant. 3.

Glandularum angustia non impedit aptam separationem. 23.

Gravitas

Gravitas specifica sanguinis. }
feri sanguinei. } 34.
aquæ communis. }

Gravitates aëris, & aquæ expenduntur. 55, 56.

H.

Hepar quomodo separet corpora. 17, 18.

Hepatitis cur difficultatem afferat respirationis. 42.

Hæmoptoici, & Hectici parum aëris excipiunt. 45.

Hermannus laudatus. 45.

Hemicrania. 80.

Hydrops pulmonum. 43.

Hypochondriacæ affectiones. 65; 69.

I.

Inæqualitates, intermittentiæ pulsus à quibus causis fiant. 41.

Inspiratio & exspiratio quomodo fiant 47. earum usus 48.

adjuvantur à motu peristaltico vasorum pulmonarium. 49.

Intestina quomodo separent inutiles particulas. 69, 70, 71.

K.

Kiellius laudatus opponitur Borello pag. 31.

L.

Lana Franciscus laudatus, 56.

Leibnitius Gulielmus laudatus, 45.

Luminosæ particulae per pulmones sanguinem ingrediuntur. 52, 53.

M.

Massa sanguinis tribus motibus præcipuè afficitur. 3.

Motus pressionis. pag. 3.

separationis. 13.

assimilationis.

Michelottus laudatus Borellum tutatur 31. refert vires elasticas aëris. 45. &c.

Malpighius laudatus videtur tribuere motum spiralem sanguini, 48.

N.

Nutritio quid sit? 25.

fit paulatim. 26, 27.

Newtonus Isaacus laudatus. 45.

P.

Paralysis, 81.

Pondus sanguinis humani. 33.

feri humani. 34.

aquæ communis. 34.

Polyposæ materiæ, qua ratione resistent sanguini? 37.

Pectus consideratur à Pitcarnio tanquam Sphærois. 41, 42.

Peripneumonia quomodo fiat? 52.

Pleuritidis legitimæ origo, & basis. 51.

spuriæ. 52.

Polenus Johannes laudatus. 45.

Pulmonis substantia jugulum versus angustior est, versus verò costas spurias extensior. 41.

Proportio motus fibrarum glandularium. 22.

Pthisis cur afferat difficultatem respirationis?

R.

Renum affectiones. 72, 73.

Resolutio massularum sanguinis à quibus motibus fiat. 5, 6.

S.

Sanguinis analysis. 2.

Sanguis cur albescat in cancri aliquibus? 2.

Sanguis è capillaribus lentissimè effluit. 62, 63.

Sanguis quando ab arteriis in venas feratur. 73, 74, 75.

quam lineam describat ascendendo per venas. 76, 77.

Serum ad alia corpora est in ratione tripla. 3.

Separationis methodus ex Leibnitio, Bernoullio & Connoro. 15.

Singultus, 68.

Stomachi dolores. 64.

T.

Tympanytes. 68, 69.

V.

Vallisnerius laudatus. 63.

Venæ subclaviæ non descendunt rectè, sed inclinatè. 81.

Ventriculus dexter cordis debilius est momento suo, quàm sinister. 32.

Volvulus. 68.

Viscera quælibet Animalium suas habent glandulas specifica figura
& textura donatas. 15, 16.

Uncia sanguinis probabilius expellitur singula systole. 33.

Z.

Zendrinus Bernardinus laudatus. 63.

FINIS Mechanica Morborum Prima Partis.

MECHANICA
MORBORUM.

MUSEUM
MUSEUM

MECHANICES MORBORUM

DESUMPTÆ

A MOTU SOLIDORUM,

AUCTORE

JOANNE BAPTISTA
MAZINO

Philosopho & Medico Brixiano,

PARS SECUNDA.

Editio secunda post Brixianam primam
diligenter correcta.



OFFENBACI AD MOENUM,

Veneunt apud JOH. LUDOVICUM KOENIG, Bibliopol.

M DCC XXXI.

23014-1-14

MUSIUM

LIBRARY

WIGGLESWORTH

ATLANTA, GA.

1914


1914

1914



1914

1914



NOI REFORMATORI DELLO STUDIO DI PADOA.



Vendo veduto per la Fede di revisione, ed approvazione del P. F. Tomaso Maria Gennari Inquisitore nel Libro Intitolato: *MECHANICES MORBORUM DESUMPTÆ A MOTU SOLIDORUM PARS SECUNDA*, Autore Joanne Baptista Mazino, Philosopho ac Medico Brixiano, non v'esser cos' alcuna contro la Santa Fede Cattolica, e parimente per Attestato del Segretario Nostro; niente contro Principi, e buoni costumi, concedemo Licenza a Gio: Maria Rizzardi Stampatore in Brescia, che possi esser stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padoa.

Dat. 21. Marzo 1725.

() *Gio: Francesco Morosini Kav. Reff.*

() *Andrea Soranzo Procurat. Reff.*

() *Pietro Grimani Kav. Procurat. Reff.*

Agostino Gadaldini Segret.

*Ex latione, motuque, & alterna commixtione
fiunt omnia, quæ esse dicimus &c. sensuum hæc
nomina sunt visus, auditus, olfactus, gustus,
tactusque frigidorum & calidorum; quos se-
quuntur voluptates, dolores, cupiditates, at-
que timores, alique affectus innumeri quidem
sine nomine, nominati quoque permultigenus,
aut sensibile sensui cuilibet est cognatum. Om-
nigenis visionibus colores, omnigenis auribus
itidem voces, ceterisque sensibus alia sensibilia
cognata similiter adsunt. Plato in Thaæte-
to, sive de Scientia.*

*Quidquid aut sit, aut fiat, naturalibus fieri, aut
factum esse ponderibus, & motibus. Cicero I.
de Finibus.*



BENEVOLIS MEDICINÆ TYRONIBUS.



EN Tyrones Benevoli *Secunda pars*
Mechanices Morborum desumptæ
à Motu Solidorum. Hic horum
actiones ac momenta Medicæ Pra-
xis opere attentissimè observata,
tres in partes claritatis gratiâ dividenda esse cen-
sui; in quarum prima, *Distractionis & Contra-*
ctionis Momenta fibris omnibus tùm simplici-
bus, cùm compositis communia esse experimen-
tis & Mechanicis legibus satis ostensa sunt. Ob
id speraverim non tantùm naturales oscillationes
fibrarum omnium colligere posse, verùm etiam
universales & particulares ægrotantium Sensuum
Affectiones me esse adepturum. In secundâ,
pro morbofis Sensuum internorum Affectionibus
probabiliiori meditatione sollicitus sum, agens
obscu-

obscurissima immortalis Animæ officia, quæ cùm soli DEO O. M. nota sint, hoc unum pro mercede Philosophi est, tantarum actionum Scientiam desideravisse. Tertia denique morbosas Affectiones Sensuum externorum mechanicè molita est. Neque miremini, me neque de Succo Nerveo, neque de Spiritibus Animalibus determinatum sermonem habere, cùm lex & ordo præsentis instituti sit, Morborum causas ac Phænomena à Mechanicis tantummodò Solidorum Motibus eruere voluisse; quibus si vultis actiones ac momenta succi nervei, ac spirituum superaddere, non renuam; si nolitis, arbitror Vos Naturæ & Morborum phænomena satis aptè ab expositis Solidorum motibus esse assequuturos. Liberum itaque consilium sit, succo nerveo, aut spiritibus animalibus ultrò uti velle, aut nolle. Interim me *Tertiam partem Mechanices Morborum desumptam à Motu Febrium* DEO juvante daturum esse polliceor, ut sic completa Morborum omnium Mechanica Deum & Naturam Mechanicis legibus agentes tùm in sanis, cùm in ægris Animalium operibus unicè veneremur.

Valete.

NOI

DEDICATIO.



*AMPLISSIMIS, ATQUE ORNATISSIMIS
VIRIS*

JOAN. FRANCISCO
MAUROCENO

DIVI MARCI EQUITI,

ANDREÆ SUPERANTIO

PROCURATORI,

PETRO GRIMANO

EQUITI, ET PROCURATORI,

ET

REI LITERARIÆ IN PATAVINO GYMNASIO
MODERATORIBUS SAPIENTISSIMIS.

JOANNES BAPTISTA MAZINUS

D. D. D.

):(

DEDICATIO.



Isi qui Scriptiones suas in Ho-
minum lucem sunt edituri
longe plurimis de causis adduci solent, ut Illustres
et præclaros in Urbibus Viros in Patronos sibi
comparent, atque deligant; nihil tamen aliud me
sanè impulit, VIRI AMPLISSIMI, ut opus hoc
meum, quaecunque sit, Mechanices Morborum
desumptæ à Motu Solidorum Vestro præcipuè
Nomini nuncuparem, nisi cultus et observantia
erga Vos mea, quam publicis hisce literis et sin-
gularem, et maximam consignari jam diu cupie-
bam. Etenim si Eorum Nomina, quorum sub
auspiciis in medium prodimus, jampridem nos
obser-

D E D I C A T I O.

*observare assuevimus, æquum etiam est, ut nos
 Eadem lucubrationibus nostris præfigentes, aliis
 quoque quantum in nobis situm est commende-
 mus, & æquè ab aliis, ac à nobis fit, Ea coli, at-
 que spectari toto animo studeamus. Quanquam
 non ego is sum, qui nesciam Vos ad eam Nomi-
 nis celebritatem, ac famam etiam nunc pervenisse,
 ut vel per se nihil quidquam augeri, vel à nemi-
 ne certè verbis, atque literis ulla Ei afferri queat
 accessio; modo ne quis velit tanta meritorum ve-
 strorum in luce nihil fermè videre, communique
 hominum in rumore atque predicatione ubique
 auribus peregrinari. Extant enim in Vobis cla-
 rissima quædam, certissimaque Nominis per-vul-
 gati jamdiù apud omnes indicia, non inde solùm
 profecta, quòd Venetorum Patrum è numero estis,
 qui tantâ & tam incredibili Sapientiâ Reipublicæ
 hujus nunc in Orbe terrarum florentissimæ Guber-
 naculo assident, verùm quòd etiam in Vobis Vir-*

D E D I C A T I O.

tutes eæ omnes palàm effulgent, quibus insigniti homines propiùs, ac veriùs Honoris magnitudinem quandam, & Famæ perpetuitatem assequi ferè dicuntur. Ac ne, quæso, silentio me præterire hoc loco sinite incredibile Mentium vestrarum ad Rempublicam administrandam Consilium, robur illud Animorum invictissimum ad difficillima quæque pro Patria subeunda, Oris Gravitatem omni humanitatis specie temperatam, summam in humilioribus quibuscunque de plebe hominibus opem Vestram rogantibus excipiendis facilitatem, Morum denique religiosissimam integritatem, & rectissimam in judiciis æquitatem, fidem, & munificentiam, atque alia eximia planè Decora omnibus ubique Gentibus prædicanda: quæ omnia ita Vos ornant atque illustrant, ut Clarissimi Generis Vestri antiquitatem, ac gloriam à Majoribus olim acceptam ultrò illis reddidisse, & cumulatiùs videamini. Hæc à me quidem
comme-

DEDICATIO.

commemorari oportebat, ut non meo tantum, sed
 exterarum quoque Gentium, quæ Vos quondam,
 Proavosque vestros gravissimis ad eas in Lega-
 tionibus suspexerunt, desiderio facerem satis.
 Meminimus enim etiam nunc, atque ipse lo-
 quuntur Historia, quanta cum laude, quanta-
 que Nominis Veneti gloria Reipublicæ Vestræ O-
 ratores vel Ipsi Vos nuperrimè, vel Majores an-
 tiquitus vestri apud Reges externos versaremini:
 neque nos præterit, ut Britannia, & Pannonia,
 & Gallia, & Hispania, & Thracia, tum deni-
 que Roma Civitatum omnium caput, ac Parens
 MAUROCENOS, GRIMANOS, SU-
 PERANTIOS summo semper in pretio ha-
 buerit, & adamârit, & in gravioribus etiam
 consiliis non modò diligenter audiverit, verum
 omnibus studiis quàm maximè fuerit prosequu-
 ta. At næ ipse nimis in longum excurrerem, si
 quot ab extraneis Nationibus Virtutis Vestræ,

DEDICATIO.

aut Generis nobilissima suppetunt testimonia, singula praeferre vellem, cum mihi eorum vel plurimum à domesticis objiciatur, in quibus quantum momenti habeant Venetorum Patrum iudicia de Vobis amplissima, & honestissima nemo satis quidem, ac pro dignitate comprehendet. Verum ex omnibus, qui Vestris de laudibus & certissime, atque optime sentiunt, & eas pondere majoris auctoritatis & iudicii sui firmant, atque corroborant, adest in Civitate hac nostra immortalis D. O. M. munere ILLUSTRISSIMUS, & REVERENDISSIMUS Ecclesiae Brixianae EPISCOPUS FORTUNATUS MAUROCENUS, qui ut uni Vestrum Avitae Stirpis arctioribus vinculis conjunctus est, ita Vos singulos atque universos tanti facit, quanti quisquam unus, & acutissimam Viri judicandi prudentiam in primis instructus,
quam

DEDICATIO.

quam ille cæteris quibuscunque pulcherrimis cum
virtutibus, vel ab Adolescentiâ divinitus præ se
tulit, quaque est in Vos Voluntate, meum hoc
devoti animi officium valde probabit, tantum-
que hoc meum opus in fronte Vestro inscriptum
Nomini gratulabitur, quantum Dignitati Vestræ
solet tribuere & optimam studiorum rationem
comitate, ac benevolentia in quibusque litera-
rum, omnisque generis scientiæ Cultoribus pro-
movere. Ad hæc illud demum accedit, cur li-
bellum hunc meum Vobis potissimum sistam, quòd
Vos celeberrimi Patavini Gymnasii gravissimæ
Procuratori, ex quo ab ineunte adolescentia,
quantulacunque doctrinæ in me esse videbitur,
hausisse me scio, Sapientissimi Senatûs-consulto
præfecti estis. Jam illud est reliquum, ut hæc
meas lucubrationes, ad quas Vobis offerendas,
cum Virtus & Dignitas vestra, tum observantia
erga

DEDICATIO.

*erga vos mea, me totum impellit, & quo animo ex-
cipiatis, quod enixè VIRI AMPLISSIMI
Vos rogo, atque obsecro, quodque unum ab hu-
manitate Vestra me facile consecuturum
esse confido.*



BENE-



DE UNIVERSALIBUS SENSUUM AFFECTIONIBUS.

DISSERTATIO PRIMA.



Icut à pression Cordis fluidorum motus, ita ab actione Cerebri motus solidorum habendos esse putans, tantorum motuum debendam Cerebro gloriam jure censui: Cùm enim Cerebrum prima sit Animæ sedes, in qua amplissima officia, divinâ quasi dignitate fiunt, quæ & ad Sensum, & ad Motum pertinere videntur; cùmque sensus & motus nullatenus haberi possint, quin solida corpora specificis Motuum Differentiis afficiantur, jure arbitrandum est solidorum motus ab actionibus cerebri esse eruendos: Cerebri dignitatem hisce motibus comparatam universæ Græciæ Plato evulgatus est: Inquit enim in Timæo, *Est Caput membrum, reliquorumque membrorum princeps, cui totum corpus connexum Dii subesse, ac parere jusserunt; excogitaverunt enim motuum omnium quoscunque esse queant, compos id fore.* Quamobrem de generalibus ibi Sensuum Affectationibus acturi à specificis solidorum motibus orituris, nonnulla claritatis gratiâ præmittenda censuimus, quæ res tam arduas clariori Ratiocinio patefaciant.

2. Itaque manifestum est, à Cerebro oriri nervos, & hos duplici constare substantiâ, quarum interior Medullaris est, quæ à candicante cerebri materia ortum habet; exterior Membranacea, quæ à Menyngibus proficiscitur;

Pars II.

A

hujusmo-

hujusmodi nervea corpora undequaque mirum in modum effusa Motum animalibus & sensum donant: nervea hæc solida vertebrarum foramina egressa, & per animalis machinam distributa in Nodos, ac flexus gangliiformes sese frequenter agglomerant, inter quos præcipui sunt Plexus cardiaci, intercostales, mesenterici &c., in quibus plurimi nervorum furculi strictè in unum colliguntur, ut inde rursus hinc inde distributi summis Naturæ ministeriis pareant. Ibi prætereundum non est, eâ ratione, quâ Musculi sunt instrumenta Motûs, ita Membranas nervos investientes fore Sensuum organa, cum enim musculorum textura, ac figura varia sit, ac diversa juxta varias actiones ac multiplices motus exequendos, quibus destinantur; alii enim Trapezii sunt, alii Rhomboidèi, alii Quadrati &c. Ita non dissimili ratione arbitrandum est, Membranas omnes non uno fibrarum ordine, ac una methodo constructas esse, in quibuscunque partibus sensui destinatis, sed varia ratione, directione, ac ordine elaboratas fuisse cum diversis Angulorum inclinationibus juxta diversas sensuum affectiones exequendas, quibus eas Natura divino opere destinaverat.

3. Cum Membranæ nerveis solidis circumscriptæ sint, cæterisque fibris organicis arctè adhæreant, Motus membranarum nerveis solidis, cæterisque fibris jure communi communicabuntur; verum cum motus communicentur juxta rationes ac vires corporum imprimantium, propterea motus solidorum nerveorum, aliarumque fibrarum erunt motibus membranarum circumscriptarum proportionales.

4. Nervea solida Cranium tamen egressa dotantur naturali *Motu Contractionis & Distractionis*; quibus Motibus conantur determinatum contractionis & distractionis gradum, sive statum sustinere naturali temperiei, constitutioni, ac viribus animalis proportionalem, ac sese ad eundem statum naturalis longitudinis restituere, quotiescunque ab oppositâ Vi sive interna, sive externa, sive mixta,

mixta, seu Motu opposito distractionis [sine tamen divulsione] distracta, aut ad majorem longitudinem extensa fuerint. Hujusmodi motus contractionis & distractionis ideam acutissimo tractatu de villo contractili celeberrimus Bellinus exposuit & demonstravit; inquit enim; *contractionis naturalis nomine, aut ejus oppositæ distractionis hic intelligimus motum illum in compositis corporibus, quo fit, ut eadem composita ab aliqua facultate externâ, sed adderem quoque internâ, aut mixtâ, trahente in majorem extensionem perducta sine divulsione, Naturæ Vi, sive sponte, sive à seipsis suæ priori longitudini se restituant, si libertati permittantur: dico autem hac super re, contractionem naturalem tam latè patere, ut vix unum compositum noverim, in quo illa non vigeat, & paucissimas naturæ operationes pariter invenerim, ad cujus partes contractio naturalis non sit vocanda.* Cùm itaque Bellinus motum contractionis & distractionis compositis corporibus communem velit, hujusmodi motus contractionis & distractionis non solidis tantummodo nerveis tribuendus erit, verùm etiam quibuscunque fibris organicis, quæ aut à nerveis filamentis oriuntur, aut quibus nervea inseruntur corpora, aut cujuscunque alterius generis: Ex his colligendum est, quamcunque fibram organicam Conatum ac Vim continuò exercere, ut ad naturalem longitudinem sese restituat, quotiescunque à vi aliqua ad majorem longitudinem distracta fuerit; verùm cùm hujusmodi contractionis & distractionis Motus, de vi elastica participes esse vidéantur; certè omnes, quamcunque fibram elastico quodam motu ac nisu donatam esse: à quo peristaltici motus orituri sunt, fateri debuerunt.

5. Ne autem ea desint, quæ Motûs distractionis & contractionis ideam ulteriùs confirmare possint, Observationes & Experimenta offert Bellinus, pollicitus se rem tam Naturæ consonam, ac necessariam fore determinaturum; Eligit itaque celeberrimus Auctor Chordam Musicam, aut metallicam, aut compactam ex carnibus animalium, eamque per eandem rectam lineam, ac per longitudinem ipsius ad oppositas partes trahit, ut tendatur

sine tamen divulsione Chordæ; postquam inquit ad certam quandam longitudinem priori majorem ipsam extendisti, à tractione desistas, digitosque removeas, adeoque Chordam suæ libertati permittas; Chorda ex seipsa pariter coit in seipsam per eandem lineam, per quam traxeras, & fit brevior, ac brevior, quousque redeat in eandem longitudinem, cujus erat ante tractionem, in quam postquam restituta est, ulterius non coit in seipsam, sed ab omni motu cessans in sua priori longitudine quiescit. Illam longitudinem in quam venit Chorda per tractionem ad oppositas partes appellant distractionem; & facultas, quæ distractionem producit dicitur facultas distrahens; Motus, quo Chorda in priorem suam longitudinem restituitur est id, quod appellatur Motus contractionis vel Contractio; & facultas, à quâ provenit contractio, dicitur facultas contractionis. Hæc Bellinus prop. 1. de villo contractili. Verum in hac re fateor me ultra obstupuisse legens Metalla ipsa, quantumvis durissima tali motu distractionis & contractionis donata fuisse; refert enim immortalis famæ vir Jacobus Hermannus n.º 24. Phoronomix, ex observationibus Celeberrimi Cassini constat, metalla frigori exposita non nihil contrahi, & vice versa quoad volumen extendi in locis calidis, & ejusmodi metallorum extensiones. & contractiones; quibus non dubiè durissima quæque alia corpora plus minus obnoxia sunt, absque interno partium motu fieri nequeunt. Isaacus quoque Newtonus summum Angliæ Lumen, [pag. 386. princip. math.] testatur & ipse D. Picartum observasse, quod virga ferrea, quæ tempore hyberno, ubi gelabant frigora, erat pedis unius longitudine, ad ignem calefacta evasit pedis unius cum quarta parte lineæ: Deinde D. de la Hire observavit, quod virga ferrea, quæ tempore consimili hyberno sex erat pedum longitudinis, ubi soli æstivo exponebatur, evasit sex pedum longitudinis cum duabus tertiis partibus lineæ. Quid plura? Non - ne Academia Florentina pluribus Experimentis in CrySTALLIS & Mineralibus ante hos Celeberrimos Viros [pag. 186.] manifestè experta est, Metalla & Cryсталlos calore distrahi & extendi, frigore verò contrahi? Quamobrem si hujusmodi durissima corpora motu distractionis & contractionis donata sunt, quid de mollibus, tenerisque

que animalium viventium solidis facillimè mobilibus dicendum erit? certè nullum fore putaverim, qui tam aperta ac manifesta de Motu distractionis seu extensionis, & contractionis phænomena in quibuscunque animalium viventium fibris, ac solidis, aut negare, aut de his audeat dubitare.

6. Cùm Univerſa Corpora ſive ſolida communi Motu distractionis & contractionis parere debeant, contrahendo ſermones noſtros ad ſpecificum Motum distractionis & contractionis fibrarum Animalium; quærere quis poſſet rationem, ac Cauſam primò naturalem, deinde præternaturalem distractionis & contractionis fibrarum, de quibus ibi præcipuè agendi munus noſtrum & officium eſt: quàmvis autem hæc ratio, ac cauſa difficilimè erui verè poſſit, nihilominus ne deſit actionibus Naturæ ea ratio ac lex, quæ ad enodanda obſcura Naturæ phænomena probabiliori jure convenire videatur, putaverim præeuntibus celeberrimis Viris Johanne Alphonſo Borello & Johanne Bernoullio à duabus præcipuè cauſis Rem tam obſcuram me fore aſſequuturum: Prima itaque cauſa eſt naturalis & peculiaris Structura ſolidorum & fibrarum quarumcunque; qualiſcunque tamen ſtructura hæc fuerit, cùm verum ſtructuræ modum, ordinem, directionem ac figuram earundem determinare nemo uſque adhuc auſus ſit: In hac re non me latet, ſummum Virum Alphonſum Borellum (a) muſculares fibras, ut catenas, ex obſervationibus Muſculorum, habuiſſe compoſitas ex fibris perpendicularibus & tranſverſis, quæ inter ſe texturam reticularem efficere videantur; ex hiſce fibris tali ratione contextis efformantur areæ, ſeu machinulæ, quæ flaccidæ fiunt & lateribus ſuis connivent, quando muſculus otiaſtur; extenduntur verò, cùm operatur: Hujusmodi machinulæ, ſeu ſpatia fibrarum muſcularium ex Borello Rhomboidalem figuram deſcribere viſa ſunt; verùm cùm ſupra laudatus Johannes Bernollius (de Motu

A 3

muſcu-

(a) Prop. 94. & ſequent. Primi Tom. & prop. 215. ſecundi Tom. de motu Anima.

musculorum num. 2. & 9. & sequent.) spatia, seu machinulas fibrarum muscularium non Rhomboidales figuras, sed sphæroides verè describere, analyticè ostendat, quæ juxta majorem aut minorem extensionem musculorum sphæroides quoque descriptæ modò à majoribus, modò à minoribus angulorum inclinationibus metirentur, colligendum putavi, musculares fibras donatas fuisse motu distractionis & contractionis præcipuo opere, ac labore talium machinularum sphæroidalium, quam rem Celeberrimus Michelottus utilissimis animadversionibus acutissimè expendit. Hisce præmissis, si liceat suspicionem meam adducere, opinor, me non adeò à ratione alienum esse, si putem, *Menyngum quoque lacertos* musculis, aut musculorum officio comparandos, & *Nervos ipsos* similibus fortasse areis, vesiculis, aut machinulis sphæroidalibus, aut fortasse alterius generis esse munitos; & sanè si de nerveis solidis conjectari liceat, laudatus Borellus (a) nervum esse fasciculum seu capillamentum ex pluribus filis fibrosis compositum, atque involucro quodam membranoso colligatum arbitratus est, quæ nerveæ fibræ fistulas esse cavas, repletas substantiâ quadam spongiosâ, porosâ ac madidâ simili porosâ medullæ sambuci virentis, succo quodam elastico irrigatas probabili ratiocinio ulteriùs suspicandum putavit; itaque si lacerti Menyngum analogicè musculis comparantur, si spongiosâ porositates nervorum succum quendam elasticum continent, eodemque irrigantur, cur non liceat opinari? hujusmodi poros, areas & cellulas factò cum muscularibus machinulis analogismo sphæroidales esse, aut alterius similis figuræ, quæ elaterio quodam donatæ modò extendi, modo contrahi potuissent? Natura siquidem una est, omnibusque in operibus ferè semper Unitate operari consuevit. Itaque Menyngum lacertis, & nerveis solidis probabiliter expensis, facilè me transfero ad ea, quæ ad motum contractionis & distractionis *Membrarum & Tendinum* pertinere videntur. Membranæ itaque cùm docente Verheyen verosimiliter

(a) Prop. 23. Tom. 2. de Motu Animalium.

liter componantur ex fibris sibi invicem intertextis, ferè sicut tela ex filis, quarum altitudo seu profunditas adeò minima est, ut areas, spatia seu machinulas necessariæ altitudinis seu profunditatis non continere, aut comprehendere opportunè possit, cùmque membranæ præcipuo sensuum officio pareant, cui efficiendo non adeò operosum ac laboriosum est, ut nervis, musculisque contingit, qui summis motuum laboribus destinantur: propterea malè existimarem, si motus membranarum contractionis & distractionis à machinulis, seu vesiculis elasticis factos esse crederem; absit itaque opinio hæc loquuturo de Membranis sensui præcipuè, non motui destinatis. Naturalem ergo motum contractionis & distractionis membranarum primò factum putaverim à successivo motu oscillatorio Menyngum, qui successivè Membranis correspondentibus communicatur; secundò à motu fibrillarum nervearum, quæ per membranas hinc inde excurrunt; tertio à continuâ mutatione angulorum, qui à fibris membranas componentibus efficiuntur: etenim cùm membranæ componantur ex fibris sibi invicem intertextis, jure texentes fibræ efficient Angulos, aut naturaliter rectos, aut acutos, aut obtusos; cùm autem fibræ sensu & motu præditæ, motum & impulsus excipiant ab externis corporibus, aut ab interno motu corporum fibras componentium, futuræ erunt quælibet fibræ in proportionali mutatione angulorum & figurarum inter se; fibræ itaque Rectos angulos naturaliter describentes, cùm ratione advenientis motûs modò descripturæ sint angulos Acutos, modò Obtusos, modò Curvos, necessariò quoque fibræ inæqualibus angulis oppositæ modò distraherentur, modò contrahentur; cùmque semper remaneat Vis illa seu conatus naturalis fibrarum, quo fibræ nonnaturaliter contractæ, aut distractæ ad naturalem statum conantur sese restituere; opinor membranarum fibras excessivâ mutatione angulorum, inter se futuras esse in proportionali mutatione figurarum, & consequenter fibras modò contrahi, modò extendi debere. Qualis modò futura

tura erit probabilis causa, quâ *Tendines*, licet densissimi sint, suo tamen naturali motu contractionis & distractionis dotari debuerunt; proculdubio tendinum motibus confert *Vis nervorum*, qui per tendines intimè serpunt; *Vis membranarum* tendines circumscribentium; & aliqualis mutatio *Angulorum*, qui præcipuè à fibris rectis & transversis, aut obliquis tendines componentibus, ex sequuturis motibus musculorum continuò efficiuntur; Potissimum itaque Motibus contractionis & distractionis obediunt tendines, vi & opere Musculorum, qui cum diversis motibus sollicitentur, Tendines quoque, quatenus appendices & caudæ musculorum, successivis distractionis & contractionis motibus erunt sollicitandi. Præter cætera, quæ motum distractionis & contractionis in quibuscunque corporibus promovere consuecunt, universale principium est Motus intestinus particularum quælibet solida componentium.

7. Cum Animalia quælibet non eodem semper in statu virium & actionum perseverent, sed continuâ actionum, aut naturalium, aut præternaturalium vicissitudine rotari debeant; & cum diversæ vires & actiones à variâ temperie fluidorum, ac variâ solidorum structurâ ac motu dimetiri possint, ideò Motus seu Momenta distractionis & contractionis fibrarum quarumcunque claritatis gratiâ duplici modo erunt consideranda; Momentum itaque distractionis & contractionis aliud est *æquipollens*, aliud est *præpollens*: *Vis*, conatus seu Momentum distractionis *æquipollens*, est naturalis potentia, *Vis* seu conatus solidi distrahendi semetipsum ad naturalem longitudinem, quotiescunque ab oppositâ potentiâ, aut momento contractionis impeditum fuerit; aut sustinendi statum naturalis distractionis intra fines à Naturâ determinatos. Momentum vero contractionis *æquipollens* ejusdem solidi, est opposita potentia, *Vis* seu conatus contrahendi semetipsum ad naturalem longitudinem, quotiescunque à vi aliquâ distractum fuerit, aut sustinendi statum naturalis contractionis ejusdem solidi pariter intra fines à Naturâ determinatos. Itaque cum hujusmodi Momenta distractionis & contractionis æquipollen-

tia

etia in perfectissimo Naturæ statu haberi tantummodò possint, ideò talia momenta quotiescunque extiterint, semper futura erunt in statu naturali: quare ibi directiones & motus fibrarum erunt juxta Naturæ leges inter se, aut homologè, aut reciprocè proportionales. In hoc statu vis & robur Naturæ perfectissimè consistens est; cùm enim vires æquales & oppositæ in idem corpus, aut homologè, aut reciprocè agentes & reagentes mutuum effectum tollant, aut tollere aptæ sint, res omnes positæ in actione & reactione æquilibrata, debebunt necessario rectè consistere. Hisce ergo Momentis æquipollentibus solidorum felicissimè uti possumus, ut accessus & recessus Momentorum à perfectissimo Naturæ statu quamproximè innotescant, naturales aut præternaturales actiones animalium felici methodo dimensuri; In hoc quoque perfectissimo Naturæ statu supponenda jure sunt elementa, & motus fluidorum in exactissimâ proportionem inter se constituti; sicut autem Momentum æquipollens est semper in statu naturali; ita Momentum præpollens aliquam ob causam, sive externam, sive internam, sive mixtam taliter augeri potest, ut fiat præter naturam; Itaque Momentum distractionis præpollens illud esse videtur, in quo talis sit hujus Momenti præpollentia, ut Momentum æquipollens contractionis nullam, aut ferè nullam rationem habeat cum Momento præpollente distractionis; hoc autem semper fiet cum læsione operationum, & aliquando, cum divulsione solidorum. E contra Momentum contractionis præpollens aliquam ob causam sive externam, sive internam, sive mixtam æquipollens taliter superat, ut fiat præter naturam; ita ut Momentum distractionis æquipollens nullam, aut ferè nullam rationem habeat cum Momento præpollente contractionis, ibi fibrarum actiones læsas esse, nemo negaverit.

8. Hisce præmissis, ut generales Sensuum Affectiones consequi possimus, primò incumbendum est, ut in Doloris examine laboremus. Unus itaque Omnium sensus est, solutionem continui præcipuam doloris causam fuisse, & tantum Veterum opinio præjudicata potuit, ut etiam usque adhuc Veterum valeat auctoritas. Verùm doctissi-

Immedia-
ta Doloris
Causa.

mus Borellus (a) evulgatam hujusmodi sententiam penitus studuit evertere, simulque spretâ illa doloris causâ, quæ in dissolutione texturæ, & compositionis fibrarum nervearum præcipuè firmata esse videtur, tandem aliquando à celeberrimo Auctore deliberatum est (b) immediatam doloris causam à vellicatione in nerveis membranis factâ esse eruendam: Fateor me dubitanter quærere immediatam doloris causam, verùm cùm unicuique liceat eam ferre sententiam, quæ ad enodanda Naturæ phænomena probabilius conferre videatur, ausus sum probabiliori Ratiociniò suspicari *immediatam doloris causam, & molestam sensuum affectionem orituram esse ab inæquali, inordinato & asymmetro motu fibrarum membrænearum solida nervea circumscribentium, & consequenter, etiam fibrarum nervearum, aliarumque, quibus artè, & intimè eadem membranæ alligantur, quæ proportionem, ac directionem acquirant notabiliter dissimilem, ac diversam à naturali proportionem, ac directionem motûs earundem, mutatis naturalibus inclinationibus angulorum inter se, quos fibræ inter se contextæ necessariò componunt.* Hinc juxta varios gradus motuum fibrarum membrænearum solidis nerveis circumscriptarum, & juxta varios gradus motuum fibrarum quarumcunque membranis intimè alligatarum, qui magis, aut minùs distent à debitâ proportionem, ac directionem naturalis earum motûs, & juxta varias mutationes angulorum earundem, tanquam ab immediatâ & primitivâ causâ consequuntur postea effectus: videlicet aliquando solutio continui, aliquando dissolutio texturæ, & compositionis fibrarum membrænearum circumscribentium, aliorumque filamentorum, quibus membranæ intimè alligantur. Quamobrem qui doloris causam à solutione continui, aut à dissolutione texturæ fibrarum student acquirere, minùs rectè rem agere videntur; cùm non causam doloris, sed effectum penitus offerant; minùs quidem errare consuecunt, qui à vellicatione fibrarum nervearum, membrænearumque, & aliarum, quibus membranæ intimè alligantur, doloris & molestiæ causam eruendam

(a) Prop. 205. secund. Tom. de Motu Animalium.

(b) Prop. 27. secund. Tom. de Motu Animalium.

endam putant. Verùm cùm nonnulla Naturæ phænomena præternaturalia, à corporibus vellicantibus excitata sæpè quoque fiant absque ullâ doloris affectione, licèt dolor aliquando etiam à vellicatione haberi possit, ideò non semper vellicatio pro immediatâ & primitivâ causâ dolorificæ affectionis erit consultò, & uno Naturæ jure existimanda, sed pro mediatâ tantummodo, ut inferiùs constabit, cùm de affectionibus convulsivis sermo fuerit.

9. Ne autem turbetur debitus morborum ordo, cùm inter sævissimos dolores ac sensuum molestias emineant Dolores Capitis, congruum puto de præcipuis capitis doloribus sermonem habere; de *Cephalæâ* nempe, *Cephalalgia* & *Hemicraniâ*; cùm autem Cephalæa inveteratum & continuum; Cephalalgia recentem, & diuturnum; Hemicrania verò modò unam, modò alteram capitis plagam torqueat, non difficile erit, ab universali doloris causâ super expositâ peculiare dolores capitis causas aperire: Itaque sciendum est, Partes omnes nervosas; duas nempe Meninges, nervorum tunicas, pericranium, periostium, musculos & panniculum carnosum esse præcipua subjecta, in quibus hujusmodi dolores firmari consueverunt; itaque cùm in Corticali Cerebri substantiâ densissimi Arteriarum & Venarum ramuli numerentur; si violento aut velociori, sive ob crassitiem lentiori pede iverit sanguis, conicarum arteriarum & venarum superficies circulares, magis extensæ fient; cùm autem hujusmodi superficies augeantur semper in ratione duplicatâ suarum diametrorum, venæ & arteriæ ad tantas superficies extensæ, distractis organorum fibris, mutatisque naturalibus directionibus fibrarum, unâ cum naturalibus angulis earundem inter se, urgebunt violenter non solum corticalem cerebri substantiam, verùm etiam duas Meninges contra calvariam; verùm cùm resistentia Calvariæ validissima sit, coget venarum & arteriarum superficies, repercutere semetipsas contra corticalem substantiam in ratione compositâ ex ratione resistentiæ calvariæ, & ex ratione dilatationis & distractionis venarum, & arteriarum ad majores su-

perfiries : si itaque hujusmodi Vitia continua fuerint Cephalæam ; si interpolata Cephalalgiam ; si verò hanc aut aliam cerebri partem irritaverint , Hemicraniam erunt paritura. Verùm præter hæc aliâ fortasse Methodo dolores capitis quærendi sunt ; etenim cùm dum Menynges contrahuntur , Cor dilatetur , & cùm hæ cerebrum circumscribant , eo tempore , quo volumen sanguinis in statu naturali à corde expellitur unâ systole , Menynges impulsæ elevabuntur , diastole vero cordis subsequente Menynges motu veluti reciproco deprimuntur. Cùm verò motus iste naturalis depressionis quodammodo fieri videatur non tantùm à momento naturali gravitatis Menyngum , verùm etiam à motu seu conatu quodam lacertorum , (quos Celeberrimus Pachionus in durâ præcipuè Menynge observaverat ,) quorum vi membranarum fibræ quodammodo in rugas ac plicas compositæ intra sese recipiunt ; motus autem naturalis elevationis fiat motu quodam distractionis , vi cujus fibræ à momento sanguinis impulsæ distractionem pati coguntur ; idcirco si accidar , aut nimio impulsu sanguinis , aut nimiâ feri colluyie extensas præternaturaliter fuisse lacertorum areas , aut glandulas , etiam motus depressionis , seu contractionis Menyngum , & succedentes motus elevationis seu distractionis earundem futuri erunt adaucto momento gravitatis dissimiles & asymmetri ; Cum autem juxta tam dissimiles & asymmetros Motus distractionis & contractionis Menyngum , fibræ Menyngum inordinatis directionibus & asymmetris motibus distractæ componere debeant angulos à naturali inclinatione dissimiles ; sic mutato naturali parallelismo fibrarum inter se Natura pati conabitur , & capitis dolorem modò leviori , modò graviore molestiâ sustinebit. Serum ulteriùs aut lentiori pede procedens per innumera vasa lymphatica , aut asperis corporibus munitum molestè afferendo inordinatos , inæquales & asymmetros Motus organorum & fibrarum , externas aut internas capitis plagas altè feriet vulnere , aut continuo , aut interpolato , & variæ fient dolorum capitis differentiæ.

tiæ. Hæc, & quæcunque alia extranea, ut vermes, fungi & sylvestres succi, si in regione capitis tyrannidem suam primò exerceant, idiopathicos dolores; si verò extra regionem capitis, ut in stomacho, utero, cæterisque vilceribus consensu gravi cerebrum torqueant, sympathicos dolores moleste parturient.

10. Modò à doloribus Capitis sentio, me eam in arenam vocatum esse, ut cum Affectionibus Convulsivis medicam controversiam acturus sim: cum autem num. 6. *naturalis causa distractionis & contractionis* satis explicata fuerit; hujus opportunitati loci convenire videbitur, si prius universalem præternaturalis Momenti distractionis & contractionis solidorum rationem ac causam attulerim, antequàm de convulsionibus peculiarem sermonem habeam. Eligo itaque Plexum Nerveum Mesentericum, unum nempe ex tot nerveis plexibus, in quibus facile crederem potissimum firmandam esse Sedem ac Basin Motuum solidorum nerveorum à plexibus exeuntium, tam naturalium, quàm præternaturalium; (quidquid autem de plexu mesenterico loquuturus sum, proportionaliter de quocunque alio plexu, aut de quolibet alio nerveo solido intelligendum erit): sit ergo plexus nerveus mesentericus compositus ex unione, & aggregato plurium nerveorum solidorum in statu naturali; apertum est, aut vitio succi nervei, aut feri supra modum fluentis interstitia plexûs nervei repleri taliter posse, ut naturalem fluidorum copiam angulosius plus justo salibus gravem, ultrò superent; sic solidum tali fluido æquabiliter repletum dilatabitur ad majus spatium, seu volumen. Cum autem nerveum solidum in statu naturali, & idem solidum in statu præternaturali habeantur, ut duo solida similia, & distantiae fibrarum, seu interstitia solidum componentia sint lateribus solidorum homologis proportionalia, solida autem similia crescant in ratione triplicatâ laterum homologorum; certè solidum nerveum in statu naturali, & idem solidum in statu præternaturali erunt inter se in ratione triplicatâ amplitudinum interstitiorum, seu distantiarum, quas fibrae

solida componentes servant inter se : Quare si fluida , seu massæ tanquam cunei præcisè , & secundùm se considerata in interstitiis solidi nervei absque motu elastico communicato ab aliis corporibus sibi unitis æquabiliter contentæ in iisdem interstitiis pro statu naturali fuerint ut unum ; postmodùm verò à massâ corporum præternaturaliter effusa , distantia seu interstitia fibrarum solidum componentium dilatata , & extensa fuerint ut 2. , erit solidum nerveum in statu naturali ad idem solidum nerveum in statu præternaturalis extensionis ut 1- ad 8. , nempe proximè in ratione cubicâ interstitiorum , seu distantiarum fibrarum inter se ; quare solidum nerveum præternaturaliter extensum erit octuplum solidi ejusdem nervei naturaliter extensi à corporibus , seu materiâ contentâ , ut unum. Cùm autem solida hujusmodi decurtari jure debeant in ratione proximâ secundum longitudinem , quotiescunque dilatantur in aliqua ratione secundum latitudinem , licebit colligere ex præternaturali dilatatione plexûs nervei , ramos nerveos à plexu hinc inde exeuntes decurtandos fore in ratione probabiliter proximâ 1. ad 8. Ex his ultrò res agenda est ; cùm enim fluida seu massæ æquabiliter contentæ tanquam cunei inter interstitia plexûs nervei elasticis corporibus , & particulis quoque præternaturaliter effervescentibus unitæ sint , quarum vires , ac momenta elastica summa esse experimur ad augendos imperus , percussiones , & conatus contra fibras plexûs nervei præternaturaliter extensi à materiâ præcisè considerata absque motu elastico , communicato ab aliis corporibus sibi unitis ; quis non videt , quanta futura sit vis , conatus , & momentum plexûs nervei ad nerveos ramos ab ipso exeuntes violenter trahendos versus plexum præternaturaliter dilatatum , in ratione videlicet composita proximè ex cubo , seu triplicatâ ratione interstitiorum , seu distantiarum fibrarum inter se , & ex motu elastico corporum effervescentium ; à quo momento validissimæ resistentiæ erunt enixè superandæ : Quamobrem cùm interstitia fibrarum corporibus extraneis æquabiliter repleta , seu

ra , seu distantiae fibrarum inter se sint lateribus homologis solidi proportionales , erunt simul sumptae aequales , aut quasi aequales homologae Radici solidi praternaturaliter extensi ; quare si talis Radix fuerit $= b$; erit solidum nerveum praternaturaliter extensum proximè in ratione cubicâ eorundem interstitiorum , seu distantiarum fibrarum inter se ob materiam ibi ultrò contentam , nempe erit proximè ut b^3 : quòd si vis & conatus elasticitatis corporum contentorum effervescentium , aut inflando , aut impellendo magis , magisque fibras plexûs nervei vocetur e ; momentum autem plexûs ejusdem praternaturaliter extensi vocetur m, erit $m = b^3 + e$. Hæc quæ dicta sunt ostendere videntur , quænam sit ratio ac causa sive externa , sive interna , sive mixta , quarum vi Momentum naturale æquipollens plexûs nervei , & ramorum nerveorum transire necessariò debeat ad praternaturale momentum præpollens eorundem , cujus momenti opere plexus nerveus , & rami nervorum ab ipso exeuntes apti fiunt non solum superare momentum oppositum contractionis eorundem , verum etiam validissimas resistentias muscutorum , tendinum , & ossium , quibus omnibus nerveæ ramificationes arctè alligantur , aliorumque ponderum oppositorum , quod certè Praxin Medicam agentibus mirabile est. Agendo modò de *Motibus Convulsivis* , cùm Sanitas & naturalis Solidorum Motus non solum nitantur in proportionem corporum fluida componentium , verum etiam in determinato ordine , directione naturali solidorum , & determinato motu eorundem , unà cum naturali inclinatione angulorum , quos fibræ inter se contextæ naturaliter componunt , & cum æquali , aut reciproca actione & reactione Momentorum distractionis earundem inter se : quotiescunque hic naturalis motuum & actionum ordo , & lex praternaturali opere mutabuntur , tunc Convulsivæ affectiones contingent. Cùm itaque tot morborum causæ , aut à praternaturali dilatatione , aut inflatione solidorum , aut motu oriri consuescant ; si aut vitiosi succi nervei , aut à sanguiferis , aut à lymphaticis canalibus evo-

mantur

mantur præternaturales succi asperis superficiebus donati in aliquo spatio membranoso, aut nervoso, aut quocunque alio solido sensibili contenti; ibi certè tanquam cunei ingressi spatia solidorum violenter sollicitabunt, extendent & inflabunt fibras solidum componentes; spatia autem Plexûs nervei [putà Mesenterici jam suppositi] ab extraneis corporibus ultrò repleta, impediunt facilem transitum fluidorum naturaliter prætereuntium, inde factâ morâ corporum ingressorum hypostasis major futura erit, quàm par est. Cùm autem sylvestres succi solidum supra Naturæ leges ingressi dilatent præternaturaliter solidum illud proximè in ratione compositâ ex ratione cubicâ, seu ex ratione triplicatâ interstitiorum, distantiarumve, quas fibræ habent inter se in statu extensionis naturalis, & ex ratione corporum elasticorum plexum nerveum influentium; proculdubio cùm filamenta nervea à plexu exeuntia, & hinc inde effusa tantum proximè trahi debeant versus plexum præternaturaliter extensum, quantum plexus nerveus à præternaturalibus succis ultrò extensus fuerat; idcirco filamenta illa nervea à plexu exeuntia violenter trahentur versus partem plexûs in data ratione dilatati; cùm autem filamenta illa nervea Musculis, tendinibus & ossibus artè sint alligata, Musculi quoque, tendines & ossa, quibus tendines alligantur, in datâ ratione trahenda præternaturaliter erunt; sicque hac ratione præternaturales contractiones organorum & Motus Convulsivi solidorum exorientur; Ex his si extensio & dilatatio plexus nervei à corporibus ingressis eâ ratione fiant, ut æquabiliter & omnibus in partibus æqualis, & unimoda fiat præternaturalis sollicitatio, percussio & inflatio, cum æquali & unimodâ dilatatione singulorum interstitiorum, & distantiarum fibrarum plexûs nervei præternaturaliter extensi, etiam filamenta nervea à plexu exeuntia æqualibus viribus, æquali, & unimodo conatu, ac momento æquabiliter & unimodè trahentur versus partem plexûs dilatati. Si itaque singulæ fibræ componentes solida nervea à plexu gangliiformi exeuntia, & illæ quibus solidum unitur, naturales

les semper directiones, ac naturales parallelismos sustineant inter se, easdemque servant naturales angulorum æqualitates ac similitudines; tunc cum fibræ singulæ solida componentes attrahantur versus plexum cum angulis, aut æqualibus aut similibus, temporibus quoque æqualibus fibræ ipsæ transeundo singulis temporibus ordinatâ, unimodâ & æquabili lege, ab unâ æqualitate, aut proportione, aut directione Motuum fibrarum & angulorum ad aliam priori aut æqualem, aut proportionalem, non afferent ullos dissensus vel ullam asymmetriam in totis Motibus fibrarum solida componentium; & consequenter cum singulis temporibus naturalis fibrarum parallelismus sustineatur, attractio quidem convulsiva fiet solidorum versus partem præternaturaliter extensam, sed ordinata, unimoda æquabilis, & isochrona; atque nulla videbitur contingere molesta organorum affectio, aut dolorifica passio solidorum sensibilibus: & sanè, ut habeatur ratio veritatis; si conatus, Vis, momentum & quantitas Motus unius fibræ in uno solido [idem intellige proportionaliter de quibuscunque aliis partibus, quibus solidum idem unitur] una differentia temporis fuerit ad quantitatem motûs; seu momentum ejusdem, aut alterius fibræ homogeneæ, & æqualis magnitudinis æquali tempore, & in eodem solido, ut est momentum, & quantitas motus primæ fibræ altero tempore ad momentum, seu quantitatem motus ejusdem, vel alterius fibræ homogeneæ secundo tempore, & sic proportionaliter successive erunt [per 12. 5.] singula momenta & quantitates motûs unius, aut alterius fibræ homogeneæ iisdem temporibus & in eodem solido; ut sunt omnia momenta & conatus simul sumpti primæ fibræ, ad omnia momenta & conatus simul sumptos secundæ fibræ ejusdem solidi, iisdemque temporibus; sed quando conatus & momenta unius, aut alterius fibræ homogeneæ solidum componentis sunt æqualia, aut proportionalia momentis ejusdem, aut alterius fibræ homogeneæ solidum componentis temporibus æqualibus, & sic de cæteris &c. Momen-

Convulsio
sine dolore.

tum quoque & quantitas Motûs totius solidi est semper singulis temporibus sibimetipsi æqualis , aut proportionalis ; quare cùm Natura in hoc statu singulis temporibus justam proportionem , æquam directionem Motuum fibrarum , & parallelismum naturalem earundem cum æqualitate angulorum æquabiliter , & unimodè usque adhuc sustineat ; certè Actionibus & Reactionibus proportionaliter se habentibus nullam in se molestiam ac dolorificam affectionem , [& si Convulsio fuerit] pati poterit ac sustinere. Et sanè , ut verum fatear , sæpe miratus sum Medicam Praxin agens, Convulsivas affectiones absque ullo dolore ægros agitavisse ; plurimas enim Hystericas , & Hypochondriacas affectiones , & Convulsivas , pluresque Spasmodicos subsultus aut motus , inter quos *Satyriasin* , sine ullo doloreartos observavi : Itaque ex his colligendum videtur , quotiescunque plexus magnus mesentericus nonnullos surculos per Mesenterium & intestina ; nonnullos verò ad truncum Aortæ descendentis ; nonnullos ad Ovaria fæminea emittat ; & hic plexus æquabiliter , & unimodè in omnibus suis partibus plexum componentibus sollicitatus , percussus & extensus fuerit à fluidis præternaturalibus plexum eundem æquabiliter & unimodè inflantibus & dilatantibus ; tunc Momentum Plexûs nervei æquabiliter , sed præternaturaliter dilatati trahet proximè in datâ æquabili ratione non solum surculos quoscunque ab illo exeuntes , sed & fibras quascunque surculos ipsos componentes versus plexum nerveum præternaturaliter extensum ; cùm autem Momentum tale plexûs nervei proximè æquetur singularibus Momentis simul sumptis tractionum fibrillarum nervearum ab ipso exeuntium ; propterea singularia Momenta simul sumpta (a) tractionum , quibus æquabiliter , sed præternaturaliter trahuntur , non solum surculi nervei , sed singulæ fibrillæ surculos nerveos componentes per Mesenterium & intestina , per truncum Aortæ & Ovaria à plexu exeuntes versus plexum nerveum , æqualia erunt Momento totali Plexûs

(a) ex num. 13. phoron. Hermannii.

Plexûs Magni Mesenterici præternaturaliter extensi ; cùm portò Momentum totale plexûs nervei suppositum fuerit supra $= b^3 + e$; si Momentum singulare furculorum & fibrarum nervearum furculos componentium per Mesenterium & intestina effusum supponatur $= p$; Momentum verò furculorum nerveorum & fibrarum furculos componentium per Aortam descendentem singulariter supponatur $= r$; Momentum autem singulare furculorum nerveorum & fibrarum furculos componentium ad Ovaria emissos supponatur $= f$, erunt proximè singularia Momenta simul sumpta $p + r + f = b^3 + e$ & consequenter momentum singulare p erit $= \frac{b^3 + e}{r + f}$, & momentum singulare r erit $= \frac{b^3 + e}{p + f}$ & momentum singulare f erit $= \frac{b^3 + e}{p + r}$; cùm autem ex æquabili , sed præternaturali dilatatione Plexûs nervei Magni Mesenterici æquabili quoque ratione trahantur Rami nervorum ab illo exeuntium , & singulæ fibræ ramos ipsos componentes versus eundem plexum ; in hoc statu cùm hujusmodi tractiones sint singulis temporibus ordinatæ , unimodæ & æquabiles inter se & isochronæ , nullam doloris molestiam [& si convulsio fuerit ,] erunt allaturæ. Unde Praxi Medica expertum est , Hystericas mulieres , hominesque Hypochondriacos aliquando abdomine tumefactos , & foëminas utero quodammodo attractas sine ullo dolore extitisse , sed muta tantummodo afflictione unà cum aliquâ pulsuum inæqualitate , & stomachi languore vexatas fuisse. Habita inde ratio est , cur inflatis , extensis & sollicitatis æquabiliter & unimodè in singulis partibus nerveis furculis per ovaria & uterum emissis opere præternaturalium succorum nerveos hos furculos undique , sed æquabiliter dilatantium , aut sollicitantium , fieri aliquando possit ratione nervorum & fibrillarum eorundem ascendentium non gravis sensatio , (licet convulsiva) in abdomine , intestinis & stomacho cum pulsuum aliquali inæqualitate , sed tantummodò affectio quædam sine dolore , quam

Universalem corporis Languorem appellari Mulieres consueſcunt.

Convulſio
cum do-
lore.

11. Verùm ſi à præternaturalibus fluidis plexus nervei, aut quælibet ſenſibilia organa ſolicitentur & dilatentur quidem in ſuper expoſitâ ratione compoſita; ſed non æquabiliter & unimodè in omnibus ſuis partibus componentibus ſolicitentur & extendantur, ita ut pars una organi magis ſolicitetur & extendatur, quàm altera, fibris inæqualiter ſolicitatis, aut extenſis; tunc momenta præternaturalia præpollentia corporum extendentium fibras tali inordinato motu, & diſſimili ratione, ac aſymmetrâ proportionem inter ſe violenter agendo contra Momenta naturalia, & æquipollentia fibrarum earundem; neceſſariò fibras omnes nervoſas, membranoſas & muſculares, cæterasque, quibus illæ alligantur, violenter & inæqualiter trahent verſus partem inæqualiter & aſymmetrè dilatatam, & ſolicitatam à fluidis præternaturaliter ingreſſis, Motibus aſymmetris fibrarum, & directionibus inæqualibus earundem; conſequenter permutabuntur naturales anguli, & naturales parallelismi fibrarum, & organorum inter ſe, mutatis quoque fibrarum naturalibus directionibus: Quamobrem in hoc præternaturali ſtatu facile crederem, affectiones convulſivas aſymmetris & diſſimilibus motibus fibrarum agentes, cum dolore ac ſpaſmo eſſe copulandas. Itaque ex his colligendum putavi, immediatam doloris cauſam non à præternaturali extenſione & ſolicitatione habendam eſſe, ut *ſolicitatio* & *extenſio* eſt; ſed quia à ſolicitatione tali, ac tali extenſione organorum ſenſibilium fit inæqualis, diſſimilis, inordinata, & aſymmetra diſtractio, attractio & motus fibrarum & filamentorum ſolida componentium, à quibus mutantur naturales anguli fibrarum inter ſe; mutatur directio naturalis earundem; turbatur naturalis parallelismus ſolidorum, & gravi motu invertitur; Solida idcirco ſenſibilia aſymmetrè, & præternaturali ac diſſimili motu modo diſtracta affectionem convulſivam, ſed cum dolore miſerrimè afferunt; qua-

re jure putaverim, præternaturalem extensionem, inflationem & sollicitationem Solidorum sensibilibum mediatam tantummodò doloris causam esse futuram, ut simplex extensio & sollicitatio est; Et sanè ut hæc omnia Experimentis probanda sint, confessus est mihi Vir animo & irâ potens, qui cùm ab hoste sclopeti ictu in regione tamen minùs principe Femoris vulneratus esset, nullum pro ea temporis differentia dolorem sensisse à tanto ictu percutiente & sollicitante; ita ut per aliquod tempus sanum incolumemque se crederet; verùm tractu temporis distractis notabiliter nonnullis fibrarum ordinibus, nonnullis verò contractis, & mutatâ fibrarum directione naturali parallelismo earundem cum inæqualitate, ac dissimilitudine angulorum, quas fibræ inter se contextæ componunt, dolor, & quædam convulsione species supervenerunt. Itaque dolor non fieri videtur ab irritatione, seu sollicitatione, & violenta extensione tanquàm à causâ immediatâ, ut irritatio seu sollicitatio, & præternaturalis extensio est organorum; sed quia ab irritatione, sollicitatione & præternaturali extensione subsequitur postea effluxus fluidorum in partem læsam, quæ præternaturaliter dilatent eandem; hinc sequuntur Momenta Distractionis in aliquibus, in aliis verò fibrillis Momenta inæqualia Contractionis dissimilia & asymmetra, cum inæquali & dissimili & improporcionatâ directione, ac Motu earundem; mutâtò ulterius naturali parallelismo filamentorum componentium membranas, nervos, musculos, tendines &c. Deinde fateor, me in nobilissima Moniali frequenter observâsse convulsivas affectiones; in quâ si pollex pedis convulsus tantummodò esset, sævissimosque dolores ægra sustinebat; è contrâ ferè nullos, quotiescunque tota pedis regio æquabiliter & unimodè convulsa traheretur. In hac re non-ne Chirurgicis Experimentis manifestum est, vulnerato Nervo, aut læsâ Membranâ nervum investiente, cujus aliqua tantummodò pars fibrarum læsa sit, aut abscissa integrâ autem manente alterâ fibras nonnullas inæqualiter, inordinate

& asymmetrè distractas, nonnullas verò contractas Motibus asymmetris, mutatâ fibrarum naturali directione, ordine ac parallelismo, cum mutatione angulorum à naturali inclinatione dissimilium, spasmos convulsivos ac dolores acerrimos attulisse; qui non nisi reciso omnimodè nervo [cujus Rescissionis opere omnes fibræ componentes æquabiliter contrahuntur] tutò ægri solutis doloribus quiescere consuecunt. Antequàm autem de hac tabula manum avertamus, remanet animadvertendum, Vim, conatum & Momentum fibrarum distractionis & contractionis præpollens tantæ aliquando actionis esse supra Momentum æquipollens distractionis earundem, ut fibræ tam violenter distractæ, aut contractæ, fibrarum & organorum læsionem aliquando attulerint, ut divulsionem earundem miserrimè ægri passi fuerint; Id semel animadverti in nobili Juvene annorum] 20., qui cùm satyriasi & feбри correptus esset sine dolore, post sex dies factâ notabili solidorum divulsione, & sequutâ magnâ sanguinis effusione per alvum, enervato Priapismo, sed versus regionem Hepatis dolore superveniente adacta ulterius feбри post triduum obiit. Ibi autem præterire non licet nonnulla, quæ à Chirurgicis observationibus desumpta summoperè & Theoriæ & Curationi Convulsionum conferre videntur; observatum enim est sæpissimè Vulnera Capitis ex dextrâ transferre convulsionem in sinistram partem, & è contrâ. Cùm enim momenta contractionis & distractionis Pericranii, Menyngum & lacertorum dependentium per Cerebri peripheriam in statu naturali debeant esse ex utraque parte inter se æquipollentia; nempe in ratione veluti reciproca cum opportuno æquilibrio & reactionum Menyngum & lacertorum, totiusque Pericranii [quod Menyngum expansio est]; quotiescunque Momenta distractionis & contractionis pericranii, Menyngum, & lacertorum dictorum ex parte dextrâ, vel ob externam læsionem, vel ob internum aliquod vitium, aut infirmentur, aut omninò deficient; statim infirmatis lacertis ex parte dextrâ, lacerti antagonistæ

nistæ ex parte sinistrâ acquirent necessariò ea Momenta præpollentia contractionis, quæ majorem rationem habeant ad momentum oppositum enervatum contractionis ex parte dextrâ, & sic convulsiones ex sinistrâ sequi debebunt.

Quòd si Momenta distractionis & contractionis omninò deficient ex parte dextrâ, multò magis lacerti antagonistæ ex sinistrâ parte necessariò acquirent ea momenta præpollentia contractionis, quæ summam rationem habeant ad deficientia Momenta contractionis & distractionis in parte dextrâ; quare cùm Momenta contractionis ex parte dextrâ nullo modo reage-re apta sint, deficere supponentur, atque erunt $= 0$; & cùm Momentum contractionis in parte sinistrâ adeò præpolleat, ut quodammodo viribus infinitis æquipollere videatur; ibi Momentum præpollens erit multo majus, quàm suppositum fuerat suprâ $= b^3 + e$; & consequenter ex parte sinistra enormes attractiones & gravissimæ convulsiones erunt oriturae. Quamobrem cùm à tam validissimis convulsionibus & attractionibus in parte sinistrâ Meninges crispatae substantiam Cerebri validissimè stringant, & ob filamenta per suturas exeuntia, & per pericranium expansa, & validissimè attracta impellatur, urgeaturque substantia cerebri contra Cranii soliditatem, propterea necesse est, substantiam cerebri, & Vasa quoque venosa & arteriosa in parte sinistra graviter lædi, frangi aliquando, aut lacerari; Hæc quidem ex Chirurgicis observationibus aperta sunt, quin imò ultrò testatur Celeberrimus Vallisnerius Præceptor meus (a) à Celeberrimo Valsalva accepisse, in Hemiplexiis etiam læsionem cerebri esse in parte oppositâ illi mediætati corporis, cui gravi fato contigit sensûs, & motûs abolitio. Hîc autem dissimulare non placet, quæ facile quis objicere posset; si enim solida nervea, muscularia &c. extendantur, & inflentur proximè in ratione compositâ

(a) Pag. 27. del cervello impietrito.

positâ ex cubo, seu triplicata ratione distantiarum fibrarum inter se, & ex ratione elasticitatis corporum elasticorum, aut effervescentium, extensio & inflatio solidorum adeò altè excresceret, ut exterius quoque animadverteretur, quòd non sine magno Naturæ damno contingere potuisset. Optima quidem animadversio; intelligat unusquisque, non semper omnes fibrillas solidum componentes adeo inflari & extendi ut singulæ in data ratione dilatentur; sed extensionem & dilatationem aliquando uni, aliquando aliquibus tantummodò fibrillis solidum componentibus contingere potuisse, quibus singulariter extensis, non quidem omnibus, licèt dolorifica passio & convulsio superveniret nihilominus extensio & inflatio non adeò immodicè fieret, ut exteriora versus magno Naturæ damno foràs quodammodo erumperet, & appareret; Cæterùm si universæ solidi fibrillæ solidum componentes in data ratione dilatarentur, fateri quidem debuissim, extensiones & dilatationes adeò supra legem futuras esse, ut ad exteriora quoque effusæ esse viderentur, quod in magnis doloribus & convulsionibus aliquando visum: Opinor tamen Membranam carnosam leniter cedendo opportunè impedire, ne aliquando ingentes quoque nervorum, musculorum, &c. dilatationes exterius videantur; sæpissimè certè audivi, Nobilissimam Monialem convulsivis doloribus affectam, per exteriora capitis & per abdomen spasmodicè extensum nescio quam duritiem hinc inde persensisse, quæ durissimos quosdam nodos æmulari videbatur.

12. Convulsivas affectiones cum dolore, & sine dolore generali quodam ratiocinio usque adhuc investigavimus; modò cum plurimæ adsint convulsionum differentiarum perpendendæ, non arduum putaverim ex firmata universali convulsionum doctrina à singularibus convulsionum differentiis brevi me expedire. Itaque primo occurrit *Tetanos*; hæc enim est quædam convulsionis species, quæ totum corpus unà aggreditur; in hac momen-

tum

tum distractionis, seu tractionis nervorum spinæ per posteriores præcipuè dorsi musculos ac tendines decurrentium adeò violentum est & excedens; Simulque Momentum contractionis Nervorum, quod præcipuè per anteriores musculos seu antagonistas ac tendines pectoris & abdominis, adeò pari opposito conatu operatur, ut utraque momenta fortiter & enixè in ratione violentâ æqualitatis conentur statum suum distractionis ex parte posteriore, & contractionis ex parte anteriore validè sustinere: In hoc statu deest illa naturalis facilitas ac libertas transeundi faciliè, ac liberè à statu distractionis ad statum contractionis, aut è contrà; Quamobrem cum membranæ, nervi, musculi ac tendines, quibus nervea & membranosa filamenta alligantur tonico motu distractionis & contractionis æquali conatu ac momento consistent, rigidum videbitur stare animal, nec in utramque partem inclinare. Quàmvis verum Tetanum nunquam viderim, hujusmodi tamen morbi indolem obtigit mihi observare in muliere, quæ per diem apertis oculis adeò rigida omninò constitit, ut nullatenus flecti in utramque partem magnis licèt viribus nitentibus potuerit; paulatim tamen remedium usu cœpit tantillum movere palpebras, & tractu temporis à tam violento morbo febris superveniente liberata est: Frequentior causa hunc morbum miserimè allatura, feri particulis velut cuneis per membranarum nervorum, & musculorum & tendinum interstitia, aut fortassè per glandulas mucilaginosas præternaturaliter effusis videtur tribuenda. Cùm enim in hujusmodi solidis massæ fluidorum seu serosa corpora undequaque distributa tanquam cunei horum solidorum interstitiis, ac distantis fibrarum undique inserantur, violenter extendent solida membranosa, nervea, muscularia & tendinosa proximè in ratione composita ex ratione cubica interstitiorum, nempe in triplicata ratione distantiarum fibrarum inter se & ex ratione elasticitatis corporum elasticorum: Si itaque quantitates materiæ seu massæ serosæ in data ratione tam posteriores dorsi mem-

branas, nervos, musculos ac tendines, aut glandulas
 mucilaginosas circa musculos ac tendines à Celeberrimo
 Viro Johanne Baptista Morgagno Anatomicorum facile
 Principe indicatas, (a) quam anteriores pectoris & abdo-
 minis &c. præternaturaliter fluendo extendant, ita ut vis
 posteriorum solidorum præternaturaliter extensorum sit
 æqualis, & æquilibrata viribus solidorum anteriorum,
 aut antagonistarum præternaturaliter extensorum, ho-
 rum vires oppositæ inter se æquipollebunt; sicque mo-
 mentum præternaturale distractionis solidorum ex parte
 posteriori æquale erit, aut æquipollebit momento præ-
 ternaturali contractionis eorundem antagonistarum in
 parte anteriori, unde præternaturaliter stare ac consistere
 animal coactum erit. Hac Methodo in *Emprosthotono*
 massæ corporum elasticæ, quotiescunque supra legem
 fluendo per interstitia anteriorum fluidorum, solida dila-
 taverint in ratione composita proximè ex cubica ratione
 interstitiorum, seu distantiarum inter se, & ex ratione
 elasticitatis corporum elasticorum, minùs verò exten-
 sionem fecerint in posterioribus solidis antagonistis; tunc
 cum Momentum præpollens distractionis membranarum,
 nervorum, musculorum ac tendinum anteriores præci-
 pue partes decurrentium adeò superet Momentum con-
 tractionis membranarum, nervorum, musculorum an-
 tagonistarum & tendinum posteriores partes occupantium,
 tunc animal in anteriora curvari conabitur. E contrà in
Opisthotono cum massæ corporum elasticæ cujuscunque ge-
 neris præternaturaliter fluendo per glandulas mucilagino-
 sas, & per interstitia posteriorum solidorum juxta expo-
 sitam rationem compositam dilataverint, minùs vero ex-
 tensionem fecerint in anterioribus solidis antagonistis;
 tunc cum Momentum præpollens distractionis membra-
 narum, nervorum, musculorum ac tendinum præcipue
 in partibus posterioribus colli, dorsi, &c. habeat ratio-
 nem majoris inæqualitatis respectivè ad Momentum con-
 tractionis membranarum, nervorum, musculorum anta-
 gonista-

(a) Animadversione VII. Adversar. Anat. II.

gonistarum & tendinum in partibus anterioribus pectoris, abdominis &c., animal certè conabitur posteriora versus miserrimè inflecti. Ex his colligendum, quàm ineptè judicent Nonnulli succos tantummodò austeros & coagulantes sufficientes pro harum convulsionum causis exponendis; cùm quælibet fluida cujuscunque generis hujusmodi morbosa phænomena productura sint, quotiescunque solida membranosa, nervosa, musculosa ac tendinosa cum mucilaginosi horum glandulis in datis rationibus à quibuscunque massis elasticis & non elasticis præternaturaliter extensa fuerint. Plurimæ remanent Convulsionum Differentiæ, quæ cum dolore & sine dolore facillè occurrunt; ut *Spasmus Cynicus*, *Strabismus oculorum*, *Trismus Musculorum mandibularium*; *Risus Sardonicus* labiorum; quæ cùm differant inter se tantummodò ratione loci, eadem lege Momentorum præpollentium distractionis & contractionis poterunt facillimè & univocè explicari. Ex his, quæ num. 6., & quæ huc usque dicta sunt de Motu contractionis & distractionis solidorum, tam naturaliter, quàm præternaturaliter agentium, datâ proportionem, constare potest, Momenta contractionis & distractionis solidorum esse posse Radices oscillationum tam naturalium, quam præternaturalium, quæ [juxta tamen naturam & rationem fibrarum] in solidis animalium jugiter eveniunt; idcirco ex his oscillationum phænomena tam naturalia, quàm præternaturalia satis opportunâ proportionem enodari poterunt.

13. Modò acturus de Morbis, quos potissimùm à præternaturalibus Menyngum motibus oriri putaverim, me rectè sentire arbitror, si prius de Cerebri & Cerebelli Motibus probabilia quædam dixerim; Ferè omnes unâ consentiunt, Cerebrum ex pluribus glandulis; Cerebellum verò ex paucioribus esse compositum: Licet vero utrumque communi Menyngum involucro vestiatur; at tamen non eadem est cerebri & cerebelli ratio ac status; Exterior enim Cerebelli superficies multis quidem gyris ac rugis inæqualis est, non tamen quantæ (a) in Cerebo,

D 2

ultrò

(a) Ex Verheyen pag. 169. Anat.

ultrò citroque observantur, serie quadam ordinatâ ab uno latere ad aliud deductâ. Non eadem pariter est directio & ordo lacertorum, qui cerebrum & cerebellum circumeunt; non eadem in utroque æqualis est fibrarum dispositio ac modus. Cùm itaque à Naturâ tam diversarum, ac directionum series non frustrâ, sed divina quadam ratione ac consilio factæ sint, verosimilius crediderim, hæc tam diversâ mole, rugis, dispositione membranarum, & directione ac figurâ lacertorum elaborata fuisse, ut diversis Motuum differentiis fibræ cerebri & cerebelli parerent; Sicut enim (a) Glandulæ diversâ fibrarum texturâ, directione & ordine muniri debuerunt, ut homologis Motibus proportionalia fluida separarentur; ita non dissimili Methodo à Naturâ probabiliter statutum est, ut cùm naturales à cerebello, & voluntarii à cerebro motus, & dissimiles sensuum affectiones, actionesque exequendæ continuò fuerint, diversis quoque membranarum, & fibrarum cerebri & cerebelli Specificis Motibus agerentur: Quamobrem cùm Meninges, [Pia præcipuè] cerebrum & cerebellum, fibrasque medullares, sive primas nervorum radices arctè ac intimè circumligent, jure sentiendum est, ex determinatis ac specificis Meningum Motibus, fibras quoque cerebri & cerebelli esse æquali ratione ac motu sollicitandas; & vice versâ: Cùm enim fibræ Medullares cerebri & cerebelli à sensuum, aut internorum, aut externorum affectionibus specificis Motibus sollicitari ac moveri necessariò debeant; istæ pariter inscriptæ Membranis, seu Meningibus; has tali determinatâ lege Motûs moturæ erunt, ut communicato quoque tali Meningum motu, sanguinis fluenti per sinus Meningum, sanguis ipse eâ ratione motûs afficiendus erit, quâ fibræ cerebri & cerebelli, & membranæ investientes prius affectæ fuerant. Hæc, quæ generaliter dicta sunt, Nos manuducere quodammodo videntur ad ea, quæ de Morbis Capitis, de *Epilepsia* potissimum dicenda sunt, Cùm enim in hac naturales Motus ægrè & laboriosè fieri, voluntarios verò otiosi, musculos

Epilepsia.

(a) Ut num. 9. & seq. Primæ partis Mechanicæ morborum.

musculos convelli, sensus hebescere, & Animæ potentias deficere quodammodo videantur, jure credendum, ex vitiosis extraneisque Menyngum Motibus, alteratoque fluidorum motu fibras quoque cerebri & cerebelli molestè & graviter affici. Epilepsia itaque alia est per essentiam, alia verò per consensum; prima quidem in cerebro sedem firmat; secundam verò inferiorum Viscerum Consensu ferè omnes Medici voluerunt. Prima à quibuscunque Humoribus oritura est, sed quibus talis ac determinatus inest Motus ac præternaturalis superficies [Medicis adhuc ignota] quæ incognitam Menyngibus Cerebri afferat sollicitationem; hujusmodi enim fluida hinc inde per Cerebrum decurrendo, membranarum & lacertorum musculis proportionalium spatiola, aut machinulas fortassè sphæroidalibus analogas præternaturaliter inflant, & ignotâ Momenti præternaturalis differentiâ sollicitant: Membranis autem, fibrisque medullaribus tali humorum copiâ ac motu sollicitatis Momentum attractionis membranarum majus faciendum est; quod fibrillis cerebri, & nerveis solidis intra & extra Cerebri regionem serpentibus gravi consensu communicatum convulsivos motus tribuit, Epilepsiam allaturos. Hoc autem Momentum attractionis filamentorum nerveorum & Membranarum sine dolore futurum erit, quotiescunque ordinatâ ac simili & unimodâ lege, ac æquabili motu factum fuerit, servatâ naturali fibrarum directione inter se, & naturali parallelismo earundem; E contrâ molesta & dolorifica Epilepsia erit futura, cùm filamenta Menyngum & nervorum inordinatis & dissimilibus directionibus & asymmetris Motibus attracta fuerint, inverso naturali fibrarum parallelismo. Ex hujusmodi Motibus Convulsivis undequaque contractæ membranæ tam à glandulis, quàm à Vasorum lymphaticorum osculis serosæ saburræ spumæ in modum violenter per os exprimuntur; sed ultrò ingravescent Symptomata, cùm accadat labiorum, manuum, palpebrarum, totiusque corporis tremor miserrimus; qui sæpè adeò solida violenter quatit, ut fracta penitus videantur; Ut au-

tem tam gravis tremorum methodus explicari quodammodo possit, animadvertendum est, Menynges connecti fibris medullaribus cerebri, & supernè leniter Cranio operâ aliquorum filamentorum, quæ per futuras trajecta in periostrium expanduntur; Istæ pariter membranæ ob plicas ac rugas faciliè distrahuntur à Viribus cum externis, tum internis agentibus, & faciliè ab opposito fibrarum & lacertorum conatu naturaliter contrahuntur, eâ quasi ratione, quâ in Motibus musculorum agunt & reagunt Musculi antagonistæ. Itaque Momenta contractionis naturalis filamentorum per futuras exterius exeuntium, & eorum, quæ cranio hinc inde alligantur, cum nullatenus in otio sint, Vim suam & conatum naturalem exercere conantur contrahendo exterius membranas versus cranium; sed blando motu & æquabili. Quod si filamenta antagonista præternaturaliter inflata & sollicitata fuerint, opus impendent suum, ut asymmetrè retrahant membranas ipsas ad partes internas oppositas; & tunc temporis cum fibræ Menyngum in curvam aliquam naturaliter inflexæ sint, describent actionibus & reactionibus præternaturaliter reciprocè oppositis, eundo nempe violenter & redeundo, veluti Arcus præternaturaliter quoque reciprocòs. Cum autem in tam angustis ac strictissimis cerebri anfractibus itus & reditus præternaturales fibrarum membranearum sint necessariò frequentissimi, ob frequentissimas corporum præternaturalium sollicitationes, pariterque sint minimi: fibræ quoque sollicitatæ & attractæ versus spatia interna cerebri, & eodem reciproco, sed opposito, Conatu attractæ exterius versus futuras & Cranium, describent veluti arcus præternaturaliter reciprocè dissimiles, & pariter necessariò minimos ac frequentissimos. Cum autem minimi Arcus descripti è reciprocis Penduli oscillationibus vel in Circulo, vel in Cycloide tremulos motus agant & afferant; rationabili Analogiâ judicandum putaverim, Convulsivos Epilepticorum Tremores à minimis fibrarum Menyngum arcubus, descriptis à frequentissimâ & minimâ

mâ actione & reactione earundem esse orituros : Itaque cum Meninges nervos undequaque circumscribant , & isti undequaque per universam musculorum familiam effusi sint , eam rationem motuum tremulorum Nervis & Musculis communicaturæ erunt membranæ , qualem ipsæ in cerebro susceperunt : Ex hisce ulterius vitiis lentescit certè sanguis in Sinubus Meningum , ibique acervata fluidorum quorumcunque saburra non rarò timendum , quin fractis canalibus fluida undequaque effusa advehant Apoplexiam ; sed de hac suo loco. Placet Nonnullis , Epilepsiæ causas à Noviluniis & Pleniluniis sæpissimè acceptas quærere ; ob majorem enim aëris pressionem , aut vim instantem facile statuerent voluerunt , succos & humores talis indolis ac figuræ , aut plus justo separari à glandulis Meningum , aut certo quodam præternaturali motu molestè moveri ; Verùm cum Epilepticos insultus extra Novilunia & Plenilunia sæpius observata sint , rectius consilium coepi de Noviluniis , & Pleniluniis tanquam de primâ causâ , (cum fatear partialiter posse conferre) esse dubitandum : Altera Epilepsiæ species , quæ per Consensum tam gravia affert Symptomata ab inferiorum Viscerum ; ut Hepatis , Lienis , Ventriculi & Mesenterii , potissimum verò ab Ulteri vitiis eruenda est ; quotiescunque enim tali vitiosâ ratione sollicitantur nervei illi plexus , aut quælibet nervea solida has partes decurrentia , utpote membranis induta à Meningibus derivata , ea aliquando distractionum , & contractionum vitia transferent in membranas circumscribentes , ut fibrarum similium consensu tandem aliquando Meninges ipsæ eâ præternaturali ratione sollicitatæ vitiosè in cerebro oscillent , quâ suprà expositum est , tot incommoda Epileptica allaturæ ; non itaque mirandum est Epilepticos , aphonos , stupidos & immemores , sensuque & motu carentes semper fuisse observatos.

14. A tremoribus Epilepticis facile transeundum est ad corporis & membrorum Tremores : Medica Autopsia non rarò edocuit , hujusmodi affectiones vel in Musculis , vel

lis, vel in Membranis ac Nervis, vel in Solidis ac fluidis elasticâ vi enervatis sedem habuisse; opportunum itaque fuerit de singulis juxta opportunitatem brevi sermonem agere: Quod ad musculos attinet, jam evulgatum est à Borello machinulas Rhomboidales, & à Bernoullio sphæroidales oscillatoriâ quadam vicissitudine, modò contrahi motibus æquitemporaneis, quæ naturalibus musculorum ordinatis actionibus parere debuissent; aliquando accidit à quacunque causa sive externa, sive interna, sive mixta machinulas illas non ordinato & æquabili oscillationis motu, sed inordinato & asymmetro sollicitandas fuisse; Nemo dubitaverit, fibras musculares, quæ tot machinulas sphæroidales inæqualiter, asymmetrè & frequentissimè oscillantes undequaque circumscribunt, has quoque fibras inæqualibus, asymmetris & frequentibus oscillationibus sibi continuò communicatis movendas esse: velit itaque nolit Animal, Tremulis Motibus agitandum erit ex inordinatâ, & inæquali musculorum oscillatione. Quod ad Membranas & Nervos spectat, repetantur quæ de tremoribus epilepticis satis clarè ostensa sunt; Enimverò aut sollicitatione, aut inflatione Menyngum lacerti in curvam superficiem inflexi, cùm distrahi & reciproci vicissitudine contrahi necessariò debeant, eundo, & redeundo describent in tam strictissimis cerebri anfractibus Arcus plus justo minimos ac frequentissimos, qui cùm ex Penduli phænomenis tam in Circulo, quàm in Cycloide observatis tremulos motus producant; certè ex tam membranarum minimo motu distractarum, & minimo motu contractarum reciproca sollicitatione tremuli motus exorientur. Isti autem Nerveis Solidis communicabuntur, cùm membranæ à Menyngibus derivatæ nervea solida circumscribendo eas affectiones tremulas nerveis solidis afferant, quas ipsæ prius aut sollicitatione, aut inflatione in Cerebro præternaturaliter susceperunt. Confert ulterius Tremori elasticorum fluidorum vis enervata, vi cujus naturalis Solidorum tensio flaccescere consuescit, dum enim corpora elastica debito virium, ac momen-

momentorum numero continuò oscillant, solida circum-
 scribentia ea tensione gaudent, quâ solida ipsa tonico
 quodam statu naturaliter extensa aut inflata detinentur;
 Verùm si Elastica Corpora debito numero deficient, tot
 Solida, cùm nec continuò, nec æquabiliter opportunis
 viribus extensa & inflata, naturali ac debita ratione
 possint consistere, hæc prout elasticis fibris prædita fre-
 quenti vicissitudine transibunt ab una parte minimæ di-
 latationis ad partem oppositam minimæ contractionis.
 Quare cùm hujusmodi reciprocatio motuum mino-
 rum oppositorum præternaturalium tremulos motus
 afferat, necesse erit, ut enervato solidorum & fluidorum
 elastico conatu ac momento, solida quoque nervea &
 muscularia in tremores itura sint; & consequenter labia,
 manus, palpebræ, & reliquæ corporis partes continuâ
 oscillationum reciprocatione à tremoribus sollicitentur.
 Ita quoque si elastica corpora inertibus aut extraneis
 corporibus unita fuerint, producentur membrorum acti-
 ones mixtæ ex conatu corporum agentium & impe-
 dientium; cùm enim causæ aliquem effectum adju-
 vent in ea ratione, quâ ipse augentur, aliæ verò im-
 pediant, aut minuant, erunt effectus semper directè
 ut causæ adjuvantes, reciprocè verò ut causæ impedi-
 entes, aut minuentes. Quamobrem cùm Momenta ac
 Vires corporum elasticorum in nerveis, ac musculari-
 bus spatiolis naturaliter agere conentur, impediant ve-
 rò, aut minuant elasticas actiones corpora præternatu-
 ralia, quibus elastica commiscuntur, actiones musculo-
 rum & membrorum, seu Motus eorundem erunt dire-
 ctè, ut vires adjuvantes corporum elasticorum conten-
 torum in nerveis & muscularibus spatiolis; reciprocè
 verò, ut vires corporum præternaturalium impedi-
 entium, aut minuentium actiones, ac motus eorundem.
 Itaque vel causæ modò effectum adjuvent, vel modò si-
 mul impedian; utræque tamen & adjuvando & impe-
 diendo, nisum & conatum suum exercent; qui nisus ac
 conatus cùm sint præternaturales, nunquam eam inter

se proportionem adipiscentur, qualem Natura exigit, ut inter se nifus ac conatus isti æquibrentur; oportet itaque hujusmodi conatus ac momenta præternaturalia inæqualiter agendo, & inæqualiter reagendo taliter sollicitare membra, ut tremulis & afymmetris motibus & oscillationibus agitentur. Si ergo Momenta aliquarum membranarum, aliquorumque nervorum ac muscutorum, opere præternaturalis Causæ, habeant rationem majoris inæqualitatis respectivè ad opposita Momenta muscutorum antagonistarum, liorumque nervorum, membranarum, tendinum & ossium; cùm ex momentorum inæqualitate non possint æquilibratæ potentiæ æqua ratione consistere, erunt facile ex frequentissimâ actione, & reactione corporum momentorum inæqualium tremulis motibus agitandæ; verùm deficientibus hisce muscutorum, tendinum & ossium Momentis facile reparandum erit, si pondus aliquod proportionale tremulis manibus sustinendum adderetur; hoc siquidem ponderis externi augmento actiones, & reactiones præternaturales corporum agentium & reagentium ad naturale æquilibrium restitutæ, felicissimè ablato tremore conquiescere debuerunt.

15. Et jam ad eam Morbi speciem deventum est
 Apople-
 xia. suprà cæteros morbos timendam, *Apoplexiam* videlicet, quarum una fortis est, quæ subito Animal interficit, altera vero levior, quæ morbum & mortem protrahit. Ut autem de utraque opportunum sermonem habeam, juvat repetere, quæ Celeberrimi Viri Johannes Fantonus & Antonius Pachionus de motu Systolis, & Dyastolis Menyngum aptissimè docuerunt. Studio itaque Naturæ bene se habentis decretum est, Motum Cordis esse motui talium membranarum proportionalem; cumque Isochronus esse debeat naturalis motus cordis & arteriarum, Isochronus quoque Menyngum motus futurus erit. Magnis autem usibus moveri Menynges suprà statutum, potissimum verò uni inservit homologo, nempe impulsui sanguinis per universa cerebri vascula, præcipuè verò per Sinus Menyngum, ut ab his sanguis per
 Venas

venas in cor proportionali quoque motu circumbeat re-
stitutus. Si itaque inauspicatò accidat, aut à glandulis
Menyngum à suprà laudatis Viris Fantono & Pachiono
feliciter observatis, aut ex nimis effuso sero à canalibus
lymphaticis, aut ex nimis violento sanguinis impetu,
aut ex quacunque alia præternaturali causâ, naturalem
Menyngum texturam rugas aut plicas vel in totâ peri-
pheriâ, vel aliqua in parte ejusdem gravi fato præterna-
turaliter laxari, extendi aut rumpi, ita ut omninò defici-
ant, vel in universa Menyngum peripheriâ, vel in aliquo
spatio ejusdem reciproca Momenta distractionis & con-
tractionis fibrarum, & vis diastolis & systolis earundem:
tunc cùm in hisce solidis præternaturalis status inertiae
praviter fiat, Sanguis & quaecunque alia fluida elastica
& non elastica enervato, aut deperdito motu variam
Apoplexiæ speciem erunt allatura. Non eadem tamen
futura erit Morbi indoles; etenim si spatia Menyngum
aut laxata, aut inertia, aut fracta eas amplectantur ac
vestiant nervorum origines, aut ductus eorundem, qui
per musculos dextri aut sinistri brachii, dextri aut sini-
stri pedis excurrunt, sensum & motum hisce partibus
donaturi; tunc vel dextrum brachium vel sinistrum; sive
dextrum pedem, sive sinistrum infirmari, aut impediri
necesse est. Cæterùm si graviori, fato; aut tota Meny-
ngum regio, aut ea Menyngum portio, quæ cardiacos
nervos ab origine & toto progressu investit, aut laxetur,
aut aut iners fiat, quodammodò frangatur, tunc
statim impedito sanguinis circuitu, cessante motu cor-
dis, forti Apoplexiâ erit animal moriturum. Hinc sæ-
pè in Apoplecticis laxatis potissimum Cerebri & Cere-
belli Menyngibus, quæ fibris medullaribus undequa-
que alligantur, fibrarum medullarium series, seu pro-
gressionibus ordinatæ earundem à proportionali ordine, di-
rectione ac situ naturali declinare coactæ erunt; fiet ita-
que Motus fibrarum primò iners ac languidus, simulque
fibris acquirentibus directiones, positiones ac situs à
naturalis statu dissimiles, seu inclinationes præternatura-
les,

les, inversâ ratione naturalis proportionis earundem, exorietur gravis phantasmatum confusio, & ex potentia memoriæ enervata, oblivio. Sed de Memoriâ & de reliquis animæ affectionibus præternaturalibus secunda dissertatione agendum erit. Interim cùm Apoplectico insultu correptos, aphonos quoque sæpissimè viderim, non erit magni negotii opus rem ac causam aperire; laxata enim Menyngis portio, quæ recurrentibus nervis respondet, iisque per Laryngis musculos decurrunt, non eam rationem motûs datura erit Voci edendæ proportionalem. Verùm non à laxitate Menyngum & fibrarum cerebri oriri Apoplexiam tantummodò judicandum est; verùm etiam ab ariditate, aut convulsivâ crispatura earundem facillimè orituram esse credimus; hominibus enim ultimo senio correptis adeò Menynges arescunt, ut moveri ineptè debeant, & urgere sanguinem opportuno impulsu non possint enervato Momento distractionis: Pari methodo augeri inertiam motûs credendum, si convulsivæ affectiones prohibeant ea Momenta distractionis, quæ à Natura statuta sunt, sanguis enim & fluida quælibet, cùm non æquabili motu, nec ordinato, neque continuo urgeri possint, facillimè tam in senibus, quàm in convulsis motus cordis & Vita ipsa auferenda est. Nonnulli *Apoplexiam per consensum* facilè nominant; verùm cùm quælibet Apoplexia semper opus suum funestè in cerebri regione exerceat & compleat, supervacuum putaverim de Apoplexia per consensum ulterius dicere.

16. Apoplexiâ superveniente aut statim moriendum, aut Membrorum stupore, unâ cum abolito Motu sæpè Paralyticè vivendum est: grave tamen onus est, sensûs & motûs deperditi, aut enervati causam reddere; licet enim Celebres Philosophi ac Medici plurima de sensu & motu altè disputaverint, curandum tamen, antequàm de Paralyfi loquamur, de sensu & motu quædam dicere, Paralyfi necessaria assequuturis. Cùm itaque similitudine quæri debeant, quæ verè à Naturâ rerum obtineri

Paralyfis.

tineri non possunt, crediderim primò, Rationalem Animam adeò intrinsecè, arctè & intimè uniri, applicari & compenetrari viventibus organis, ac sensoriiis, ut minori penetratione lumen politissimo, purgatissimoque vitro ac crystallo applicetur, idemque crystallum penetret, quàm Anima sensoriiis, organisque compenetratur. Hæc organorum operâ duas actiones divinitus exercet, quarum prima & eminens in cerebri fibrillarum motibus se ipsam eximiè ostentat, per imaginationem, discursum & memoriam, de quibus suo loco; secunda vero humilior est, quæ membranis nerveis, musculis, &c. indiget pro sensu & motu exequendis, quam hic brevi probabilique ratiocinio inquirendam curamus. Itaque pro Sensûs organo membranas undequaque construxit, varias texturâ, ordine, directione, ac modificatione dissimiles, variis sensuum differentiis proportionales; *pro Motu* verò duabus indiget Natura Musculorum speciebus præter nervos, quarum altera naturalibus actionibus famulatur; hæcque continenter moveri debet operâ fibrarum taliter modificatarum, & fluidorum continuè impellentium; altera verò imperio Animæ movenda est, ut voluntariis motibus pareat; utræque tamen, ut aptè summis Naturæ operibus faveant, æquè, perfectè, ordinatèque dispositæ, & elaboratæ, purisque fluidis irrigatæ esse debuerunt. Sicut itaque lumen alteratur & afficitur à quocunque latere, angulo, superficie ac motu corporis illuminati; ita similiter Anima solidis intimè unita ac compenetrata, juxta quoscunque Motus solidorum diversas patitur affectiones solidorum affectionibus homologas; Anima etenim divino quasi lumine donata cum specificas motuum differentias habitudine & usu sentiat ac cognoscat; & cum universæ organorum affectiones à specificis, determinatisque motibus determinantur, non dubitandum, Rationalem Animam à specificis motuum organorum differentiis, specificas eorundem organorum affectiones taliter sentire ac cognoscere debuisse: Sentit itaque Anima, quæ sensus ipsi sentiunt; & quâ

ratione afficiantur sensus, eâ Animam ipsam affici necesse est; hinc ex tam intimo Animæ cum organis vinculo reciprocè judicandum, affectiones ejusdem necessario sensibus ipsis communicari, ut quantum ipsa patiatur Anima, tantum datâ proportionē sensoriiis naturaliter se habentibus affectione communicatâ, operâ compenetrationis, sensoria pati teneantur: Cæterum si organa sensibilia, aut enervata fuerint, aut vitiosè modificata, impedita, aut læsa, sensus quoque aut enervati fient, aut torpidi, aut ægri, aut aboliti. Hinc Anima ipsa ex enervatis, aut impeditis, aut abolitis organorum sollicitationibus, aut languidè, aut vitiosè, aut nulla penitus ratione sentire poterit, sensuumque differentias opportunè cognoscere. Licet verò sensationes ubique fiant, & Animam juxta leges specifici motûs organorum undequaque afficiant; nihilominus Animæ judicium de motuum naturâ, ratione, ac sensibilibus qualitate non nisi in Cerebro, ut regiâ Animæ sedē faciendum est; ibi siquidem communicatis organorum motibus, aut sollicitationibus specificis, ac determinatis *Pia Menynge* (quæ sensûs communis organum suspicari jure potest) & consequenter fibris ipsis medullaribus, quæ à Pia Matre immediatè vestiuntur, Anima habitu, usuque exercita, adeò recolligit eas affectiones, ac motus, qui sensoria sua, Animamque ipsam antea sollicitaverant, ut juxta determinatas rationes motuum, qui sensibus proportionaliter communicantur, hos acutissimè, virtute, usu ac habitu acquisitos cognoscere ac judicare teneatur; sed de Animæ actionibus suo loco.

17. Hæc breviter de Sensu dicta sufficient. Res paulò obscurior mihi visa est, de Motu Animalium disputare; cogitanti tamen mihi sæpenumerò, & in hac re meditantī occurrunt potissimum duæ sententiæ, quæ naturalis & voluntarii Motûs phænomenis probabiliter satisfacere videbuntur. Utramque hypotheticè afferam; unusquisque autem eam amplecti poterit, quæ probabilior fuerit, & quam ad enodanda Naturæ phænomena aptiorem

rem fuisse judicaverit, eam imitatus Astronomorum Methodum, quâ nonnulli per Circulos, nonnulli per Ellipsim, nonnulli per alias Curvarum rationes phænomenis & motibus Planetarum aptè satisfaciunt [ut de Vorticibus Cœlestibus ostendit Celeberrimus Vir Johannes Pole-nus omni laude meritissimus] eundem finem diversa licet methodo adepturi. Itaque jus veritati quærendæ me fa-cturum puto, si audeam ad modum Hypothesis utram-que sententiam probabili ratiocinio patefacere. Magnum apud omnes, qui rectè & graviter judicant, pondus ha-bet sententia illa Celeberrimorum Virorum Borelli ac Bernoullii, voluntarios motus musculorum fieri imperio Animæ, quæ per nervos ob subitaneam effervescentiam spirituum animalium, seu succi nervei è nerveis tubulis effusi sanguini & lymphæ commixti, cujus effervescentiæ impetu extenduntur machinulæ illæ rhomboidales Mus-culorum cum Borello, aut sphaeroidales cum Bernoullio, contractionem musculorum exercet; ut autem hujus Hy-pothesis idea facilius ac clarius doceatur, putabo rem fo-re necessariam, si Bernoullii ipsamet verba Methodo Bo-relliana elaborata aperuerim. Inquit itaque num. 4. Do-ctissimus Bernoullius. *Is itaque generaliter assentimur, & statuimus cum Borello, nervos esse congeriem tubulorum substan-tia quadam spongiosa repletorum, quæ substantia semper turget, & plena est fluido summè volatili à cerebro suppeditato ejus na-turæ, ut si cum sanguine commisceatur, subitaneam effervescentiam pariat. Et hoc fluidum illud ipsum est, quod vulgò spiri-tuum animalium nomen habet: Si anima imperat aut vult, hoc fieri non potest, quin ex necessitate mirabilis unionis, quam Om-nipotens Deus inter Animam nostram & corpus constituit, & quæ nos hætenus latet, & usque latebit, quin, inquam, fiat in cere-bro localis quædam agitatio spirituum animalium, qui vellicando principium alicujus nervi concutiant per totam longitudinem spi-ritus intra contentos, non secus, ac fit in baculo, cujus extremita-te unâ vel tantillum commotâ, altera pariter ob contiguitatem partium commovebitur; Sic itaque ab irritatione principii nervei guttula extrema fluidi ad nervos spectantis ex altero osculo levi vi-bratione*

bratione ejicitur, & hoc modò ex omnibus aliis nervulorum per musculum dispersorum osculis simul ad nutum voluntatis totidem guttulæ evomuntur; quemadmodum autem spongia turgida guttulas pendulas effluere non sinit, sic etiamsi oscula ista extrema nervorum semper sint patula, guttulæ tamen fluidi modò memorati sponte, & sine quadam concussione non excidunt, quia substantia spongiosa nervorum eis loco valvularum inservit. Sequenti vero num. 5. addit. Quando igitur ab imperio voluntatis, vel à consuetudine Naturæ (quod fit in motibus involuntariis) eo, quo dixi modo innumera guttulæ per totam musculi molem, quæ instar spongiæ semper sanguine humectata est simul ejiciuntur ex orificiis nervulorum, tunc eadem particula tenuissimæ spiculis suis subtilissimis impactæ in particulas sanguineas tenuiores easdem diffringunt, & insito aëri condensato exitum præbent (ut docui in mea dissertatione de effervescentia & fermentatione) ebullitionem, & subsequentem musculorum inflationem producit; unde contractionem earundem subsequi necesse est. Videatur ulterius Borellus cap. 3. 2. Tom. de Motu Animalium; de causis probabilibus vitalis contractionis musculorum prop. 22. & sequentibus, ex quibus manifestò constabit tantæ hypothæsis ratio, ordo, & methodus, enodatis ultrò difficultatibus illis, quæ hanc hypothësin evertere potuissent.

18. Licèt tantorum Virorum doctrinæ & auctoritates eo pretio sint apud nonnullos, ut fateantur, id semper summæ gloriæ ipsis fuisse, cùm Borellianas, aut Bernoullianas hypothëses sequi potuissent; attamen philosophandi gratia sperant se veniam fore consequuturos, si aliquando alteri sententiæ assentiri videantur. Hisce itaque plurima non arrident; primò siquidem, licèt probabilem putent succi nervei & spirituum animalium existentiam, tamen non eo officio credunt comparatos, ut sensum & motum primariò tribuant: etenim non putant glandulas corticales cerebri tale, tantumque fluidum separare posse, cùm Malpighius capite de Liene pag. 305. nervum natura sua succum serò & parcè vehere ingenuè expertus sit; nec fibras medullares, & nervea solida se-

paratum

paratum succum tanto officio sensuum & motuum undequaque vehere. Inde non facilè credunt, voluntatis imperio fieri posse localem in cerebro agitationem spirituum, qui vellicando principia alicujus nervi concutiant per totam longitudinem spiritus intra contentos, ut guttula extrema fluidi ad nervos spectantis ex altero osculo levi vibratione tam citò, tam promptè ejiciatur, & ut cum sanguineo & lymphatico fluido mixta statim fermentescens subitaneam distentionem machinularum, & contractionem musculorum efficiat; si enim frequentissimo & continuo voluntatis imperio in continuis motibus musculorum guttulæ semper succi nervei continuò tribuendæ essent, ut cum sanguineo & lymphatico latice effervescerent; laboriosum quidem Naturæ opus futurum esset, & summum onus glandularum cerebri tantum succum suppeditare nerveis canaliculis, tantis continuisque motibus parem. Arduum ulteriùs putant, credere tam citum, tam facilem gressum & regressum spirituum per nerveos canaliculos imperio Animæ; & quomodo spirituum particulæ infinitè parvæ & elasticæ intra teneras nervorum fistulas, etiam adjuvante vinculo succi nervei, contineri possint. Hæc & plurima alia, quæ, ne tædio essent, relinquere voluerunt, adeò aliquorum Philosophorum ingenia turba-verunt, ut de tanto spiritu & succi nervei usu, & officio quod ad sensum & motum pertinet, dubitaverint, asserentes faciliùs esse, de adversariorum suppositis dubitare, quàm eorum suppositis acquiescere. Licèt autem spiritibus & succo nerveo Officia sensûs & motûs primariò non tribuant; nihilominus de succi nervei existentia dubitare non ausi sunt; existimant enim, à sanguineis & lymphaticis vasculis undequaque nervea solida circumscribentibus tribuendum esse nervis fluidum quoddam, quod peculiarem naturam, ac indolem nactum [ut in ossium medullâ accidit, sine quâ brevi ossa arescerent] *nervea solida nutrit, mollia tenet, & aliquod tensionis momentum tribuit*: ut hæc solida taliter disposita Animæ organis ipsis compenetratæ & Naturæ magnis in operibus promptè ac facile

cilè pro sensu & motu ab Animâ exequendis parerent. Quamobrem non de succi nervei existentia, sed de officio sensus & motûs juxta Borelli & Bernoullii sententias dubitare voluerunt.

19. Probabilius itaque consilium putant, eam amplecti sententiam, quam nuper Celeberrimus Steno adumbraverat; nimirum per solam mutationem figuræ, musculorum contractiones & distractiones seu elongationes in Motibus eorundem fieri potuisse. Id tamen animadvertendum voluerunt, non omninò eam sequendam Stenonis ideam, quâ docuerat, musculos contrahi & elongari solâ mutatione figuræ simplicis musculorum simplicium, qui unicum Rhombum constituunt; sed scienter judicarunt, contractionem & distractionem seu elongationem musculorum habendam quidem esse per mutationem figuræ musculorum, sed compositorum componentium plura spatiola seu machinulas, quarum non planarum, sed solidarum figurarum muscularium mutatione necessaria, sine spirituum & succi nervei auxilio, modò contractiones, modò elongationes eorundem in motibus exequendis habendæ sunt; sola itaque mutatio figuræ non simplicis, sed solidæ musculorum compositorum id operis sine spiritibus & succo nerveo præstare feliciùs potest, quòd minùs aptè spiritibus & succo nerveo tribuere plerique voluerunt. Cur enim in voluntariis Motibus, (de quibus hîc potissimum sermonem habemus) hac de re dubitandum? Cur enim Anima intimè unita ac compenetrata Sensoriis non poterit virtute sua, suoque impetu, usu potissimùm ac consuetudine acquisito, [usu enim & ipsa paulatim acquirit, aut fortasse repetit scientiam] citò ac facilè juxta opportunitatem actionum, quas ipsa exigit, movere taliter organa, naturali tamen statu se habentia, hos potiùs Nervos, quàm illos, à quibus hi vel illi musculorum motus consequi necessariò debuerunt? Cur quæso tam eminens Anima, quæ in consuetis musculorum motibus machinarum sphæroidalium oscillatorio motu uti consuescit, non poterit in validiorum motuum necessitate

cessitate usu paulatim experta & edocta tali ratione ipsamet dirigere, disponere & modificare fibras machinularum, ut aliquando non amplius sphæroidalia, sed Octaëdrica, & in summis, violentissimisque motibus exequendis, intra tamen limites naturæ humanæ Isoëdrica, aut etiam Sphærica spatia componat? quæ cum ex sola mutatione figurarum solidarum, [ut ex Isoperimetris notum est] majores ac majores acquirant areas ac superficies, jure optimo eam dilatationem & contractionem citissime afferre Musculis ac Solidis debuerunt necessariis motibus opportunam, quam fortassè temerè elastico & fermentativo fluidorum motui ferè omnes Philosophi Veterum auctoritate præjudicati tribuere voluerunt? Qui negaret, à tam eminente Animâ usu ac habitu edoctâ hæc fieri citò ac faciliè non potuisse, certè tantum potentiæ Animæ organis compenetratæ detrahendum vellet, quantum temerè spiritibus aut elasticis succis non immediatè unitistribuendum voluit; si enim Anima, ut nonnulli credunt, imperio suo movet spiritus & succos elasticos à seipsâ sejunctos, cur multo magis non poterit movere ac modificare organa sua juxta figuras illas, quas habitu & usu perceperat iis, vel illis actionibus exequendis opportunas, cum immediatè organis unita sit ac compenetrata? Si Natura ex solâ figurarum mutatione in naturalibus & artefactis tot actiones feliciùs ac citiùs naturales & præternaturales exequitur? cur multò magis Anima organis compenetrata citò ac faciliè tam necessaria motibus & actionibus suis exequendis hac Methodo persequi non poterit? cum Anima tantò Naturâ perfectior habeatur? Itaque si Anima intimè unita & compenetrata Sensoriis organa ipsa immediatè dirigere, modificare, componere ac movere Virtute suâ, usu & habitu acquisitâ citò ac faciliè potest, quæ mediatè tantum per spiritus, aut succos elasticos agere ac movere tardius debuisset, probabilius creditum à Nonnullis est, Animam in motibus voluntariis virtute suâ & usu agere voluisse & debuisse, ut sola mutatione figurarum & organorum ea beneficia contractio-

nis & elongationis Musculorum facilè ac citò ab ipsamet Animâ sibi compararet, quæ tardiùs ac difficiliùs per spiritus, per succos elasticos fermentescentes fortassè minùs aptè obtinere potuissent. Arguunt tamen validè Borelli Sectatores, cum impedito aut ligato nervo sensus obstupescere, & motum partium, ad quas nerveæ illæ ramificationes excurrunt interire penitus experiantur; Si itaque vis, consuetudo & potentia Animæ habitu & usu acquisita ea esset, quæ figurarum solidarum mutatione dirigeret, modificaret, moveret, ac componeret varia configuratione machinulas illas sphæroidales Musculorum juxta necessitatem occurrentem motuum exequendorum, certè, etsi nervi impediti, aut ligati essent, posset tamen taliter organa sua movere, modificare ac dirigere ut motus suos opportunè exequi concederetur. Verùm si tam celebris dubitatio jure optimo expendatur, non dubitandum, hanc facilè fore exsolvendam. Licèt enim Anima sit intimè unita ac compenetrata organis, ut apta fiat movere, modificare, dirigere & agere sensoria ipsa juxta suorum motuum exigentiam, intra tamen limites naturæ humanæ; nihilominùs semper ipsamet prout organis compenetrata tenetur agere, suasque actiones exercere dependenter ab organis. Si itaque organa naturalia, sana & apta actionibus obeundis constiterint, ipsamet Anima rectè, opportunè & naturali modo operabitur; cæterum si organa vitiosa fuerint, impedita, aut fracta, ut frustrà esse videantur, cogetur Anima ipsa suorum organorum vitia, impedimenta ac labeles pati, & sustinere, exequendo dependenter ab organis vitiosas actiones, aut impeditas, aut nullas. Ex his arbitraturum est faciliùs ac clariùs demonstrari obscurissima phænomena; cur nempe sensus aliquando obstupescant illæso motu? & cur deperdito aliquando motu sensus adhuc superstites habeantur? Sensus enim fiunt specificis motibus membranarum; Motus verè voluntarii imperio, actione & usu Animæ organis compenetratæ dirigentis naturales machinulas sphæroidales solidorum musculorum juxta rationem figurarum exequendis

exequendis motibus proportionalium. Difficilius siquidem & obscurius semper fuit, gressus & regressus spirituum per eosdem nervos modò ad sensum, modò ad motum, modò ad utrumque eodem tempore per totam animalis Machinam supponere voluisse, quin facile consequatur actio & reactio corporum, & inde confusa sensuum & motuum momenta, cum Animæ & Naturæ vitio & actionum aberratione: Hæc satis breviter dicta sufficiant de motibus voluntariis organorum imperio Animæ exequendis, cum de naturalibus organorum actionibus ac motibus in sequenti dissertatione dicendum sit. Itaque quidquid sit de his, quæ dicta sunt de tam eminentibus Animæ actionibus & de motibus voluntariis organorum; Unusquisque eam sibi eligat sententiam, quæ Animæ & Naturæ actionibus enodandis probabilior futura fuerit, cum utraque opinio opportuna Philosopho, probabilis Medico, licita Catholico videatur.

20. Redeunt modò unde digressi sumus, innotescant facilius causæ illæ quæ Paralyfin erunt allaturæ. Hujusmodi itaque Morbus, qui aliquando deficientiam motûs, & sensûs, sæpiùs verò imminutionem utrique afferre consuevit, fieri potest vitio membranarum nerveis solidis, cæterisque organis circumscriptarum; vel vitio fluidorum elasticorum aut præternaturalium intra spatiola muscularia & fortasse etiam nervea contentorum; vel vitio utrorumque; quòd si hujusmodi vitiosæ affectiones totum fere corpus opprimant *Paraplegiam*; si verò vel dextram, vel sinistram partem unà cum capitis medietate afficiant, *Hemiplegiam* communi vocabulo appellare Medici voluerunt. Quamobrem quod ad vitia membranarum spectat, cum Meninges universam nervorum familiam undequaque investiant, si Meninges enervatæ fuerint ac languidæ, membranae quoque consentientes, quæ nervos investiunt, necessario flaccescent, & filamenta nervea solidum nerveum componentia non eam inter se unionem adipiscuntur naturali soliditati nerveæ proportionali: verum cum

Paraplegia.

Hemiplegia.

ex majori unione filamentorum nerveorum inter se massa nervea densior fiat, hæc majorem rationem habebit ad nervorum volumen; è contra cùm ex minori unione filamentorum nerveorum inter se massa nervea rarior futura sit, hæc minorem rationem habebit ad idem nerveum volumen. Cùm autem ex densitate massarum fiant corpora consistentia ac valida, ex raritate vero fiant cæteris paribus minus consistentia sive debilia, arbitrandum erit ex majori laxitate membranarum nerveis solidis circumscriptarum nervea solida minus consistentia, minusque valida fieri, ex minori verò laxitate membranarum nervea solida magis consistentia futura esse. Quapropter si ex una parte Momenta membranarum, nervorum, muscutorum & tendinum habeant rationem minoris inæqualitatis respectivè ad Momenta membranarum, nervorum, muscutorum & tendinum antagonistarum ex aliâ parte; cùm vires & actiones ex illa parte nervorum, muscutorum, tendinum & ossium, quibus tendines alligantur, aut deficere possint, aut saltem imminui, Motus quoque membrorum in hac, aut omninò deficient, aut si aliquis remaneat, ex tam inæquali, & irregulari actione, & reactione momentorum inæqualium tam ex una, quàm ex alia parte motus quosdam infirmos & enervatos, aliquando quoque tremulos supervenire necessum est. Non solum autem à laxitate membranarum nervea solida inscripta minus consistentia fiunt, ac debilia cum motus imminutione, aut abolitione; verùm etiam facillimè impleri possunt materiâ quadam lymphaticâ, quæ membranas ac nervea solida non tantum ultro opprimat, verùm etiam elastica corpora impediat, ne naturales conatus elasticitatis exerceantur; quippe, cùm solida nervea rariora reddita massam habeant, quæ minorem rationem habet ad suum volumen; volumen verò sit spatium, quod corporis massam cum interspersis poris occupat, certè tot pori acquisiti à volumine solidorum nerveorum rariorum implendi facilè erunt à fluido lymphatico undequaque effluente; ibi autem

tem firmato fero cùm pondera corporum sint quantitatibus materiæ, seu massis eorum proportionalia, nervorum pondera, ac momenta enervata augebuntur in ratione compositâ ex ratione corporum elasticorum enervatorum, [quæ probabiliter etiam in nerveis solidis continentur], & ratione quantitatis feri derivati in poros voluminum nerveorum. Quamobrem nervea solida ultra Naturæ leges onerosa facta inepta fient ad motum; deinde hujusmodi solida tot feri particulis præternaturaliter repleta, cùm minùs expedita ad motum, fiant, minùsque disposita ad elasticas vibrationes, sive motus naturales oscillationum obeundos, non solum motus muscutorum, verùm etiam sensibilibus affectiones, aut languidè, aut nullatenus poterunt exercere; cùm enim enervatæ membranæ, & filamenta nervea laxata, non eam solidorum tensionem, vim ac consistentiam afferant, quæ naturali constitutioni, seu naturali Momento contractionis organorum sensibilibus convenire videatur; jure corpora quælibet sensibilia, cùm nullatenus, aut opportunâ ratione motus sensoria afficere possint, sensationes non producent; aut si æqualiter sint productura, sensoria obstupefcere videbuntur. Ex his aliæ consequuntur Paralysis causæ; enimverò nervea solida laxata ob laxitatem membranarum investientium non eam densitatem tribuere possunt corporibus elasticis intus contentis, quæ necessaria esse videatur, ut Vires sibi naturales exerceantur; enim verò cùm densitates corporum elasticorum quamproximè elasticitatibus suis proportionales fiant, à quibus vis & robur solidorum dimetiuntur, & ordinata corporum elasticorum vi & conatu oscillatorio, nervea quoque solida opportunam vim tensionem, & robur sustinere naturaliter apta erunt: hinc colligendum ex membranarum laxitate, nervei quoque solidi aliquando & sensus, aut omninò, aut aliqua ratione deficere debere. Præter hæc fluida elastica juxta Nonnullos intra nervorum spatiola, potissimùm verò intra spatiola sphæroidalia muscutorum contenta, si aut

quantitate

quantitate naturali deficient, aut extraneis corporibus unita opportuna Momento careant, non eam in nervis ac musculis vim aut momentum tensionis donata erunt, quod & ad membra movenda & ad sustinenda pondera pertinere videbatur. Quare aut nullus fieri poterit membrorum, organorumque motus, aut si aliquis superfit, enervatus ac languidus futurus erit. Hæ sunt præcipuæ Paralysis causæ, quæ aut motum impedire, aut sensum enervare aptæ sunt. Cæterum si expositæ hujusmodi causæ supra modum graviores extiterint, ita ut summa fuerit laxitas membranarum Menyngum, & consequenter earum, quæ opportuno consensu nerve solida circumscribunt, aut nimius fuerit defectus corporum elasticorum in nerveis fortassè, & muscularibus spatiolis sphæroidalibus, aut nimia & excedens feri copia, aliorumque fluidorum præternaturalium, quæ hæc vel solida graviter opprimat; tunc non Paraliticæ affectiones organorum, sed Apoplecticæ denuò orientur.

21. Ab his, quæ dicta sunt facile datum erit proficisci ad affectiones illas, quibus gravi Sopore, ac Somno Animalia gravari consuecunt; Harum affectionum præternaturalium licet variæ sint species, attamen non
 Lethargus causis, sed gradu differunt; *Lethargus* enim gravem, profundumque somnum cum oblivione, & læsione operationum animalium unà cum lentâ, sed continuâ feбри sibi
 Coma comparat; *Coma* verò propensionem ad somnum gravem
 Carus affert & invincibilem; *Carus* autem longum profundumque soporem ostendere visus est; Verùm Comatis & Caris essentia ac natura hoc exigit, ut feбри careant, aut fortasse meliùs ægri feбри carere videantur: Itaque licèt aliquando laxitas præternaturalis Menyngum pro somni præternaturalis causâ haberi aliquando possit; nihilominus probabilius opinor, præternaturales laxitates fibrarum medullarium cerebri peculiari modo præternaturalem soporis indolem afferre; cùm enim suprâ ex præternaturali laxitate Menyngum, aut tota, aut ferè tota nervorum familia, quæ à Menyngibus productis undequaque vestitur,
 aut

aut Paraplegiam , aut Hemiplegiam afferre debeat , laudabilius cenſeo ſomni præternaturalis cauſam ac fontem , quæ cerebro præcipuè inſidet , medullarium quoque fibrarum laxitati eſſe rationabiliùs tribuendam ; ſæpiſſimè enim effuſo , aut è glandulis Menyngum , aut è lymphaticis ſero fibræ medullares copioſiori fluido madefactæ à naturali , licèt tenui tenſione , declinant ; Cùm verò aut nullo modo , aut languidè debitum ſibi tenſionis conatum ſuſtinere poſſint , otiantibus aut enervatis ſenſoriis aliquando gravem , aliquando graviffimum ſoporem erunt allaturæ. Nerveum ſuccum ſi credimus , certum eſt aliquando hunc auſteris , aut viſcidis , aliquando opiatſis , venenatiſque particulis adeò aſſociari poſſe , ut corpora præternaturalia vim tenſivam naturalem fibrarum magis impedian , quàm adjuvent particulæ elatiçæ ſucci nervei ; cùm autem effectus ſemper ſint directè ut cauſæ adjuvantes ; reciprochè verò ut impedièntes , enervato elaterio ſucci nervei à præternaturalibus particulis fibræ medullares , aut ægrè , aut nullo modo tendi debuerunt , Senſoria itaque aut negligenter , aut nullatenus ſollicitata & deperdita , aut enervatâ oſcillatione ſopore gravi , aut graviori otiantur . In febribus autem gravi inedia , vel laſſitudine corporis elatiçis corporibus aut evolatis , aut exili momento agentibus non ea vis tenſionis in medullaribus fibris acquirenda erit , quæ ſenſoriis naturaliter & opportunè exercendis neceſſaria videatur . Fibris itaque medullaribus enervatis , aut languidis ſenſoria variâ ſoporis indole ingraveſcent . In lethargicis affectionibus inflammari Menynges facilè credendum : ibi autem inflammatione parta ſanguis lentefcit in ſinubus Menyngum , & pondere earundem inflammatarum , & ſanguinis lentefcentis , compreſſa nimis cerebri ſubſtantia profundiffimum ſomnum cum oblivione , & læſione operationum animalium erit allatura .

22. Remanet inter comatoſas affectiones *Coma Vigil* , ^{Coma} *Vigil* , quâ ægrotantes conniventibus oculis dormire videntur , cùm fortàſſe non tam gravi ſomno obruantur . Crediderim,

rim , eos furculos nervorum opticorum , qui ad musculos deprimentes & attollentes palpebras opportunè serpunt morbosè laxatos quodammodo fuisse , ut attolli difficulter possint , quin imò debeant necessariò deprimi ; sic enim depressis morbosè seu paralyticè enervatis palpebris ægri dormire videbuntur ; verùm cùm in reliquis fibrarum medullarium ordinibus aliqualis remaneat motus sollicitationis , distractionis & contractionis , & aliqualis elasticitas succi nervei , ea ratione media tenenda fuerat cerebri regio , ut inter somnum & vigiliam consistere debuisset.

Vertigo.

23. Superest *Vertigo* , quarum una Idiopathica est , Sympathica altera ; Prima causam ac sedem à regione Cerebri ; secunda à stomachi , uteri , aliorumque viscerum consensu cognovit ; utraque tamen mala ominatur. Cùm Vertiginis phænomena à Physicis non satis aptè enodari possint , ab Opticis quærenda sunt ; ea siquidem est rotationis explicandæ causa , ut nisi Optica præstò sit , difficilis admodùm & obscura futura erit tanti operis divinationio. Ex Celeberrimus Viris Hayr & Wolfio *Retinam* pro primario visionis organo judicandam opinamur ; hæc enim tunica cùm Choroidi contigua sit , & à filamentis nervi optici perfectissimè elaborata ; ibi quidem firmanda erit præcipua Vertiginis causa ; ut autem hæc manifesta fiant , prænotandum est , radios (a) ab objecti puncto egressos per refractionem in humore crySTALLINO factam in uno iterum puncto , ut visio debita fiat , uniri debere. Hi autem radii cum secum afferant integram & perfectissimam imaginem puncti radiantis [ex eodem corollario] cùm eo in loco , quo radii uniuntur , ibi immediatè adesse naturaliter debeat Retina , hæc à radiorum punctis opportunè tacta , & affecta specifico quodam motu excipiet naturales objectorum imagines. Itaque si accidat aut timore , aut ira , aut quacunque Animæ præternaturali affectione , aut corpore quodam extraneo sollicitari taliter nervos opticos , ut præternaturali quodam contactu ac motu nervorum opticorum fibræ Retinæ , quæ superficiem quodam-

(a) Ex Coroll. 2. pag. II. optic. Wolfii.

quodammodo circularem describunt, in orbem aliquantulum torqueantur; opus erit radios, fibrillas Retinæ quodammodo circulariter euntes successivè sollicitare. Cum autem radii hac ratione successiva tangentes & sollicitantes fibras Retinæ, quantumvis minimi sint, externorum objectorum imagines secum afferant, ab aliis successivis motibus radiorum & contactibus transeuntibus circulariter ab uno contactu fibræ, ad contactum alterius fibræ, circulariter successivè sollicitanda erit Retina. Cum verò objectorum imagines sint juxta rationem affectionum Retinæ, necessario objecta externa successivè in orbem mota, in orbem moveri videbuntur. Hac ratione membranæ Opticorum à Menyngibus derivatæ spiralibus fibris probabiliter Menyngum Analogismo munitæ, hæ à quacunque præternaturali causa sollicitatæ spiraliter opticorum nervorum fibras moturæ erunt; cum autem nervorum opticorum filamenta desinentia in Retinam, hanc mirabili artificio construant, hæc quoque motu successivo partium quodammodo spiræ in morem movenda erit; quomobrem cum puncta radiorum, quæ imagines objectorum externorum figurant, successivis temporibus tangant, & afficiant motibus suis successivas partes fibrillarum Retinæ, in spiras, aut in orbem motas; hæ necessario repræsentabunt objecta externa, ac si continuis motibus rotarentur. Hæ sunt præcipuæ causæ, quæ Vertiginis phænomena enodare videntur, & à quibus plurima Visûs accidentia Opticorum Methodo explicari facillè possunt.



DISSERTATIO SECUNDA
DE MORBOSIS SENSUUM
INTERNORUM AFFECTIONIBUS.

24.



Udi nascimur privati Vitiis, & Virtutibus; Anima solidis compenetrata paulatim labore & usu acquirit virtutes & vitia. Primò itaque loquendo de Motibus voluntariis, qui Cerebro omnium ferè Medicorum consensu adscribuntur, sicuti naturales Cerebello; verisimile est, tantas Res acquiri Motu fibrarum Cerebri, quæ ab objectis cum internis, tum externis sollicitatæ Animam excitant: hujusmodi fibrarum Motus non obscuri fuerunt Platoni, cum in Timæo docuerit; *Excogitaverunt enim Dii caput motuum omnium compos id fore.* Itaque si Caput Motuum omnium compos, ergo in capite radices & principia motuum esse debuerunt; quæ motuum radices cum fibris Cerebri primò adscribi debeant, eo quia iis anima pro perfectioribus suis actionibus primo compenetrata est; hoc unum innuere voluit Philosophus, fibrillas cerebri prout motuum omnium radices, ac principia primò moveri debuisse, ut inde correspondentibus organis necessarii motus undequaque communicarentur; hi itaque motus fibrarum cerebri Animam ipsis compenetratam sollicitantes, & excitantes *Phantasmata* à Medicis appellari consueverunt. Cum verò hi motus fibrarum cerebri juxta diversas sensationes & affectiones Animæ, quantumvis minimi fuerint, accipiant
magis

magis & minus, jure amplecti poterunt sub idea generali quantitatis. Hæc itaque phantasmata, seu hi motus fibrarum, cum quanti esse debeant, non tantum majores aut minores esse poterunt; verum etiam juxta varias Animæ affectiones ac potentias peculiari numero circumscribentur. Anima itaque excitatur, & sollicitatur à Motu modò majori, modò minori fibrarum & peculiari numero motuum eorundem. Hinc Pythagoras hosce motus modò majores, modò minores animadvertens, & numerum eorundem pro eminentibus Animæ operationibus exercendis sapissimè confessus est, cum plus hominem esse, qui plus numerorum scientiam habuisset. Cum autem scientia numerorum, & quantitatum quarumcunque nitatur in compositione, divisione, permutatione, & æquatione earundem &c. ideò docere simili sermone voluit Pythagoras, Animam in homine eminentiùs sentire & operari, cum usu & habitu factò meliùs, faciliùs ac perfectiùs componeret, divideret, permutaret quantitates, numeros motuum, differentias & rationes eorundem pro actionibus animæ ritæ exequendis. Ab hisce sensibus non videtur dissentire Divus Augustinus, qui ex Sacris Scripturis loquutus est; *Circuivi ego ut scirem & considerarem & quærerem sapientiam, & numerum, lib. vi. Musica.* Ut itaque hanc rem difficillimam soli Deo verè notam, & ab Animâ tantummodò dignoscendam [cum hæc spoliata corpore à fortunatâ visione Dei Optimi Maximi veram rerum omnium scientiam funditùs sibi comparatura sit], si non re, saltem similitudine agitare faciliùs, ac clariùs possim, puto rem fore necessariam, si priùs consideratâ sede sensûs communis in tota membrânâ Piâ Matre dicta; cum hæc nervos, cerebrum & cerebellum, fibrasque arctissimè, immediatè & undequaque investiat, transeam pro voluntariis Animæ operibus probabiliter enodandis ad examinandos Motus fibrarum cerebri. Hos itaque Motus fibrarum duas in classes dividendos esse censeo; quorum alter est *Motus absolutus*; alter verò re-

latus. Motus *absolutus* est motus ille primò - primus, quo fibræ cerebri à causis quibuscunque tùm inter-
nis, tùm externis primò excitantur ac sollicitantur; Hinc Anima primò excitata ac stimolata confusè & abstractè res sentit, & concipit absque ullâ tamen affirmatione, aut negatione; & hanc primam actionem Animæ *Imaginationem* appello. Motus autem *relativus* fibrarum cerebri est actio illa Animæ fibris compenetratæ medullaribus; quâ durante motu fibrarum per aliquod tempus Anima priùs excitata, ac sollicitata à primis motibus fibrarum hosce motus animadvertens, animadversione usu acquisitâ comparat Motum unius fibræ cum altero motu alterius, unam differentiam, aut rationem motûs istius cum altera differentia, aut ratione motûs illius, & sic successivè; hinc Anima fibris compenetrata cum Motus específicos, differentias, & rationes motuum acutissimè sentiat, comparando hos Motus inter se, & horum differentias ac rationes, componit has rationes motuum, aut dividit, permutat, aut invertit, aut æquat; quibus actionibus Anima usu & habitu factò exercita ab obscuris ad clara, ab ignotis ad nota paulatim ascendit; & hæc actio *Discursus* & *Ratiocinatio* dicenda erit, vi cujus res primò conceptas Anima percipiens & intelligens, de iis affirmat, aut negat, cum totali assensûs, aut dissensûs libertate. Liberum inde est Animæ velle, aut nolle, ut electione factâ præmium, aut pœnam mereri potuisset. Hæc tam miranda actio Animæ cum reverà explicari nullo modo possit, attamen similitudine quadam & Analogiâ poterit quodammodò adumbrari. Quæram itaque similitudines & analogias ab Analystis; hi enim ut ab ignotis nota eruant, ignotas res cum notis comparant, rerumque differentias notas cum ignotis, & modò componendo, modò dividendo, modò invertendo & permutando &c. tandem aliquando ignota cum notis æquando ea clarè percipiunt & intelligunt, quæ priùs ignota penitus videbantur: non dissimili itaque ratione, sed multò perfectiori Ani-
ma

ma melior & eminentior Analyſta à motibus & proportionibus motuum fibrarum cerebri, & à differentiis eorundem ſollicitata, utpote iisdem fibrillis compenetrata hos acutiſſimè ſentire cogitur; illoſque animadvertens componendo, dividendo, permutando, invertendo, comparando & æquando ea clarè ſentire, percipere, intelligere tenetur, quæ priùs ignoraverat. Hæc omnia indicare quoque videtur divus Auguſtinus, qui Tomo primo cap. 33. de quantitate Animæ, inquit *Anima ea, quæ ſecundum naturam ſui corporis ſunt, adſciſcit, atque appetit, rejicit, fugitque contraria, removet ſe ab hiſ ſenſibus certo intervallo temporum, & eorum motus quaſi per quaſdam ferias reparans, imagines rerum, quas per eos hauſit ſecum catervatim, & multipliciter verſat.* Cæterum ſi hi Motus fibrarum cerebri, aut continui fuerint & diuturni, aut per aliquam notabilem temporis differentiam perduraverint operâ objectorum aut internorum, aut externorum continuo, vel per aliquod notabile tempus ſollicitantium; tunc Anima cum diutius, & frequentiùs excitata, ac ſollicitata fuerit, detineatur uſu & habitu factò diu in actu exercito circa hæc objecta tales fibras moventia, Anima in tali ſtatu perdurans exercere dicetur potentiam illam, quam *Memoriam* appellamus. Quod ſi tractu temporis deficientibus motibus & proportionibus motuum fibrarum Cerebri, aut novis motibus accedentibus aliquando volente Animâ, aut operâ etiam ejuſdem, aut alterius cauſæ homologè agentis, vel internæ, vel externæ ruruſ ſollicitentur fibræ cerebri eâ differentiâ ſpecificâ motuum & rationum, quâ priùs à prioribus objectis ſollicitatæ fuerant, iidemque ſpecifici motus, & eadem motuum ſpecificæ differentiæ, ac proportiones eorundem repetantur, tunc Anima ab hiſce motibus ruruſ excitata, ac ſollicitata, & hoſce animadvertens, repetet & renovabit illas affectiones, quibus antea ſollicitabatur, quæ actio Animæ *Remiſcentia* appellanda erit. Remanet animadvertendum, haſ præcipuas Animæ actiones imaginationis, diſcuſûs & memoriæ ſuam habere latitudinem; ſingulæ enim

enim ab initio languidiores sunt, progressu vero activiores, ac validiores fiunt, ita ut à minori ad majorem vim progredi videantur. Num autem tot ac tantæ eminentes actiones ac Motus Cerebri ab homologis motibus spirituum animalium adjuventur? Affirmantibus non renuam.

25. Ut autem istæ actiones Animæ ac potentiæ, & tam mirandi Motus fibrarum cerebri facile ac feliciter exerceri possint, plura conspirant i. nempe *apta fibrarum cerebri directio & ordo*; quâ in re opportunum puto animadvertere ea, quæ pluries in Cerebro canum, ovium & aliorum hominum attentissimè observâsse mihi visa sunt; occurrerunt enim variis in locis cerebri variæ fibrarum series, quarum aliæ uno loco mihi visæ sunt series fibrarum rectarum, in alio loco series fibrarum obliquarum, in altero verò loco fibrarum curvarum series. Putaverim itaque, pro actionibus Animæ æquâ ratione exercendis series fibrarum rectarum eâ ratione, lege ac ordine fuisse naturaliter dispositas, ut aptissimum inter se servant parallelismum; sic obliquas eâ ratione directas naturaliter fore, ut juxta rationem naturalem serierum obliquarum debito gaudeant parallelismo; similique Methodo series fibrarum curvarum eâ gaudere debuisset directione, ut juxta rationem ac naturam serierum curvarum, singulæ inter se parallelæ dirigantur. Hac ratione singulæ series fibrarum apta directione, regula & ordine locatæ ac dispositæ, ordinatæ fient & regulares inter se, & concinnè, naturaliterque compositæ. Tali ratione, ordine ac directione dispositæ series singulæ fibrarum edere debebunt ordinatos, regulares & homologos Motus, & sibi homologas motuum differentias; inde Anima ipsis compenetrata ordinatè & regulariter sentiens Motus, Tremores & motuum differentias ac proportionem eorundem, clarè, ordinatè & æquâ ratione concipiet res, intelliget, & recordabitur. *Secundò necessaria est opportuna tenuitas & conveniens subtilitas fibrarum cerebri*; ea enim esse debet harum fibrarum tenuitas & subtilitas, ut facillimè aptæ fiant ad motum suscipiendum; cum enim promptæ sint ad Motum,

tum, facillimè tremunt, motumque sibi vicinis aptè communicant, & hunc proximè fibræ tangentes facillè excipiunt, ut Animæ imperio & actionibus facillimè obediant. *Tertiò necessaria est apta & conveniens Cohæſio, approximatio & facilis contactus fibrarum inter ſe*; hiſce enim ſeſe opportunè tangentibus, Motus unius fibræ facillè communicatur motui alterius, & ſic ſucceſſivè; in quâ aptâ & facili communicatione motuum fibrarum inter ſe, putaverim, potiffimam actionem & rationem Memorix eſſe ſtatuendam. Fibræ itaque Cerebri neque nimis ſtriſtæ eſſe debent, neque nimis laxæ inter ſe: ſi enim nimis ac violenter ſtriſtæ fuerint, vel nimis laxæ & diſtantes; utroque modo cùm non tam promptè, nec motum excipiant, nec exceptum cæteris communicare facillè poſſint, vitium cerebri & potentiarum Memorix potiffimum parere poterunt. Hic autem diſſimulare non poſſum errorem illorum, qui putant, Homines minori intellectu pollere, quò majori Memoriam donati ſunt; ſuſpikor enim, Memoriam præditos æquivalenti quoque imaginatione, & proportionali quoque intellectu præditos fuiſſe; cùm enim potentia memorix exerceri excellenter non poſſit, niſi fibrillæ cerebri ordinatæ tuerint, opportunè ſubtiles ac tenues, cum apto ac facili contactu earundem inter ſe; jure ſuſpicatus ſum eos, qui Memoriam feliciores ſunt, proportionali quoque imaginatione & intellectu donatos eſſe; Fateor quidem Memoriam feliciores minùs laborare & exercere intellectum, non, quia minori intellectu polleant, ſed quia cùm fortuna Memorix multum ſuppleat laboribus & actionibus intellectus, propterea hunc minus exercent & excitant; hunc enim diutiùs exercere laboris & tædii eſt. Ex hiſ ergo, quæ dicta ſunt, clarè conſtat, cur punctâ pedis extremitate ſtatim moleſta illa ſenſatio in cerebro concipiatur, & judicetur ab Animâ, num videlicet punctura illa gravis ſit, an levis &c.; etenim cùm Anima ſit ſenſoriis compenetrata, cùmque indiviſibilis Anima tota ſit in tota, & tota in qualibet parte, eo momento temporis, quo Anima ſentit mole-

stiam in pede, eadem ipsa in cerebro dignioribus organis tam grandi officio destinatis, & ad hoc specificè elaboratis concipere, & judicare debet (dummodò organa cerebri tam summis operibus destinata naturaliter se habuerint) rationem doloris, levitatem, aut gravitatem ejusdem &c. & cæteras sensationum anomalias. Hac lege compenetrationis Animæ in suis sensoriis solvi possunt obscura, & innumera sensationum & potentiarum Animæ phænomena; cur videlicet tam facilè, tam promptè sensationes in organis factæ concipiantur, & judicentur in cerebro? & cur tam facilè, tam promptè, tam justè sensoria sollicitent potentias Animæ? & vicissim Anima tam facilè, tam promptè, tam justè sensoria ipsa excitet ac sollicitet, imperio suo obtemperatura? Hisce itaque breviter adumbratis arbitror non re, sed potius rudi similitudine exposuisse, quâ methodo tam eminens Anima Rationalis sentiat, concipiat, intelligat & recordetur? cùm sciam multò perfectiore Methodo ac Lege Animam immortalem & æternam fore operaturam. Non dissimili tamen ratione, sed multò imperfectiori puto Bruta ipsa sentire, & operari, non ut Automata, sed ut Animalia quidem imperfectiora, quadam tamen potentiâ donata, animæ analogâ, quâ specificis & determinatis motibus fibrarum cerebri suo modo sentiant, suo modo concipiant, suo modo intelligant, suoque modo recordentur.

26. Non arduum modò fuerit juxta nostrum institutum Morborum Cerebri phænomena assequi; cùm alteratis, aut inversis, aut mutatis fibrarum ordinibus, directionibus, subtilitatibus, parallelismis & motibus earundem præternaturales animæ actiones fieri debeant. Ibi itaque Delirium primò occurrit *perfectum unum*, *imperfectum alterum*; Delirium *perfectum* illud esse arbitrandum est, cùm omnes fibrarum rectarum series cerebri operâ causarum modò internarum, modò externarum agentium, potissimum verò vitio sanguinis, aut lymphæ irritantium inflexæ fiant & obliquæ; sic cum omnes naturales fibrarum obliquarum series, aut rectæ fiant, aut curvæ; similique

similique ratione cùm omnes naturales fibrarum curvarum series, aut rectæ quodammodò fiant, aut obliquæ; hoc enim statu præternaturali fibrarum omnium mutatur earum naturalis parallelismus, & necessarius earum motus; cùm verò à motibus fibrarum Cerebri determinantur rationes phantasmatum, meherclè à præternaturalibus hisce motibus præternaturalia evenire phantasmata necesse est; Anima autem fibris compenetrata cùm concipere, intelligere ac memorari debeat, quæ sentiuntur, à sensibus, videlicet, quæ tùm ab æquis, cum à vitiosis fibrarum motibus excitantur, jure Anima vitiosè undequaque sollicitata errore concipiet, errore intelliget, errore recordabitur, confusisque omnibus æger gravissimè delirabit. Huic autem Morbo præstat quoque nimia obliquitas, nimia curvitas fibrarum cerebri, unà cum directione mutatâ fibrarum rectarum; cùm enim fibræ omnes medullares, quàmvis minimo motu moveri videantur, tamen necessariò moveri suo modo debeant, quotiescunque nimis obliquæ fiant, nimis curvæ & præternaturaliter directæ, violenter consistere, aut violenter moveri conabuntur operâ materiæ alicujus aut externæ, aut internæ præternaturaliter, & violenter sollicitantis; cùm verò fibris taliter se habentibus naturale centrum gravitatis singularum mutari facilè debeat unà cum earum Centro Motûs; propterea harum motiones cùm componantur ex ratione fibrarum singularum, & momento massarum heterogenearum sollicitantium, aut momento potentiæ excitantis, nullatenus isochronæ, ordinatæ, & regulares esse poterunt, & naturalibus motibus proportionales, sed præternaturaliter asymmetræ; Anima autem confuse, ordinatè & asymmetrè sollicitata falsò concipiet, falsò ratiocinabitur & falsò recordabitur. *Delirium imperfectum* illud esse arbitrandum, cùm vel solæ fibræ rectæ, vel solæ obliquæ, vel solæ curvæ à naturali ordine, directione & parallelismo declinaverint; pariter cùm nonnullæ ex rectis, aut nonnullæ ex obliquis, aut nonnullæ ex curvis vitium fecerint, cæte-

ris naturali in statu permanentibus ; fibræ enim cùm non omnes vitiosè & præternaturaliter moveantur , Animam non omninò vitiosè & præternaturaliter sollicitabunt ; unde imperfecto & partiali , non totali errore concipiet , intelliget & recordabitur ; quin imò cùm effectus semper sint directè , ut causæ adjuvantes , reciprocè vero ut impedièntes , quotiescunque aliquæ fibræ naturaliter moveantur , nonnullæ verò præternaturaliter motus suos exerceant , Animæ actiones erunt directè ut fibræ naturaliter motæ : & reciprocè , ut motæ præternaturaliter ; inde futurum erit delirium imperfectum , seu ut Medici nuncupant Pseudodelirium ; quamobrem aliquando continget ægrum bene concipere , sed malè ratiocinari , aliquando recordari alicujus , cæteris oblitis , aliquando per aliquod tempus ratiocinari , sed confusim vera cum falsis permiscendo &c. ut Praxim Medicam agentibus manifestum est.

27. Hæc omnia vitio fibrarum , sed membranis cerebri nullatenus offensis aut inflammatis , contingere probabiliter creditum est ; verùm si per Meninges effuso sero , aut violentissimo motu sanguinis per arterias Menyngum , arteriæ plus deferant sanguinis , quàm venæ æqualibus temporibus referant , ut effuso sanguine Meninges inflammentur gravi vitio *Sensûs Communis* ; tunc *Phrenitis* oritura erit , quæ à delirio nullo modo differt , nisi Menyngum vitio , & majoribus viribus & momentis causarum sollicitantium. Cùm itaque Meninges inflammatae cum fibris Cerebri necessaria adhæsione communicentur , fibras has continuò , inæqualiter , inordinatè & asymmetrè , violentissimo motu trahere ac stimulare conabuntur ; hinc continua , inordinata & violenta fiet fibrarum sollicitatio ac stimulus ; etenim cùm mutatio motûs sit semper proportionalis vi motivæ impressæ (per legem secundam Newtoni) , cùm causæ tum externæ , cùm internæ sollicitantes continuæ fuerint , violentæ ac inordinatae , futura quoque erit mutatio motûs fibrarum continua , violenta , inordinata & asymmetra ; hinc Anima tam vitiosis Motibus sollicitata ineptè comparando motum unius fibræ ,

fibræ , cum motu alterius , & differentiam & proportionem unius motûs cum differentia & proportionem alterius , falsò componet ac dividet motus , falsò permutabit & æquabit eisdem , & sic violentissimis Motibus fibrarum agitata operabitur confusâ imaginatione , discursu erroribus pleno , & memoriâ penitus perturbatâ. Hic autem morbus alter *Idiopathicus* est , *Sympathicus* alter : Idiopathicus sedem habet in vitio Menyngum. Sympathicus verò , qui ab inflammatione Diaphragmatis , aliorumque fortasse Viscerum inferiorum ortum habet ; Uterque autem morbus , Delirium nempe & Phrenitis , febri unitur , quâ deficiente cum causæ stimulantibus plerumque deficere & ipsæ consuescant , deficiente inordinato & asymmetrico motu causarum stimulantium in Menynges , & fibras medullares cerebri statu suo naturali , suoque naturali parallelismo recuperato imaginatio , ratiocinatio & memoria paulatim restituentur.

28. Verùm sine febris major aliquando supervenit morbus , qui homines ipsos reddit Belluis peiores , & Morbi contumaciâ inter omnia animalia miserrimos. Hic morbus *Mania* dicitur , in quâ ægri furore quodam insaniunt ; hic quoque morbus alter *Idiopathicus* est , *Sympathicus* alter. Idiopathicum sedem habere suspicor in internis fibrillis medullaribus Cerebri ; Sympathicus verò ab inferiorum viscerum consensu ab utero potissimum oriaturus est. Plerique crediderunt , à violentissimo Motu sanguinis hanc effrænem morbi indolem esse orituram ; verùm cum nonnullos Maniacos accuratè tractaverim , pulsusque non effrænem & violentum , sed juxta naturalem legem , aut leviter agitatam omnibus ferè temporibus stupore summo observaverim , jure suspicatus sum , non semper ab impetu fluidorum , sed potissimum à nimis agitato , & concitato motu internarum fibrarum medullarium Maniam esse generatam ; Enimverò si ferum asperis , inæqualibusque superficiebus circumscriptum , aut corpora alterius generis per internas fibrarum medullarium latebras continuis , concitatis ac violentis

lentis motibus fluentia agitent, à majori velocitate sollicitent internas fibras medullares; hæ medullares fibræ cum à corporibus praternaturalibus diversorum momentorum, diversarumque superficierum frequenter, ac violenter stimulatae describant Motus frequentissime minimos, continuo violentas, & inæquales oscillationes, naturales earum series ac directiones violenter invertent, & alterato earum naturali parallelismo non tantum asymmetrè, sed concitato & frequentissimo motu movebuntur. Ex hisce asymmetris & concitatis Motibus fibrillarum interiora perturbata fient, violenta & concitata phantasmata; unde animal facultatibus Animæ perturbatis impetu & furore bacchabitur. In hoc furore & impetu vires nervorum & muscutorum supra modum augentur, ut ægri vix à pluribus domari aliquando possint. In hac re probabiliter putaverim, indivisibilem Animam tot internis, frequentibus & concitatis motibus fibrillarum sollicitatam & agitatam, cum fibris quoque nerveis & muscularibus, cæterisque motuum organis compenetrata sit (quoties necessitas & violenta ratio fuerit), ipsa quoque frequenter, concitatè & violenter universa motuum organa, fibrillis illis Cerebri correspondentia movere coacta est; inde Vires summæ, & summa momenta organorum succrescere necessario debuerunt; sicut enim sano jam homine volente Animâ movere summo impetu manum, ac pedem, aut voluntaria organa, hæc summo impetu, aut manum movet, aut pedem; ita cum Anima frequenter & concitatè sollicitata ac stimulata fuerit à motibus concitatis fibrillarum, poterit ipsamet indivisibilis Anima correspondentibus organis motuum compenetrata, frequenter ac concitatè organa motuum taliter sollicitare ac stimulare, ut momento virium adaucto validissimos motus exerceat; neque de hac violentâ, ac concitatâ Animæ actione dubitandum. Hic enim morbus, vel fiat ab irritatione internarum fibrillarum continuâ & concitatâ, unde Anima similiter sollicitetur; vel fiat ab ipsomet violento,

conti-

continuo & concitato Animæ sollicitantis imperio (ut in amore infano, cæterisque passionibus sæpiſſimè accidit) quo Anima violenter, continuò & concitatè movente, ac ſollicitante fibrillas internas Cerebri, tam gravia, tam violenta, tam furibunda viribus ſupra modum adauctis afferuntur ſymptomata; utroque modo vires ſupra modum intumeſcere neceſſe eſt; enimverò cùm probabiliter fibrillæ cerebri ſimplices ſint, aut ſaltem nervis ſimpliciores, nec ſubdiviſæ ſint in plurimos, plurimoſque ramulos, ut ſunt ſinguli nervi per totum corpus effuſi fibrillis cerebri proportionales, & correfpondentes, qui undequaue ſinguli ſubdividuntur in plurimos plurimoſque, ac pene ramulos innumeros; propterea ſi ab aliqua materia extranea, vel ab imperio Animæ violenter ſollicitentur continuò & concitatè aliqua internæ fibrillæ medullares, hæc cùm ſimpliciores ſint, impetum quidem violentum excipient; ſed cùm vires, impetus & momenta talis Motûs ſint facta ex maſſa ſtimulante ducta in celeritates fibrillarum ſimplicium, & conſequenter cæteris paribus in ſua radice minima. Verùm cùm hæc fibræ cerebri ſuis proportionaliter donentur nervis, qui ſint hiſce fibris correfpondentes, & hi nervi per univerſam ferè Animalis Machinam effuſi innumeris ſurculis diſtribuantur, neceſſario ſinguli & tam innumeri ſurculi ſuo ſaltem celeritatis gradu erunt ſollicitandi, qui gradus celeritatis ſimul ſumpti in tam innumeris nervorum ramulis futuri erunt proculdubio penè infiniti; hi ergo tot celeritatis gradus communicati machinulis ſphæroidalibus muſculorum in ratione compoſitâ ex tanto numero & motu eorundem, jure merito vires, & momenta Nervorum & muſculorum validiſſimi futuri erunt, quàmvis radices motuum fibrillarum cerebri minimæ futura fuerint: Si ergo tot, ac tanta virium momenta eveniant ab aliquibus tantummodò & ſimplicioribus fibris in cerebro ſollicitantibus quibus ſui proportionales nervi correfpondent; quid dicendum erit, ſi plurimæ fibrillæ cerebri concitatè & violenter ſollicitentur

ac stimulentur? quibus tot innumeri nervorum furculi proportionales sunt & sibi aptissimè undequaque respondent? Utrique vis & momentum penè incredibile Maniaci erit futurum. Mirum ulterius est audire Maniacos, qui rarò se miseros, sed plerumque se magnos esse Militum Tribunos, se Reges, se Cæsares, se quoque Deos esse gloriantur. Censeo, tantam rerum gloriam ab eminenti Animæ essentiâ [Animæ ipsi notâ] esse genitam; Anima enim altissimi sui generis conscia, & quasi sui juris reddita eâ ratione movet in Maniacis, sollicitat fibrillas Cerebri, quâ in Tribunis Militum, in Regibus, in Imperatoribus moveri similiter potuisset; hæc autem morbi indoles præter cæteras Maniæ species curatu difficillima est. Præter hæc Maniaci frigidam aëris intemperiem sine læsione facilè sustinent, non tantùm quia perturbatis internis motibus naturalibus fibrillarum Cerebri, nullatenus molestis sensuum externorum affectionibus, aut desidiosè animadvertunt; verùm quia cùm momenta nervorum ac musculorum Motibus voluntariis inservientium supra modum aucta sint, Motum sanguinis quoque sollicitant, ut impetu continuo ad externas usque superficies corporis deferatur; cùm itaque sanguis continuo sollicitatus nullo modo piger, in externâ carnium & cutis superficie lentescat, jure vigente licèt frigore sine læsione Maniacus sustinetur.

Melancho-
lia.

29. Sicut autem Maniacos à Motu violento & concitato fibrillarum internarum Cerebri probabiliter factos esse credimus; ita Melancholicos à lentiori & tardiori Motu fibrillarum earundem fieri suspicandum est; hinc timidos & mœstos, cogitabundos, tacitos & solitarios esse vidimus; cùm verò delirent sine febris, jure credendum, medullares fibrillas cerebri, quantumvis lento motu donatas, perturbatas tamen & inordinatas habere fibrarum aut rectarum, aut obliquarum, aut curvarum series; ita ut inter se naturali careant parallelismo: hæc morbi indoles tractu temporis faciliùs curatur, cùm vitio sanguinis, aut feri austeri & lentescantis utplurimùm habeatur, cujus

cujus operâ etiam fibrillæ medullares quodammodò stare ac consistere coguntur; cùm autem fluida vitriolicis, aut aluminosis corporibus supra modum repleta sint, quæ violentum & celerem motum fluidorum aut minuunt, aut impediunt, propterea febrili Motu in Melancholicis fermentescere non tam facilè consuescunt. Porro si pia Mater & fibrillæ medullares Cerebri solidiores fuerint, & crassiores supra legem naturalis soliditatis & crassitie, aut vitio morbi, aut ætatis rigidiores factæ fuerint, sine opportuno contactu earundem inter se; sive cùm ineptæ fiant ad Motum facilè suscipiendum, & tardè, aut agrè moveri possint, necesse est, aut fibras inepte & languidè sollicitare Animam, aut reciprocè Animam fibrillis crassioribus, aut rigidis compenetratam languidè & pigrè [etiam si voluerit] has fibrillas excitare ac movere. Quamobrem negligentia, & inertia fibrarum medullarium negligens, & iners Anima potentias imaginationis, discursus & memorie tardè & negligenter exercens immemores, & insensatos homines reddet ac stolidos.

30. Breviter expeditus ab iis, quæ ad Motus voluntarios Cerebri pertinere videntur, instituti nostri lex & ordo est, de Motibus naturalibus Cerebelli brevi quoque oratione differere: Claritatis tamen gratiâ liceat mihi prius distinguere Organa Animalis in *Voluntaria*, *Naturalia*, & *Mixta*; *Voluntaria* ea dici possunt, quæ moventur quidem motu absoluto, sed primariò apta nata sunt moveri imperio Animæ; hujus generis sunt nervi & musculi &c. liberis & voluntariis motibus inservientes, qui cerebri fibris immediatè correspondent, de quibus supra innuimus; *Naturalia* verò, quæ apta nata sunt absque Animæ imperio, & Anima non advertente moveri impetu sanguinis, aut alterius corporis impellentis; istius generis sunt Cor, Stomachus, Intestina, Vasa omnia sanguifera & lymphatica &c.; *Mixta* denique ea credimus, quæ licet à motu fluidorum, aut aëris, aut alterius corporis impellentis non advertente Animâ necessariò moveantur; attamen imperio Animæ per aliquam saltem temporis differentiam

rentiam eorum motus suspendi, ac impediri aliquando potest; hujus indolis sunt Pulmones, Diaphragma, Sphincteres Ani & Vesicæ, quorum motus licet primario naturales sint, attamen cum imperio Animæ suspendi aliquando per aliquam temporis differentiam facile possint, de motu quoque voluntario participes judicari poterunt, unde mixta organa jure vocabuntur. Hisce præmissis ficti ferè omnes Anatomici & Medici Cerebrum primario Voluntariis motibus, ita Cerebellum Naturalibus primario dicatum voluerunt. Hinc celeberrimus Fracassatus in Epistolâ de cerebro ad immortalem Malpighium conscriptâ hanc sententiam amplexus, Cerebellum à Medullâ oblongata non differre, experimentis præeuntibus [pag. 134.] acutissimè observavit; quamobrem probabiliter judicandum est, operâ eorum nervorum spinalis medullæ, qui cerebelli fibrillis unicè & immediatè correspondent, naturales motus & actiones Naturæ exerceri necessario Animæ concursu debere; cum enim Anima compenetrata sensoriis teneatur concurrere conservationi animalis; cum hujus conservatio opportuno & ordinato fluidorum, & organorum naturalium motui debeatur, durante fluidorum cursu, & organis frustra non existentibus necessitate concursus operari Animam in naturalibus organis, necesse est. Verum quia adstant ulterius, & prosunt conservationi animalium actiones mixtæ organorum, quæ & de voluntario, & de naturali motu participant, jure merito credendum est hæc organa & à cerebro & à cerebello nervea filamenta esse susceptura, quæ fibrillis cerebri & cerebelli correspondentia & proportionalia, mixtos motus & actiones exercent. Licet itaque primaria actio cerebri sit Animæ libera, actio vero cerebelli sit Animæ necessaria; nihilominus sæpissimè vitia cerebri & cerebelli communicantibus fibris, & membranis mutuas manus præbent, mutatis nempe à cerebri vitiis naturali directione, ordine, subtilitate, apto contactu & cohæsione fibrarum cerebelli inter se; sic cum læsione cerebri organa voluntaria nervorum cerebro respondentium, & musculorum paralytica

paralytica fuerint, Praxi edocemur tractu temporis communicata ulterius Paralyfi fibrillis cerebri, non solum organa mixta sphincteris Vesicæ inertia fieri, & negligenter urinæ motibus inservire; verum etiam organa naturalia Pylori, & intestinorum obstupefcere, ut enervato aut abolito peristaltico Motu à medicamentis licet irritantibus vix, aut desidiosè sollicitentur, & moveantur; sic aliquando contingit observare, post contumax delirium non solum ægrum sicco Asthmate correptum esse; verum etiam post longas Mentis aberrationes frequenti Cordis palpitatione ægros miserri-
mè afflictos fuisse; non rarum enim est, vitia cerebri, quibus Animæ actiones voluntariæ primò lædebantur, factâ morbificæ causæ transpositione, naturalibus quoque organis nocuisse, ut enervatis naturalium organorum motibus & actionibus innumeræ morborum familiæ [injuriâ ferè semper accusato sanguine] supervenerint. Neque dubitandum, has morbosas affectiones cerebelli vitiis esse adscribendas, cum imaginatione, discursu & memoria penitus restitutis, Cerebro videlicet meliùs se habente, præternaturales tamen viscerum affectiones, & organorum naturalium depravati, aut aboliti motus contumaci duratione consistant; non dispari ratione communicationis, cerebelli vitia in cerebrum translata morbosas cerebri affectiones afferre consuefcunt. Præter hæc suspicatus probabiliter sum, Vasa sanguifera & lymphatica, quæ inter organa naturalia numerari facile possunt, quotiescunque exceperint nervea filamenta Cerebelli fibrillis correspondentia, si aut convulsa fuerint, aut paralytica; iners quidem & negligens futurus erit elasticus vasorum motus, ut fluida lentiori motu circumeuntia in glandulis Viscerum lentescere pejori naturæ damno conentur. Hæ breves de tam eminentibus Animæ potentiis, & de tam obscuris Cerebri & Cerebelli Morbis meditationes, quantumvis potiùs philosophicæ sint, quàm mechanicæ; nihilominus si cum Naturæ & Morborum cerebri & cerebelli phænomenis accuratissimè comparentur, fortassè non levi probabilitate donatæ esse videbuntur. Fateor quidem me plurima à Mechanicis eruere potuisse; verum cum deficient necessarie data, & suppositiones admodum lubricæ sint in tam obscuris Animæ phænomenis, consultus putavi me potiùs meliora desiderare, quàm aut inutilia, aut absurda proponere. Remanet advertendum, morborum Capitis Curationi non rarò conferre aquas nostras Hirmentes, de quibus Clarissimus Franciscus Roncallus eruditissimo opere loquutus est.



DE MORBOSIS SENSUUM EXTERNORUM AFFECTIONIBUS

DISSERTATIO TERTIA.

31.



A est Animæ lex sensoriiis compene-
trata, ut Anima sine his nec
sentire, nec imaginari, nec in-
intelligere, neque recordari ullo
modo possit: Sensoria idcirco sen-
tientis Animæ operibus destinata
variis perfectissimisque fibrarum,
præcipuè membranarum & nervea-
rum ordinibus elaborata sunt; alia siquidem est
Textura fibrarum auditûs, alia visûs, alia odoratûs,
&c. compositio, ordo ac modus alius; Sicut autem va-
ria est organorum textura; ita varia subtilitas, diversa
flexibilitas & elasticitas earundem, fibras enim hujus
generis elastico quodam nisu donatas esse satis superque
ab Experimentis edocti sumus. Cùm itaque Vires &
Momenta corporum externorum organa, minimasque
eorum fibrillas sollicitant, videntur inflectere & incurva-
re organa ipsa, minimasque fibrillas componentes, &
curvam quandam ex elasticarum genere lineam descri-
bere ut plurimum videntur; hæc Curva prout ex mi-
nimarum fibrillarum flexibilitate elaborata adeo minima
est, ut ferè insensibilis sit differentia inter arcum mini-
mæ curvæ & tangentem ejusdem. Cùm ergo fibra ab
objectorum externorum viribus sollicitata à rectis in cur-
vas quasdam lineas transire teneantur, nemo dubitaverit
has fibrillas elasticè incurvatas distrahendâs esse: cùm
autem distractiones elasticæ fibrillarum sensationibus
quam

quàm proximè proportionales habeantur, juxta mensuras distractionum; sensationes modò majores, modò minores proportionaliter erunt dimetiendæ. Placeat ergo supponere cùm doctissimo Riccato, (a) minimam sensationem futuram esse, cùm fibra distracta tantùm creverit supra suam naturalem longitudinem, quantum exigit centesima pars suæ longitudinis; inde colligendum, majorem futuram esse sensationem, cùm distractio fuerit una $\frac{10}{100}$ aut $\frac{15}{100}$ suæ longitudinis &c. è contrà nullam, aut ferè nullam futuram fuisse, cum fibræ distractio minor fuerit parte centesimâ suæ longitudinis; hæc quidem attendenda sunt, ut sensatio aut major, aut minor, aut nulla habeatur. Cæterùm ultrà res petenda est, cùm in statu naturali distractiones fibrarum, seu sensationes obtinere voluerimus; enimverò si minimæ curvæ fibrosæ distractiones ab externis objectorum momentis obliquè impulsæ rationem naturalis æqualitatis, aut quasi æqualitatis habuerint inter se, servatâ quodammodo simili ratione parallelismi earundem æqualibus temporibus, nec non æqualitate, aut similitudine angulorum, quos fibræ inter se contextæ naturali dispositione componunt; tunc minimæ curvæ distractiones fibrarum, & consequenter earundem minimæ reciproce contractiones seu restitutiones erunt naturales; & sensationes naturali ordine, dispositione, lege ac motu futuræ erunt æquo Animæ sentientis ministerio. Verùm si vitio objectorum modò perpendiculariter, modò obliquè fibras impellentium, aut vitio fibrarum, eâ ratione inflexæ fibræ distrahantur, ut una fibrilla magis distracta incurvetur, quàm altera; hæc verò minùs tertiâ &c: & sic successivè in ratione omnimodæ inæqualitatis, temporibus quoque inæqualibus; utique mutato earundem naturali parallelismo, mutatisque naturalibus angulis earundem, distractiones fibrarum fient asymmetræ; unde sensationes inæquales, inordinatæ & præternaturales necessariò exorientur; quinimò si violentissimo Momento objectorum perpendi-

I 3

cula-

(a) Pag. 131. suppl. al Giornale Tom. 1.

culariter aliquando impellentium, aut vitio fluidorum fibras irritantium violenter distrahantur fibræ, ut curvæ distractiones ipsarum habeant inæqualiter majorem, & præternaturalem rationem minoris inæqualitatis respectivè ad naturalem fibræ longitudinem, nec facilis ac libera subsequi possit reciproca contractio seu restitutio earundem; meherclè tam violenter distractæ fibræ Sensationes afferent inversas, confusas, vitiosas, & aliquando dolorificas. Hæc de generalibus sensuum externorum affectionibus intento nostro necessaria satis præmissa esse arbitror.

32. De externis Sensibus agendo: Etsi Sensus omnes externos utiles ac necessarios plerique hominum judicaverint, præstantior tamen, & utiliôr Visio habita est, non eo tantùm mirabili Opere, quo Natura solo oculi usu Creatoris operibus cœlo terraque præstantissimis mirum in modum delectari possit; verùm quia ea sunt oculorum beneficia, ut sine his cæteri quoque externi sensus vilescere, otiarique viderentur. Studiosè itaque curandum est, tam mirabilem potentiam aliorum quoque sensuum commodo, utilitati ac dignitati conservare; Ad tam altum opus præstat primò morborum causas quærere, quibus acquisitis Visio conservari faciliùs, aut ægra commodiùs sanari possit. Ut autem hæc suo ordine ac claritate digeri possint, nonnulla præmittenda esse debuerunt. Pr. ex Opticis certum est, quodcunque corpus visibile aut luminosum esse, aut illuminatum, & à luminoso proprium lumen, ab illuminato alienum undequâque citissimè effundendum; ea autem est immensa velocitas luminis, ut celeberrima Academia Florentina experimento 265. testata sit, lucem per duo milliaria effusam absque ulla temporis differentia fuisse observatam; porrò Immortalis Newtonus deff. 2. de Coloribus, tam citissimè propagari lumen affirmavit ex observationibus temporum Eclipsium Jovis Satellitum, ut lumen à Sole in terram septem circiter minutorum spatio deferri animadverterit. Secund. Cùm aër, aqua & vitrum

vitrum sint diversæ gravitatis specificæ, adeoque pariter diversæ densitatis (a) transiens radius ab uno medio in aliud diversæ densitatis refringendus erit; itaque cum radii à corpore luminoso, aut illuminato transeant ab aëre in humores oculorum, aqueum, crystallinum, & vitreum, jure merito refrangi debent; tanto autem opere refractionis radii ab eodem objecti aut luminosi, aut illuminati puncto egressi per refractionem in aqueo, crystallino & vitreo factam in uno iterum puncto uniri necessario debent. Tert. in hoc unionis puncto ut visio perfectissima habeatur, adesse debet Retina, quæ à celeberrimis Viris, potissimum vero ab Hayr & Wolfio pro primario Visionis organo determinata est; cum verò quilibet radius à puncto radiante objecti modificatus secum afferat integram imaginem puncti radiantis, eo unionis puncto, quo in perfectissimâ visione adest Retina, in hac objectorum imagines depingi debuerunt. Quart. Licet radii quilibet refracti eo in puncto collecti visionem perfectissimam non parum juvent, radios tamen directos, & pupillæ perpendiculares visioni melius ac fortius prodesse demonstratum est. Si itaque radii perpendiculares unâ cum refractis eo oculi loco uniantur, ut immediate non adsit Retina, utique unione factâ radiorum aut infra, aut extra Retinam visio aut imperfecta, aut obscura, aut nulla erit futura. Cum ergo Retina sit præstantius Visionis organum, arbitror rem fore necessariam, si de hac nonnulla dixerim, quæ perfectissimo visionis operi convenire videantur. Cum hæc sit nervi optici mira extensio, cujus officium est à radiis perpendiculis, & refractis objectorum in puncto collectis excipere depictas imagines, jure determinatum est, hanc in tam angusto animalis spatio tam immensa ac vasta colligere non potuisse, nisi summam filamentorum Retinæ tenuitatem ac subtilitatem miraremur. Geminianus Montanarius in Epistolâ quadam ad nobilissimum Virum familiariter conscriptâ hanc rem curiosè agitaverat, & calculis & experimen-

tis

(a) Ex num. 54. Optices Wolfii.

tis accuratissimè, ut credidit, institutis invenit minimum sensibilem angulum, sub quo partes objecti sunt sano oculo distinguibiles, subtendere proximè in Retinâ chordam seu subtenfam unius minuti; sed subtenfa unius minuti continetur in radio sui circuli vicibus 3437. ergo verisimile putavit, spatium Retinæ figuratum ab objecto visibili subtendente chordam unius minuti fore proximè $\frac{1.}{3437.}$ sui radii; inde colligit, quòd quotiescunque minimus angulus à radiis refractis, & perpendicularibus elaboratus effecerit in Retinâ basin seu chordam uno minuto minorem, objectorum partes nullo modo aptè ac distinctè videri posse. Simili fortassè Methodo ac Ratiocinio arbitror celeberrimum Virum Philippum de Hayr (a) assequutum fuisse, Retinæ filamentum esse proximè $\frac{1.}{8000.}$ unius unciae Parisiensis, quæ quantitas cùm proximè ex calculis fiat æqualis octavæ parti latitudinis unius fili serici Bombycis, collegit celeberrimus auctor, latitudinem unius filamenti Retinæ fore proximè æqualem octavæ parti latitudinis fili serici Bombycis. Denique Doctissimus Johannes Ricettus in epistola dioptrica ad nobilissimum Virum fama, litteris & genere celeberrimum Cristinum Martinellum conscripta (b) calculis & experimentis opportunè institutis in hac re probabiliora docuisse mihi visus est, crassitiem nempe capilli lucente Sole visi ad distantiam unius pedis Veneti eam habere rationem ad crassitiem imaginis ejusdem capilli in fundo oculi depictæ ut 25. ad 1.; sed diameter pupillæ ad diametrum capilli est in ratione 24. ad unum, ergo facta multiplicatione 25. + 24. constabit, diametrum pupillæ ad crassitiem imaginis capilli in fundo oculi, seu in Retinâ depicti fore proximè ut 600. ad unum. Ex his luce meridianâ colligendum erit, quantum imagines objectorum in filamentis Retinæ depictæ minimæ futuræ sint, cùm in subtilissimo Retinæ filamento tot, ac tanta objectorum depingi facile possint.

Mira

(a) Memoires de Mathématique.

(b) Supplémenti al Giornale Tom. secondo.

Mira certè filamentorum Retinæ subtilitas. Non mirabor amplius, cùm Optici demonstraverint, ab oculo ferè Hemisphærium videri posse, cùm tanta Hemisphærii extensio in tam minimo Retinæ spatio depingi, ac in oculo figurari possit. Hinc tam facilè Oculorum & Retinæ affectiones occurrunt, ut uno licèt Retinæ filamentò aut vitiatò, aut impeditò, aut læso Visio quoque aut vitiatà, aut impedita, aut læsa jure merito habeatur.

33. Nunc si ea, quæ res postulat, dixerimus; non Oculorum
Vitia. ibi sollicitus fuero de Presbytæ & de Myopis Visione diffimili, cùm hujusmodi visiones naturales causas nactæ sint. In Presbytis enim humor crySTALLINUS cùm non satis convexus sit: sitque majoris sphæræ segmentum; & si nimis exigua fuerit distantia Retinæ ab humore crySTALLINO, (a) in Retinâ quidem distinctè delineari nequeunt objectorum vicinorum imagines, remotorum tantummodò imaginibus clarè delineatis, ut vicina objecta confusè, remota distinctè videantur. In Myope verò, si à Naturâ elaborata fuerit Retina ab humore crySTALLINO nimis remota, objectorum imagines collectæ fient, antequàm ad Retinam opportunè perveniant; cùmque ultrò humor crySTALLINUS fuerit nimis convexus (b), sitque segmentum sphæræ minoris, remota objecta confusè, vicina distinctè à Myope videbuntur. Hisce vitiis reparandis consultum fuit in Presbyta lente, aut specillo convexo; in Myope verò planiori, aut concavo, aut saltem minùs convexâ lente uti debere. Hisce itaque relictis primò sollicitus fuero de *Maculis seu Muscis volantibus*, quæ ægrotantibus eo tædio esse solent, ut molesto errore continuo hallucinentur; nonnullæ itaque *permanentes* sunt, cùm contumaci loco, eâque semper ratione distant ab axe Optico, eundem semper objecti locum ac situm occupaturæ, hæ ut plurimum albo objecto firmatæ rotundâ imagine delineari consueſcunt. Nonnullæ vero *fluctuantes*, sunt nigris quibusdam filamentis distinctæ, câ fermè ra-

Pars II.

K

tione,

(a) Per prop. 100. & 101. Wolfii Optices.

(b) Per prop. 102. & 103. Wolfii.

tione, quâ nodos ligneos Abietis figurari experimur. Prima in Retinâ locum & vitium habent; etenim cum membrana hæc sanguineis vasculis donata sit, si fortè accidat, aut motu violentissimo sanguinis, aut vulnere &c. aliquam sanguinis, aut lymphæ impuræ guttulam aliquod Retinæ spatium esse occupaturam, futurum certè erit spatium illud Retinæ excipiendis opportunè imaginibus ineptum, ut objecta quælibet macula quadam rotunda, juxta rotundam sanguinis, aut lymphæ impuræ effusionem observari videantur; tandiu autem macula ista erit duratura, quamdiu effusio sanguinis, aut impuræ lymphæ perduraverit, evanescente postmodum maculâ, cum effusio sanguinis, aut lymphæ tractu temporis evanuerit; aliquando Retinæ filamentum, aut spatiolum, aut durius, rigidiusque, ut in Senibus redditur, aut materiâ quadam tenaci ac viscidâ, aut callo quodam obruitur, aut paralyfi afficitur, ut ab unione radiorum hæc minima Retinæ portio neque moveri, neque opportunè inflecti possit, idcirco neque pingi, neque delineari ullo modo poterit: hæc Retinæ portio privata motu & imagine, cum talia appareant objecta, qualia in oculo figurata repræsentantur, in objecto exteriori nigra quædam macula erit ferè semper, aut diutissimè apparitura, cum materia illa partem minimam Retinæ afficiens, neque evanescere, neque curari facile possit; aliquando tamen hujusmodi Muscæ ac Maculæ nigræ, etsi in Retinâ sedem habeant, nutare aliquatiter visæ sunt, non quia in Retinâ situm mutant, verum quia aliquando Retina ipsa aliquali motu movetur, aut trahitur ad eundem postea locum reversura. Sæpissimè tamen cum muscæ aut maculæ fluctuantes non eam semper ab axe optico distantiam habuerint, pedetentim hinc inde nutare videbuntur; quo casu has in humore vitreo, sed potissimum in aqueo sedem posuisse credendum est: cum enim aqueus humor non ea semper donatus fuerit puritate, ut granula quædam, aut filamenta impuri humoris aliquando exceperit, hæc aut radios impediendo, aut eosdem aliundè refrangendo [cum hi non in puncto Retinæ,

Retinæ , cum cæteris radiorum ordinibus uniri opportunè possint] muscas seu maculas illas in objecto parere videbuntur ; Hæ autem faciliùs curari poterunt , si remediis humorem aqueum depurari opportunè contigerit ; non differenda itaque aquei humoris depuratio , cum adaucta paulatim humorum saburra timeri facilè posset , ne impuræ humorum particulæ sibi invicem adhærendo nebulam quandam texerent , suffusionem seu Cataractam impedito luminis ingressu parituræ. Nonnulli non ab aquei humoris impuritate , ac densitate Cataractam orituram crediderunt , sed opinati sunt , humorem crySTALLINUM ex plurimis lamellis diaphanis elaboratum fuisse , quæ aliquando versus aqueum humorem adeo densiores fiunt , ut supra Naturæ legem indurescant , densiores autem factæ , non tantum crySTALLINUM humorem opacum reddunt luminis impedimento ; verum cum densitates sint ponderibus proportionales , humorem hunc reddunt ponderosiores ; adaucto autem crySTALLINI pondere processibus ciliariis violenter distractis lens crySTALLINA aliquando à naturali loco distrahitur , aut deprimitur , & lentis focus non opportunè Retinam afficiens Visionem aliquando , Cataractâ temerè accusatâ , aut impedit , aut turbat. Inter præternaturales oculorum affectiones eam ulteriùs arbitror , quâ Ictერი afficiuntur , cum omnia objecta flava videantur. Immortalis Newtonus doctrinam colorum acturus per solam refractionem lumen in colores mutari (a) experimentis , & rationibus in aureo Optices opere edocuerat ; cum verò radii , qui varios colores efficiunt ac afferunt , differant variis gradibus refrangibilitatis (b) arbitrandum est , ab aqueo humore biliosis , flavisque particulis permixto transeuntes radios peculiarem , ac specificum refrangibilitatis gradum pati debere , ut hi juxta hunc gradum , flavum objectis colorem vitiosè communicent : hujusmodi autem gradum refrangibilitatis radiorum flavorum in Prismate vitreo observari posse satis e-

K 2

vulgatum

(a) Num. 183. Wolfii.

(b) Num. 196.

vulgatum est, ut nullatenus dubitandum sit, ex tali determinato gradu refrangibilitatis radiorum à corporibus flavis aqueo humori, aut vitreo permixtis elaborato flavum objectorum colorem oriri posse. Sed inter morboſa viſionis phænomena objectorum duplicatio miranda ſæpiſſimè est. In hac re non me latet, objecta viſibilia extra Horopterem constituta geminata apparere (a); verùm cum objecta etiam in Horoptere constituta duplicari aliquando poſſint, licèt ab Opticis & Dioptricis ea, quæ tanta res poſtulat, haberi facilè poſſint, vehementer tamen ad hanc rem explicandam Polyedræ lentis experimenta conferre videbuntur: cum enim lens Polyedra ſit corpus ex ſuperficiebus planis in convexas ſuperficies diſpoſitis (b), ſi oculus ita conſtituatur ubi radii paralleli decuſſantur à ſingulis planis Polyedris, radii paralleli ab eodem objecto prodeuntes in oculum propagari debuerunt; cum verò humor cryſtallinus, utpote lenticula convexa radios parallelos unire debeat, in totidem diſverſis Retinæ punctis uniendi erunt radii, quot ſunt lentis Polyedræ plana convexa, conſequenter oculus per lentem Polyedram toties videre poterit objectum, quot ſunt facies, ſeu plana convexa lentem Polyedram componentia. Experimentum hoc affabrè oſtendere videtur, cur aliquando objecta duplicari videantur; cum enim ob ætatem areſcentibus membranis humores continentibus, aut vitio aquei, & vitrei humoris inæqualiter cryſtallinum humorem prementis, aut ejuſdem cryſtallini culpâ aliqua minima lentis cryſtallinæ portio à naturali convexitate aliququaliter declinet, ut aliquod in datâ minimâ parte planum fiat, tunc radii ab hoc præternaturali minimo plano uniendi erunt in puncto aliquo Retinæ; & cum talis unio radiorum differre debeat, & aliququaliter diſtare ab eo puncto, in quo naturaliter colliguntur, & uniuntur radii illi, qui per axem cryſtallinæ lentis unâ cum iis, qui naturali ratione refracti in eodem puncto Retinæ

(a) Per Theorem. 80. Welfii.

(b) Per deff. 23. Dioptrices.

Retinæ colliguntur, non dubitandum Retinam duplici loco, ac puncto movendam & afficiendam esse, quare objectorum imagines erunt geminandæ. Verùm frequentiora Visionis incommoda ab Uvea membrana, quæ Pupillam constituit consequi experimur. Tritum enim Opticis axioma est, crescente lumine pupillam coarctari, ut superfluum lumen expellatur; decrecente dilatari, ut excipiat necessarium. Cum autem quodlibet punctum visibile radiat in pupillam per conum, cujus vertex in ipso puncto radiante locatur, basis vero pupilla sit (a), cum præter Naturæ legem dilatata fuerit pupilla, basis coni luminosi major futura erit, quæ cum plures radios excipiat, quàm fieri debeat, à tanto radiorum numero, & consequenter intensione ac densitate Retina violenter afficienda erit, & quodammodò vulneranda; ut autem hæc tam necessaria, tam violenta Naturæ, instituto nostro opportuna magis constent: Sit basis pupillæ, aut basis circularis crySTALLINÆ lentis spatium circulare $AMB N$; radii verò perpendiculares transeuntes per Axem sint CGD ; radii verò convergentes, & refracti sint AED , BFD , qui concurrant cum perpendicularibus radiis in Retinâ in puncto D ; Ducaturque alter circulus EGF parallelus circulo basis crySTALLINÆ $AMB N$; ex optico theoremate tertio Wolfii, cum lumen propagetur per radios æqualium virium in medio non resistente, intensitas luminis crescit in ratione duplicata distantiarum à puncto concursus reciproce; àum autem intensitates luminis sint cæteris paribus ut densitates ejusdem, erit densitas luminis in C , ad densitatem in G in ratione reciproca circulorum EGF , ad $AMB N$; & consequenter in ratione duplicata reciproce ipsius OF ad CB ; sed OF est parallela CB , ergo erit OF ad CB , ut OD ad CD , quare intensitas, seu densitas luminis in C ad densitatem in G erit quoque in ratione duplicata reciproce distantie OD ad distantium CD à puncto D Retinæ; quare cum in OD fiat major densitas radiorum, fiet quoque major intensitas

Prop. 4. 6.
Eucl.

K 3

(a). Per Theorem 78. Wolfii.

tenſitas eorum concurrentium in D. Hinc Retina violenter affecta & vulnerata remanebit viſione aut læſa, aut impedita. Proceſſus quoque Ciliares aut laxati, aut contracti humorem cryſtallinum, aut planiorem fortasſè reddunt, aut magis convexum, ut nonnulli opinati ſunt; inde radiorum unio, aut à cryſtallino diſtantiſſima in planiore, aut eidem proximior in magis convexâ, erit futura. Viſio propterea aliquo tempore ob opportunum concurſum radiorum in Retinâ diſtincta & clara; alio tempore ob aliqualem tantummodò contactum eorundem in Retinâ exequendum imperfecta & obſcura; alio tempore ob nullum in Retinâ radiorum unitorum concurſum ac contactum deperdita Viſio, aut nulla erit futura. Superessent reliquæ morborum oculi differentiæ *Ophthalmia* videlicet, *Hebetudo* & *Lachrymatio*, à quibus facile declinavimus; cùm non ab organorum, ſed ab humorum vitio fieri conſueſcant. *Guttam* quidem *Serenam* cùm à nervi Optici & Retinæ paralyſi, aut callo, aut quocunque alio opticorum errore plerique Medicorum factam velint, ab iis, quæ de paralyſi ſuprà diximus, cauſæ erunt opportunè poſtulandæ. Pro appendice addo rem animadverſione digniſſimam, Cæcos nempe ut plurimum longævos eſſe; num autem longior vita à majori fibrarum cerebri otio comparetur, quod ab otiantibus nervis opticis facile aſſequimur, cùm hi cæteris nervis grandiores ſint, & ſuprà cæteros continuo operoſiores? num quia Cæci minùs liberè vivere conſueſcant, reliquis ſenſoriis magis otiantibus? anceps non judico.

34. Oculorum morbis fatis expenſis ad Morbos Auditûs progredimur; ineptum autem eſſet, de his diſputationem agere, ni priùs innotefcat Methodus, quâ aër agitated ſonum ferat; itaque Celeberrimus Jacobus Hermannus (a) ſuſceptâ ab immortalis Newtono Sonorum doctrinâ hanc explicare aggreſſus eſt; Docet enim ſonum fieri, cùm ex Vibratione ſeu tremulo motu corporis ſonori circumjectus aër elasticus undequaque propelli-

tur,

(a) Cap. 23. Phoron.

tur, propulsus autem densatur nonnihil; particulae autem aëris inter se densatae comprimuntur, compressae verò, cum elasticitates sint quàmproximè densitatibus proportionales, coguntur denuò relaxari, & in partes contrarias, seu unde venerant, regredi: nam addit Hermannus *ita partium corporis tremuli contiguae aëris partes propulsae densabuntur, regressu vero, atque adeò amotâ vi comprimente densatus aër iterum sese in omnes partes, quantum potest, elatere suo expandet; ita ut ita partium corporis tremuli aër condensetur, & in reditu: atque iterum rareseat; quod partes corporis tremuli in aëre ipsis contiguo efficiunt, idem etiam præstabunt aëris partes jam propulsae in aëre ipsis contiguo, & hic in sibi proximo, atque sic deinceps; sed non eadem ubique harmonia, ita ut, si quaedam aëris partes propulsae sint, propellantur & omnes reliquae, atque progrediantur; sed cum una propellantur, atque densentur, aliae redeant atque posteaquàm densatae erant, iterum rarescant & regrediantur, idque vicibus permutatis; hac ratione sonum fieri, & tali ratone ab Aure humana audiri credendum est. Notat deinde Hermannus, quòd ejusmodi Motus partium aëris propulsarum atque iterum unde venerant regredientium, seu intervalla progressûs atque regressûs vocentur pulsus aëris, quae intervalla ob equalia temporis intervalla præterpropter equalia existent. Porro Naturæ & essentiae Auditûs præstat inquirere Soni Velocitatem; hanc rem celeberrimi Viri accuratissimè dimensi sunt, & primò celeberrima Academia Florentina experimento 245. experta est, sonum spatio quinque minutorum secundorum unius miliaris Veneti spatium peragrarè: Doctissimus Mersennus pag. 35. suæ *Balysticæ* expertus est, sonum minutis quinque secundis confecisse pedes Gallicos 6900. inde ex proportionum regulis innotescet, spatio unius minuti secundi pedes Gallicos 1380. conficiendos fuisse: Celeberrimus Wistonus (a) experimentis edoctus exposuit, spatio unius minuti secundi velocitatem soni fuisse pedum Anglicorum 1060. Denique Immortalis Newtonus (b) consideratâ crassitie particularum aëris & vaporum*

(a) Lectione 29. prop. 62. Coroll. 7. suarum Prælectionum.

(b) Scholio prop. 50. Princip. Mathem.

vaporum diversi generis densitate, constat inquit per Experimenta, quòd soni tempore minuti unius secundi eundo conficiunt pedes Londinenses plus minus 1142. Parisienses verò 1070., qui in pedes Venetos conversi efficiunt summam pedum 1144. $\frac{1144}{1440}$ proximè. Modò ex determinatâ soni Velocitate tempore unius minuti secundi mirum in modum colligit laudatus Wistonius (a) datâ sonorum ubique locorum Velocitate, eâ videlicet, quâ 1060. pedes Anglici, seu pedes Veneti 1209 $\frac{1250}{1350}$ unius minuti spatio conficiuntur, datoque quocunque intervallo temporis, quo eadem soni velocitas datum spatium peragrat, corporis sonori à nostris auribus distantiam facile innotescere potuisse; si enim inter Bombardæ ignem visum, & sonum auditum decem minuta secunda pertransire observata fuerint, constabit Bombardæ locum ab Auditoribus spatium 10600 pedum Anglicorum, proximè distare debuisse, ut ex regulis proportionum constabit; est enim 1. 1060 :: 10. 10600. Ita si inter fulgur visum, & tonitru auditum intercedant quinque minuta secunda patebit, nubes istas, unde fulmina eruperunt à Spectatoribus proximè 5300. pedes Anglicos, seu pedes Venetos proximè 6045. $\frac{1250}{1350}$ fuisse distantes. Cognitâ itaque ex Immortali Newtono Sonorum Velocitate progreditur celeberrimus Auctor calculorum opere intervalla pulsuum dimetiri; monitos itaque nos reddit. D. Saverum invenisse factis à se experimentis, quòd fistula aperta, cujus longitudo erat pedum Parisiensium plus minus quinque, sonum edit ejusdem toni cum sono chordæ, quæ tempore minuti unius secundi centies recurrit; sunt igitur pulsus plus minus centum in spatio pedum Parisiensium 1070.; seu pedum Venetorum 1144 $\frac{440}{1440}$ quos sonus tempore unius minuti secundi percurrit; adeoque pulsus unus occupat spatium pedum Parisiensium 10 $\frac{7}{10}$ seu pedum Venetorum 11 $\frac{638}{1440}$ proximè, id est duplam circiter

(a) Coroll. 13. prop. 62.

citer longitudinem fistulæ; unde verisimile est, quod latitudines pulsum in omnium apertarum fistularum sonis æquantur duplis longitudinibus fistularum. Mirabile postmodum eruitur ab iis, quæ dicta sunt, & ab experimentis 241., & sequentibus celeberrimæ Academiæ Florentinæ, & juxta demonstrata à Celeberrimo Taylor (a) sonos, vel magnos, vel parvos semper æquè veloces & æquabiles esse futuros. Hæc quantumvis extra institutum nostrum dicta videantur, attamen eò collimant, ut cognita prius sonorum naturâ, velocitate & pulsum proportionem, & consequenter tanti sensûs dignitate, præstantiâ ac necessitate, facilius ac commodius à nobis morbosa Auditûs incommoda inquirantur & cognoscantur.

35. Ex soni doctrinâ super exposita generalis quidem soni idea innotescit, specifica verò & peculiaris Soni ratio, quâ diversi soni fieri diversimodè possint, adhuc ulteriora petere videtur: desideratam peculiaris & specifici soni efficiendi rationem experimentis opportunè factis celeberrimus Franciscus Lana (b) reperire acriter studuit, prop. enim 6. libri 9. de tremore corporum, ostendit, Chordam tensam (idem intellige propotionaliter de quocunque corpore sonoro) & percussam vibrari & resonare; hanc autem non vibrari & resonare, per modum unius, sed ejus plurimas, minimasque particulas, ex quibus chorda componitur peculiare efficere, ut puto, curvas elasticas seu distractiones, quæ postmodum transeundo à curvis in rectas efformant minutas, minimasque vibrationes, ex quibus resultat seu componitur talis soni differentia; etenim à pluribus experimentis colligit, quòd dum chorda tensa in singulis suis simplicibus undationibus removetur à suo situ recto, quoties tendit, aut ad dextram, aut ad sinistram, toties quodammodò incurvata elongatur, & consequenter novam tensionem patitur; quoties verò iterum redit ad situm medium in linea recta, toties remittitur nova illa tensio prius acquisita: constat autem ex di-

Pars II.

L

ctis

(a) Prop 12. methodo incremeorum directa, & inversa.

(b) Tom. 2. Magist. Naturæ, & Artis.

Etis à Celeberrimo Auctore *de tensione chordarum* per tensionem partes chordæ comprimi, & ipsam chordam subtiliorem fieri, per reductionem rursus dilatari, & priorem crassitiem recuperare. Igitur præter Motum simplicem undulatorium, hinc inde per motum unius, seu totius chordæ communem, quâ Chorda agitur, est & alius Motus constrictionis & dilatationis particularum, seu partium minimarum chordam componentium, qui operatur in singulis filaminibus, ex quibus chorda coagmentatur. Imò in partibus unius & ejusdem filaminis. Cùm enim hujusmodi filamina & illorum particulae non sint singulae singulis omninò similes, nec similes arcus describant, sed aliquæ magis, aliæ minùs resistant tensioni, compressioni, constrictioni & dilatationi, dissimiles quidem, cùm post tensionem se reducant, Vibrationes efficient singulas suæ naturæ, ac suis viribus ac conatibus, seu arcubus proximè proportionales; quamobrem ex his peculiaribus minimarum partium similium & dissimilium chordam componentium arcubus, seu distractionibus & contractionibus componuntur minimæ vibrationes, ex quibus efformatur Motus ille tremulus, peculiaris & specificus, qui talem ac specificam soni differentiam opportunè parit. Simplex itaque & generalis soni idea undulationes totius corporis sonori eâ ratione postulare videtur, quâ aër simili quoque Methodo vibratus, modò ita densetur, modò reditu rareseat; specifica verò & peculiaris soni ratio hoc ulteriùs postulat, ut particulae minimæ corporis sonori similes & dissimiles, quarum aliæ magis, aliæ verò minùs ex dissimilibus earum arcubus tensioni, compressioni, constrictioni & dilatationi resistunt, componant peculiare Vibrationes ex motu partium minimarum similium & dissimilium compositas; ex quibus fit quidam specificus partium minimarum tremor, qui talem ac specificam soni differentiam sit producturus: inde cùm tam variæ fieri possint minimarum partium, seu arcuum distractiones & contractiones, & consequenter tam variæ

riæ vibrationes, seu tremores aëri communicandæ, tot soni differentiæ ab auribus humanis erunt diversimodè percipiendæ. Ex his itaque quærendum est, à quânam causâ sonus *gravis & acutus* habeantur. In hac re non pigeat prius experimentorum meminisci, vibrationes Chordarum esse in ratione longitudinum earundem. Ita doctissimus Hayr expertus est, Chordam tensam longitudinis pedum decem, si tempore unius minuti centum vibrationes absolvat, hujus dimidiam eadem ratione tensam eodem minuto secundo 200. vibrationes fuisse absoluturam. Acutus itaque sonus ille esse videtur, qui parvo tempore frequentiores vibrationes absolvit, non solum juxta rationem totius organi; verum etiam juxta rationem minimorum arcuum fibrillarum, quæ dum impelluntur, frequentius vibrantur; exigui propterea & brevissimi minimique arcus fibrillarum organi auditorii factò opportuno cum iis quæ dicta sunt Analogismo, dum parvo tempore frequentissimas distractiones & contractiones edunt, à quibus frequentissimæ emergunt vibrationes ac tremores, majorique conatu recedunt à situ suo naturali magis violentam tensionem patientur, acutum sonum edere debuerunt. E contra sonum gravem datura erit Auris humana cum majori tempore ac longiori pauciores fiant vibrationes organi & partium minimarum seu arcuum earundem, ob tardiores distractiones & contractiones elasticas earum, minoremque tensionem fibrillarum omnium.

36. Hisce præmissis contrahendo sermones nostros ad Aures humanas juxta Anatomicum aurium ordinem placeat ratiocinari; præter enim externum & flexuosum aurium apparatus occurrit *Meatus auditorius*; cavitas videlicet Cylindrico-elliptica; hæ obliquo suo ductu glandulis undequaque donata est, à quibus Cerumen continuo separatur; cum verò è glandulis eâ ratione separatum fuerit, ut ceruminis corpus naturalem Meatus auditorii obliquitatem mutaverit, undulationes aëris ultrò reflexæ, & quodammodo à lege naturalium undulationum declinantes, auditum si non invertent, saltem poterunt immi-

nuere. Clauditur autem Internus hic Meatus auditorius obliqua sectione à *Membrana Tympani* annulo Osseo affixa, cujus peripheria ellyptica est, & ex duplici membranaceâ expansione duræ Matris & cutis Meatus auditorii coagmentata est; auditorii autem Nervorum paris dura portio Tympano impertitur; hoc autem tenditur & laxatur à nerveis filamentis, & musculis, & ab ossiculorum determinatis motibus, quorum primus *Malleus* est; secundus *Incus*; Tertius *Os orbiculare*, & *Stapes* quartus, qui immediatè membranæ tympani succedunt. Operâ itaque musculorum, & talium ossiculorum eâ ratione ac legē tendi debet Membrana, non solum quod ad totum sui spatium, verum etiam quoad singula sui filamenta, ut æquabilis & homotona fiat undequaque membranæ tensio; hac autem lege æquabilis tensionis statutum à Natura est, oscillatione externi aëris, específicos impetus membranæ tympani communicare, à quibus cum distractæ fuerint, & in minimas curvas inflexæ, postmodum verò succedente motu contractionis específicos tremores, ac vibrationes parituræ erunt, primam naturalis auditus elaborationem opportuno principio donaturæ; quid autem de auditu timendum esset, si muscoli membranam tympani, & ossicula tendentes, aut nimio sero madefacti, aut paralyti affecti fuerint? quid timendum? si humida aëris temperies, si seri copia membranam laxaverint? Nemo ignorat, hisce Vitiis Membranam missâ naturali tensione æquabili, naturalique fibrarum parallelismo, non eas æquabiles distractiones & contractiones, & consequenter non eas vibrationes & oscillationes, non eos tremores excipere posse, qui específicos sonorum differentiis exequendis opportuni essent; quid ergo? obtusus meherclè fiet Auditus, confusus & hebes: pejus fortasse malum irruet, si convulsis hisce musculis membrana tympani supramodum crispata ac tensa constiterit: à Vibrationibus enim & oscillationibus frequentissimis exasperata Membrana feret soni acutiem, rigiditatem & asperitatem

Vitia Au-
ditus.

tatem ex quocunque levi aëris momento, & piæ Matris consensu dolorificam sensationem erit allatura. Redeunti ad naturalem Auditum animadvertendum est, Naturam, initio Auditûs, adeò de hoc rectè exequendo fuisse sollicitam, ut operâ muscutorum & ossiculorum internorum adeò disponere, ac naturaliter tendere voluerit Membranam tympani, ut non solum membranâ tota, verum etiam singulæ minimæ componentes fibrillæ homotonè & unisonè tendendæ ac disponendæ similiter essent: tanti porrò operis perfectioni juvat suspicari, fibras Membranæ tympani adeò naturaliter singulas esse similiter, homotonè & unisonè tendendas ac disponendas, ut si aëris externi oscillationes totum Membranæ spatium tangere, verberare ac inflectere aliquando non possint, Auditui tamen exequendo satis opportunè sufficiet, si unum tantummodò membranæ tympani filamentum ab aëre oscillante verberaretur; eâ fermè methodo, quâ experimur, chordas in eodem instrumento unisonè tensas, tremere tamen ac oscillare omnes unisonas debere, quantumvis una tantummodò ex unisonis Chorda tacta fuerit ac verberata.

37. Membranæ Tympani sua Cavitas correspondet, hæc sphærica est. In Tympani supernis partibus duæ occurrunt fenestræ, quæ in tympani cavitatem sese aperiunt; *Ovalis una, Rotunda altera*; *Ovalis fenestra* illa est, quæ à basi stapedis clauditur, eidem configuratione respondens, situm obtinet Tympani membranæ parallelum; per hanc videtur aditus ad Labyrinthi vestibulum; *Fenestra rotunda* incertam habet figuram, ut plurimum tamen ad circula-rem tendit, videturque membranæ tympani verticalis; à parte autem inferiore tympani proficiscitur *Tuba Eustachiana* transiens ad latera interiorum Nasi foraminum supra Uvulæ basin terminata. Utræque fenestræ *Ovalis & Rotunda* transitum donant interiori auris cavitati, quæ cavitas in osse petroso locata est, quæ *Labyrinthus* appellatur; hæc autem Labyrinthi cavitas tres in partes dividitur; in *Vestibulum* nempe, in *Canales semicirculares & Cochleam*; *Vestibulum*

stibulum est cavitas irregulari configuratione constructa, parietes undequaque ostendens concavos : In hac cavitate Vestibuli plura aperiuntur orificia, nempe orificium fenestræ ovalis, & quinque orificia canalium semicircularium, orificium cochleæ, & quinque orificia nervis aditum præbentia, atque ideò ab istis occlusa; secunda vero Labyrinthi pars, nempe canales semicirculares, hi in semicirculi modum incurvantur, numero autem sunt tres, quorum primus est canalis semicircularis major, secundus minor, tertius minimus; Cochlea autem tertia Labyrinthi pars eleganter Limacem Cochleam repræsentat sub specie Coni elaborata. Hujus cavitatis superficies non ex eadem substantiâ componitur, ac superficies cavitatis canalium semicircularium, quæ nempe durissimum os est; sed ex substantia ita friabili, ut in exsiccatis saltem auribus calcinatum os referat; canalis iste ope ejusdem septi in duos canales ita dividitur, ut canalis alter cum altero nullo pacto communicet: hoc septum, quod septum Cochleæ dici poterit, duplici constat substantiâ, solidiori unâ, molliori alterâ. Duo canales, in quos Cochleæ cavitatem ab exposito septo parti indicavimus, *Scala* nominantur, quarum una per fenestram rotundam respicit tympanum [& Tympani scala appellatur]; altera verò cum vestibulo communicat per orificium quasi ellipticum ad latus fenestræ ovalis situm inter hanc, & orificium proprium canalis majoris [hæc vero Vestibuli scala appellatur]. Scala Tympani superiorem situm obtinuit; scala verò vestibuli inferiorem &c. Ad actuandas autem & distandas Labyrinthi cavitates portio mollis auditorii nervorum paris descendit; in osse enim temporali & petroso excavatur nervorum auditoriorum canalis, quem non sine ratione in duplicem partitur, nempe in communem & particularem. Quinque ulterius nervei surculi in Vestibulo per membranam dilatati peculiari incessu membranaceo progrediuntur. Etenim à membrana vestibuli quædam aliæ membranæ procedunt, quarum singulæ diversum canalium semicircularium orificium ingrediuntur; ubi verò

verò membrana per unum canalis orificium ingressa, membranae per alterum ejusdem canalis orificium intranti percurrento occurrit, unam continuatam membranam ambae componunt; tales cum strictioris tæniolæ sive parvæ Zonæ figuram habeant, sintque Motibus sonoris excipientis tanquàm proprio sensorio destinatae, hinc à Celebrissimo Valsalva *Zonæ sonoræ* nuncupantur; hæ sunt numero tres, nempe totidem ac canales, eandemque cum istis obtinent longitudinem &c. Alibi autem docet doctissimus Auctor, Zonas has esse mollis auditorii nervi expansiones &c. Observat ulterius, Labyrinthum humore aqueo copiosè madefactum fuisse, & ab hoc patere aditum in palatum, ut aperto ore tribuendus sit aër, imminuta aurium officia reparaturus. Hæc omnia à Doctissimo Valsalva hinc inde colligenda, ac describenda esse opportunum censui, ut accuratiùs ea innotescerent, quæ Auris humanæ organo, ac officio intelligendo necessaria esse viderentur. Hisce præmissis liceat arbitrari, externum aërem à sono taliter motum undulationes ac tremores specificè contrahere, quæ membranam tympani tali ratione obliqui impulsûs urgeat, ut non solum membrana, verum etiam minimæ illius componentes fibrillæ inflecti, ac distrahi adeò teneantur, ut minimas curvas describant; filamenta autem membranæ tympani taliter inflexa ac distracta, cum elastica sint, conantur sese opere elastico momenti contractionis sese reciprocè restituere; quæ distractiones & reciprocae contractiones, cum específicos fibrillarum motus ac tremores efficiant, urgent, impelluntque simili impulsûs lege tria illa ossicula, quæ immediatè membranam tympani subsequuntur; hæc autem ossicula similiter mota & impulsâ motu quodam composito ex motu membranæ tympani & ossiculorum, movent ac sollicitant similiter filamenta nervea nervi auditorii per membranam tympani decurrentia; pariterque filamenta membranosa ejusdem paris vagi Labyrinthum investientia, & consequenter Zonas sonoras naturali lege unisonè tensas; ex quarum specificâ ratione motûs ac sollicitatione Auditûs sensatio

satio opportunè perficitur. Prodest ulteriùs actioni auditûs undulatio, oscillatio & tremor aëris illius, qui probabiliter per foraminulum membranæ tympani ingreditur cavitatem ejusdem, & ab hac per Labyrinthum excurrit; hæc enim aëris portio specificè mota à ratione Motûs compositi ex motu membranæ tympani & trium ossiculorum, undulationes excipit illis motibus proportionales ac unisonas; aër autem inclusus taliter motus, cum & ipse urgeat, ac sollicitationem adjuvet membranæ nervi auditorii, & Zonarum, jure auditûs operi auxiliaturus est. Itaque & ab his, quæ in organo Auditûs observata sunt, & ab experimento chordarum unisonè tensarum, quæ, etsi non pulsata, tamen isochronè & unisonè respondent illi chordæ unisonæ, quæ sola pulsata fuerat, probabilius credendum est membranam quoque elasticam nervi auditorii unâ cum Zonis sonoris donatam esse fibris ordine, texturâ & tensione similibus, & homologis fibrillis membranæ tympani, non solum juxta rationem totius, verum etiam juxta rationem minimarum fibrillarum singulorum filamentorum componentium; sic enim suppositâ simili & æquabili membranæ tympani compositione, texturâ & tensione cum fibrillis membranæ nervi auditorii & Zonarum, curvæ distractiones & contractiones membranæ nervi auditorii & Zonarum, cum in statu naturali similes & æquales fuerint curvis distractionibus & contractionibus membranæ tympani, operâ etiam adjuvante similis motûs aëris in Labyrintho inclusi, naturalem auditûs actionem ordinatam, consonantem & harmonicam efficient. Quamobrem ut naturalis Auditûs actio exerceatur, jure credenda est necessaria proportio æqualitatis, aut quasi æqualitatis, & similitudinis inter undulationes & tremores aëris externi, & undulationem & tremorem interni aëris in Labyrintho inclusi, & motum seu tremorem membranæ tympani, cum motu seu tremore membranæ nervi auditorii & Zonarum; ita ut esse debeat motus seu tremor aëris externi, ad motum seu tremorem aëris interni, ut

motus

motus seu tremor membranæ tympani unâ cum ossiculis ad motum seu tremorem membranæ nervi auditorii & Zonarum; verùm cùm motus membranæ tympani & ossiculorum determinetur à Momento, & sollicitatione ac tremore aëris externi; ideò motus membranæ tympani & ossiculorum erit motui aëris externi proportionalis; pariterque cùm motus seu tremor membranæ nervi auditorii & Zonarum determinetur à motu aut tremore membranæ tympani, & trium ossiculorum unâ cum aëre in labyrintho incluso, propterea licebit arguere permutando, quòd motus seu tremor aëris externi sit ad motum seu tremorem membranæ tympani & ossiculorum, ut motus seu tremor aëris interni & inclusi ad motum seu tremorem membranæ nervi auditorii & Zonarum; hæc quidem in statu naturali probabiliter sunt judicanda. Verùm si minimæ fibrillæ membranæ elasticæ nervi auditorii & Zonarum, aut vitio sui, aut Menyngum, aut fluidorum per cæcos aurium canaliculos fluentium, aut vitio interni, aut externi aëris non fuerint ordine, texturâ & tensione similiter positæ; ita ut tales curvæ distractiones & reciprocæ contractiones seu tremores fibrillarum earundem non eâ ratione ac proportionem fuerint similes & æquales, aut quasi æquales tensionibus, tremoribus, aut curvis distensionibus, & reciprocis contractionibus minimarum fibrillarum membranæ tympani, & trium ossiculorum; cùmque fibrillæ componentes non eum servant naturalem parallelismum inter se cum naturali positione angulorum earundem; tunc meherclè cùm membrana tympani & tria ossicula non debitâ proportionem, motu ac positionem membranæ nervi auditorii & Zonarum respondeant: nec vibrationes ac tremores similes & isochronæ, aut fortasse nec in opportunâ proportionem harmonicâ fuerint inter se, sonus & auditus confusi, indistincti & dissonantes erunt futuri. Quamobrem cùm membrana nervi auditorii & Zonæ sonoræ piâ Matre undequaque induantur, & hæc cum fibrillis Cerebri, à quâ vestiuntur eminentem communionem habeat, feret sensationem

nem in Animâ ineptam, indistinctam & dissonantem, ut Anima ipsa sonos ineptè & dissonanter percipiat & judicet. Arteriæ carotides, & jugulares venæ, & lymphatica vascula aures undequaque irrigant; cùm autem hi meatus sanguine, aut sero irrigati, & membranæ fluidis extraneis madefactæ fuerint, filamenta illa inæquali succorum pondere ac mole repleta, erunt, ut aliquando convulsa fiant, mutatoque earum parallelismo longitudine & crassitie inæqualia, & ab inæqualibus aëris, aut fluidorum heterogeneousorum dissimilibus conatibus inæqualiter tensa ac distensa consistent; cùm autem fibrarum curvæ distensiones sint proximè in ratione composita ex directâ potentiarum tendentium, directâ longitudinum & reciproâ crassitierum earundem; nemo dubitaverit membranarum, aliarumque partium fibras mole, pondere, crassitie ac longitudine, & consequenter distensione & contractione inæquales & asymmetras esse futuras; non ergo sperandum est, harum curvas distractiones & contractiones reciprocas fore inter se isochronas, similes & homologas, sed absque ulla proportionem harmonica dissimiles, inordinatas & asymmetras. En ergo confusus, hebes & dissonans auditus! en ex inæquali aëris motu, impetu asymmetro, tremore & reflexione sibilus & tinnitus! en gravis & molesta sensatio!

38. Delectationi Animalium præstat potissimum Odoratus, hic à membranâ quâdam Narium cavernulas investiente in officio est; hæc ex Nervis primi paris olfactoriis per os cribrosum, & narium cavernulas opportunè expansis composita odoratûs Organum determinare videtur; Verùm cùm Odores sint subjecta odoratûs, & odores à corporibus undequaque citissimè effluant, Natura rei postulare videtur, nos prius de horum corporum effluviis acturos esse. Itaque, qui Boylei Experimenta è limine salutaverint, non ignorabunt, quælibet corpora composita cujuscunque Regni Vegetabilis, Animalis & Mineralis continua effluvia quaquaversus emittere, quæ juxta vires ac momenta propriæ Atmosphæræ odoratûs organum

Organum modò suaviter , modò molestè sollicitant. Ut autem commodius ac clariùs hæc res agitata opportunè elucescat , consultum fuit à melioris notæ Philosophis præsupponere , Corpora quælibet respectu sui suum totale centrum obtinere , quod tamen centrum parziale esse debuit respectu terræ. Unicuique itaque corpori , ut Planetis omnibus evenit , sua circumjacet Atmosphæra viribus ac momento corporis proportionalis , quæ ab effluviis quaquaversus à corpore effusis composita sphaericam superficiem describere credita est ; hujusmodi effluvia per peculiarem atmosphæram effusa viribus ac momento differunt juxta rationes homologas densitatum eorundem ; verùm cum densitates effluviorum per varias superficies circulares atmosphære sint reciprocè , ut spatia , quæ ab ipsis effluviis occupantur in superficieribus circularibus ejusdem , spatia autem ab ipsis occupata sint reciprocè ex Geometricis in ratione duplicatâ , seu ut reciprocè quadrata distantiarum à centro corporis ; utique vires , momenta ac densitates effluviorum per superficies circulares Atmosphæricas eorundem erunt reciprocè in ratione duplicatâ , seu reciprocè ut quadrata distantiarum à centro corporis. Quamobrem ex his manifestum videbitur , in distantiâ effluvii linearis ut 2. à centro corporis ad distantiam effluvii linearis ut 3. à centro ejusdem , vires , momenta ac densitates Atmosphære effluviorum futuras esse reciprocè ut 9. ad 4. Itaque vis , momentum & densitas effluviorum distantium ut 2. à centro corporis erit ut 9. & vis , momentum & densitas effluviorum distantium ut 3. à centro ejusdem futura erit ut 4. nempe ut reciprocè quadratum distantiae 2. ad quadratum distantiae 3. Si itaque à quibuscunque punctis distantiarum à centro corporis crescentium in ratione Arithmeticâ , quæ accipiantur ut Asymptoton , ducantur lineæ perpendiculares inter se parallelæ , sed eâ ratione Geometricâ decrescen- tes , quâ vires ac momenta effluviorum decrescunt in ratione duplicata distantiarum à centro reciprocè , seu in ratione reciprocâ quadrati distantiarum ab eodem centro ;

& ab extremitatibus linearum parallelarum ductarum ducatur linea; hæc linea ducta erit logarithmica, seu curva Hyperbolica aut saltem generis Hyperbolici futura erit. Juxta has motuum proportionem à centro corporis, unde citissimè exeunt, moveri & agere effluvia contra sensoria videbuntur; num verò, & quâ ratione effluvia à corpore eminùs delata, ad corpus unde effluxerant, tanquam ad suum totale centrum opportunè [ut nonnulli Philosophi putant] restitui possint; hoc quidem tam anceps, tam lubricum est, ut nostrum præcurrat ingenium. Multi tamen opinati sunt, effluvia corporis, cum eminùs delata fuerint, quorum momenta, vires ac densitates eâ ratione notabiliter decreverint, quâ suprâ proximè determinatum est, necessariò occurrere & incidere in Atmosphæram æream, seu ambientem ærem, cujus cum vis, momentum & densitas multo major sit vi, momento ac densitate effluviorum corporis eminùs delatorum, meherclè vis, momentum & densitas æris ambientis eò fortior & validior futura erit ad impellendum, quo atmosphæra corporis debilior, iners, minùsque densa facta fuerit ad resistendum, quotiescunque notabiliter à corpore distaverit. Itaque cum vis, densitas & momentum æris ambientis majus fuerit momento atmosphære corporis, momentum æris ambientis magis urgebit effluvia corporis versus plagam, unde decesserant, propter effluviorum resistantiam minorem æris ambientis atmosphæram; cum ergo momentum æris ambientis habeat rationem majoris inæqualitatis respectivè ad momentum atmosphære corporis, & vicissim momentum atmosphære corporis in notabili distantia ab eodem corpore habeat rationem minoris inæqualitatis respectivè ad momentum æris ambientis, cogetur atmosphæra corporis in notabili distantia ab eodem cedere vi & momento æris ambientis. Quamobrem cum effluvia corporis impedita ultrò progredi non possint, inclinatis directionibus vorticoso, aut spirali quodam motu revertere ferè omnia conabuntur, unde primo decesserant, ut iisdem, similibusque corporis

corporis porulis restituta corpus quodlibet pro datâ lege Universi conservarent; sed non vacat hæc tam incerta, tam obscura meditari. Certum quidem est, juxta vires, densitates ac momenta effluviorum è corpore in datis rationibus proximè exeuntium fibras membraneas & nerveas odoratûs variis rationibus esse sollicitandas. Membrana itaque & fibræ nerveæ Organi Odoratûs tali, determinatâque Texturâ elaboratæ, non solum ratione totius, verum etiam ratione minimarum partium membranarum, fibrasque nerveas componentium sollicitatæ determinatam quandam lineam curvam describunt, vi cujus peculiaris & specifica non tantum totius membranæ elasticæ, totiusque fibræ nerveæ, verum etiam quarumcunque minimarum fibrillarum elasticarum talis curva distractio & talis reciproca contractio exerceri debet; suspicari ergo si liceat, hanc quoque curvam distractionem logarithmicæ, aut hyperbolicæ similem, aut generis hyperbolici esse futuram. Cum enim (ut supra indicatum est) variæ distantiae à centro corporis odorati accepta ut Asymptoton crescentes in ratione arithmetica habeant vires, momenta ac densitates effluviorum reciproce decrescentes in ratione geometricâ; nempe reciproce, ut quadrata distantiarum à centro corporis, quæ designantur à transversis parallelis ductis à quibuscunque punctis distantiarum à centro corporis odoriferi, & ab extremitatibus omnibus harum linearum intelligatur ducta quædam linea; hæc linea futura erit curva, quæ ad logarithmicam, aut ad hyperbolicam lineam pertinere videbitur; sic probabiliter concipi ac fieri potest, Membranam nervi olfactorii oblique tactam ac impulsam à viribus, momentis ac densitatibus effluviorum geometricè decrescentibus, juxta rationes reciprocas distantiarum à centro corporis odoriferi arithmetice crescentium incurvari ac inflecti taliter debere, ut Membrana sese disponat ad lineam quandam curvam logarithmicæ, aut hyperbolicæ, aut generi hyperbolico similem describendam; verum cum hujusmodi curvæ

adeò minimæ sint , ut à tangentibus ferè non differant , si à nobis videri potuissent , satis mihi est hæc probabiliter innuisse , ut tantummodò innotescat , à quantis minimis membraneorum ac nerveorum filamentorum motuum differentiis tot eminentes Animæ sensationes , (tàm minimas motuum ac figurarum differentias usu ac habitu factò sentientis & percipientis) continuò exercean-
 tur. Membrana itaque nervea obliquè impulsà ac densitatibus geometricè decreſcentibus , determinatam curvam distractionem patitur ; postmodùm verò naturali nisu elastico contractionis restituitur. Cùm autem tales motus elastici distractionis & contractionis componantur ex rationibus momentorum corporis odori impellentis , longitudine fibrillarum & reciproca crassiti-
 erum earundem ; hi Motus cum tali determinatâ curvâ agentes , taliter sollicitando piam Matrem , quâ fibræ nerveæ odoratûs undequaque vestiuntur , & ab hoc eminenti consensu communicatâ sollicitatione correspondenti-
 bus fibris Cerebri ab eadem membrana circumseptis specificam rationem , actionem , sensationem videlicet organi odoratûs componere probabiliter videbuntur , à quibus motuum differentiis Anima excitata rationes odorum sentire ac judicare teneatur. Quotiescunque autem filamenta membranosa ac nervea organi odoratûs ,
 aut paralytica fuerint , aut convulsa , aut gravata succis heterogeneis , tunc cùm horum tensiones præternaturales , aut nimium laxæ fuerint in paralyticis , aut nimium contractæ in convulsis , aut inæqualis magnitudinis & crassitiei ; ut in gravedine seu oryzâ ob succorum de-
 positorum impuritates , mecherclè vitio organi effluvia corporis odorati cùm non eâ lege ac momento Motûs ac percussione , ut suprâ exposuimus , proportionali , aptè urgere possint ac sollicitare odoratûs organum ; cùm-
 que fibræ organicæ præternaturales non eum naturalem parallelismum servant inter se , nec non naturalem angulorum æqualitatem , odoratûs actio aut depravata fiet , aut imminuta , aut nulla ; sic aliquando etiam hæc vitia
 contin.

Vitia
 Odoratus.

contingere consueſcunt, cùm aut glandularum obſtructione, aut cùm Os cribriforme fluente nimis muco læſione aut obſtructione correptum fuerit, aut cùm à materiâ quadam polypoſâ narium cavitates fuerint impeditæ.

39. Senſui odoratûs affinis eſt jucunda Senſatio Guſtûs, quâ ea, quæ aut cum cibus, aut potionibus in ſtomachum ingeruntur, aut amica, aut inimica, Naturæ & ſtomacho ab Animâ judicantur; Senſationi autem Guſtûs potiffimùm inſervit Lingua, cui quoque tota & palati & œſophagi peripheria auxilio eſt; num autem lingua ſit Muſculus, ut putavit Warthonus, ibi non quæro, nec diſputo; certum tamen eſt, ſex muſculorum paria linguam quaquaverſus movere, ut multiplicibus linguæ motibus, innumerisque vocum ordinibus opportunè inſervirent. Philippus autem Verheyen cap. 17. ſuæ Anatomies nuper edocuit: *Superius linguæ planum in plurimas areolas eſſe diviſum à quibusdam ſulcis ſeu foſſulis valdè inæqualibus, & in diverſis ſubjectis admodum diverſis; In dictis areolis ſeu ſpatiis, quæ ſulcis iſtis circumſcribuntur, notare licet potiffimùm tres colliculorum ſpecies, quarum primam conſtituunt glandulæ, quæ in parte antica linguæ, ſemen ſinapis magnitudine vix ſuperant, & poſteriora verſus ſenſim augentur: in vivis pellucidæ ſunt, humoreque ſalivali refertæ, quem pro linguæ humectatione in ejus ſuperficiem deponunt; ſecundò glandulis copioſè interſperſa ſunt corpora quædam dura extremitatibus unguium avicularum non multum abſimilia, quæ in linguæ planum eminent, & modicè incurvata verſus partem poſtერიorem ſeſe inclinant; hæc corpora plerumque deſinunt in ſimplicem cuſpidem, nonnulla tamen reperiuntur biſida; tertio in ſuperiori linguæ plano etiam notantur corpora penè rotunda majoris ambitûs, quàm præcedentia, & non ita in Cuſpidem elevata; cedunt quoque illis tam numero, quàm duritie; videntur autem hæc corpora facere ad ſenſationem guſtûs. Sed ante Verheyen Celeberrimi Viri Malpighius & Fracaſſatus in Epiftolis ad immortalẽ Alphonſum Borellum conſcriptis priùs oftenderant, Linguam humanam ſuis papillulis aut pyramidalibus, aut conicis eſſe elaboratam, quæ numeroſiores*

merosiores in Vivente , ac spiritu turgidæ observantur , racemoso invicem coalitu sese prodentes , potissimum facto agmine versùs apicem linguæ , minùs verò cum ad inferiorem linguæ partem declinaverint. Has autem papillas , nerveas esse appendices Anatomica Autopsia satis evincit ; hæ nerveæ papillæ cùm ciborum masticatione , pressione & affrictu , adjuvante salivâ è glandulis linguæ & palati undequaque naturaliter expressâ diversis motuum rationibus tangantur ac sollicitentur , affectionem gustûs probabiliter excitant ; Gustus itaque affectio à ratione Tactûs nullo modo dissentire videtur. Hæc quàmvis in genere veritati assentiri videantur , nihilominùs apud plerosque constat , específicas gustûs affectiones seu determinatos Sapores à determinatis salium figuris papillas nerveas taliter sollicitantibus habendos esse ; variæ siquidem Saporum species à variis salium configurationibus à plerisque Philosophis habitæ sunt ; ut autem hanc rem Experimento potiùs , quàm ratione acquireret celeberrimus Gassendus è Democriti cineribus atomorum doctrinam excitaverat. Itaque hæc philosophatus est. (a) *Is non incongruè definiat , qui rotundas esse , congruâque mole atomos , quæ dulcem faciunt saporem ; magnâ figurâ , quæ acerbum ; multangulâ , minimèque orbiculari , quæ asperum ; acutâ conica incurva non tenui , non rotunda , quæ acutum ; orbiculata ; tenui angulata , incurva , quæ acrem ; angulata , distorta , crurumque æqualium , quæ salsum ; rotunda , levi , distorta , pauca , quæ amarum ; tenui , rotunda , parva , quæ pinguem &c. Verùm cùm hujusmodi Experimenta & figurarum salinarum Observationes non id certi referant , quo salina corpora tantummodò sapores referre judicentur ; cùm hi etiam à sulfure & variâ miscelâ salium , sulfurum , aliorumque corporum haberi plerumque possint ; propterea in tam ancipiti re contentus fuero generali ratiocinio suspicari , sapores promiscuè à salium , sulfurum , aliorumque corporum superficiebus papillas nerveas sollicitantibus esse orituros. Ex hac generali ideâ , cur non liceat específicos sapores quæ-*

rere

(a) Fracassatus pag. 194. de lingua.

rere à determinata salium, sulfurum, aliorumque corporum commixtione? Fateor quidem usque adhuc ignotum esse, qualis futura sit horum corporum specifica mixtio, ut Specifici Sapores verè habeantur; Verisimilitudini tamen accedit, *Dulcem saporem* à ratione æqualitatis inter miscelam salis & benè concocti seu depurati sulfuris, aut ab aliquali sulfuris prædominio supra salis, aliorumque corporum momenta posse dimetiri; sic *Amarum* fortassè fiet, cùm nullum sulfur; aut si sulfur adustum & acre cum majori ratione salis, aliorumque corporum, quibus omnibus inest inæqualis & aspera superficies, mixtionem effecerit: *Insipidum* verò, cum crudo sale & sulfure compositum fuerit corpus; aut si cum majori aquæ portione minima salis & sulfuris quantitas miscelam fecerit: *Acerbum verò aut Austerum* à crudo sulfure & sale, cujus octaëdrica, aut Parallelepipedà Rhomboidéa fuerit superficies, videtur esse elaborandum. Ex variâ itaque mixtione corporum inter se varii, cæterique emergent Sapores, eâ videlicet ratione homologâ, quâ ex diversis linearum luminis densitatibus, unâ cum variis refractionum gradibus varios colores oriri experimur; hæc enim corpora invicem commixta, & salivali humore opportunè dissoluta papillas nerveas sollicitando in ratione compositâ ex numero salium, sulfurum, aliorumque corporum, momento eorundem, & ratione salivæ, quâ universa hæc corpora penetrantur & madefiunt, papillis taliter inflexis, aut incurvatis diversas in Linguâ saporum rationes afferre consuescunt. Ab hisce papillarum motibus communicatâ Sensui Communi seu piæ Matri, quæ & linguæ papillas & fibras medullares Cerebri consentientibus fibris investit, opportunâ & specificâ fibrarum medullarium sollicitatione varii Sapores Animæ offeruntur sentiendi & judicandi.

Vitia Gu-
stûs.

40. Impuro itaque sanguine, si plurima corpora in glandulis linguæ deponantur, quæ excretoria harum oscula obstruat, meherclè salivâ impeditâ are scent linguæ filamenta, & nerveæ papillæ are scent non eâ facilitate

moveri, inflecti & incurvari poterunt, quâ in naturalibus saporibus opportunè deferendis fieri debuisset; Saporibus itaque aut imminutis, aut obliteratis ægri de Nauseâ, cibi fastidio, consentiente etiam stomachi membranâ, ut in febribus familiare est, molestissimè conqueruntur; sapissimè biliosis particulis lympham & sanguinem plus justo decurrentibus, si in hæc vascula & glandulas salivales hæ biliosæ particulæ evomantur, ab acri & asperâ biliosorum corporum superficie sollicitatis molestè nerveis papillis sapor amarus ingravescit; sæpè ab acri & caustico sale salivæ irritata & paulatim erosa linguæ filamenta, fistulæ, ulcera & scissuræ superveniunt, & aliquando à veneficâ vitriolici corporis metastasi Cancris linguam horridè lacerant. Notum iam est, salivâ muriaticis salibus repletâ ob papillarum nervearum peculiarem sollicitationem, aut ariditatem earundem sitire Animalia graviter debere; probat Autopsia, plurimas sordes humorum per linguæ glandulas separari; cùm pluribus in morbis crustæ diversæ indolis, ex variâ humorum præternaturalium hypostasi supervenire videantur. Mira quidem Linguæ indoles, quæ non tantùm conceptus Animi voce & sono exprimit; verùm etiam bonas & malas corporis affectiones affabrè indicare apta est; unde Hippocrates in quibuscunque morbis acquirendis, aut judicandis jure merito observandam esse docuerat.

41. Immortalis Animæ dignitas hoc exigere supra modum visâ est, ut quatuor Sensoriis in Capitis regione prout digniori Animæ sede exercendis dotaretur; uno tantùm sensu Tactûs superstite, qui toti animali communis undequaque exerceri posset. Immortalis Malpighius, qui hanc rem de externo tactûs organo Anatomicè agitaverat, certiores nos fecerat, pyramidales Papillas è nervoso ac reticulari corpore progenitas per universam cutim effusas, & è cuticulâ erumpentes Tactus Organum esse futuras. Hisce autem pyramidalibus papillis adstant undequaque per totam cutis superficiem Glandulæ miliares, à quibus lymphæ & sudor erumpere consuevit, non tantùm communi

muni utilitati Naturæ, verùm etiam ne papillæ pyramidales vitio tactûs arescerent. Monendum autem, affectionem Tactûs aliquibus in partibus acutiorem esse, aliquibus verò obtusiorẽ fuisse, determinatâ lege sensûs à majori, aut minori numero papillarum pyramidalium è cuticulâ erumpentium, quarum operâ corpora calida & frigida; solida & fluida; dura & mollia &c. dignosci potuissent; ex vario siquidem objectorum momento varia exercetur papillarum curvitas, varia flexio, variusque inclinationis gradus, quæ Rationes Motuum per membranas papillas investientes communicatæ consensu fibrarum medullaribus cerebri fibrillis, Motibus æqualibus, aut proportionalibus sollicitant Animam, ipsisque compenetratam homologè urgent & excitant, quibus objecta sollicitantia sentire & judicare Anima teneatur. Non diu itaque laborandum esset, cùm Vitia tactûs habere voluerimus, effusis enim in miliares cutis glandulas fluidis, aut acris, aut muriatico sale & adusto sulfure repletis, molestè irritantur extimæ cutis & cuticulæ fibrillæ. Hinc ex balsamici sulfuris defectu graves pruritus, cutis asperitates, turpes pustulæ, & guttæ rosaceæ emergent. Ulterius ex vitriolici, aut aluminosi salis additamento, & juxta majorem salis falsi, acris & acidi ubertatem Lepræ, & variæ veneficæ serpigines ingravescent; ex his à stagnatis Humoribus obstructæ glandulæ miliares innumera Cutis Vitia generari videntur, inter quæ cutis nigredines & porrigines, Ephelides & lentigines varii generis &c. Sed pejus omen esset, si paralyti afficiantur nervea illa filamenta, quæ ad extimam cutis superficiem delata papillas pyramidales mirè texunt; enim verò nerveæ hæ papillæ communicatâ sibi affectione paralyticâ cutim sine sensu reddunt, aut saltem stupidum, obtusum, & hebetem, quod majoris semper Morbi omen esse plerumque experti sumus.

42. Cum plurima Cutis Vitia à fluidis non satis oportunè, aut nimium transpiratis oriri frequentissimè possint, ibi datâ loci oportunitate breviter de transpiratione nonnulla dicere æquum erit. Per poros itaque

cutis transpirare animalia quælibet satis superque notum est; excernuntur enim per poros cutis continuo motu corpora cujuscunque generis, quæ per innumeram glandularum internarum familiam separari opportunè non potuerunt. Tanto operi præstat potissimum *Motus internus fluidorum*; secundò *aëris ambientis caliditas & rarefactio*; tertio *uberrima salium dissolventium quantitas, à quâ fluida animalium sæpissimè dissolvuntur*. Hæc tria si opportunâ ac debitâ ratione fiant, aptè ac naturaliter transpirabit animal; cæterum iniqua transpiratio fiet, si hæc aut minùs, aut magis operentur. Ad primum ergo quod attinet; *Motus internus fluidorum* à causis internis, sed potissimum externis excitatus calorem afferens transpirationem ultrò promovere consuecit; Cùm enim calor sit ut impressiones particularum corporis calidi in quopiam objecto corpore calorem excipiente, quotiescunque sulfureæ particulæ ad statum volatilitatis evectæ fuerint, salinas quoque & fibrosa sanguinis filamenta violentissimè agitant; cùm verò agitationes seu impressiones particularum sulfurearum in cætera fluidorum corpora sint proximè in ratione composita ex duplicata velocitatum, & simpla densitatum particularum sulfurearum, manifestum est quantum exalto supra modum sulfure universæ fluidorum particulæ agitari violentissimè teneantur; ex violentissimo autem Motu particularum omnium atteruntur corpora inter se, & fibrosa fluidorum filamenta scinduntur, & soliditas eorundem enervatur; sic rupta attenuata & enervata corpora & citissimo motu agitata miliares glandulas quantitate majori undequaque replent, ut Momento motûs continuatâ & adauctâ proportionaliter velocitate fluidorum, uberrimâ transpiratione per poros seu per excretoria glandularum miliarium vasâ, ut in febribus sæpissimè evenit, inauspicatò egredi teneantur. Hac Methodo plus justo transpirat animal; à quâ violentâ & uberrimâ transpiratione aliquando boni effectus, sæpissimè mali enervatâ Naturâ superveniunt; Si hæc ab excessu transpirationis quid à defectu timendum erit? Meherculè

herclè ex deficiente transpirationis operâ ob densitates & vitriolicas, aut aluminosas corporum configurationes, aut ob cutis constipationem icteritiæ flavæ, aliquando nigræ, podagræ & innumerae cutis affectiones elaboratæ vitia cutis parturient. Secundò prodest vehementer transpirationi *Calor externus*, quo aër rarefit, rarefactus enim non illud momentum pressionis exercet supra extimam superficiem animalis; unde cutis animalium minùs pressa ad majorem superficiem dilatata & extensa finit quoque miliares glandulas magis dilatari & extendi; cùm autem miliares glandulæ in eo statu minoris dilatationis, quo aër minus rarefactus majori momento premit, ad eum statum majoris dilatationis, quo aëre magis rarefactus minori momento pressionem efficit, sint ut solida similia; hæc autem crescant in ratione triplicata suarum Diametrorum; utique in glandulis dilatatis ab aëre magis rarefacto id spatium futurum erit continendis fluidis aptissimum in proximè triplicatâ ratione suarum diametrorum; quamobrem si Diameter glandulæ miliaris in statu minoris dilatationis fuerit ut 1. diameter verò ejusdem in statu majoris dilatationis fuerit ut 2. erit quantitas fluidi contenti in glandulâ minùs dilatatâ, ad quantitatem fluidi contenti in glandulâ magis dilatatâ proximè ut 1. ad 8. Octupla itaque quantitas fluidi continenda proximè erit in glandulâ miliari, cùm aëre magis rarefacto hæc futura fuerit in statu majoris dilatationis. Præter hæc cùm sectiones excretoriæ pororum glandularum miliarium cutis dilatentur & extendantur & ipsæ in ratione duplicatâ suarum diametrorum, erit sectio pori, seu canalis excretorii glandulæ dilatatæ ut unum in aëre minùs rarefacto, ad sectionem ejusdem pori dilatati ut 2. in aëre magis rarefacto ut 1. ad 4. quare quantitas fluidi lymphatici ut 8. contenta in glandula miliari in statu majoris dilatationis transitura erit è sectione ut 4. canalis extretorii, seu pori ejusdem glandulæ. En itaque cæteris paribus ab aëre vi caloris rarefacto, cujus opere proportionaliter rarefacta extenditur cutis superficies, major fluidi quantitas in glandulis miliaribus,

ribus , & major fluidi exitus per magis apertas sectiones pororum seu canaliculorum glandularum earundem ; videlicet en necessitas majoris transpirationis ; sic æstivo tempore & in Hypocaustis major sudor & transpiratio ; hinc ex nimia lymphæ exeuntis , & transpirantis copia debilitas & languor ; hæc tamen si cum conferentiâ & tolerantia animalium opportunè fiant , secundæ res erunt ; cæterum gravi Naturæ fato futurum erit , si excessu transpirationis animalia deficere videantur ; hæc quantumvis gravia sint , graviora tamen aliquando contingent , si excedens externi aëris frigiditas , aut nimia cutis densitas , transpirationis impeditæ vitium fecerint ; etenim in adultis potissimum cutis densior facta & aëris frigiditas , Variolas , Morbillos & Peticulas facillimè prohibent , ne liberi transpirationis motu egrediantur ; hinc stagnatis in cute Humoribus fit prava particularum mixtio , quæ veneficos effectus afferens , ea trahit secum damna , quæ mortis periculo ut plurimum exsolvuntur. Tertiò transpirationis vitia affert *uberrima salium quantitas* ; etenim in pluribus morbis , sed potissimum in Hecticis fluidorum filamenta cum salinis plus justo particulis associata fuerint deficiente balsamico sulfure , ab his in Motu fluidorum circa proprium axem continuo rotantibus , asperis , inæqualibusque superficiebus , quibus undequaque circumscribuntur , ægerrimè lacerantur. Dissoluta autem & rupta filamenta sanguinis naturalis mixtionis vitio nullo aggere , nullo vinculo Serum frenant ac muniunt , quin summâ libertate , tenuitate ac motu fluens copiosius & velocius in miliares glandulas , ab iis uberrimâ transpiratione per cutim exeat , sudores ægerrimos & molestissimos allaturum ; hinc Macies & tabes , languor & deliquia superveniunt Hæc & plurima alia tum à defectu , cum ab excessu transpirationis cutis vitio evenire possunt incommoda , quæ toti animali communicata , fluida & solida summo Naturæ damno evertere poterunt. Hæc breviter de morbofis solidorum motibus sufficiant , Mechanici tamen morborum Operis complemento proderit , si denique Mechanicam Morborum desumptam à Motu febrium Deo juvante ageremus.

Finis Secundæ Partis.

I N D E X.

A.

- A** Poplexia 34.
Anima organis compenetrata est. 36, 37.
apta est dirigere, extendere &c. machinulas Sphæroidales musculorum 42. &c.
Auditus sensatio 87. &c.
Vitia 88. & 89.

B.

- B**ellinus laudatus pag. 3.
Borellus Alphonsus laudatus pag. 5.
Bernoullius laudatus pag. 5.

C.

- C**ontractio, & distractio fibrarum naturalis & præternaturalis.
pag. 5. &c.
Cephalæa, Cephalalgia quomodo fiant? pag. 11. & sequent.
Convulsio & Motus convulsivi quomodo fiant? 16. &c.
Cur sine dolore. 17, 18. &c.
Cur cum dolore? 20, 21. &c.
Capitis vulnera in parte dextrâ, cur afferant convulsionem in sinistram partem? & è contrâ. pag. 22. & 23.
Coma & Carus. pag. 48. Coma vigil. 49.
Cæci cur longævi sint? 78.

D.

- D**olor quomodo fiat? pag. 9. 10.
Discursus & Ratiocinatio 54.
Delirium 58.
Duplicatio objectorum 76.

E.

- E**mprosthotonos pag. 26.
Epilepsia cum dolore, & sine dolore. 28. & 29.

F.

- F**Antonius Johannes laudatus. pag. 34.

G.

- G**utta serena. pag. 78.
Gustûs sensatio. 96.
Vitia 97.

H.

- H**ermannus Jacobus laudatus. pag. 4.
Hemicrania. pag. 12.

I.

- I**maginatio 54.

L.

- L**egatus. pag. 48.
Lana Franciscus laudatus. 81.

Motus

M.

Motus Solidorum ab actione cerebri pag. 1.
Motus contractionis & distractionis. pag. 2. & 3.
communis est omnibus fibris 4.
quomodo fiat? 6. 7.

Michelottus Petrus Antonius laudatus. pag. 6.

Morgagnus Johannes Baptista laudatus. 26.

Motus fibrarum cerebri, alter absolutus, alter relativus 53.

Memoria quomodo fiat. 55.

Mania. 61.

Melancholia. 64.

Maculae seu Muscae volantes. 73.

N.

Newtonus Isaacus laudatus 4.

O.

Opihotonos pag. 26.

Oscillationes Solidorum eruuntur 27. 28.

Ophthalmia 78.

Odoratus sensatio & vitia 93, 94.

P.

Pachionus laudatus. pag. 12.

Paralyfis 36, 37. & 45. &c.

Pia Menynx haberi potest pro sensus communis organo 38.

Polenus Johannes laudatus. 39.

Phantasmata quænam sint? 52, 53.

Phrenitis 60.

R.

Risus Sardonicus pag. 27.

Reminiscentia quomodo fiat? 55.

Roncillus Franciscus laudatus. 67.

S.

Spasmus Cynicus 27.

Stabismus 27.

Sonus quomodo fiat? 78.

Soni velocitas 79.

Sonorum diversitas 81. & seq.

Sapores quomodo fiant? 96.

T.

Tetanos pag. 24, 25.

Tremores unde? 29, 30, 31, 32. & seq.

Tactus vitia 99.

Transpiratio & vitia transpirationis 100. & seq.

V.

Vallisnerius Antonius laudatus pag. 23.

Vertigo 50.

Valsalva laudatus 87.

F I N I S.

MECHANICA
MORBORUM.

ADAMANT

ALUMINUM

MECHANICES MORBORUM

DESUMPTÆ

A MOTU FEBRIUM,

AUCTORE

JOANNE BAPTISTA
MAZINO

Philosopho & Medico Brixiano,

PARS TERTIA.

Editio secunda post Brixianam primam
diligenter correctæ.



OFFENBACI AD MOENUM,

Veneunt apud JOH. LUDOVICUM KOENIG, Bibliopol.

M DCC XXXI.

*Cum quatuor illa sint, ex quibus compositum est
Corpus, terra, ignis, aqua, aër, horum natu-
ralis excessus, defectusque, & ex proprio loco
in alienum translatio, per quam, quod sibi
conveniens est non tenent, intestinam quandam
seditionem, & morbos inferunt; quando enim
præter naturam unumquodque sit, aut trans-
fertur, calescunt utique, quæ non frigebant,
arida madent, graveſcunt levia, & cætera om-
nia similiter permutantur; solummodò verò
idem aliquid sibimet secundùm idem, atque si-
militer, & debita proportionè servata accedens,
vel decedens, permittet se idem sibi ipsi sospes,
integrumque manere, quod autem aberrat, si-
ve accedendo, sive decedendo mutationes va-
rias, morbos, corruptiones infinitas inducit.
Plato in Timæo.*



DEDICATIO.



AMPLISSIMO SENATORI
ALOYSIO PISANO
EQUITI,
ET
D. MARCI PROCURATORI.

JOANNES BAPTISTA MAZINUS
D. D. D.



*I quis in divulgandis operibus
suarum artium apud homi-
nes gloriari potest, ego is sum, qui in libello hoc
§§ de*

D E D I C A T I O.

de Mechanica Morborum defumpta à Motu Fe-
brium tuum præstantissimum Nomen inscripsi,
eundemque ipsum Tibi *SENATOR AM-
PLISSIME* consecravi: neque tamen ad de-
cus atque ornamentum harum lucubrationum
Familiae tuae splendorem, nobilitatemque prædi-
co; non rerum gestarum gloriam, non omnes ho-
nores, qui tum Venetiis, tum Romæ Generi dela-
ti sunt Tuo, non Heroas commemoro, qui ob
virtutem, gloria & laude vivunt. Hac tam
magna, tam illustria, tam singularia, ii dunta-
xat pro dignitate laudent, qui in eodem & uno
Viro, ad quem sua opera instituunt claritatem
omnem, amplitudinemque nequeunt admirari.
Equidem si id mihi accideret, exornarem opti-
mum illum atque invictissimum Virum, qui cum
Ligures Venetam Rempublicam maximo illo, &
fortissimo exercitu obsiderent Imperator delectus
fuit, in quem unum se tota converteret Civitas,
quem

D E D I C A T I O.

quem Senatus, quem omnes ordines, quem Socii, quem cuncta Italia intuebatur, in quo Patriæ salus nitebatur, qui scientia rei militaris, virtute, auctoritate, felicitate hostium copias repulit, profligavit, occidit, & Reipublicæ gloriosam victoriam consequutus est. Placeret antiquis repetere recentia facinora Laurentii illius, qui Creta ab ictu tormenti bellici vulneratus immortalī laude ac gloria à vita decessit; Commendarem clarissimum, majorumque suorum simillimum Fratrem tuum, per quem Imperatorem Corcyra Turcarum obsidione terra, marique liberata est, & huic mors ob Rempublicam habita honorī fuit. Laudibus efferrem Fratrem item alterum Carolum fortissimum, & sapientissimum Equitem, qui armis & toga, belli domique admirabilia facinora effecit, cujus Præfectura, quam sapientia, consilio, magnificentia illustravit, recordatio & memoria Brixia jucundissima est: mihi in primis;

D E D I C A T I O.

in eam enim benignitatis consuetudinem venit, ut mihi insigne, ac singulare beneficium contulerit, me illustri gratia exceperit, meas preces audierit. Illum denique Senatorem præstantissimum Hermolaum qui magistratum, & dignitatem, & decus sustinuit, omni illustri laude celebrarem. Verum inter Fratres Laurentium æque non est animus præterire Senatorem amplissimum, & gravi virtutum genere celeberrimum. Hos aliosque non ita paucos commemorare possem, si ea in Te uno, quæ ceteri Scriptores ante oculos ponere solent, non videremus: Tu enim verò cunctis suffragiis non Majoribus tuis, atque audita nobilitate, sed Moribus & virtute perspecta Senator, Eques, Divi Marci Procurator es factus; Tu Legatus iterum, & sæpius ad Reges à Republica missus; Te Parisii, Te Anglia, Te Mediolanum semper est admiratum, semperque amavit: labores in negotiis, celeritatem

tem

DEDICATIO.

tem in consiliis, industriam in agendo, vigilantiam in providendo, gravitatem cum humanitate conjunctam, splendorem sine animi elatione, comitatem sine generis ignobilitate, morum elegantiam sine simulatione, ingenium sine gloriosa ostentatione, qui non suspexerit, fuit nemo. Te in honorificentissimum Sapientum Collegium cooptârunt: tuo sermoni, tuo scientiarum amorì vertendum est, quod Patavino Gymnasio præsides. Quarum virtutum imago in Filiis cernitur, quorum alterum quamvis florentem ætate Gallica Legatione dignissimum putaverunt; alter verò à puero, Ludovico XIV. in amore, atque in deliciis fuit; sed quàmvis in viam illustrem, atque latam ingressus sim, tamen, ne, aut in simplici meorum laborum dedicatione scribere videar, aut tantam virtutem, ita firmam, ut omnia præter laudes ferre possit, offendam, aut quis me arguat ea prosequutum fuisse, quæ nota sunt omnibus,

DEDICATIO.

qua tenentur, non progrediar longius, quàm mihi concessum est. Sed illud non queo præterire eam me lucem abs Te optare, eam precari, qua mea lucubrationes circumfusa sint, qua semper eas sequatur: tum verò mea tibi observantia nunquam deerit, atque id mihi faustè, feliciter, prosperèque eveniet, quod vel maximè est optandum.



BENE-



BENEVOLIS MEDICINÆ TYRONIBUS.



Raxis Medica, quam quotidie profiteor, & Febrium phænomena attentissimè observata expositam Febrium Theoriam, Lectores Benevoli, me docuerunt; ut autem faciliùs innotescant, quæ hîc dicturi sumus, Tyrones primò monitos volui. Cùm corpora elastica, & non elastica sint numero, pondere, superficie, motu, &c. seu momentis omninò diversa, hæcque in actione & reactione pro minima, & æquabili mixtione obtinenda inter se esse debeant, ut naturale æquilibrium Massæ sanguineæ habeatur, & conserve-
tur, placuit pro Hypothesi arbitrari, summam momentorum corporum elasticorum æqualem esse summæ momentorum corporum non elasticorum;

corum ; quia verò sanguinis constitutio non finit eandem , ac præcisam servari diversorum elementorum componentium quantitatem , propterea (quantum in re tam obscura conjectari potest) jure arbitratum est , Naturam ea lege ac methodo partiri summas momentorum corporum elasticorum , & non elasticorum , ut si momentum alicujus corporis elastici sit in aliqua ratione inæqualitatis ad momentum alterius corporis non elastici ; ita reciprocè tertium quoddam momentum corporis non elastici sit in eadem ratione specifica inæqualitatis ad quartum momentum corporis elastici alterius generis , & sic successivè , &c. tali semper servato ordine , quo summæ momentorum corporum elasticorum , & non elasticorum sint æquales inter se quacunque proportionem momenta ipsa sint distributa in Massa sanguinis .

Secundò , ut aliter explicetur Hypothesis ; supponamus ex singulis massis elasticis simul sumptis fieri massam A , ex singulis verò massis non elasticis simul sumptis fieri massam B ; quia ex Hypothesi summa momentorum corporum elasticorum æqualis esse debet summæ momentorum corporum non elasticorum , erit ut massa A

sa A ad massam B, ita reciprocè celeritas massæ B ad celeritatem massæ A; ex quâ proportionē colligitur æqualitas præsupposita momentorum elasticorum, & non elasticorum inter se. Tyrones itaque vel primo conceptu intelligant momenta corporum; vel secundo; semper momenta corporum elasticorum, & non elasticorum erunt in ratione æqualitatis, aut quasi æqualitatis, quorum necessario opere nexus, unio æquabilis, & minima mixtio elementorum omnium in naturali statu haberi debuerunt. Hisce prænotatis, hanc *Februm Mechanicam* tres in partes dividendam esse censui; prima quidem *universales Februm anomalias*; secunda *intermittentium Februm causas, symptomata, legem & ordinem frigoris & caloris*; tertia verò *continuas Febres agit & quærit*. En itaque completa *Mechanices Morborum desumptæ à Motu Fluidorum, Solidorum & Februm Theoriâ*; superest, ut consilio potissimum Celeberrimi Professoris Alexandri Maccope, ne Praxis quoque Medica mechanico ratiocinio fraudetur, quartam partem *Mechanices Remediorum* superaddere curemus, quam totis viribus DEO dante exequi conabimur. *Valete.*

NOI REFORMATORI DELLO STUDIO DI PADOA.



Vendo veduto per la Fede di revisione, ed approvazione del P. F. Tommaso Maria Gennari Inquisitore nel Libro Intitolato: *MECHANICES MORBORUM DESUMPTÆ A MOTU FEBRIUM; AUCTORE JOANNE BAPTISTA MAZINO, PARS TERTIA*, non v'esser cosa alcuna contro la Santa Fede Cattolica, e parimente per Attestato del Segretario Nostro; niente contro Principi, e buoni costumi, concedemo Licenza a Gio: Maria Rizzardi Stampatore in Brescia, che possi esser stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padoa.

Dat. 16. Novembre 1726.

- () *Carlo Ruzini Kav. Proc. Rif.*
- () *Andrea Soranzo Proc. Rif.*
- () *Z. Piero Pasqualigo Rif.*

Agostino Gadaldini Segret.



DE FEBRIBUS IN GENERE.

DISSERTATIO PRIMA.

M.



Am̄diu vivimus, quamdiu movemur;
tunc morimur, cū fluida & solida
deficiente motu desinunt; tūm sani
vivimus, cū fluidorum & solidorum
Motus ordinati sunt, æquabiles & iso-
chroni; tūm maximè ægrotamus,
quū utrorumque Motus inordinati
sunt, inæquales & asymmetri: Hæc

est idea sanitatis & ægritudinis; hæc vitæ & mortis origo,
ac principium est. Cū *num. 3. & seq. Partis primæ Me-
chanices Morborum*, motum pressionis, ejusque phænomena
satis consideraverimus, à quo filamenta sanguinis conti-
nuò atteruntur, minimasque in particulas quodammodò
infinite parvas dividuntur, ut intimior, faciliior ac per-
fectior fiat earundem particularum mixtio; æquum est, ex
perfecta, ordinata & æquabili mixtione earundem natu-
ralem temperiem, ac statum sanguinis; ex imperfecta ve-
rò, inordinata & inæquabili earum mixtione præterna-
turalem intemperiem, febrilemque indolem Massæ san-
guinis habendam esse: ex variis nimirum mixtionum gra-
dibus, ordinibus ac legibus emergere ex practicis phæ-
nomenis mihi visæ sunt universæ febrium anomalix. O-
missâ itaque communi febrium definitione, quam tot
celeberrimi Viri undequaque docuerunt, aliter placuit
definire, & definitione quidem, quæ Mechanicæ legibus
commodiùs satisfacere videatur.

Febris de-
finitio.

2. *Febris ergo universalior morbus, est Motus asymmetrix mixtionis elementorum Massæ sanguinis cum inæquali aut dissimili excessu, vel defectu proportionalis velocitatis fluidorum & solidorum.* Cùm in corporibus quibuscunque tùm naturalibus, cùm artificialibus ex determinata proportionemixtionum elementorum componentium diversæ fiant superficies, diversæ figuræ, diversi colores, diversi motus, & diversæ vires naturæ componentium proportionales; Divini enim Platonis testimonio in Thæteto enunciatum est *ex latrone, motuque, & alterna commixtione fiunt omnia, quæ esse dicimus*; ita quidem æqua temperies & naturalis constitutio sanguinis ab ordine, & determinata lege mixtionum corporum componentium unitate naturæ habenda erit: Verùm quàmvis manifesta videatur lex determinatæ mixtionis in naturali Massa sanguinis, adhuc tamen quærenda esset specifica proportio corporum miscibilium, ut naturalis temperies & naturalis constitutio sanguinis habeatur, & conservetur: Enimverò cùm Elementa massam sanguinis componentia sint inter se diversa mole, figura, superficie, pondere, motu ac numero, certe horum momenta inæqualia actiones & reactiones semper ederent inæquales & asymmetras cum directionibus eorundem inæqualibus & inordinatis, quæ non nexum & unionem sanguinei compositi tantis Naturæ actionibus necessarium conciliarent, & sustinerent, sed laxitatem & dissolutionem. Hinc pro æqua unitate compositi ex Geometricis & Mechanicis legibus statuendum, Corpora, quæ elastica sunt & actiosa, motuque velociore prædita numero, mole ac pondere proportionaliter minora esse; Corpora verò, quæ inertia sunt & non elastica, motuque tardiore donata, mole, pondere ac numero proportionaliter esse majora: Ita sanè factâ ratione reciproâ, aut quasi reciproâ momentorum corporum componentium velociora & elastica cohibentur & frenantur ab inertibus, tardioribus & gravioribus; & vicissim inertia, graviora & tardiora à velocioribus & elasticis communicatione massarum & virium reciproâ, aut quasi reciproâ adjuvantur. Id sanè juvabit unicè, ut in æqualitate momentorum

mentorum actiones & reactiones corporum sint ordinatæ, æquabiles & unimodæ cum regulari lege, ac ordine directionum unitatem ac complexum sanguinei Compositi unitate naturæ sustinentium & conservantium; consilio autem addidi, aut *quasi reciprocè*; cùm fatear, momenta corporum miscibilium non semper perfectissimè in ratione reciproca futura esse inter se, ut omninò inter se æquipollegant; tunc enim geometrica & perfectissima sanguinis temperies & constitutio haberetur; verùm cùm aliqua-
lis excessus, aut defectus momenti alicujus corporis supra momenta aliorum non id vitii parere possit unitati compositi, ut compositum notabiliter evertat; ideò momenta corporum in statu æqualitatis, aut æquipollentiæ consideranda erunt inter se, quàmvis ratio reciproca momentorum non tam rigorosa habeatur; ob aliqualem itaque excessum, aut defectum momenti alicujus corporis supra rationem reciprocam reliquorum momentorum dici potest in aliquibus servatâ unitate compositi sanguinei temperies serosa, in aliquibus temperies sulfurea, in aliis falsa temperies ac constitutio &c. sed de hac re satis. Certum est, hanc necessariam rationem reciprocam momentorum particularum sanguinis pro necessariâ, ac naturali unitate compositi haberi perfectè nullo modo posse, nisi prius perfectissimè elementa inter se misceantur; tantæ enim mixtionis operâ fiunt intimi contactus, intimi occur-
sus, intimæ & æquabiles actiones, & reactiones eorundem, quorum magisterio particulæ componentes ad dimensiones inter se homologas paulatim redactæ momenta elementorum reddunt inter se reciprocè, aut quasi reciprocè proportionalia: Cæterùm si vitio perfectissimæ mixtionis hæc deficient, contactus & occurfus corporum erunt inter se inordinati, inæquales & asymmetri, actiones & reactiones inordinatæ, inæquales & asymmetræ, & momenta elementorum componentium enervata naturali unitate compositi sanguinei, inordinata fient, inæqualia & asymmetra, quæ omnia evenire in febribus verisimile est. Quàmvis autem in Febribus particulæ san-

guinis plerumque præter legem velociores esse soleant, attamen cum aliquando accidat etiam præter legem tardiores esse, consultum fuit *excessum, aut defectum proportionalis velocitatis* accuratissime adnotare: Sanguis enim in febribus non semper peccat velocitate, sed etiam tarditate; proinde cum velocitas & tarditas supra aut infra naturæ leges extiterint, semper febrile vitium consequi necesse erit: Denique cum perfectissime mixtioni elementorum, & æqualitati momentorum massæ sanguinis prosit necessario *æquabilis motus, & oscillatio organorum*, idcirco cum inæqualis fuerit, inordinatus & asymmeter motus solidorum, jure mixtiones corporum, actiones & reactiones, & momenta eorundem elementorum massæ sanguinis inæqualia erunt, inordinata & asymmetra febres factura. Ex his brevitatis & claritatis gratiâ prænotandum est, nos *intimam, minutissimam, perfectissimamque mixtionem elementorum massæ sanguinis, quorum beneficio fiunt actiones & reactiones æquabiles corporum inter se, eorumque momenta existentia in ratione reciproca debito æquilibrio, aut quasi æquilibrio inter se equipolleant, aptâ unitate compositi sanguinei, Æquilibrio Mixtionis Massæ sanguineæ in posterum esse appellatos.*

3. Definitione febrium breviter expositâ; decursu enim orationis ultrò constabit; ordo exigit febres dividere, Divisione tamen simplici in *Intermittentes & Continuas*. De Intermittentibus autem in secundâ; de Continuis in tertiâ Dissertatione agendum erit: Interim ut generales febrium affectiones, & anomalias acuratori examini inquiramus, juvat hic primò expendere *momenta & vires corporum elasticorum, & non elasticorum inter se, secundò proportionales eorundem respectu seri, in quo innatant: tertio proportionales seri, reliquorumque elementorum respectivè ad vasa continentia, & nervos vasa circumscribentes*. Elementa itaque actiuosa seu elastica Massam sanguinis componentia jure dici possunt *particulæ sulfureæ*, quas elasticas pluribus in locis de principio sulfureo ostendit Celeberrimus Gulielmus; *particulæ aëreæ*, quas in sanguine observaverat Boyleus;

leus; & globuli plano-ovales Lewenhockio observante; & quæcunque alia elastica si quæ sint, minoris tamen momenti. Elementa verò *inertia seu non elastica* Massam sanguinis componentia numeramus *salia cujuscunque generis*; particulas *aqueas, seu serosas*, cum tam aqua, quam serum ejusdem sint indolis; cum verò aqua communis ab experimentis Celeberrimæ Academiæ Florentinæ nullatenus elastica experta sit, ob id serosas sanguinis particulas non elasticas esse firmiter putandum est: *terreæ quoque damnatæ* si quæ sint in massa sanguinis, inter inertia & non elastica elementa habendæ erunt. Cum superius indicatum sit, Momenta corporum alasticorum in naturali temperie massæ sanguinis futura esse in ratione reciproca, aut quasi reciproca cum Momentis corporum non elasticorum; cumque momenta corporum sint ut rectangula composita ex massis horum ductis in suas velocitates; erunt massæ corporum elasticorum ad massas corporum non elasticorum ut reciproce sunt velocitates horum ad velocitates illorum. Hæc quidem proportio unionem & nexum fluidorum sustinet, hæc æquabilem solidorum oscillationem promovet: præter cætera beneficia Vires vivæ corporum elasticorum, & solidorum oscillationes id præstant, ut minimi canales ab æquâ elasticitate fluidorum circulantium, & ab æquabili oscillatione solidorum aperti consistant: hinc sanguis ab arteriis in venas, & cætera fluida ab uno canali in alium facile transeunt; Ob id in senibus facile solida impedita arescunt & pigrescunt, & fluida lentescunt, cum in his vires elasticæ fluidorum inertes sint, & solida ægrè oscillent. Itaque vel externi, vel interni, vel mixti agentis vitio corpora primò actiuosa & elastica non eam rationem habeant reciprocam cum corporibus inertibus; sed elastica corpora habeant rationem majoris inæqualitatis respectivè ad corpora inertia seu non elastica. Cum corpora elastica in hoc statu suos habeant gradus velocitatis numero eorundem proportionales, erunt quoque velocitates corporum elasticorum in multò majori ratione majoris inæqualitatis respectu corporum non

elasticorum : cùm verò momenta corporum elasticorum cæteris paribus multò majora supponantur momentis corporum non elasticorum , hæc multò majorem impetum efficient in corpora inertia , quàm ut opportunâ ratione ista illis possint resistere ; cùm ergo nulla fieri possit æqua & opportuna actio & reactio corporum elasticorum & non elasticorum , nulla quidem fiet naturalis & æqualis mixtio eorundem in sero sanguinis ; deperdito autem mixtionis æquilibrio excessu corporum elasticorum febres continuæ erunt orituræ. Quod si corpora elastica minorem rationem habeant respectu corporum inertium , multò minor quoque in data ratione futura erit velocitas corporum elasticorum , quid ergo ? ex defectu velocitatis horum gravior eveniet inertia corporum non elasticorum , major sequetur contactus corporum inertium inter se , & gravius horum pondus ac momentum erit futurum ; verùm cùm ex majori contactu corporum inertium , horum superficies augeantur in ratione duplicata , & horum moles ac pondera in ratione triplicata laterum homologorum ; hæc inertia corpora & superficie & mole tam adaucta impediunt viam , transitumque liberum serosis potissimùm , elasticisque corporibus , ut ægrè , aut imperfectè misceri inter se possint : taliter affecta Massa Sanguinis lentior jure fiet , densior ac ponderosior ; quinimò adauctis hoc gravi onere salium momentis , falsa corpora angulis , quibus circumscribuntur , membranas vasorum , cæterasque membranosas superficies , per quas undequaque excurrunt , sollicitabunt , molestoque stimulo rigores , horripilationes , cæteraque frigoris sensationis phænomena efficient , ut in febribus intermittentibus passim experimur , de quibus suo loco dicemus.

4. Non tantum necessaria est proportio reciproca momentorum corporum elasticorum & non elasticorum inter se ; verùm cùm in naturali temperie Massæ sanguinis observante Boyleo Serum ad partes consistentes esse debeat in ratione tripla , aut quasi tripla , videlicet ut 3 ad unum , hæc semper ratio majoris inæqualitatis partium

tis fluidæ ad partes consistentes reliquorum corporum admittenda erit, quæ est inter 3 ad 1. Si itaque solida, & consistentia corpora excedant excessu $\frac{1}{2}$, tunc ratio feri ad consistentia corpora erit ut 3 ad 1 $+\frac{1}{2}$; si vero deficient defectu $\frac{1}{2}$ erit quoque ratio feri ad corpora consistentia ut 3 ad $\frac{1}{2}$: Cum autem ratio feri ad elementa quælibet consistentia, ac solida esse naturaliter debeat, quàm proximè ut 3 ad 1, certè tam in supposito excessu, quàm in defectu mutabitur determinata & naturalis ratio majoris inæqualitatis, quæ est inter 3 ad 1; quod sanè grave vitium erit, si diu perduraverit. Vitio enim excessus corporum solidorum seu consistentium in fluido sanguineo majori numero permiscentur solida corpora cum fluido, quàm exigunt vires fluidi sustinentis: Cum enim corpora innatantia in fluido sustineantur suspensa operâ suarum superficierum, quæ augmento corporum similium cum crescant in ratione duplicata laterum homologorum, horum autem moles crescant in ratione triplicata laterum eorundem, & hæ sint ponderibus proportionales, manifestum est, ex majori contactu solidorum corporum inter se in fluido sanguineo plus augeri moles & pondera, quàm superficies, à quibus superficiebus tantummodo sustineri commodius possunt; adauctis ergo molibus & ponderibus corporum solidorum supra eorundem superficies non aptè ac facile sustineri, moveri ac trajici undequaue possunt in sero sanguineo, ut solida cum liquidis perfectissima ratione misceantur. Si vero plus deficient solida corpora, quàm par est, hæc nimis sejuncta inter se excessu fluidi interpositi directiones motuum acquirant naturalibus directionibus asymmetras: & sanè cum massæ sint ponderibus proportionales, erit massa feri cum quantitate corporum solidorum $\frac{1}{2}$ specificè levior massâ illa feri cum quantitate naturali corporum solidorum.

solidorum ut 1; hinc massa feri cum quantitate corporum solidorum $\frac{1}{2}$ rarior erit massâ illa feri cum quantitate corporum solidorum ut unum; ideò massa feri continens corpora solida ut $\frac{1}{2}$ cum sit rarior alterâ, transibunt contenta solida per grandiores areas seu porositates feri sanguinei absque occurſu debitarum resistantiarum: cum verò rarius, leviusque serum non eâ virium proportionem resistat Momentis corporum elasticorum & non elasticorum, quantumvis numero minorum; elastica quidem corpora & non elastica per vias ac directiones itura erunt non sibi naturaliter homologas velocitatibus, nullatenus æquilibrium massæ Sanguinis proportionalibus. Pariformiter Vitia Mixtionis in Sanguine facile occurrunt ab excessu feri, aut defectu ejusdem: cum Serum naturaliter esse debeat in ratione triplâ, aut quasi triplâ respectivè ad solida & consistentia corpora, si serum excedat, aut deficiat, æquilibrium mixtionis everti necesse est; sero enim adaucto, cum hoc sit notabiliter gravius aquâ communi, ut *num. 16. primæ Partis* dimensi sumus, non levem pressionem affert vasis continentibus; hæc autem nimis undequaque distracta, ac violenter ad majorem superficiem extensa ab adaucto momento distractionis fibrarum impediunt æquali tempore homologum momentum contractionis earundem, cum autem ex momento distractionis fibrarum canales investientium, & ex homologo momento contractionis earum temporibus æqualibus adjuvetur magnoperè necessarium opus æquabilis mixtionis solidorum corporum cum fluidis, sero quidem nimis adaucto, & adauctis pariter feri viribus in reliqua corpora debitum mixtionis opus impediri necesse erit: Si autem deficiat serum infra leges naturalis quantitatis, fluido quidem imminuto, minor fiet velocitas sanguinis, & solida corpora lentiori pede mota, majorique contactu adaucta, ut supra quoque demonstravimus, lentiori pede movebuntur; ex fluido itaque imminuto, & ex corporum solidorum

lentescen-

lentescentiâ iners quidem fiet, & imperfecta mixtio corporum inter se, ut malè fluida cum solidis permixta æquilibrentur: Videantur quæ numeris 4., 5., 6., & 14. primæ Partis adumbravimus, ne jam dicta hîc ineptè repetantur.

5. Elementorum sanguinis elasticorum & non elasticorum proportionibus ac momentis satis expensis, modò necessarium est pro febrium phænomenis explicandis, rationes crassamenti sanguinei, sive filamentorum seri concrescibilis (filamenta enim seri concrescibilis, & crassamenti sanguinei sub eodem nomine usurpamus) paucis ultrò expendere: Itaque præsuppositâ filamenti seu crassamenti sanguinei existentiâ, quam Boyleus & Lewenhockius satis superque experimentis docuerunt & confirmârunt, juvat instituto nostro usurpare, quæ Celeberrimus & Immortalis famæ Jacobus Hermanus (a) paucis edocuit; fluida nempe alia esse *Homogenea*, alia verò *Heterogenea*. *Fluida Homogenea* seu uniformiter gravia ea dici possunt, quorum densitas, crassities & motus per universam massam uniformes sunt, & pondera ipsorum absoluta massis eorum proportionalia sunt. *Fluida verò Heterogenea*, seu difformiter gravia ea dici poterunt, quorum densitas, crassities & motus per universam fluidi massam non uniformes sunt, nec pondera fluidi massis proportionantur. In statu itaque naturali massa sanguinis, quod ad densitatem attinet, crassitiem, pondus & motum talis esse debet, ut densitas, crassities & pondus corporum componentium, & filamentorum, neque nimis comprimantur inter se, neque filamenta adeò tenuia sint, ut à necessariâ pressione ac pondere deficient; sed talis mediæ densitatis, ac talis mediæ crassitiei, talisque mediæ ponderis esse debent elementa, & filamenta crassamenti sanguinei, ut pressionem efficiant momentis vasorum continentium, & momentis corporum contentorum proportionalem; ita enim servata opportuna unione, servatoque debito nexu

Pars III.

B

ac

(a) Pag 127.
Phoronom.

ac contactu corporum fluidorum inter se, reciproca eorundem mixtio seu mixtionis æquilibrium sustinebitur: Deinde elementa & filamenta massæ sanguinis cæteris paribus uniformiter densa, uniformiter crassa ac gravia per universam sanguinis massam esse debuerunt, ne varia eorum pondera in diversis vasorum locis inæqualia vasorum momenta afferant, non levi vitio æquilibrii mixtionum: Ulteriùs si filamenta retis in modum probabiliter elaborata judicentur, angulos necessario describent modò majores, modò minores, dum à majoribus sectionibus vasorum transeunt in minores, & vicissim dum à minoribus in majores restituuntur. Hæ quidem angulorum mutationes esse debent sectionibus continentium vasorum, & momentis corporum contentorum proportionales. E contra ut in febribus, nec non in sanguine arterioso ac venoso, sicut & in succo nerveo & lymphatico præternaturalibus evenit, si massa sanguinis quod ad densitatem pertinet, pondus & crassitiem elementorum & filamentorum fuerit heterogenea, inæqualis nempe & dissimilis texturæ; tunc ratione majoris, aut minoris inæqualitatis, inæquales fient pressiones corporum elasticorum & non elasticorum, diversæ & inæquales pressiones in vasis continentibus, & inæqualia fient pondera cæteris paribus in diversis vasorum ramificationibus; variæ proinde ac dissimiles fient in areis reticularibus angulorum inclinationes, dissimiles motus ac directiones eorundem; inæquales propterea ac dissimiles corporum elasticorum motus, ac mixtiones cum notabili ac continuò separandorum corporum vitio exorientur.

6. Præstat modò ulteriora prosequi expendendo rationes feri, aliorumque corporum respectivè ad vasa continentia, ad fibras cujuscunque generis, musculares, nerveas & membranosas &c., quæ necessariae proportionnes cum à Medicis plerumque negligi soleant, non leves in Theoria, & Medica Praxi errores afferunt. Ut verò hæc tam necessaria faciliùs ac clariùs ostendantur, nonnulla

nonnulla advertenda sunt, eò quia à solidis præternaturaliter motis, aut se moventibus sustineri potest ratio semper inæqualitatis inter momenta elementorum sanguinis & vasa continentia, aut inservientia, usque dum deperditâ ratione reciproca elementorum elasticorum & non elasticorum inter se, nec non ratione homologâ fluidorum cum solidis, elementa sanguinis imperfectè aut ægrè misceantur; à quibus consequuntur febres, aut hæ longiori tempore duraturæ sunt, cum pulsum inæqualitate & frequenti cordis palpitatione. Duas itaque ab immortalis famæ Viro Newtono naturæ Leges instituto meo opportunas amplector, quarum una est; *Corpus omne perdurare in statu suo quiescendi, vel movendi uniformiter in directum, nisi quatenus à viribus impressis cogitur statum suum mutare.* Altera verò est: *Mutationem motus semper esse proportionalem vi motivæ impressæ, ac fieri semper secundum rectam lineam, quâ vis illa imprimitur.* Impellantur itaque à momento sinistri Ventriculi Cordis grana sanguinis 305.

$\frac{15}{33}$ quacunq; Systole per Aortam descendentem (ut num 28. primæ Partis indicavimus) hæc quidem sanguinis massa expulsa ire debuiſſet per legem primam uniformiter in directum per lineas tangentes circulem arteriam, nempe (in Figura 1.) per tangentem A D Motu quodam seu Vi centrifugâ, aut centrifugæ analoga; verum cum sectiones majores arteriæ paulatim minores fiant, sanguini per tangentem eunti in statu naturali resistantiam ferent in ratione perpendicularis B C ad perpendicularem D E &c. Cum autem vis centrifuga sanguinis impulsu continuo per circulares peripherias vasorum circumbeat, & contra has continuo agat, nec Vis deperdatur; hæc urgebit superficiem canalis versus quascunque tangentes seu versus tangentem A D; Cum verò canales compositi sint ex membranis, musculis & nerveis filamentis elastica seu oscillatoria vi donatis, cogentur post passam dilatationem sese ad priorem statum restituere. Itaque cum in statu naturali momenta dilatationis vasorum à vi sanguinis impellentis æqualia esse debeant momentis restitutionis eo-

rundem, futura erit vis dilatationis vasorum & vis centrifuga sanguinis impellentis æqualis restitutioni vasorum, seu vi centripetæ sanguinis restituti versus axem canalium: proinde cum momenta dilatationis vasorum & momenta constrictionis eorundem, viresque fluidorum Centrifugæ & Centripetæ, quæ à Mechanicis *Centrales* appellantur, esse naturaliter debeant in ratione æqualitatis, aut quasi æqualitatis, constabit veritas secundæ legis, mutationem nempe motûs fluidorum & vasorum versus centrum, seu versus axem restitutorum debere esse proportionalem vi motivæ antea impressæ à fluido canalem dilatante & canali dilatato. Porro cum Motus Massæ sanguinis fiat vi cordis impellentis: & Vi seu momento constrictionis arteriarum, quarum vires non sunt oppositæ, sed tantummodò diversæ à Motibus seu Viribus massæ sanguineæ, hujusmodi *Vires conspirantes determinatum semper & æqualem directionis angulum comprehendent* in statu naturali, cum versus axem canalium fluida impellantur. (a) Quamobrem ex Motu cordis, vasorum & fluidorum æquabili, seu ex viribus centralibus æqualibus, cum æqualibus pariter angulis directionum virium conspirantium, Elementa sanguinis per superficies circulares vasorum continuo euntia undequaque similibus, & æqualibus impulsibus versus axem ejecta, in hoc quidem axe æqualitate angulorum occurrent inter se, similibusque occurribus similiter fracta, & in partes infinitè parvas quodammodò similiter comminuta proportionali semper velocitate, motu ac tempore movebuntur, momentisque minimarum particularum reciprocè agentibus, hæ particulæ juxta opportunum mixtionis æquilibrium miscebuntur.

7. Modò ut ab Universalibus Naturæ legibus ad singularia descendamus, apertum est, Vasa quælibet sanguifera ad conicam superficiem accedere membranis, musculis, nervisque undequaque munita, quorum fibræ aliæ rectæ sunt, aliæ quodammodò spirales, & circulares alteræ. Horum Organorum operâ Vasa ex elasticorum corporum

(a) Ex Wolfio pag. 359.

porum genere esse constat, quorum vi in statu naturali à momento distractionis & homologo momento contractionis æqualibus conatibus extenduntur, & æqualibus viribus contrahuntur sanguinem æquabiliter expulsi: æquabilitatem Momentorum oriri putamus à fibris rectis unimodè agentibus, à velut spiralibus & circularibus fibris æquabili ratione decrefcentibus; cum enim singulæ fibræ rectæ mole, figurâ ac directione fuerint inter se æquales & parallelæ, cum effectus omnes sint causis suis adæquatis proportionales, harum momenta distractionis & contractionis elasticis suis viribus homologa, erunt inter se oscillationibus æqualibus æqualia. Similiter si hujusmodi spirales & circulares fibræ conicè decrefcentes fuerint mole, figura & directione similiter positæ, cum arcus quilibet sint facti ex angulis, aut similibus, aut æqualibus ductis in radios similes, aut æquales, harum fibrarum elasticarum seu oscillantium momenta distractionis & contractionis in eadem ratione similitudinis aut æqualitatis erunt futura; si ergo fibræ rectæ non unimodâ lege operentur, sed aliquæ tantummodò agant, reliquæ verò aut inertes sint, aut læsæ, ineptæ quidem erunt actionibus naturalibus: cum verò Motus vasorum sint directè ut causæ adjuvantes, reciprocè verò ut impediētes, erunt momenta distractionis & contractionis vasorum omnimodè inæqualia; cumque anguli directionum particularum sanguinis inæquales fiant ac dissimiles ob vires conspirantes dissimiles & inæquales opus proinde mixtionis inæquale erit, inordinatum & asymmetrum. Ita si spirales fibræ vasorum non eâ lege describant spatia proportionalia circulis ab ipsis spirarum numeris denominatis [ex Archimede de Spiralibus], sed dissimilia fuerint inter se ineptè multum vasa contrahentur, & ineptè distraherentur; ita læso mixtionis æquilibrio elementa sanguinis vitiosè miscebuntur. Verùm ad pejora rueret æquilibrium mixtionis, si circulares fibræ fuerint mole, figura & directione dissimiliter positæ, aut vitio naturæ, aut asymmetro motu nervorum vasa ambientium, aut muscutorum, aliorumque viscerum inæquali-

ter prementium : cum enim arcus circulorum sint facti ex angulis ductis in radios eorundem, quoties arcus fuerint dissimiles inter se, futuri quoque erunt aut anguli, aut radii eorundem, aut anguli simul & radii inter se dissimiles & inæquales; cum autem momentum contractionis vasorum fiat ex motu peripheriæ vasis versus axem, cum inæquales anguli fuerint uniti inæqualibus semidiamentris, momenta contractionis eorundem inæqualia & dissimilia futura jure erunt; inæquales inde fient impulsus in Massam sanguinis cum inæqualibus directionum angulis, & Elementa ejusdem Massæ inæqualiter impulsa inæquali Mixtione deficient. Ulteriùs naturalia momenta distractionis, & homologa momenta contractionis temporibus æqualibus fieri necessariò debent; proinde si tempora, quibus fiunt momenta distractionis vasorum, fuerint æqualia temporibus, quibus fiunt momenta contractionis eorundem, cum tempus sit æquale spatio diviso per celeritatem, erunt spatia peripheriæ vasorum decursa in motu distractionis æqualia spatiis decursis in motu contractionis; hinc cum spatia decursa peripheriæ vasorum in motibus contractionis & distractionis fuerint æqualia, & spatia sint ex Mechanicis proportionalia rectangulis sub celeritatibus, & temporibus, spatia quidem æqualia temporibus quoque æqualibus decurrentur velocitatibus æqualibus; quamobrem momenta contractionis peripheriæ vasorum æqualia urgebunt sanguinis massam versus axem canalium velocitatibus quoque æqualibus eo fermè gradu velocitatis, quo eadem massa sanguinis à corde impulsâ vasa dilataverat: ex hisce motibus peripheriæ vasorum distractionis & contractionis æqualibus, quorum operâ æquabiliter impellitur Massa sanguinis versus axem canalium, elementa sanguinis aptè, opportunè & æquabiliter misceri conabuntur; Hæc in statu naturali evenient. Quòd si momenta distractionis peripheriæ vasorum, & homologa momenta contractionis inæqualibus fiant temporibus, cum tempus sit æquale spatio per celeritatem diviso, erunt jure meritò ex inæqualibus temporibus spa-

tia

tia decursa inæqualia , & celeritates pariter in motibus distractionis peripheriæ vasorum , & in motibus contractionis eorundem inæquales inter se : peripheriis itaque vasorum inæqualiter distractis , & inæqualiter contractis , inæquales fient istorum oscillationes , pulsus erunt inæquales , inordinati & asymmetri , pariterque impulsus in elementa sanguinis erunt inæquales , & miscela elementorum sanguinis inordinata erit , inæqualis & asymmetra.

8. Confert quoque naturali & æquabili Mixtioni æqualitas Texturæ internæ Vasorum per universam istorum longitudinem ; etenim si interni parietes vasorum fuerint unimodè æquabiles , singulæ sectiones circulares habebunt æquales similesque semidiametros , qui singuli cùm convenient in puncto axis canalium , ibi æquabiliter urgebuntur homogenea elementa sanguinis ab æquabili momento contractionis vasorum per totam canalium longitudinem. Jam tandem in punctis axis excurrento æqualibus temporibus æquabiliter impulsa elementa sanguinis æquabiliter quoque misceri poterunt. E contra eveniet , si nimirum interni parietes vasorum alicubi fuerint aut Callo , aut Tuberculo , aut Polypo , aut ex convulsivâ nervorum ambientium pressione inæquales ; proinde radii vasorum inæquales erunt ac dissimiles Circumferentiis eorundem , & sectiones decrecendo in ratione duplicatâ diametrorum inæqualium , Elementa sanguinis contenta in naturali sectione non erunt æqualia elementis ejusdem contentis in eadem sectione præternaturaliter posita ; quinimò cum radii vasorum sint ut peripheriæ eorundem , ex inæqualitate radiorum inæquales fient impulsus peripheriarum versus axem cum inæqualibus angulis directionum ; Elementa ergo sanguinis contenta in sectionibus naturalibus diversâ ratione impulsus movebuntur , ac in sectionibus eisdem præternaturalibus cum diversa mixtionum proportionem , saltem per aliquam temporis differentiam. Verum dices , cùm in Aneurismate , Varicibus , Polypo , Tuberculo &c. sectiones & motus oscillatorii vasorum sint inæquales in locis præternaturalibus ,

libus, inordinati videlicet & asymmetri, ergo ibi semper fient imperfectæ, aut ægræ mixtiones elementorum, consequenter semper Febres erunt futuræ. Verùm placeat animadvertere, ut veræ & Humorales Febres fiant: Imperfecta aut ægra Mixtio elementorum sanguinis oriri potissimum debet ab Improportione præcipuâ Elementorum sanguinis, vitio densitatis, crassitiei, ponderis & motûs elementorum elasticorum & non elasticorum cum eversâ naturali ratione reciproâ eorundem inter se: deinde hæc Vitia fieri debent per universam Massam non in unico tantum, vel singulari loco, sed in omnibus eodemque ferè tempore, ut suprâ adnotavimus, & inferiùs semper magis magisque constabit. Verùm in Aneurismate, in Polypo, Varicibus &c. quantumvis in singularibus hisce locis præternaturalibus fiant Mixtiones imperfectæ & ægræ, tamen cum hæ contingant tantummodò in solis ubicationibus ac locis Aneurismatis, Polypi, aut Tuberculi, non verò per universum Vasorum & Massæ sanguineæ spatium; proinde in Massâ sanguinis transacto loco læso rursus naturales restituentur Mixtiones elementorum, & restitutâ ratione reciproâ elementorum sanguinis naturalis ejusdem temperies redimetur; Fateor quidem, Vitia organica solidorum non parùm conferre, ut febres Vitio elementorum sanguinis generatæ, diuturniores & contumaciores fiant; verùm non id præstare possunt sola organorum vitia, ut febres veræ efficiantur [quàmvis aliquando possit contingere] sed tantummodò apparentes; quid simile plerumque evenit primo ingressu Chyli in Sanguinem, quo tempore in sanis quoque corporibus fit celeritas pulsûs major, gravedo quædam capitis, calor, quidam levis virium languor &c. cum enim primo ingressu Chyli in massam sanguinis Elementa heterogenea Chyli non statim aptè cum elementis sanguinis associari, uniri ac misceri in ratione reciproâ elementorum opportunè possint, oriuntur plerumque exposita levia symptomata, quæ præternaturalem statum simulare videntur; verùm tractu temporis Chyli elementis opportunè associatis & commixtis,

commixtis, heterogeneisque corporibus per excretoria vascula separatis prima & naturalis sanguinis velocitas, virium robur, & capitis quies &c. faciliter restituntur; Verùm quia aliquando non tam facilè restitui possunt, ideò redeundo ad Vitia Solidorum, cùm frequentissimè accidat in Hypochondriacis, Hystericis, Convulsivis & Paralyticis affectionibus filamenta nervea arteriis & venis circumscripta variis in locis inæqualiter arteriarum, venarumque directiones incurvare & inflectere; nulli certè Praxin Medicam agenti dubium est, ex hujusmodi curvaturis, ex tot flexibus contrariis arteriarum & venarum, nervorum, vasorumque lymphaticorum auferri, aut saltem turbari naturale æquilibrium mixtionis; hoc autem ablato, aut turbato, sæpè sæpiùs arbitratus sum Medicam Praxin agens, non tantùm vitio elementorum sanguinis, verùm etiam vitio organorum febres lentissimas fieri, hæcque diutissimè perdurare; quandoquidem cùm fluidum per rectas canalium directiones C D E F (*Fig. 2.*) ire naturaliter debeat, cùm fibræ nerveæ convulsæ arterias, venasque & cætera vasa adeò inflecterent, ut à rectis directionibus transire cogerentur in directiones inflexas G A I H B K (*Fig. 3.*) constat plura incommoda transeunti sanguini evenire. Primò siquidem in punctis flexûs contrarii A B, in quibus fibræ nerveæ crispatæ & contractæ puncta A & B vasis potissimùm stringunt, sectionem necessariò efficient cæteris punctis minorem; cùm verò massa sanguinis composita ex corporibus elasticis & non elasticis transiens per sectionem minorem magis comprimatur, ac densior jure fiat, & densitates corporum elasticorum viribus comprimantibus seu elasticitatibus eorum quamproximè proportionales sint, elater corporum elasticorum magis compressorum in sectione præternaturali flexûs contrarii A B fortior ac validior fiet elatere corporum elasticorum minùs compressorum in sectione naturali L M: Hinc elementa sanguinis transeuntia per sectionem A B valdè urgebunt canalem in punctis A & B flexûs contrarii: cùm verò nervea fistula contracta & convulsa validè resistat di-

latationi vasorum eorundem, ibi certè ob momentum nervæ fistulæ comprimentis vas, & momentum corporum elasticorum sanguinis impellentium orietur in sectione A B, violenta actio & reactio solidi cum fluido : verùm cum fluidi elementa violenter impulsæ directiones motuum acquirant præternaturales, inordinata quidem & asymmetra futura erit elementorum miscela. Secundò ex flexibus contrariis arteriarum, venarumque cum corpora elastica magis compressa fiant & densiora in punctis flexûs contrarii, hinc ob adauctas vires violentæ compressionis, horum momenta majora reddentur, quàm par est; quid ergo? ibi quidem moles corporum elasticorum & non elasticorum non reciproca ratione proportionales esse poterunt velocitatibus eorundem, proinde turbabitur in massa sanguinis mixtionis æquilibrium. Tertiò, cum in statu naturali motus corporum in uno spatio vasorum esse debeat in ratione homologa cum motu corporum in alio spatio eorundem, & sic successivè in ratione æqualitatis, aut quasi æqualitatis, cumque in quibuscunque punctis flexus contrarii moles corporum elasticorum & non elasticorum fiant densiores, & horum momenta fortiora, non hæc fieri poterunt homologa cum cæteris corporibus decurrentibus per alia vasorum loca; turbabitur propterea homologa proportio motuum naturalium non levi damno æquilibrii mixtionis. Quartò, cum in punctis flexus contrarii sectiones vasorum fiant minores, cumque hic major fiat resistentia sanguini transeunti, hujus resistentia advenienti sanguini impedimento erit; moles itaque massæ sanguinis magis magisque retrò intumescens urgebit vasorum latera extrorsum supra naturales vasorum sectiones, mutatis naturalibus fibrarum angulis, mutatoque earundem naturali parallelismo: Cum verò contractiones naturales fibrarum elasticarum sint proportionales dilatationibus earum, cum dilatationes majores eveniant à mole majori massæ sanguineæ, Moles autem major Momentum proportionalis contractionis impediat, major quidem futura erit dilatatio vasorum, quàm eorundem homologa


homologa constrictio ; si ergo in naturali mixtione elementorum sanguinis non solum esse debeat reciproca actio momentorum elasticorum corporum & non elasticorum inter se ; verum etiam esse debeat homologa actio momenti distractionis & momenti contractionis vasorum, oportebit operâ nervorum convulsorum vasa stringentium in punctis flexus contrarii mixtionis naturalis æquilibrium enervari, aut perdi. Hæc sunt potissima organorum vitia, quæ naturalem mixtionis legem evertere apta sunt, aut saltem gravi opere inserviunt, ut elementa sanguinis asymmetro motu mixta difficilius ac tardius restituantur ad eum mixtionis naturalis gradum, quo momenta elementorum sanguinis reciproca inter se mixtione æquilibrentur ; Ex his ineptum videtur, tam facile accusare sanguinem lentore, visciditate, densitate correptum ; cum sæpissimè hæc vitia ab inertia motus vasorum continentium, reliquorumque solidorum motui sanguinis inservientium habeantur ; ab hisce quidem vitiis solidorum se moventium motibus asymmetris, inordinatis, inæqualibus, aut inertibus ac lentescentibus asymmetræ fient mixtiones elementorum sanguinis ; proinde ex lentâ, densiori & craïiori redditâ Massâ Sanguinis *Febres ortas Organicas* appellabimus, quæ nisi à restituto solidorum æquilibrio constanti ratione redimuntur, & quas in *Hypochondriacis*, in *Hystericis*, in *Paralyticis*, cæterisque nervorum & solidorum affectionibus ac vitiis frequentissimè experimur.

9. Ex his quæ usque adhuc exposita sunt colligendum est, sanitatem id petere, ut momenta elasticorum corporum & non elasticorum sint composita ex ratione reciproca mixtionis eorundem inter se, & momenta distractionis & contractionis arteriarum, venarum, reliquorumque vasorum & solidorum sint inter se in ratione homologâ, ut actionibus & reactionibus solidorum cum fluidis inter se proportionalibus æquabiles, isochronæ & ordinatæ fiant mixtiones elementorum massam sanguinis componentium. Fateor quidem, hunc perfectissimum fluidorum & solidorum statum, hanc perfectissi-

nam elementorum mixtionem non tam faciè ac promptè acquiri posse, sed paulatim & pedetentim; Chylo enim, ut suprâ etiam indicavimus, ingresso sanguinem heterogeneis corporibus repleto, quorum momenta primò inæqualia sunt & asymmetra, hæc tamen paulatim multiplici Circulationum numero priùs agitanda ac movenda sunt; per idem quoque tempus æquo & continuo motu separationis glandularum, aptâ ac opportunâ corporum heterogeneorum attritione, & separatione per idonea loca rursus depuranda sunt; ita quidem restitutâ æqualitate momentorum, hacque rursus æquilibratâ æquabili & isochronâ mixtione necessarium mixtionis æquilibrium restituitur, & restitutum conservatur.

Finis Prima Dissertationis.





DE FEBRIBUS INTERMITTENTIBUS.

DISSERTATIO SECUNDA.

10.



Nervato ac abolito mixtionis Elementorum sanguinis æquilibrium, vel accusari facile potest præpollentia corporum elasticorum, vel corporum non elasticorum, *Salium* potissimum vis præpollens: Si corpora inertia mole, numero & motu præpolleant, *Intermittentes* facile febres orituras pu-

tandum, de quibus in præsentî tractare aggredimur. Verùm cùm frigoris sensationes oriri primò soleant, quæ postquam desiverint, statutis temporibus redire consuescant, claritati rei agenda consultum est, primò *rationem ac causam frigoris*; Secundò *cur statutis temporibus redeant febriles accessus probabiliori ratiocinio investigare*. Ad primum quod attinet: Verulamius de *Historia vitæ & mortis* experimentis edoctus est, *Nitrum* esse tanquam *Aroma frigidum*; idque indicat sensus ipse; inter ea quæ novimus unicum est & solum, quod ea præstet. Verùm cùm Academia Florentina non à Nitro tantum, sed potissimum à sale armoniaco, à sale muriatico fluida frigescere, in glaciem mutari pluries experta sit; quin imò ab ipso spiritu vini multum fluida densari in glaciem, si salia superaddantur; jure credendum est à quibuscunque salium particulis, aut corporibus quibuscunque hisce analogis præpollentibus frigoris affectionem habendam esse; & sanè cum salia quæcunque, aut his analoga corpora inertia & non elastica variis angulis re-

ctis, aut acutis, aut obtusis, aut superficiebus hisce analogis terminata sint, quoties in Massâ sanguinis momenta salium fluentium habuerint rationem majoris inæqualitatis respectivè ad elastica corpora, & non aptè inter se commixta sint, hæc in glandulas continuò deferentur, & ab hisce eâ vitiosâ methodo separabuntur [ut num. 11. primæ Partis innuimus] Cùm verò infinitus sit glandularum in membranis, musculis, carnibus tam externis, quàm internis numerus, hic excedens salium separatorum numerus, tot ac tanta partium filamenta, angulis, quibus circumscribuntur circa proprios axes continuò rotantibus stimulat, eâ ratione motûs, quâ nitrosa potissimum, aut his analogâ corpora sollicitare sensoria, ut frigoris sensationem inducerent, docuerat Verulamius. Membrarum itaque, musculorum ac carnum filamenta undequaque taliter sollicitata ac stimolata frigoris affectionem afferent; Hic tamen anxius non quæro quinam sit *rigor*? quinam *horror*? quamnam *refrigeratio*? cùm hæ frigoris differentiæ non re, sed tantum gradu differant; has enim disputantibus Medicis libenter relinquimus.

11. Id tamen si arbitramur, commodum est credere, phænomena frigoris non tantum à determinatâ corporum non elasticorum, salium præcipuè stimulantium, aut sollicitantium actione generari, verum etiam adjuvari potissimum ab imminutis momentis distractionum & contractionum fibrarum omnium: etenim cùm falsa corpora seu his analogæ superficies, ac plana seu anguli sollicitantes fibrarum poros undequaque occupent, aut repleant, filamenta membrarum, musculorum & carnum &c. fient densiora; cùmque densitates sint ponderibus proportionales (a), eadem filamenta solidorum fient graviora, minus proinde expedita ad distractionis & contractionis motum exequendum; oscillationes idcirco fibrarum fient lentæ, languidæ, aut nullæ: Ex his cùm naturales fluidorum velocitates à fibris negligenter
aut

(a) Ex Wolfio pag. 363.
Mechan.

aut pigrè oscillantibus non opportunè promoveri possint, hæc fluida lentiora facta non eum circulationum numerum, non eum mixtionis motum absolvent necessariò coloris gradui, æquisque Naturæ operibus ac temporibus destinatum; ob id cùm lentescantium fluidorum consuetudo, ac lex videatur, graviora corpora undequaque deponere, jure in glandulis viscerum impuritates, in pulmonum glandulis fæculenta corpora deponentur, ut inde ex fibrarum seu solidorum oscillantium internâ, & ex lentescentiâ fluidorum, fæcumquæ hypostasi obstructions, interni tumores, anxietates, difficiles anhelitus, suffocationes, pulsus duri ac lenti, contracti sæpiissimè cùm molestâ tussi durante frigoris paroxysmo evenire consuescant. Hic cùm innumera eveniant in tota glandularum familia separationis vitia, consulendum putavi studium operis Celeberrimi Petri Antonii Michelotti *de separatione fluidorum in corpore animalium*; hoc enim duce adepta æquæ separationis methodo, vitiosæ glandularum separationes clariùs innotescunt.

12. Quid plura? Exposuimus num. 6. Massam naturalem sanguinis præter mediam crassitiem, densitatem ac pondus filamentorum hanc in arteriis à majori sectione in minores transire, & à continuo momento distractionis & contractionis canalium continentium continuos impetus excipere, quorum operâ reticulares areæ filamentorum conantur esse in continua mutatione angulorum, fient propterea reticulares anguli modò majores, cùm arteria dilatatur, modò minores, cùm arteria constringitur: similiter corpora quæcunque elastica contenta in Massâ sanguinis, nec non in lymphatico, nerveoque succo stringentur magis inter se & comprimuntur, cùm arteriæ à momento contractionis contrahuntur, & à majoribus sectionibus in minores transeunt; è contrà verò rarefient & dilatabuntur hæc, cùm à minoribus sectionibus in majores transeunt; & à momento distractionis dilatantur & extenduntur arteriæ: Itaque si momentum constrictionis arteriarum ita fuerit proportionale compressioni corporum

porum elasticorum, ut ita sit contractio arteriarum ad compressionem corporum elasticorum, ut momentum dilatationis arteriarum est ad dilatationem corporum elasticorum, & permutando ita sit momentum constrictionis arteriarum ad momentum dilatationis earundem, ut est contractio seu compressio corporum elasticorum ad dilatationem seu rarefactionem eorundem; tunc cum filamenta Massæ sanguineæ sint semper in proportionali aut simili mutatione angulorum, utique filamenta Massæ sanguinis eundem gradum, eandemque mensuram densitatis, crassitie, ponderis ac motûs naturali temperiei sanguinis homologam sustinebunt; hoc in statu motus systolis & diastolis cordis & arteriarum erunt motibus Massæ sanguineæ æquabiliter proportionales; pulsus erunt æquabiles, ordinati & isochroni ab elasticis hisce Viribus corporum elasticorum, proportionalibus elasticis oscillationibus canalium, minima horum oscula aperta & actiuosa conservantur & filamenta sanguinis & reliqua corpora inertia promptè ac facile ab arteriis in venas regulari communicatione trajiciuntur. Cæterum si momentum contractionis arteriarum non fuerit proportionale, ac simile contractioni corporum elasticorum; & vicissim momentum dilatationis arteriarum non fuerit simile dilatationi corporum elasticorum, & permutando momentum constrictionis arteriarum non sit proportionale momento dilatationis earundem; pariterque contractio, seu compressio corporum elasticorum non sit homologa dilatationi seu Rarefactioni corporum elasticorum eorundem; tunc cum effectus semper sint suis causis adæquatis proportionales, arguendum erit, filamenta & reliqua corpora inertia seu non elastica, componentia temperiem ac constitutionem Massæ sanguinis inæqualibus ac dissimilibus densitatis, crassitie, ponderis & motûs gradibus esse affecta, ut quæcunque temporis differentiâ fieri semper debeant inæquales ac dissimiles Motus, & mutationes angulorum in areis reticularibus; quo in statu filamenta sanguinis, & reliqua corpora inertia, quod attinet ad densitatem, crassitiam,

tiem, pondus ac motum efficient Motus systolis & diastolis cordis & arteriarum motibus Massæ sanguineæ dissimiles & improporcionales; dissimiles pariter fient pulsuum distractiones & contractiones; quin imò aliquando fient pulsus duri, contracti ac lenti: Ulteriùs si obstructis potissimùm Mesenterii & Omenti glandulis sanguini per meseraicas venas ab Intestinis ad Hepar ascendenti [ut scienter animadvertit immortalis famæ Professor Morgagnus pag. 3. Advers. Anat. 3.] non opportunâ ac debitâ ratione ac numero misceantur oleosæ & balsamicæ particulæ, procul dubio hæ impeditâ bilis separatione aut enervatâ in Hepate, Massam sanguinis & lympham densiorem, crassiolemque reddent; à densitatibus itaque & crassitiebus elementorum seri & crassamenti sanguinei minima canaliculorum oscula, nec non glandulæ Omenti & Mesenterii obstructuentur, & impeditâ ab arteriis in venas circulatione obstructions, & reliquæ præternaturales hypostases enascentur: Ex his fibrosum sanguinis crassamentum, quod continuò ex Chyli elementis ac filamentis enutritur, elaboratur & crescit, si ex Chyli densioris consortio densius fiat, crassius ac ponderosius, areæ reticulares crassamenti sanguinei minora certè spatia circumscribent, juxta rationem adauctam crassitierum ac densitatum filamentorum circumscribentium, & rationem adauctam corporum inertium, quorum omnium momenta habent hic rationem majoris inæqualitatis respectivè ad momenta corporum elasticorum per aliquam saltem temporis differentiam: Proinde elastica corpora contenta stringentur nimis ac comprimuntur: imò cùm serum & seri portio concrescibilis circumscribant undequaue elementa sanguinis, hæc & à sero, & à seri parte concrescibili stringentur & comprimuntur magis magisque elastica corpora; Itaque cùm areæ reticulares in statu naturalis dilatationis, & alia quælibet spatia, per quæ globuli plano-ovales, & alia corpora elastica observantibus Boyleo & Lewenhockio excurrunt, ad eadem spatia & areas in statu præternaturalis constrictionis sint, ut figuræ similes inter se, hæ autem decres-

cant in ratione duplicatâ suorum diametrorum ; utique si spatium areæ in statu naturalis dilatationis fuerit ut 1 , decrescens spatium areæ ejusdem in statu præternaturalis constrictionis futurum erit $\frac{1}{4}$; Si ergo in spatio naturalis dilatationis areæ reticularis ut 1. contineantur 8. corpora elastica , in spatio ejusdem areæ præternaturaliter contractæ contineri tantum poterunt elastica corpora ut 2 , & sic proportionaliter successivè in totis areis reticularibus Massæ sanguinis. In statu itaque præternaturalis constrictionis arearum omnium elastica corpora contenta stringentur , & comprimuntur in ratione ut 6 ; Quis non videat , ex tam forti filamentorum Massæ sanguineæ , reliquorumque corporum inertium densitate , crassitie ac pondere , ex tam determinata arearum , aut aliorum componentium elementorum unione nimis stricta ac angusta comprimenda ac stringenda esse validè elastica corpora , ut non eum naturalem motum ac velocitatem in tali statu possint acquirere ? Imminuto propterea elasticorum corporum spatio , aliarumque particularum tangentium motu ac velocitate , tantum caloris detrahendum erit à Massâ sanguinis , quantum motûs & elasticitatis à particulis elasticis & non elasticis se tangentibus subtractum est ; Quamobrem cum calor consistat in concitatioe motu quarumcunque particularum elasticarum , & non elasticarum , imminuto quidem spatio , motu & elasticitate naturali earundem , calorem quoque sensibilibiter imminui necessarium est : hinc datâ proportionem *affectio frigoris* superveniet major , vel minor juxta majorem , aut minorem compressionem corporum elasticorum vi majoris , aut minoris crassitie , densitatis & ponderis corporum non elasticorum , quorum inertia magis , vel minus imminuitur elasticitas , motus , actio & reactio quarumcunque particularum elasticarum , & non elasticarum inter se.

13. Sed non diu elastica corpora in statu violento compressionis præternaturalis detineri possunt , sed tantummodò per temporis differentias , modò majores , modò

dò minores juxtà majorem, aut minorem crassamenti sanguinei, & feri compressibilis ambientis densitatem, crassitiem, pondus, & motus inertiam in particulis elasticis & non elasticis; propterea frigoris sensationes non continuæ, sed per tempus erunt duraturæ; & sanè elasticorum corporum massæ violenter in minora volumina compressæ conantur tandem aliquando sese dilatare quaquaversus ad majora volumina viribus comprimentibus reciproce proportionalia; postquam ergo hæc violenter determinatum seu ultimum compressionis gradum sustinuerint, sese validissime undequaque dilatare conabuntur; Corpora itaque elastica, cum particulas non elasticas ipsis commixtas quaquaversus tangant, undequaque impetus & impulsus efficient in tangentia quæcunque corpora non elastica. Cum verò hæc resistant in ratione suarum soliditatum, restituent elasticis corporibus impetus ac impulsus motibus jam impressis proportionales; sic communicata vicissim actione & reactione corporum elasticorum cum corporibus non elasticis singula corpora movent & moventur, urgent & urgebuntur; verum cum impetus corporum elasticorum sese dilatantium ad majora volumina contra objecta, & tangentia corpora non elastica sint in ratione composita ex numero corporum elasticorum, & summa motuum dilatationum eorum, manifestum est, quàm magna futura sit actio & reactio, expansio, rarefactio & dilatatio quaquaversus elementorum cujuscunque generis corporis elastici & non elastici Massæ sanguinis. Ut autem hæc accuratiori examine expendantur, placeat eligere ex corporibus elasticis solas aëris particulas contentas in Massa sanguinis, ut experimenta Boylei docuerunt; Cum vis elastica aëris elevet aquam ad pedes 32. circiter, & ratio ponderis seu gravitatis specificæ aquæ nostræ communis (quam invenimus pag. 54. primæ Partis) ad pondus seu gravitatem specificam sanguinis sit ut 1749 ad 1886. seu proximè ut 1 ad $1\frac{75}{137}$ innotescet, quantum elevanda fuerit Massa sanguinis vi

elastica ejusdem quantitatis aëris ; etenim cùm vires elevent pondera diversa ad altitudines ipsis ponderibus reciproce proportionales (a) vis elastica aëris elevans aquam ad pedes 32. circiter, elevatura erit Massam sanguinis cæteris paribus ad pedes $31 \frac{75}{139}$ proximè ; si enim fiat analogismus ut pondus , seu gravitas specifica sanguinis $1 \frac{1}{137}$ ad pondus , seu gravitatem specificam aquæ communis , ita fiant reciproce pedes 32 circiter ad quartum terminum proportionalem , utique constabit pro quarta proportionali pedes $31 \frac{75}{139}$ massæ sanguineæ fore respondentes, Ut enim $1 \frac{1}{137} : 1 :: 32. 31 \frac{75}{139}$ proximè. Cùm verò eadem sit proportio pedis ad pedem , ac lineæ ad lineam , & particulæ lineæ ad particulam lineæ , vis elastica aëris proportionalis vi motivæ aëris contenti in sanguine proportionaliter cæteris paribus elevare poterit sanguinem ad particulas lineæ $31 \frac{75}{139}$ in canalibus ascendentibus, in quorum ascensu magna adest resistentia ad motum ; quòd si canales fuerint descendentes , aut inclinati , aut horizontales , in quibus nulla est ad motum resistentia , quin immò facilitas & propensio ad motum juxtà rationes à Mechanicis jam determinatas , quas non vacat hic repetere, apertum est, quantum Vis proportionalis elastica aëris massam sanguineam urgere poterit ac movere ; Porro si à solo momento particularum aëris in sanguine contenti tantum moveri ac urgeri poterit massa sanguinis , quid sentiendum erit , si viribus elasticis aëris ultrò addantur momenta sulfurum , & elastica momenta globulorum plano-ovalium &c. certè quàm maxima futura erit massæ sanguineæ rarefactio , extensio & motus in ratione nempe compositâ ex momento cordis sanguinem impellentis , momento elastico aëris , sulfurum , & globulorum plano-ovalium &c. quæ ratio composita momentorum - cùm calculis

(a) Ex Wolfio Cod. 4.
pag. 564. Mechan.

lis æquâ ratione assequi non possit, proinde velocitas, quantitas motûs, & momentum massæ sanguinis in statu præternaturali febrium prout summum erit indeterminabile. Ex hisce momentis corporum elasticorum salia, & reliqua solida corpora, fibrosum sanguinis crassamentum, & filamenta feri concrecibilis ultrò atteruntur; hæc autem in quantitates infinitè parvas attrita, per serum liberiori motu decurrunt, ut sæpissimè per sudores, & urinas erumpant. In hoc violento fluidorum impetu momentum distractionis arteriarum, glandularum, aliorumque solidorum adeò præpollens fit, ut momentum contractionis eorundem paucam, ac minimam rationem habeat cum momento præpollente distractionis; non mirandum ergo, cur in tam violentis fluidorum motibus, & tam distractis solidorum filamentis sæpissimè eveniant Aneurismata in arteriis, Varices in venis, & Hydatides in lymphaticis canalibus, Vomica aliquando, & sinus præternaturales in glandulis, cæterisque visceribus, pulsus fiant nimis elastici, nimis vibrati, inordinati & asymmetri, separationes fluidorum irregulares, heterogeneæ & vitiosæ, sensoria confusa fiant & languida, totumque corpus præternaturali calore excandescat; tot autem vitia duratura sunt, usque dum transpiratis, aut per excretoria naturæ loca eliminatis heterogeneis corporibus fibrosum sanguinis crassamentum, & reliqua corpora inertia præternaturales densitates, crassities, pondera, moles & motus amiserint, & acquisitâ naturali sive homogeneâ subtilitate, æquabili densitate, debito pondere, motuque proportionali, Massa sanguinis ad naturalem Mixtionem reciprocam elementorum elasticorum & non elasticorum inter se, naturalemque temperiem restituatur: tali methodo ex Mechanicis legibus arbitrandum est, à frigoris affectione ad præternaturalem caloris statum massam sanguinis erumpere in febribus, talique ordine fieri calorem præternaturalem in massa sanguinis, talique lege fluida universa in febribus violenter inter se, & in solida erumpere.

14. Alterum phænomenon, quod expendendum occurrit in febribus intermittentibus est *ratio, cur febrilis accessio frigoris & caloris statutis temporibus redeat?* Cùm in febribus intermittentibus massa sanguinis post accessionem frigoris & caloris ad naturalem statum penè restituta videatur, erunt reciproca mixtio elementorum sanguinis, densitas, crassities, pondus & motus seu momenta eorundem juxtà isochronas naturæ leges quasi restituta; verùm ut clarè exponatur, quomodo determinatis temporibus redeant febriles insultus frigoris & caloris, tria præmittenda esse arbitror. 1. Quamvis massa sanguinis in febrium intermittantium remissione quod ad densitatem, crassitiem, pondus & motum, seu quoad momenta elementorum reciproca ratione mixtorum per aliquam temporis differentiam in canalibus quibuscunque sanguiferis uniformis seu homogenea esse videatur; attamen vitio Chyli, succorum Hepatis, Pancreatis, Lienis, nec non glandularum Omenti & Mesenterii, nonnulla ramenta seu filamenta corporum præternaturalium seu heterogeneorum in massa sanguinis existentium in hanc ingrediuntur, & circumeunt, quæ quantumvis numero, pondere, mensurâ ac momento multò minora sint corporibus homogeneis adhuc dominantibus, nihilominus continuo Chyli, aliorumque humorum heterogeneorum ingressu statutis temporibus febrilem motum restituere apta sunt; Quamobrem secundo loco advertendum est, quòd quàmvis massa sanguinis per aliquod tempus cum reciproca mixtione elementorum componentium juxta densitatem, crassitiem ac motum &c. videatur esse in naturali proportionem uniformis, & cæteris paribus æquabilis, attamen sæpè, ac sæpiùs portio massæ non omninò æquabilis, non omninò uniformis esse potest in spatiis minimis arteriarum & venarum in glandulas desinentium ob asymmetros motus ipsarum glandularum succos heterogeneos, diversorumque momentorum præternaturaliter separantium; Cùm autem (*num. 10. primæ Partis*) ostensum sit, in statu naturali systolem & diastolem cordis cum systole & diastole

diastole arteriarum, glandularumque desinentium debere esse proportionales, cùmque in tali febrium intermittentium remissione sæpissimè non conservetur hæc totalis ratio æqualitatis, aut quasi æqualitatis inter systolem & diastolem cordis cum systole & diastole arteriarum potissimum minimarum, & glandularum desinentium, succos diversæ & præternaturalis indolis separantium, non poterit diutius massa sanguinis in continentibus vasis in æquo mixtionis æquilibrio sustineri: hinc altè occurrit considerandus motus asymmeter glandularum separantium, & vasorum minimorum in glandulis evanescentium; quis enim Praxin Medicam agens in febribus intermittentibus impeditas, aut inertes glandulas Pancreatis, Hepatis, Lienis, aut Mesenterii & Omenti non sensit, aut non cognovit, aut saltem jure optimo non suspicatus est? 3. Certum est, in naturali motu massæ sanguineæ ob isochronas pulsationes cordis, arteriarum, & glandularum, quarum opera una hora sæpè 3000. pulsationes; ex Cardano 4000, juxta Bartholinum 4400; ex calculis verò Celeberrimi Lyster cap. 2. de humoribus 4500. enumerantur, *determinatis temporibus necessariò haberi determinatum circulationum numerum*; æquabilis ergo futura erit lex & ordo motûs elementorum massæ ejusdem, & homologa statutis, determinatisque temporibus eorundem in glandulis separatio.

15. Hisce præmissis cùm succi quantumvis heterogenei primo ingressu in massam sanguinis non semper esse possint numero, pondere ac mensura adeò densi, adeò crassi cum ponderibus & motibus, seu momentis notabiliter inæqualibus respectivè ad ordinatum adhuc motum totius massæ sanguineæ homogeneæ supra cætera corpora heterogenea adhuc prædominantis, nondum alterari poterit notabiliter ordo ac lex, & reciproca naturalis mixtio elementorum sanguinis; Verùm si paulatim, & crescentibus, determinatisque temporibus creverint ingressus corporum heterogeneorum in massam sanguinis, ut post tantum numerum circulationum, qui determinatis temporibus fieri semper debuit numero, pondere ac mensurâ, momenta

momenta corporum heterogeneorum superare incipiant corporum homogeneorum momenta, eo primo tempore in minimis vasis evanescentibus in glandulas, magis magisque asymmetrè motas, utpotè minimorum diametrorum respectivè ad majores diametros canalium, tunc opere corporum densiorum & crassorum heterogeneorum lentescere incipiet sanguis, & cùm ultrò sequatur & subsequatur determinatis circulationum numeris, crescens numerus corporum heterogeneorum, sectiones vasorum primò minimorum cùm decrescant semper in ratione geometricâ respectivè ad majores, primùm frustra solida minima vasorum in glandulas asymmetrè motas evanescentium à quantitate filamentorum sanguinis circulantium in ratione geometricâ aut quasi geometricâ replebuntur, & repleta obstruentur, & quodammodò sæpissimè solidescunt. Ut autem hæc clariora fiant; Eligamus frustum conicum canalisi minimi in glandulam evanescentis; sit nempè frustum conicum $CDcd$ arteriæ desinentis in glandulam, cujus diameter internæ majoris peripheriæ CD sit $= 1$; Diameter verò internæ peripheriæ minoris cd sit $= \frac{1}{3}$; altitudo verò frusti sit $= 6$ (*Vide Fig. 4.*) Ut proximè habeamus quantitatem sanguinis replentem, & contentum in frusto hoc conico, quæ quantitas componat frustum hoc conicum, ex Celeberrimi Ozanam Geometriâ practicâ operando, constabit contentas partes in tali frusto conico fore $= 3\frac{83}{100}$. Quamobrem si partes istæ contentæ, & componentes frustum hoc conicum arteriæ supponantur esse scrupuli, hæ contentæ partes in frusto conico arteriæ minimæ evanescentis proximè æquales erunt scrupulis 4. Advertendum proinde elementa sanguinis heterogenea vitio Chyli, aliorumque humorum, vel ingredi in massam sanguinis quocunque dato circulationum numero *in ratione Arithmetica continua æquali*, vel *discreta inæquali*. Supponatur primò, Elementa heterogenea ingredi in massam sanguinis in ratione arithmetica æquali, videlicet primâ horâ ingrediantur in massam sanguinis 10 grana corporum heterogeneorum;

rum; secundâ horâ 20, tertiâ horâ 30, & sic successivè in tali ratione arithmeticâ, hoc certè spatio horarum 24 ingredientur in massam sanguinis grana 3000, seu scrupuli 150, nempe drachmæ 50, seu uncia 6 $\frac{2}{8}$; Quamobrem si canalium, reliquorumque organorum robur, & vis elastica glandularum separantium, actiones & reactiones liberæ fuerint & expeditæ, separandisque corporibus heterogeneis proportionales, utique separatis corporibus heterogeneis ab homogeneis in ratione æqualitatis fluidorum massa adhuc sana conservabitur, & quàmvis impura, primæ tamen puritati opportuno tempore restituetur: Cæterum si organorum vis elastica, & canalium robur infirmum fuerit, aut in statu inertiae, aut nimis tensum, contractumque fuerit, & glandulæ separatrices obstructæ, aut saltè non ea habuerint momenta separandis corporibus proportionalia, meherclè cùm corporum heterogeneorum gravitates non sint voluminibus suis proportionales, horum centra gravitatis non erunt eadem cum eorum centris magnitudinum, consequenter mutabitur naturalis reciproca proportio momentorum corporum componentium massam sanguineam: Porro cùm impetus corporum heterogeneorum habeant rationem compositam ex ratione velocitatum & voluminum, & horum pondera, velocitates & volumina sint inæqualia, inæqualiter movebuntur corpora heterogenea, & hæc inæqualiter movebunt & percutient ea, quibus undequaque occurrunt: sic ultrò inæqualiter urgebunt latera cordis, & vasorum continentium, & ab horum nisu elastico inæquali inæqualiter urgebuntur; Prætereà ab hisce vitiis corporum heterogeneorum, vasorum continentium, & glandularum ineptè, aut ægrè separantium corpora heterogenea asymmetrè mota, nec à glandulis opportunè separata in glandulis, & finitimis vasorum frustis lentiora fient; quamobrem juxta superiores calculos gratiâ exempli expositos (etenim juxta majorem aut minorem numerum, & gradum densitatis, crassitie, ponderis, & motus præternaturalis

elementorum præternaturalium massæ sanguinis, proportionaliter quoque impediuntur, & obstruuntur citiùs aut tardiùs, magis aut minùs majora aut minora frustra vasorum evanescentium & glandularum); Cùm scrupuli 150. sanguinis ingressi in Massam ejusdem spatio horarum 24. divisi per scrupulos 4. jam contentos in frusto conico canalisi minimi in glandulam evanescentis, apti sint obstruere, & impedire proximè frustra 37. canalium minimorum similium, & æqualium canali super exposito, proculdubio si frustra vasorum fuerint numero 37 proximè, æquali ordine ac tempore impedita & obstructa à scrupulis 150 corporum heterogeneorum, tunc si tantus vasorum minimorum, & glandularum numerus fuerit naturæ gravis ac molestus, ex abolito, aut saltem ex imminuto motu augebuntur contactus inter se, proinde densiora fient, crassiora & graviora elementa heterogenea sanguinis, & per numerum 12 frigoris affectio supervenire incipiet: Ulteriùs delatis semper continuo Circulationum numero filamentis heterogeneis ad extrema vasorum, & retardatâ in minimis canalium frustis & glandularum areolis naturali velocitate sanguinis, filamenta feri & crassamenti sanguinei cùm gradum densitatis, crassitie & ponderis magis magisque acquirant, qui gradus resistantiam afferat advenienti sanguini, & determinatâ temporis mensurâ pressionem violentam efficiat contra contenta quæcunque corpora elastica & non elastica, proinde frigoris sensationes sustineri & augeri videbuntur; Hæc autem pressio corporum elasticorum & non elasticorum ultrò augetur à vi & impetu sanguinis continuò supervenientis, & in minimis canalibus filamenta heterogenea resistantia percutientis; ex hisce autem impulsibus magis densantur, uniuntur & constringuntur corpora cujuscunque generis, usque dum, cùm eum gradum densitatis acquisitum corpora elastica amplius pati ac sustinere non possint (quod determinato semper tempore, ordine ac mensurâ accidit), conentur tandem aliquando objectas resistantias Naturæ molestas undequaque evertere ac superare;

superare; Hinc dato tempore (per numerum 13) quaquà-
versus facto impetu, restitutoque [ut loquuntur] elaterio
massam sanguinis urgent & violenter succutiunt; & sanè
cùm corpora elastica & non elastica violenter & diversi-
modè determinatis temporibus compressa diversorum sint
momentorum, urgebunt quidem, & tangentia quacun-
que corpora urgebuntur in ratione compositâ ex massis
& velocitatibus seu momentis dissimilibus & inæqualibus
eorundem; corpora idcirco cujuscunque generis sine lege
ac ordine, determinatis solum temporibus mota cum præ-
ternaturali actione & reactione inter se, naturalem pro
eo tempore mixtionem invertent, & juxta varias ac dissi-
miles rationes momentorum corporum remissiori, aut
intensiori agitatione, calore ac æstu hac datâ temporis
mensurâ per numerum 13 movebuntur: hinc calor sum-
mus & febrilis incallescencia ægros miserrimè occupant,
statutisque temporibus redeunt, ex præternaturalis materiæ
restitutione per numerum 14, talique ordine, ac successi-
vâ methodo denuò retardantur.

16. Itaque si tantus corporum heterogeneorum nu-
merus, si tanta densitas, si tanta crassities, ac pondus
eorundem in ratione arithmetica continuâ æquali crescen-
tium, gravi Naturæ molestia cumulentur in sanguine, lym-
phâ & succo nerveo, ut spatio horarum 24 semper re-
tardentur velocitates sanguinis in tot ac tantis vasorum
minimorum frustis, in tot ac tantis glandularum spatiis,
ita ut etiam in majoribus frustis data ratione, ac tempo-
re imminutæ reddantur velocitates massæ sanguinis cum
determinatâ pressione corporum elasticorum & non ela-
sticorum, cum inæquali omnibus in locis actione & re-
actione vasorum, & fluidorum, ex quibus vitiosæ & in-
eptæ mixtiones superveniunt, tunc cum affectione frigo-
ris per numerum 12, subsequente postea calore per nu-
merum 13. *Quotidianæ febres homotonæ & regulares orientur;*
Quòd si heterogenea elementa vitio Chyli, aliorumque
corporum ingrediantur in massam sanguinis in ratione
arithmetica continuâ æquali quidem, sed augeantur hæc

Febres
quotidia-
næ.

Febris
quotidia-
na duplex.

Febres
quotidia-
nae inæ-
quales.

Febres
lymphati-
cae.

dato tempore in tali ratione, ut primâ horâ ingrediantur gratiâ exempli 40 grana corporum heterogeneousorum, secundâ horâ 80, tertiâ horâ 120 ingressa sint in massam sanguinis, & sic successivè gravi Naturæ molestia, minimorumque vasorum, ac glandularum impedimento, æqualibusque temporibus cum retardatis proportionaliter fluidorum velocitatibus, iisdem quoque temporibus, talique compressione corporum elasticorum, cum præternaturalibus actionibus & reactionibus organorum, & fluidorum, & præternaturali mixtione eorundem, tunc spatium horarum 12, [grana enim 3120 corporum heterogeneousorum ingressa erunt in massam sanguinis] *duplex quotidiana febris regularis & homotona* cum frigore per numerum 12, postmodum verò cum calore per numerum 13 exorietur. Ex his clarum est, vitio Chyli, aliorumque Humororum, si tantus corporum heterogeneousorum numerus, si tanta crassities, si tanta densitas, tantumque pondus Naturæ grave ac molestum cumulentur in sanguine in ratione arithmetica discretâ inæquali crescendo, cum velocitatibus sanguinis sine ordine, loco ac tempore retardatis in minimis vasorum frustis, ac spatiis glandularum, & cum inæqualibus loco ac tempore compressionibus corporum elasticorum, fiant actiones & reactiones præternaturales solidorum & fluidorum, cum præternaturali miscela eorundem loco ac tempore inæquali; tunc cum asymmetris, irregularibus, inordinatisque frigoris accessionibus [per numerum 12], postmodum verò cum calore [per numerum 13] emergent *febres quotidiana simplices, aut duplices &c. alteriusque generis, sed inæquales, inordinatae & asymmetrae*. Advertendum hic ob Vitium Lymphæ quantitate, densitate, crassitie, pondere ac motu asymmetro peccantis supra æquas Naturæ leges, cum glandularum & minimorum vasorum, Omenti & Mesenterii potissimum impedimento, *lymphaticas ac lentas febres contumaci duratione*, noctu potissimum ob graviores Atmosphæram ingravescere cum aliquali per dorsum refrigeratione & inertia ad motum; cum enim lymphaticus humor crassior, densior & pondero-

fior

fior fit redditus, lentiori quoque motu progreditur: immutato autem motu augentur fluidi altitudines, & lymphatica vascula continentia ad majorem superficiem extendi debuerunt; proinde & adaucto pondere, & adauctâ superficie impediuntur spatia, & naturales oscillationes seu Motus distractionis & contractionis fibrarum muscularium, carniarum, nervorum & tendinum adjacentium, ut aliquatim refrigerari & iners fieri ad motum Animal debeat.

17. Quod si tantus numerus corporum heterogeneorum Chyli & Bilis potissimum pondere ac motu Naturæ molestus transferatur in massam sanguinis in ratione arithmetica continuâ æquali, pariterque præternaturales actiones & reactiones solidorum potissimum glandularum Hepatis, Omenti & Mesenterii, & fluidorum, nec non præternaturalia momenta eodem, aut simili loco vasorum minimorum producantur semper spatio horarum 48, & sic successivè; & à principio unius accessionis ad principium alterius semper intercedat talis, determinatusque numerus horarum 48, utique *legitimæ Febres Tertianæ homotona & regulares*, cum frigore per numerum 12, postmodum verò cum calore per numerum 13 violentissimè irruent. Ulteriùs si ea, quæ suprà diximus, ingrediantur in massam sanguinis in ratione arithmetica discretâ inæquali, hæc numero, pondere ac motu seu momentis inæqualibus agendo & reagendo, inæquali, varioque loco ac tempore retardando velocitates sanguinis cum frigore per numerum 12, postea nisu ac conatu corporum elasticorum cum calore per numerum 13. *Tertianas Febres aliquando simplices, aliquando duplices, alteriusque generis, sed inæquales, inordinatas, asymmetras* præternaturali mixtionis motu producent. Hic & ibi plerumque primus paroxysmus tertio, secundus quarto respondent, & sic successivè alternâ, seu permutatâ ratione paroxysmi progredi consuecunt per numerum 14.

Febres
tertianæ
legitimæ.

Febres
tertianæ
illegitimæ.

18. Simili Methodo, ordine ac lege, remissioribus tamen symptomatibus, si tantus corporum heterogeneorum

Febres
quartanæ
simplices.

Febres
quartanæ
compo-
sitæ.

numerus, si tanta crassities, si tanta densitas, tantumque pondus Naturæ grave & molestum, [quod potissimum evenire putandum ex prægressâ æstivi temporis niminâ particularum sulfurearum, balsamicarumque transpiratione] crescant in ratione arithmeticâ continuâ æquali, tali ordine, loco ac tempore, ut spatio horarum 72 velocitates naturales fluidorum æqualibus locis ac temporibus æquabiliter retardatæ sint in minimis vasorum frustis spatiisque glandularum, & cum æqualibus loco ac tempore compressionibus corporum elasticorum fiant actiones & reactiones solidorum & fluidorum præternaturales, cum præternaturali mixtione eorundem; & sic successivè à principio unius paroxysmi ad principium alterius spatio semper horarum 72 progressio fiat, tunc cum frigore [per numerum 12] deinde cum calore [per numerum 13] *Febres Quartanæ simplices & homotonæ* erunt producendæ: Verum si hæc ac tanta ingrediantur in Massam sanguinis in ratione arithmeticâ discretâ inæquali, & subsequantur actiones & reactiones præternaturales inæquali ordine, variis in locis, variisque temporibus fiant paroxysmi horis 72 respondentes, cum retardatis velocitatibus fluidorum in frustis minimis canalium & glandularum &c.; utique cum frigore [per numerum 12] accessiones quartanarum orientur, deinde ob vires & conatus elasticos corporum elasticorum cum calore [per numerum 13] febriles supervenient: Hinc *Quartanæ Febres* evenient aut simplices, aut duplices, alteriusque generis, sed inæquales, inordinatæ & asymmetræ, talique ordine ac methodo per numerum 14 erunt reddituræ.

Febres
Epheme-
ræ.

19. Denique si hæc omnia accidant spatio horarum 12. aut 18. aut 24. &c.; ita tamen ut non amplius fiat paroxysmorum alternâ, aut successiva progressio, nec ultrò redeat ingressus corporum heterogeneorum in Massam sanguinis, cum totali & omnimodâ libertate sanguinis, & restitutione actionum & reactionum naturalium &c. tunc cum frigore [per numerum 13] *Febres Ephemeræ* modò leviores, modò graviores juxta quantitates ac vires

vires corporum heterogeneorum majori, aut minori momento incalescent, quæ aut sudore, aut opportunâ corporum heterogeneorum separatione redimentur.

20. Simili ratione quascunque ex intermittentium genere Febres fieri judicandum probabiliter est; verum cum hujusmodi morborum genera pluribus symptomatibus gravari soleant, hinc raptim de his, quæ frequentius accidunt, nonnulla dicere consultum putavi. Dum itaque corpora elastica Massæ sanguineæ antea violenter compressa in glandulis, minimisque canalium frustis, suos conatus elasticitatis compressionibus suis proportionales, quaquâversus exercent, agendo & reagendo contra quascunque componentes particulas præternaturali elementorum componentium mixtione, & contra solida quælibet nervea lymphatica, venosa & arteriosa cum æstu & calore ac motu violentissimo Massæ sanguineæ universa diruendo; jure in tam violentis, continuisque particularum percussionibus ac motibus corpora quælibet Massæ sanguineæ atteri, & in minimas partes, ac fortassè infinitè parvas dividi debebunt: cum enim in calore ac febrili æstu agitationes seu impressiones particularum sulfurearum, aliarumque elasticarum in cætera fluidorum corpora sint proximè in ratione compositâ velocitatum & simplâ densitatum particularum sulfurearum, aliorumque corporum elasticorum, constat, quantum corpora quælibet componentia violentissimis actionibus & reactionibus agitari, & in minima dividi debeant; etenim cum solida similia sanguinem componentia decrescant semper in ratione triplicatâ laterum homologorum, horum superficies in duplicatâ tantummodò; cumque solida similia ejusdem generis sint ut pondera, non dubitandum, ex tam diminutis solidis pondere, soliditate & superficie ad miliares & cutaneas glandulas deferri debere quantitate ac velocitate seu momento multò majori, quam par est; proinde hæc plus justo transpirare uberrimis sudoribus conabuntur [de qua re num. 42. secundæ partis satis actum est]: Hisce autem transpiratis velocitas fluidorum moderatur

moderatur, & densitates mediæ fluidorum antea præternaturalium restituantur; redit inde opportuna Mixtio & solidorum cum fluidis æquilibrium: tempore autem tanti motûs ac caloris, tantarumque actionum & reactionum præternaturalium Massæ sanguinis frequentissimæ succedunt jactationes, inquietudines, difficilesque respirationes, sed potissimum ægri acerrimè *sitiunt*; Id sanè evenit, cùm nimirum portio non levis Seri per sudores transpirati fluere debuisset per spatia glandularum linguæ, œsophagi & palati hæc undequaque madefaciens; verùm tantæ transpirationis incommodo tot fluidis privata spatia linguæ & palati & fibræ glandularum opportuno liquido fraudatæ arefcere conantur, aridæ verò factæ contrahuntur, quo statu angustiora fiunt glandularum foramina, quinimò ablatis, aut imminutis Momentis distractionum & contractionum glandularum, aliarumque fibrarum intervenientium aut non adjuvant fibræ motum fluidorum, ut necessariam fluidi portionem excipiant, aut exceptam non promovent, novam opportuniæ partium irrigationi accommodam suscepturæ: Ulteriùs à filamentis heterogeneis Massæ sanguinis sapissimè obstruuntur glandularum salivalium spatia, impeditoque, aut saltem imminuto seri fluxu determinatâ fibrarum & glandularum corrugatione *sitim* afferunt.

21. Præter hæc à febrili sanguinis motu dilatata inæqualiter Vasa quælibet, potissimum Venæ & arteriæ Menyngum, has inæqualibus percussionibus violenter extendunt, extensæ inæquali Diastole calvariam arietant *Dolorem Capitis* afferentes: Porrò cùm curvæ Menyngum fibræ ex nimio sanguinis motu violenter dilatatæ fiant segmenta majorum arcuum, momentum distractionis Menyngum non erit æquale, aut proportionale momento constrictionis earundem, sed præpollens, proinde ex asymmetra fluidorum velocitate per vasa Menyngum naturales fibrarum anguli fient inæquales ac dissimiles. Ob id mutabitur earum naturalis directio & parallelismus
cum

cum asymmetra distractione & contractione earum, à quibus omnibus dolorem fieri, num. 8. Mechanicæ Solidorum ostensum est; præterea cum à glandulis Menyngum in præternaturali motu ac mixtione sanguinis separatur serum, peccans quantitate, superficie salium contentorum ac motu eorum, ab his gravantur, percutiuntur & stimulantur Menynges cum graviori capitis dolore; quinimò cum à continuis Menyngum stimulis fibræ quoque Medullares Cerebri à Menyngibus circumdatæ inæquales, continuasque sollicitationes ac stimulos molestâ communicatione excipiant, hæ medullares fibræ tantis tantisque motibus sollicitatæ sensoria actuosa reddunt frequentissimis, minimisque oscillationibus, ut ægri continuo *Vigiles* esse teneantur.

22. Nec dispar molestia occurrit stomacho, cum frequentissimè ab asymmetris Menyngum motibus communicatâ per nervos membranis Stomachi motuum asymmetriâ ægri à frequenti Vomitu succutiuntur; præterquàm quòd impura corpora, asperarumque superficierum à glandulis stomachi separata, vel ex duodeno bilis ramenta sursum pulsa in ventriculum repetitis vellicationibus stomachi membranas sollicitando, mox stimulando, & momenta contractionis augendo vomitum afferunt.

23. Quia verò in febrium potissimùm intermittentium Declinatione excernuntur urinarum copię aliquando cum levamine, si hæ fuerint ægri viribus & naturæ morbi proportionales; aliquando verò periculosæ, si supra vires morbi & naturæ constiterint; hinc visum est rei nostræ opportunum, brevi *Urinarum separationes* expendere. Certum est, in febrium augmento ac statu, in quo sanguinis velocitas major est, aliquando summa elementa heterogenea nimis confusa esse, & glandularum actiones atque elasticitates asymmetris momentorum gradibus oscillare, quo tempore nullatenus æquâ ratione separari possunt à glandulis viscerum similia corpora à dissimilibus; æquæ nimirum separationes corporum similium à dissimilibus cum statutis temporibus & æquabalibus, placidisque motibus fluidorum & glandularum fieri naturaliter debe-

ut (pag. 29. primæ Partis indicatum est), nulla quidem actio separationis opportuna Naturæ fieri poterit, nisi Declinationis tempore, quo velocitas sanguinis & oscillatio solidorum naturali motuum momento accedunt: Verum quia aliquando accidit etiam Declinationis tempore à renalibus glandulis tantam urinarum copiam separari, quæ viribus gravis ac molesta Naturæ *Diabetem* afferat, proinde juvat hîc de tam gravi symptomate brevi differere. Ab adaucta velocitate sanguinis in febribus, à concitata actione & reactione particularum massæ sanguinis, hujus filamenta, & reliqua componentia attrita nimis fiunt, & in partes infinitè parvas divisa: serum cum non æquâ & opportunâ mixtione cum reliquis massæ sanguineæ particulis reciprocè misceatur liberiori motu fluit: Serum hoc copiosius delatum in renales glandulas impetu summo urget internos parietes glandularum, cum verò impetus sit factum ex massâ talis fluidi ductâ in velocitatem, quâ fluidum temporibus æquabilibus defertur, erit impetus tanti fluidi erumpentis per foramina arteriarum evanescentium in glandulas in ratione compositâ ex rationibus duplicatâ velocitatum, simplâ densitatum seu gravitatum specificarum, & simpla foraminum (a), è quibus erumpunt in glandulas desinentes; Quamobrem si cæteris paribus Velocitas seri fluentis ab uno orificio vasis desinentis in renalem glandulam in statu naturali fuerit $u^2 = 4$ nempe in ratione duplicata radice $u = 2$; densitas verò, seu gravitas specifica seri fuerit $= d$; foramen verò è quo erumpit serum in glandulam sit $= 0$; erit quantitas motus seu impetus seri fluentis è glandula renali proximè ut $u^2 + d + 0$. Ita si supponatur in statu febrili radicem Velocitatis massæ sanguinis augeri tantum in ratione triplâ, ita ut etiam radix velocitatis seri separandi in glandula renali sit $V = 6$, densitas verò $= d$, seu gravitas specifica seri supponatur eadem in eodem sanguine, idemque pariter sit foramen, è quo erumpit

(a) Per Prop 31. pag. 214.
Hermanni.

pit æqualibus temporibus $= 0$, erit impetus feri fluentis in statu febrili proximè ut $V^2 = 36 + d + 0$, tali ergo ratione fluens præternaturaliter serum ab orificiis singularibus vasorum evanescentium in vasa glandularum urgere debebit singulos internos parietes glandularum singularibus momentis $= 36$. En ergo gravis & molesta extensio & dilatatio renalium glandularum. Cùm verò quantitas, seu filamenta feri fluentis (a) æqualibus temporibus per orificia vasorum in glandulas sint in ratione composita proximè ex rationibus orificiorum vasorum, & velocitatum feri fluentis, cùmque impetus velocitatis naturalis suppositus fuerit $= 4$ erunt cæteris paribus quantitates feri æqualibus temporibus delatæ momento velocitatis præternaturalis ut 36 proximè in ratione noncupla ac fuerant in statu naturali. Glandulæ itaque taliter extensæ excipere proximè debebunt noncuplam quantitatem feri; verùm cùm hæ sint ex elasticis vasorum fibris & ex elasticis membranarum filamentis elaboratæ, eorumque opera constrictæ, si accadat eâ ratione quâ fuerant dilatatæ, urgebunt momento adaucto constrictionis per glandularum foramina noncuplam, aut quasi noncuplam quantitatem feri iisdem temporibus; En ergo excedens feri copia, & magna urinarum effusio, quinimò adeò aliquando excedens est, ut sæpiissimè miratus sim, naturalem feri quantitatem & potiones ingestas longè fuisse superatas.

24. Tàm grave, mirandumque phænomenon Aëri potissimùm deberi arbitratus sum, qui per pulmones, per ventriculū, per cibos, potiones continuò exceptus, & inde effusus in massam sanguinis tàm gravia phænomena parit ac sustinet: & sanè tantam aquarum copiam ab aëre potissimùm cumulari posse affabrè docet experimentum à Celeberrimo P. Lana expositum *cap. 15. sui Prodro-
mi*. Accipit enim Vas vitreum excavatum, & in formam Coni elaboratum, talique lege suspendit, ut vertex Co-

F 2

ni vitrei


(a) Per Prop. 30. Hermanni
pag. 214.

ni vitrei pendulus , deorsum tendens sustineatur : Hoc vas nive , aut glacie repleatur , & Soli , aut quocunque loco calido exponatur ; Aër continuò ambiens externam Coni vitrei superficiem continuò densabitur , & paulatim in pendulo vertice Coni undequaque collectus continuam aquam erit stillaturus , inclusa quidem nive , aut glacie parùm , aut nihil imminuta : Hac methodo perennem fontem generari posse , hancque aquam sanandis Heëticis utilissimam celeberrimus Auctor testatus est : Ab hujusmodi experimento necesse est colligere , particulas quoque aëris in sanguinea Massa undequaque exceptas , collectasque aliquando uniri , ac densari taliter posse , ut hæ continuam in aquam collectæ stillare coactæ sint ; tam mirandum opus fortassè futurum erit in sanguine , cùm filamenta fluidorum Massam sanguineam componentia enervato Mixtionis naturalis vinculo laxa , attrita ac resoluta nimis fuerint , ut opportuna ac necessaria Vi intimam mixtionem aëris cum reliquis particulis sustinere ac conservare aptè non possint ; hæ nimirum aëris moles cum non intimè unitæ , nec ad minima cum singulis , ac reliquis massæ sanguineæ componentibus permixtæ esse possint , hæ necessariò unitæ sero supra cætera elementa naturaliter frigidiori , majori ac multiplici quàm par est inter se contactu grandiores & activiores fiunt , simulque supra naturalem numerum agglomeratæ ac collectæ , proinde inter se nimis tangentes serum , cui miscentur , numero , pondere ac motu urgent & augent , & per laxatas , extensasque renales glandulas uberrima urinarum separatione excernuntur ; cùm verò semper continua aëris quantitas numero , pondere ac motu excipiat in massa sanguinis , hæc quoque continuò una cum sero per renales glandulas fluxura erit. Non rarum ultrò est à *longa Diarrhæa* torqueri ægros , ut excretiones longè superent quantitatem ac pondus cibi & potûs , quibus vesci solent ; Hujusmodi Diarrhœæ non semper ab asymmetria humorum , sed potissimum ab aëris particulis non intimè , non perfectè commixtis cum reliquis ,

quis, ac singulis massæ sanguineæ componentibus elementis generari solent; hæ nimirum aëris moles cum inter se uniri, colligi ac tangentes inter se fieri nimis possint ac densari, momento suo elastico intestina undequaque sollicitant ac stimulant, quæ stimulata frequentissimis distractionis & contractionis motibus oscillando, copiosius serum ab intestinalibus glandulis exprimunt, sicque unione facta cum separatis corporibus numero, pondere ac motu longas Diarrhoeas sustinent ac promovent. Hæc, quæ de aëre & de momento ejusdem exposuimus non nova, neque improbabilia iis videbuntur, qui aëris momenta & actiones in fluidis, quibus miscentur, Mechanicâ ratione cognoverint, cum apertum sit sedulò cogitantibus, plurima morborum & actionum phænomena Animali evenire ob incomprehensibile elastici aëris ministerium. Interim hoc unum addo, me Lectoribus tædio esse futurum, si universa febrium intermittentium genera, si singula horum symptomata expendere, cum ab iis, quæ huc usque dicta sunt, omnia, quæ supersunt exsolvi & explicari facillè possint.

Finis Secundæ Dissertationis.





DE FEBRIBUS CONTINUIS.

DISSERTATIO TERTIA.

25.



Æpissimè Intermittentes Febres ablatâ, aut enervatâ densitate, crassitie ac momento filamentorum Massæ sanguinis, nec non corporum inertium, cum excessu Momentorum corporum elasticorum habentium rationem majoris inæqualitatis respectivè ad Momenta corporum inertium, in *Continuas Febres* & aliquando in *Malignas* mutari facilimè poterunt. Sæpè tamen primo insultu febrium irruunt continuæ, & graviori aliquando culpâ Malignæ febres ægros enecant; Quotiescunque aliquam ob causam, vel externam, vel internam, sive mixtam quantitates & vires elasticæ corporum elasticorum numero ac motu seu momento reliquas particulas inertes, seu non elasticas superaverint, ut non solo nisu elastico inter se, sed concepto impetu agant vi, aut momento cujuscunque causæ externæ, aut internæ, aut mixtæ contra inertes particulas, & contra momenta distractionis & contractionis vasorum, aliorumque solidorum conspirantium, tunc febres continuæ sine frigore erunt oritura; cùm enim hîc filamenta sanguinis & reliqua corpora inertia nullatenus sint, quod attinet ad densitatem, crassitiem & motum reliquis particulis actuosis seu elasticis proportionalia, cùmque inertia corpora habeant numero, pondere ac motu rationem minoris

minoris inæqualitatis respectivè ad momenta corporum elasticorum; præternaturales etenim vires elasticæ corporum elasticorum nullo modo cohiberi possunt, frenari ac vinci per aliquam temporis differentiam à densitate, crassitie ac momento corporum inertium; proinde sine frigore, sed solo cum calore irruent febres continuæ: Et sanè cum vires vivæ corporum elasticorum in statu naturali inertibus quoque corporibus momenta sua continuâ actione & reactione elastici contactûs communicent, & horum corporum elasticorum vires vivæ sint in ratione composita ex ratione simpla massarum, & ratione duplicata velocitatum (a), pariterque cùm calor sit ut impressiones particularum corporis calidi in corpore calorem excipiente; istæ autem impressiones sint pariter [per prop. 85. Hermanni] in ratione composita ex duplicata velocitatum, & simpla densitatum seu massarum: manifestum est ex harum rationum æqualitate, aut quasi æqualitate inter calorem, & vires vivas corporum elasticorum, has quoque cum calore esse copulandas, caloremque naturaliter esse producturas: Verùm cùm vires vivæ elementorum sanguinis in febribus sint præternaturales, nempe cum gravi excessu velocitatum crescentium in ratione duplicata earundem, futura erit aliquando velocitas sanguinis adeò excedens, ut arteriarum orificia plus evomant temporibus æqualibus quantitatem sanguinis, quam orificia venarum temporibus quoque æqualibus excipere apta sint: proinde quantitates liquorum numero, pondere ac motu nimis effusæ in carnum, membranarum, reliquorumq; solidorum spatia, nec opportuno tempore ac proportionali motu à venis exceptæ momento suo auferent, aut saltem enervabunt momenta distractionis & contractionis fibrarum conspirantium motui sanguinis in finitima orificia venarum: retardato motu sanguinis lentescant elementa ejusdem, & paulatim statuta inflammatione *Febres Inflammatorias* erunt productura: Porro hæc vitia ultro

(a) Per Theorema 42. Wolffii
Mechan. pag. 594.

trò emergent, si consideraverimus volumina sanguinis in statu naturali, eademque in statu præternaturalis dilatationis: hæc enim duo volumina cum haberi possint ut solida similia, quæ inter se proportionem habent triplicatam laterum homologorum, erunt porositates seu interstitia voluminibus interspersa lateribus solidorum homologorum proportionalia, quæ latera cum sint in ratione subtriplicata solidorum, erunt pororum amplitudines, seu particularum sibi invicem proximarum distantia inter se in ratione subtriplicata, seu ut radices cubicæ voluminum sanguinis; Si ergo in statu naturalis dilatationis Massæ sanguinis pororum amplitudines fuerint ut unum, in statu verò præternaturalis rarefactionis ejusdem voluminis sanguinis fuerint ut 3. erit volumen sanguinis in statu naturalis dilatationis ad volumen ejusdem in statu præternaturalis dilatationis ut 1 ad 27, seu ut Cubus ad Cubum; Idem ergo volumen sanguinis, quod in statu naturalis rarefactionis occupaverat spatium cubicum ut unum, in statu præternaturalis dilatationis in febribus erit proximè in arteriis ac venis, cæterisque carniū spatiis 27 spatia cubica occupaturum: cum itaque tot ac tanta volumina cubica præternaturalia sanguinis nimia spatia repleant, nec tam promptè ac facilè ab orificiis venarum communicantium excipi possint temporibus æqualibus, quibus volumina hæc tam copiosè, ac violenter ab arteriarum orificiis evomuntur, plurima quidem solida cubica sanguinis inter spatia arteriarum evanescentium, & venarum incipientium remanere debebunt numero, pondere ac motu nutritioni partium inepta, nec motui per venas sequuturo opportuna: plurima ergo solida cubica in tot spatiis otiosè lentescuntia firmabunt inflammationis exordia, febres inflammatorias productura.

Febres
inflammato-
riæ.

26. Hæc vitiosa & lentescuntia sanguinis volumina per poros carniū, membranarum, aliorumque spatio-
rum effusa, si per substantiam Hepatis effluant *Hepatitis*; si per Lienem, per Mesenterium, per Capitis mem-
branas irruant, harum partium Erysipelata & *Febres Erysi-*
pelatosæ

pelatosas graviter afferent; si verò per Stomachi substantiam, *Lypirias* febres gravissimo fato trahent. Inflammatoriis autem febribus, lypiriis potissimum, commune est, nervos, membranas, & cætera solida crispare ac convellere; vitium enim hoc esse debuit ex succo nerveo impuro, falsisque particulis nimis affecto, ex laxata mixtione naturali reciproca elementorum sanguinis falsa corpora molestè agere, & solidorum spatia, quibus aut firmiter, aut lento motu adhærent, vasorumque circumferentias, quas undequaque gravi sollicitatione tangunt, molestè sollicitare ac stimulare: crispatis ergo, convulsisque Solidorum filamentis Momentum contractionis solidorum præpollens fit, supra momentum distractionis eorundem; ex tantâ Momenti contractionis præpollentiâ solida coguntur tonico velut motu consistere; ex his fluida quælibet per vasa decurrentia, cum non ab æquabili Motu homologo distractionis & contractionis vasorum, aliarumque fibrarum conspirantium non opportunè adjuventur, lentescere, & tardo quantumvis continuo febrili motu moveri conabuntur; Ibi potissimum in externâ videlicet corporis superficie, ubi vasa minima sunt, in quibus fluidorum motus naturaliter minor esse debet; cum verò in canalibus, quorum diametri sunt majores & cordi proximiores, non ea acervari ac cumulari possint filamentorum densitas & crassities, quæ motum sanguinis eâ lege tardiores reddant, sensationi frigoris interni producendæ proportionalem, cumque ulterius elastica corpora soluto jam mixtionis naturalis vinculo ob proximi cordis impetum motu continuo semper agant & reagant, hinc in lypiriis exteriora frigere, interiora uri experimur. Cavendum hic, ne à duritie & consistentiâ pulsuum sanis similium decepti, ægros putemus minimâ aut nullâ febre laborantes, cum febres non tantum à præternaturali velocitate pulsuum, verum etiam à præternaturali tarditate fieri possint; affectiones enim cardiacæ, singultus, vomitus, jactationes continuæ, suspiria, anxietates, respirationis angustia, & aliquando lachrymæ involuntariæ, molestâ membranarum & nervorum sollicitatione ac consensu majora prædicunt mala, quàm convulsi pulsus indicare videantur.

Febres
Malignæ.

27. Inflammatoriis febribus affines sunt Febres illæ, quæ à Medicis *Malignæ* appellari solent, ita ut hæ ab illis non naturâ, sed gradu differre mihi visæ sint: Communiter à *Dissolutione & Coagulatione* generatas Medici putaverunt; ex Chymicis enim edocti sunt, Spiritum Nitri & Spiritum Vitrioli, quorum singuli cum per se innocui sint, si tamen invicem misceantur, tertiam quandam substantiam, quam aquam stygiam dicunt, eminenter ac graviter dissolutivam componere ultrò experti sunt; Ita sulfureæ particulæ cum nitrosis, aut vitriolicis corporibus mixtæ tertium quoddam dissolvens compositum arsenicale elaborant, quamvis sejunctim sine culpâ operentur. E contra eminenter coagulant aluminosâ & vitriolica opere Prismatum Octaëdricorum, aut Parallelipedorum Romboïdéorum, si supra numerum, pondus ac motum sanguineo fluido misceantur: Cum itaque in massa sanguinis corpora fluant diversæ superficiei, molis, ponderis & figuræ: hæc cum per se actionibus Naturæ proficere apta sint, si tamen accadat, misceri aliquando inter se & uniri particulis, quarum unio ac complexus tertiam quandam substantiam elaboret, quæ superficiei ac figurâ venefici corporis figuram ac superficiem construat, non dubitandum, à gravi horum magisterio Massam sanguinis aut dissolvi posse, aut coagulari. Cum enim horum momenta, ac vires sint nimis inæqualiter, ac nimis dissimiliter actuosæ contra naturalia momenta, ac vires corporum reciprocaratione miscibilium, efficient hæc præternaturalia corpora contactus & percussiones semper nimium inæquales, dissimiles & asymmetras, usque dum dissolutione factâ, aut coagulatione, juxta Naturas ac Momenta corporum seu elementorum agentium (effectus enim semper suis causis adæquatis proportionales sunt) Massa sanguinis Malignâ febrî, aut dissoluta corruat, aut coagulata: Hæ tamen febres, quantumvis à dissolutione & coagulatione partiri soleant, nihilominus si harum phænomena & anomalix attentissimè expendantur, pro potissimâ causâ offerunt plerumque *dissolutionem texturæ sanguinis gravio- rem, quàm in cæteris febrium generibus*, pro effectu verò *coagulationem*; enimverò præter ea, quæ de causis febrium inflammatoriarum

toriarum mox à nobis relata sunt, si aliquam ob causam sive internam, sive externam, sive mixtam scindantur nimis, rumpantur, ac lacerentur filamenta Massæ sanguineæ, ut omninò corruat unio & nexus ille, quo componitur reciproca mixtio elementorum; quo nexu pariter elaboratur proportionalis status mixtionis seri cum cæteris quibuscunque elementis elasticis & non elasticis, tunc *Febres Malignæ ex dissolutione* fieri abitrandum est: Verùm cum taliter dissolutâ Texturâ Sanguinis corpora elastica & non elastica esse non possint inter se opportunè tangentia ac mixta, corpora quidem elastica non satis, non aptè movere poterunt ac urgere inertia corpora, seu non elastica, proinde corpora inertia nullo modo reagere opportunè poterunt contra corpora elastica, ut exigit naturalis & æquabilis actio & reactio corporum inter se reciprocè miscibilium; ob id ex omnimodâ inæqualitate corporum inter se incidentium quocunque tempore semper inæquales ac dissimiles fient anguli incidentiæ cum angulis reflexionum eorundem; proinde cum corpora elastica nimis præpollentia corporibus non elasticis misceri nullo modo reciproca ratione possint, elastica corpora à non elasticis præpollentiâ momentorum separari continuò conabuntur: inertia inde corpora ab elasticis paulatim sejuncta nimis inter se unientur, hoc autem amplexu graviora reddita lentescunt, majoremque elasticis corporibus resistantiam ferent, aut ex nimio inter se contactu corporum, fient minimi, aut nulli anguli incidentiæ & reflexionis; quapropter aut inæquales & dissimiles semper evenient corporum impactorum & retropulsorum Velocitates, aut penè nullæ; proinde diversa & dissimilia semper Momenta, aut nulla contingere necesse erit: inertia ergo corpora, aut non opportunè, aut lentè mota, & omnimodâ inæqualitate percussa, nec cum elasticis aptè mixta, retardare motum, ac lentescere coacta erunt; Id si eveniat in sinibus Menyngum, aut in præcipuis spatiis membranarum, carniū, aliarumque intercapedinum gravi Naturæ damno erit futurum; En ergo à *Causâ dissolutionis*, sequens *effectus coagulationis* in aliquâ parte. Operâ igitur dissolutionis texturæ sanguinis pulsus fiunt languidi & enerves, ex nervorum sæpissimè, vasorumque para-

lysi, vigiliæ, stillæ sanguinis è naribus, Diarrhœæ, Dysenteria; cum verò tam gravis sanguinis dissolutio id fecerit, ut hinc inde coagulationem sanguinis produxerit, eo tempore fient quidem pulsus duri & convulsi, phrenitides, affectiones lethargicæ, linguæ aridæ & siccæ, aliquorum membrorum convulsiones &c. & in utrâque morbi differentiâ peticulæ, urinæ confusæ ac turbidæ in conspectum se offerent. Fatemur tamen, aliquando ex paralyfi vasorum, ex imminutis nimium viribus corporum elasticorum cum adauctâ supra modum inertîâ, densitate, crassitie ac pondere filamentorum, & corporum non elasticorum Malignas febres ex Coagulatione, non tanquàm ab effectu antecedentis dissolutionis, sed tanquàm à primariâ causâ ob numerum particulæ vitriolicarum, aut aluminosarum, præter ea quæ modò diximus, dominantium, esse pariter orituræ; denique advertendum, Malignas febres cujuscunque generis, aut debiliores, aut fortiores futuras esse juxta vires ac momenta causarum [aëris potissimum arsenicalibus particulis permixti] diversimodè agentium in Massâ sanguinis.

Febris
Hectica.

28. Remanet Hectica febris inter continuas deterior, licet mitior cæteris esse videatur; Hæc plerumque ab intermittentibus febribus, vel à continuis, vel malè curatis, vel nimium productis: pariterque ab obstructionibus viscerum, inertîâ, aut pravitate succi nervei cum naturali potissimum pulmonarium solidorum laxitate & tenuitate oriri solet: nimius enim sudor in febribus continuis & intermittentibus, nimia urinarum copia, aut Diarrhœa, aut Dysenteria &c. filamenta crassamenti sanguinei enervant, quibus laxatis & enervatis evolant & deperduntur elastica corpora sulfurea præcipuè, cum activiora & mobilia sint cæteris, ut oleosæ urinarum guttulæ indicant: hisce ergo corporibus balsamicis depauperata Massa sanguinis cogitur cum pulsu debili ac celeri ineptè, lentè & agrè misceri, minutoque febrili motu agitari: porrò salsa corpora numero, pondere ac momento activiora, nec ab oleosis sulfurum superficiebus juxta reciproca mixtionis rationem opportunè involuta, ac lenita, circa proprios axes continuò rotando angulosis superficiebus filamenta crassamenti sanguinei altè erodunt ac lacerant: Serum ulterius tot salibus ferax ab Asperæ Arteriæ

glandulis, & à lymphaticis continuò fluens in pulmonaria spatia, hæc continuè sollicitando ac stimulando molestam tussim producit; quinimò sæpe, ac sæpiùs à numero, pondere ac momento serositatum salutarum continuò fluentium in pulmones, erosa pulmonum filamenta cum respiratione difficili insanabile ulcus afferunt; Seri quoque falsi copia, & attrita jam filamenta sanguinis, utraq; opportunæ mixtionis inepta, nec aptæ nutritioni accomoda immodicis sudoribus exeunt, usque dum deficientibus balsamico sulfure, ac dulci sero medullæ ipsæ ossium, musculi, carnes, & cutis ipsa Vitæ resolutione areiscant.

29. Cùm in febribus molestissima fitis ægros ferè semper torquere soleat, hac datâ loci opportunitate non spernendum consilium est, rationem & qualitatem potûs expendere, ne ægri qualitate & quantitate decepti ingravescant: hoc ultrò necessarium putavi, cùm nonnulli Celeberrimi Viri copiosæ & frigidissimæ aquæ potum consulere audacter voluerint, quibus Celeberrimus Vallisnerius Præceptor meus tantâ ratione, doctrinâ & practicis experimentis obstitit, ut nil melius, nil fortius dici possit; Cum tanto itaque Præceptore pauca, sed opportuna dicere animus est, ut copiosæ frigidissimæ potionis damna, nec non beneficia potus calidi innotescant. Primò itaque fluida frigidissima & copiosa Vi *ponderis* altè premunt stomachi fundum; vi autem *frigoris* fibræ stomachi contrahuntur ac crispantur ut num. 6. Mechan. Solidor. satis ostensum est, & ultrò stomachi spatium minori superficie circumscribi tenetur: cùm verò subitanæ pressiones & contractiones fibrarum, seu momenta contractionum præpollentia auferant aut saltem imminuant momenta distractionum earundem, nulla quidem, aut iners fiet actio oscillatoria filamentorum stomachi, quæ ultrò communicata sanguini per venas & arterias stomachicas motum hujus vel imminuet, aut tollet, & sæpè, ac sæpiùs abviminuto, aut ablato motu partâ inflammatione Lypiria elaboratur. Secundò, à pressione & frigore ingestarum potionum succi dissolventes à glandulis ventriculi separandi, partâ glandularum inertia, quodammodò stagnant, imò impediunt, ne novi dissolventes succi opportunè separati necessariam ciborum solutionem promoveant, quinimò peristaltico motu Ventriculi, aut imminuto, aut læso

non ultrò promoventur ingesta, sed diutiùs retenta acescent, & corrumpentur dolore stomachi molestissimo. Tertiò, in frigidissimis portionibus particulæ aëris contentæ, nec non in cibis & potionibus, & hæ in ventriculo contracto collectæ durante frigoris momento, ab hoc compressæ fiunt, & contrahuntur in minora volumina; paulatim verò à calore viscerum circumscribentium coguntur expulso frigore quamproximè rarefieri in ratione compositâ densitatum aëris, densitate corporum calidorum agentium, & ex duplicatâ ratione agitationis corporum eorundem; cum verò vires elasticæ aëris quaquaversus expandi debeant, manifestum est ex tam adauctis rarefactionum viribus, summo nisu ac momento membranosos Ventriculi parietes, jamjam contractos per quamcunque directionem arietandos ac percutiendos fuisse, ut dolores ac tormina, convulsiones aliquando acerrimæ superveniant: ab hisce doloribus ac torminibus ultrò augetur fibrarum contractio, impeditoque, aut imminuto per gastricas venas ac arterias sanguinis circulo facilimè supervenire Lypiriam necesse est. Quartò, contractis stomachi fibrillis, & nimis refrigeratâ Ventriculi superficie, hepatis quoque superficies partim contactu, partim consensu contrahitur & frigescit; ob id glandulæ hepaticæ lentiori motu agentes separationi corporum ægrè obediunt, & obstructæ tumores, scirrhus, inflammationes facile generant; proinde Praxi Medicâ experti sumus in febrili frigoris accessione aquam quantumvis non frigidissimam incautè nimis epotam obstructions in Visceribus stomacho adjacentibus, aut consentientibus facilimè attulisse; ex similibus enim potionibus contractis Ventriculi membranis, & consensu fibrarum, membranarumque conspirantium communicatâ contractione glandulis Viscerum adjacentium, Hepatis videlicet, Lienis, Omenti & Mesenterii &c.; hæ pari lege contractæ, crispatæque non ea momenta distractionis & contractionis naturalia exercere possunt opportuna æquis motibus, justisque separationibus fluidorum: quamobrem homogeneæ fluidorum particulæ cum heterogeneis commixtæ, ac confusæ in glandulis viscerum, aut lentè separabuntur, aut consistent, ut gravissimis tumoribus indurescant.

30. Hisce itaque Vitiis fluidorum & solidorum reparandis Celeberrimus Vallisnerius moderatè calidorum aut tepescentium fluidorum usum sapienter consuluit, quorum operâ Momenta distractionis & contractionis fibrarum omnium in ratione homologâ agunt & reagunt, promoventur separationes corporum, sanguinis circulus sustinetur, & universale stomachi magisterium roboratur: Fatetur tamen immortalis famæ Præceptor, aliquando frigidissimas potiones concedi posse, dummodò ætas, temperies & calidissima temporis & morbi constitutio permittant; sed cautè, opportunis temporibus morbi, & debita quantitate, ac pondere tam grave suspectumque negotium agendum esse, utilissimo tractatu edocuit. Imposterum *Mechanices Remediorum* studio ac labore exarata Deo juvante Viam aperiemus. *FINIS Partis Tertiæ.*

I N D E X.

A.

Aer potest esse causa Diabetis & Diarrhœæ. pag. 43. & seq.

Aquæ frigidissimæ potus damnatur. 53.

Quando permitti possit? 54.

Æquilibrium mixtionis massæ sanguinis quid sit? 4.

C.

Calor præternaturalis in Sanguine quomodo fiat? 26. & seq.

D.

Divisio Februm in intermittentes & continuas. 4.

Dolor capitis in febribus. 40.

Diabetis causa. 41.

E.

Elementa actiosa & elastica quænam sint? & elementa inertia quænam? 5.

Elementa inertia majoris inæqualitatis respectu corporum elasticorum cohibere possunt elementa elastica minoris inæqualitatis per aliquam temporis differentiam. 25, 26.

Elementa elastica majoris inæqualitatis respectu corporum inertium minoris inæqualitatis nullo modo frenari possunt à corporibus inertibus, unde fit calor sine frigore in febribus continuis. 46, 47.

F.

Febrium definitio. 2.

Febres fiunt à vitio mixtionis elementorum sanguinis 3.

Fluida alia sunt homogenea, alia heterogenea. 10.

Frigoris causa in febribus. 21.

Febriles accessiones cur statutis temporibus redeant? 29, 30.

Febres Organicæ quænam sint? 19.

Quotidianæ regulares. 35.

Quotidianæ duplices. 36.

Lymphaticæ 37.

Tertianæ regulares. 37.

spuriæ 38.

Quartanæ legitimæ. 38.

spuriæ 38.

Ephemeræ. 38.

Continuæ. 47.

Inflammatoriæ. 48.

Erysipelatosæ 48.

Lypiriæ. 49.

Malignæ. 50.

Hæticæ. 52.

G.

Gulielminus laudatus. 4.

H.

Hermannus Jacobus laudatus 5.
Hepatitis 35.

L.

Lana Franciscus laudatus. 43.

M.

Media densitas, media crassities, medium pondus debent esse in statu naturali sanguinis. 9.
Michelottus Petrus Antonius laudatus 23.
Morgagnus Johannes Baptista laudatus. 28.

N.

Newtonus laudatus 11.

O.

Oscillatio fluidorum ljuvat, ut minimi canales aperti renentur. 5.

P.

Potiones frigidae cur damnentur in accessione frigoris? 53. 54.

R.

Ratio reciproca momentorum corporum elasticorum & non elasticorum sanguinis: vel reciproca massarum & velocitatum corporum eorundem, ut Lectorem monuimus, & pag. 2. 3. 11.
Item ratio homologa fluidorum & solidorum 11. & 19.
Pariter ratio homologa momenti distractionis & contractionis vasorum servandae sunt in statu naturali sanguinis, & naturali mixtione ejusdem. 19.

S.

Sanguis in febribus non semper peccat velocitate, sed tarditate. 3. 4.

Sanitas in quo consistat? 19. 20.

Sitis in febribus? 40.

Sudores in febribus 39

V.

Vigiliae in febribus 41.
Vomitus. 41.

Vallisnerius laudatus 53.

Verulamius citatus 22.

W.

Wolfius citatus. 22.

F I N I S.

Fig. 1




Fig. 2




Fig. 3




Fig. 4

